

*Return to
reservations
Boston Public Library*

Digitized by the Internet Archive
in 2011 with funding from
Boston Public Library

MELV S I N E
NOUV ELLEMENT
I M P R I M E E A T R O Y E S .



Chez N I C O L A S O V D O T Y , demeurant en la rue
nostre Dame, au Chapon d'Or. 1610.



COMME CE LIVRE FVT FAICT PAR
le commandement de Iean, Fils du Roy de France,
Duc de Berry & d'auuergne.



EN toutes œuures commencer on doit premierement appeller le nom du Createur des Creatures, qui est vray maistre & Seigneur de toutes choses faictes & à faire, qui doiuet aucunement tendre à perfection de bien, pource au commencement de ceste Histoire presente, combien que ie ne suis pas digne de le requerir, ie le supplie deuotement & sa haute & digne maiesté, que ceste presente Histoire m'ayde a acheuer & parfaire a sa gloire & louange, & au plaisir de mon puissant Seigneur Iean fils du Roy de France, Duc de Berry & d'auuergne, laquelle Histoire i'ay trouuée és Croniques que i'ay leuées de luy & du Comte de Salebry en Angleterre & en plusieurs autres Liures, ou i'ay cherché pour ce faire, & pource que sa noble Sœur Marie, fille de Iean Roy de France, auoit supplié à mon dict Seigneur d'auoir ladite histoire, lequel en faueur de ce à tant fait à son pouuoir qu'il à sçeu au plus pres de la verité, & m'a commandé de faire le traicté de l'histoire qui s'ensuit.

Et moy comme cœur diligent de tout mon sens ay fait veritablement au plus pres que i'ay peu. Si prie deuotement Dieu que monseigneur le vueille prendre en gré. Et commençay ceste Histoire le Mercredy de deuant la saint Clement en iuer, mil trois cens quatre vingt sept. Et aussi supplie a tous ceux qui la liront ou orront lire, qui me pardonnent mes fautes si aucunes en y a. Car ie l'ay traicté le plus iustement que i'ay peu, selon les Croniques que ie cuyde estre vraye.

LE Prophete Dauid, dit que les iugemens & punitions de Dieu sont abismes sans fonds & sans riue, & n'est pas sage qui telles choses cudes comprendre en son engin, & pense que les merueilles qui sont en l'vniuersel monde sont les plus vrayes, come on dit des choses qu'on appelle Faées, & comme est de plusieurs autres choses dont nous n'auons pas la cognoissance. Or ça donc la Creatures ne doit pas trop traualier par outrageuse presumption que le iugement de Dieu le createur vueille comprendre en son bon entendement: mais doit bien la creature en pensant soy esmer-

ueiller de celuy, & en soy esmerueillans considerer comme elle puisse dignement louer & glorifier celuy qui tellement iuge & ordonne de telles choses à son plaisir & vouloir sans contredict.

LA Creature de Dieu qui est raisonnable doit songneusement entendre, selon que dit Aristote, que les choses faictes çà bas & créées par la presence qu'elles ont en elles certifiēt estre telles qu'elles sont, comme dit Sainct Paul en l'Epistre qu'il fit aux Romains en disant. Que les choses qu'il à faictes seront veuës par la creance du monde: c'est à sçauoir pour les hommes qui sçauent les Liures, & adioustent foy auec auteurs qui ont esté deuant nous quand au cognoistre & sçauoir les Prouinces & estranges contrées les diuerses terres & Royaumes visiter, on trouue tant de diuerses merueilles selon comme estimation, & si noble que l'humain entendement est contraint de Dieu que ainsi qu'il est sans riuē & sans fons. Ainsi sont les choses si merueilleuses en tant de diuers pays que oneques homme depuis Adam n'eust cognoissance des choses inuisibles de Dieu, pourquoy ie me pense de iour en iour profiter en science en voir & ouyr plusieurs choses qu'on ne croit estre veritables, lesquelles si elles sont en ces termes cy. Je vous mets en auant pour les grands merueilles, qui sont contenues en ceste presente Histoire, dont ie vous pense en traicter au plaisir de Dieu, & au commandement de mon tres-puissant & noble seigneur.

Silaisserons à present les autres, & retournerons à ce que nous auons ouy dire veritablement à nos Anciens, & que cestuy iour auons ouy dire que au pays de Poitou on à veu des choses de fait pour coulourer nostre Histoire estre vraye comme nous la tenons, & de la demonstrier & publier par les vrayes Croniques & Histoire nous l'entendons. Nous auons ouy raconter par nos anciens qu'en plusieurs parties sont apparues à aucuns familierement en plusieurs manieres des choses lesquelles les vns appelloient Luytons, les autres Faees les autres bonnes Dames, & vont de nuict, & entrent es maisons sans huis rompre & ouvrir & ostent aucunes fois les enfans des berceaux, aucunes fois ils leur destournent la memoire, aucunes fois les bruslent au feu, & quand ils s'en partent ils les laissent aussi saints comme deuant, & aucune femme à face ridée de petite stature & font tantost les besongnes de nuict es Hostels liberallement, & ne faisoient aucuns mal & aussi dict qu'il auoit en son temps vn amy qui estoit vieil homme lequel racontoit pour certain qu'il auoit veu plusieurs fois de telles choses. Et dict encores ledict Geruaise, que lesdictes Dames se mettoient en guise de belles femmes, & en ont eu aucunes fois plusieurs hommes aucunes pensée & ont prins à femme, moyennant aucunes conuenance qu'ils leur faisoient iurer les vns qu'ils ne verroient iamais l'vn l'autre le samedy, ne ils ne les enquerroient qu'elles seroient deuenue en aucune maniere, les autres que si elle auoient enfans que leurs Maris ne les verroient iamais en leurs gesines, & tant que ils leur tenoient conuenance ils estoient en audience & en prosperité, & incontinent qu'ils deffailloient en ceste conuenance ils decheoient de leur bon-heur. Et les vnes d'elles se conuertissoient en serpens en plusieurs iours, & plus dict ledict Geruaise qui croit que ce soit pour aucuns m'effaits qui ont esté faits en la desplaisance de Dieu, parquoy il les pugnit secrettement & si merueilleusement dont nul n'en à la cognoissance, fors luy seullement. Et pource con-


te il les secrets de dieu abismes sans fons & sans riue : car nul parfaictement ne scait riens au regard de luy , combien que aucunes fois de sa prouision sont toutes choses sceües, non pas pour vn seul, mais pour plusieurs. Or voit on souuent que quant l'homme n'aura yllu de sa contrée, nonobstant qu'il ait veu de merueilleuses choses veritables, qui sont pres de son pays, pourtant iamais ne voudra croire par le dire ne ouy : si de fait ne le voyoit: mais quand est de moy, qui n'ay esté gueres loing ay veu des choses que plusieurs ne pourroient croire s'il ne les voyoient. Adonc dict ledict Geruaise & met l'exemple d'vn Cheualier, nommé Roger du Chasteau Roussel, en la Prouince de Acy, qui sus le serains trouua d'auenture vne femme en vne belle prairie, & la vouloit auoir à espouse, & de faict elle si consentit par telle conuenance que iamais il ne la verroit nuë & furent long temps ensemble & croissoit le Cheualier de iour en iour en grande prosperité.

Aduint que long temps apres il la voulut voir, & elle mist la teste en dedans l'eau & deuint serpent, & oncques puis ne fut veüe, & puis le Cheualier commença à decliner de toutes choses. Je ne vueil plus faire d'exemples, & ce que i'en ay faict est pource que i'entends traicter comme la noble fortetesse de Lusignan en fut fondée par vne Faée, sans appliquer aucune chose qui ne soit veritable, me orrez racompter de la noble lignée qui en est ysue, laquelle regnera tousiours iusques à la fin du monde, selon ce qu'il appert qu'elle à tousiours regné iusqu'à present: mais pource que i'ay premierement commencé à traicter des Faée ie vous diray dont celle Faée vint qui fonda la noble place & forteresse de Lusignan.



Comment le Roy Elinas de Albanie apres la mort de sa femme, chassoit en vn bois ou il trouua la Dame Presine laquelle il espousa.

Ly eut vn roy en Albanie: lequel fut vaillant homme, & dict l'histoire qu'il eut plusieurs enfans de sa premiere femme Nathas, qui fut Pere de Florimond, son premier fils. Ce dit Roy eut nom Elinas, & fut preux cheualier. Aduint que apres le trespas de sa premiere femme, il chassoit en vne Forest en laquelle y auoit vne belle Fontaine, en vn moment il luy print grand soif, si trouua vers ladicte Fontaine, & quand il approcha il ouit vne voix qui chantoit si melodieusemēt qu'il sembloit que ce fust vne voix Angeli- que: mais pour la douceur de la voix il entendit bien que c'estoit voix de femme. Adonc descendit de dessus son cheual, afin qu'il ne fist point grand effroy, & l'attacha a vne Branche, & s'en alla peu a peu vers la Fontaine le plus couuertement qu'il peut. Et quand il fut pres de la fontaine, il vit la plus belle dame qu'il eust iamais veue a son




aduis. Lors s'arresta comme esbahy de la grand beauté de ceste dame, qui tousiours chantoit si melodieusement que oncques fereine ne chanta si doucement, ainsi s'arresta, tant pour la beauté de la dame que pour la douce voix & son chant, & se mussa au mieux qu'il peut sous les feuilles des Arbres afin que la dame ne l'apperceust & oubliâ toute la chasse & la soif, qu'il auoit eue parauant, commença a penser au chant & a la grande

beauté de la dame tellement qu'il fust rauy, & ne sçeut s'il estoit iour ou nuict, & ne sçauoit s'il dormoit, ou s'il veilloit, & ne luy souuenoit de aucune choses fors qu'il oyoit la dame & ainsi demoura long temps en ce lieu.

Lors vindrent deux de ces chiens courans qu'il luy firent grand feste, & il treffaillit comme vn homme qui vient de dormir, & adonc luy souuint de la chasse. & eut si grand soif que sous aduis il alla à la Fontaine, & print le bassin qui y pendoit, & beut de l'eau, puis regarda la dame qui auoit laissé le chanter, & la salua humblement en luy portant le plus grand honneur qu'il peut: Et adonc elle qui scauoit mout de bien & d'honneur luy respondit gracieusement, dame, dist le Roy Elynas, ie vous prie de me dire de vostre estat & de vostre estre, & qui vous estes, car la cause qui me meurt est telle que ie vous diray: ma tres-chere dame que plaise vous sçauoir que ie sçay & cognois tant de l'estre de ce pays & d'environ que de quatre a cinq lieues ny a nul si meschant chasteau ne Forteresse: que ie ne sçache: excepté vn dont ie suis auourd'huy matin qui est euuiron deux grosses lieues d'icy, & que ie ne cognoisse les seigneurs & dame auxquels ils sont, pour ce ie m'esmerueille donc vne si belle dame comme vous estes, peut estre si despourueue de la compagnie, pour dieu pardonnez moy: car c'est a moy grand outrage de l'enquerre: mais le grand desir ma enhardy de ainsi le faire. Sire Cheualier dit la dame, il n'y a point d'outrage: mais ce vient de grande courtoisie & honneur. Et sçachez, sire Cheualier, que ie ne seray pas longuement seule: mais i'ay enuoyé de mes seruiteurs tandis que ie me deuisois. Lors vint parler a elle vn valet bien habillé sur vn courfier & menoit a dextre vn beau paleffroy tresrichement enharnaché. Adonc le Roy Elynas fut esbahy du noble atour & de la richesse qu'il vit entour ledict paleffroy, & dit en soy mesme qu'il n'auoit oncques veu si riche paleffroy ne atour. Lors le valet dit a la dame: ma dame il est temps de vous en venir quand il vous plaira, & elle luy respondit. De par dieu puis dit au Roy, sire cheualier a dieu vous commande & grand mercis de vostre courtoisie. Adonc elle alla au paleffroy pour monter, & le Roy s'auança, & luy ayda a monter doucement, & elle le remercia & s'en partit, & le Roy vint a son cheual, & môta dessus. Et lors vindrent tous ses gens qui le queroiét, & luy dirét qu'ils auoiét prins le Cerf & le Roy leur dit. Ce me plaist: puis comença a pèsér a la beauté de la dame, & la print si fort a aimer qu'il ne sçeut qu'elle cōtenâce prédre, & dit a ses gés

Allez vous en deuant, & ie vous fuiuray tãtoſt: ſi apperceurent bien que le Roy auoit trouu   quelque choſe, &    tant ſe departirent de luy: car ils ne luy oferont contredire. Adonc le Roy tira le frain de ſon cheual, & alla haſtiuement apres la Dame par le chemin ou il l'auoit veu   aller.

Comme Preſſine eut trois Filles du Roy Elynas, dont la premiere fut nomm   Meluſine, la ſeconde Melior, & la tierce Palatine.



ANT ſuiuit la Dame le Roy Elynas qu'il la trouua dedans vne grande foreſt, ou y auoit foifon D'arbres hauts & droicts & estoit en la ſaiſon que le temps estoit doux & gracieux, & le lieu de la foreſt estoit fort delectable. Et quand la Dame ouyt le frain du cheual du Roy Elynas qui venoit grand erre, elle dict a ſon valet, arreſtons nous attendons ce bon Cheualier: car ie croy qu'il nous vient dire vne partie de ſa volont  : dont elle n'estoit pas pour lors aduiſ  e: car nous l'auons veu monter fort penſif.

Dame dict le valet    voſtre bon plaisir. Adonc vint le Roy arriua de coſt   la dame c  me ſ'il ne l'eut oncques veu  , & la ſalua mout effroyement, car il estoit ſi ſurprins de ſon amour qu'il ne ſ  auoit qu'elle contenance faire. Adonc la dame, qui cogneut bi   que c'estoit & qu'elle aduiendroit    ſon entreprinſe: & luy dict Roy Elynas, que vatu tant apres moy ſi haſtiuement: emportay ie quelque choſe du tien. Et quand le Roy ouy nomm   ſon nom il fut esbahy: car il ne cognoifſoit point celle qui parloit    luy, & neantmoins il luy reſp  dit ma dame du mien n'emporter fors que paſſez parmy mon pays & c'est grand vilennie    moy, puis que vous eſtes eſtrangere, que ie ne vous re  oy honnorablement ce que ie ferois volontiers ſi i'estois en lieu propice pour ce faire. Lors la dame luy reſpondit. Roy Elynas ie vous tiens pour tout quitte, & vous prie que ſi vous ne nous voulez autre choſe, que ne laiffez pas de vous en retourner. Et le Roy reſpondit. Dame ie quiers autre choſe. Et quoy, dit elle: dictes le moy hardiment. Ma dame, dit le Roy: puis qu'il vous plaiſt ie le diray. Ie deſire plus que nulle choſe du monde d'auoir voſtre bonne grace. Par ma foy, dit elle: Roy Elynas en ce n'auuez riens failly: mais que vous n'y penſez que tout honneur, car ia homme n'aura m'amour en ſa vantance.

Ha ma dame, dit le Roy ie ne penſe en nul cas deſ honneſte. Adonc elle vit qu'il estoit eſprins de ſon amour & luy dict. Si me voulez prendre    femme par mariage, & me iurer que vous ne mettrez en peine de me voir en ma geſine, & ne ferez par voye quelconque que vous me voyez. Et ſe ainſi le voulez faire, ie ſuis celle qui obeyra    vous ainſi comme femme doit obeyr    ſon mary. Lors le Roy Elynas luy promiſt & iura de ainſi le faire.

Tantost apres ils furent eſpouſez, & menerent longuement bonne vie enſemble, mais ceux du pays du Roy Elynas furent esbahis qui estoit ceſte dame, combien qu'elle ſe gouuernast bien    droit, ſagement & vaillamment: mais Nathas qui estoit fils du Roy Elynas la hayoit par trop. Si aduint qu'elle fut enceinte de trois Filles, & les porta gracieuſement ſon temps, & les deliura au iour qu'il appartenoit. La premiere n  e eut nom Meluſine, la ſeconde Melior: & la tierce Palatine, le Roy Elynas n'estoit pas

lors en ce lieu: mais Nathas y estoit, lequel regarda ses trois sœurs qui estoient si belles que merueilles, Adonc il alla vers le roy son pere, & luy dist. Sire madame la royne Pressine vostre femme a enfanté les trois plus belles filles qui oncques fut ent veues venez les voir. Et le Roy Elynas qui ne se souuenoit de la promesse qu'il auoit faict a sa femme luy dist. Beau fils aussi feray ie, & s'en vint appertement, & entra en la chambre ou Pressine baignoit ses trois filles. Et quand il les vit il dit. dieu benie la mere & les Filles, & en eu grand ioye. Et Pressine l'oyant luy respondit.

Faux Roy tu m'as failly ton conuenant, dont grand mal t'en aduiendra & si m'as perduë à tousiours mais, ie sçay bien que c'est par ton Fils Nathas, & me faut partir soudainement: mais encores seray ie vengée de ton fils par ma sœur & compagne de l'isle perdue. Et ces choses dictes elle print les trois Filles & les emporta, oncques depuis ne furent veuë au pays.

Comment le Roy Elynas perdit sa femme & ses trois Filles.



QVand le roy Elynas eut perdu sa femme Pressine & ses trois Filles, & fut si esbahy qu'il ne sceut que faire ne que dire, mais fut sept ans quil ne faisoit que se plaindre & soupirer & faire tousiours piteuses lamentations pour l'amour de Pressine sa femme qu'il ayuoit de loyalle amour, & le peuple de son pays disoit qu'il estoit assoté, & de faict donnerent le gouvernement à son fils Nathas, lequel le gouerna vaillément, & tint son Pere en grand charité: puis les Barons du pays luy donnerent vne dame, qui estoit fille de Ieris, & deux yssit Florimond, dont dessus est faicte mention, qui depuis prins mout de peine, toutes-fois nostre Histoire n'est pas entreprinse pource, & ainsi nous en taisons, & retournons à nostre hystoire.

QVand Pressine fut partie avec ses trois filles elle s'en alla en auallon, nommée l'isle perdue, pour ce que nul homme tant y eut esté de fois, n'y scauoit retourner sinon de grand auenture, & illec nourir ses trois enfans filles iusques à l'age de quinze ans, & les menoit tous les matins dessus vne Montaigne haute, laquelle estoit nommée Melinos, qui vaut autant à dire en François comme Montaigne florie car de la elle voyoit bien la terre de Albanie & puis elle leur disoit en plorant. Mes filles voyez le pays ou vous fustes née, & auquel eussiez eu vostre bien & bon heur, si n'eust esté le dommage de vostre pere, qui vous & moy à mis en griefue misere iusques au iour du iugement de dieu, qui punira les mauuais & les bons en leurs vertus.

Comme Melusine enferma son pere le Roy Elynas pour venger sa mere, en vne montaigne nommé Brundelus, dont tresgrand mal luy en aduint.



ADonc melusine, la premiere fille luy demanda qu'elle fauceté vous faict nostre pere, parquoy nous auons ceste griefueté. Lors la dame racomta la maniere du faict ainsi quil estoit: puis melusine demanda à sa mere de l'estre du pays les noms des villes & Chasteaux de Albanie, & en racotant ses choses elles descendirent ensemble de la montaigne & reuindre en l'isle d'auallon. Adonc melusine tira à part ses deux sœurs melior, & Palatine, &

L'HISTOIRE DE

leur dit. Mes sœurs or regardons la misere ou nostre pere à mis nostre mere & nous, qui eussions esté en si grand ayse & honneur en nostre vie, que vous est-il aduis qu'il en soit bon de faire: car au regard de moy ie m'en pense bien venger: & ainsi que petit soulas à impetré à nostre mere par fauceté, aussi peu de ioye luy pensay ie faire. Adonc, elles luy respondirent. Vous estes nostre ainsnée sœur, nous vous ensuiurons & obeyrons à ce que vous en voudrez faire, & Melusine leur dit.

Nous devons monstrier bonne amour & estre filles loyales à nostre mere, i'ay aduisé s'il vous semble bon que nous enclorons nostre pere en la haute montagne de Northéebelande: nommé Brundelois: & en ceste misere sera toute sa vie. Ma sœur, dirent elles, or nous deliurons de ce faire, car nous auons grand desir que nostre mere soit vengée de la desloyauté que nostre pere luy à faicte. Et adonc les trois filles fitēt tant que par leur fauce condition elles prindrent leur pere & l'encloyrent en ladiēte montagne: & apres que tout fut faict elles reuindrent à leur mere & luy dirent. Dame il ne vous doit chaloir de la desloyauté que nostre pere vous à faicte, car il à son payement, & iamais ne partira de la montagne de Brundelois ou l'auons enclos, & la vsera sa vie en grand douleur: Na dist la mere comme l'avez vous osé faire mauuaises filles & tres-dure de cœur vous avez mal faict, quand par vostre orgueilleux courage vous avez ainsi pugny celuy qui vous à engendrées, cestoit celuy ou ie prenois toute la plaisirance que i'auois en ce monde: & vous me l'avez tollu, & scachez que ie vous pugnyray bien du merite selon la desserte. Toy melusine qui es la plus ancienne, & qui d'eusses estre la plus cognoissante, & tout ce est venu par toy: car ie scay biē que ceste chartre à esté donnée par toy à ton pere: & pour ceste cause tu en seras la premiere pugnie car nonobstant la verité du germe de ton pere, toy & tes sœurs eust attraict avec soy, & eussiez en brief esté dehors des mains de l'adventure des Iamphes & de Faées sans iamais y retourner, & deormais, ie te donne le don que tu seras tous les samedy serpent depuis le nombril en bas: mais si tu trouues homme qui te vueille prendre à espouse: & qu'il te promette que iamais le Samedy ne te verra ny ne le declarera à nulle personne, tu viuras ton cours naturel, & mourras comme femme naturelle, & de toy viendra mout noble & vaillante lignée qui sera grande, & de haute & prouesse, & si d'adventure tu estois decelée de ton mary tu retournerois au tourment auquel tu estois parauant, & seras tousiours sans fin iusques à ce que le treshaut Iuge tiendra son grand Iugement, & tu apparostras par trois iours deuant la foiteresse que tu seras & que tu nommeras de ton nom quand elle deura muer de Seigneur, & aussi quand vn homme de ta lignée deura mourir: & toy Meliorie te donne en la grande Armenie vn beau & riche Chasteau, ou tu garderas vn Espreuiel iusques à ce que le Redempteur tiendra son grand iugement: & tous cheualiers de noble lignée qui y voudront aller veiller la sur veille de la veille, le vingtiesme iour de ruin, sans sommeiller, auront de toy vn don des choses qu'on peut auoir corporellement, c'est à scavoir des choses terriennes, sans demander ton corps ou ton amour pour mariage ou autrement, & tous ceux qui te voudront demander sans eux deporter seront infortunez iusques à la neuuesime lignée, & seront dechassez leurs prosperitez du tout en tout. Et toy Palatine seras enclose dedans la montaigne de Guigo à tout le thresor de ton pere iusques à ce qu'un Cheualier viendra de vostre lignée, lequel aura tout ce thresor, & en aydera à conquerer la terre de permission & te deliurera de la. Adonc les trois filles, furent fort dolentes.

MELVSINE.

fort dolentes & se partirent de leur mere. Melusine s'en alla parmy grandes fore& & boscages. Melior s'en alla au Chasteau de l'espriuier en la grande Armenie. Et Palatine alla an la montagne de Guigo, ou plusieurs l'ont veüe, ne vous vueille desplaire si'ay ceste aduenture racôtée car c'est pour plus verifier l'histoire en laquelle ie veux entrer, mais ie vous diray comme le Roy Elinas declina ses iours.

Comme quand le Roy Elynas fut mort Presine sa femme l'enseuelit honorablement.



Lors le Roy Elinas fut long temps en la montagne, puis mourut.

Adonc vint Presine sa femme, & l'enseuelit en vne si noble tumba que nul n'en vit oncques de si noble & si riche, & y auoit en la chambre des richesse sans comparaison, & y estoient chandeliers d'or & de pierres precieuses, & aussi riches lampes braslant nuit & iour, & au pied de la tumba mise vne image d'Albastre, de sa hauteur & de sa figure, & estoit si belle que merueilles, & tenoit ladicte image vn tableau doré, auquel estoit es-crite ladicte aduenture, & la establit yn Geant pour garder ladicte image lequel estoit mout horrible, & tenoit tout le pays en la subiection, & aussi le tindrent apres luy plusieurs autres Geans iusques à la venue de Geoffroy à la grand dent, dont vous orrez parler cy apres. Or auez ouy du Roy Elinas & de Presine sa femme, si vous vueil dorresnauant commencer la verité & l'histoire des merueilles du noble Chasteau de Lu signen en Poitou & pourquoy il fut fondé.

SI dist l'histoire qu'il y eut iadis en la haute Bretaigne vn noble homme leque leuff. Snoise avec le Roy des Bretons, tellement qu'il n'osa plus demourer au pays mais print toute sa finance, & s'en alla hors du pays par les hautes montaignes. Adonc vn iour qu'il trouua sur vne fontaine vne belle Dame, laquelle luy dist toute son aduenture, & finalement se amouracherent l'vn de l'autre, & puis luy fist la Dame moult de confort, & commencerent en ce pays qui estoit desert, à bastir & fonder plusieurs villes & forteresses, & fut le pays en brief temps assez bien peuplé, & appellerent le pays Forests, pour ce qu'ils le trouuerent plein de boscages, & encores de present est appellé Forest. Or aduint que le cheualier & la dame eurent grand discord, ie ne scay pas comme ne pourquoy elle se departit si soudainement d'avec luy, dont il fut dolét, & non obstant il estoit en prosperité & honneur. Apres les nobles de son pays se pourueurent d'vne gentille damoiselle, qui estoit sœur du conte de Poitiers, qui regnoit pour le temps eut d'elle plusieurs enfans masles, entre lesquels y'en eust vn c'est a sçauoir le tiers, nommé Raymondin, qui estoit beau, gentil subtil & intellectif en toutes choses, lequel auoit quinze ans ou enuiron.

Comme le Comte de Poitiers manda au Comte de Forests qui se trouua à la feste qu'ils faisoit pour son fils.

L'HISTOIRE DE

EN ce temps le Comte de Poitiers tint vne grãde feste pour vn fils qu'ils auoit lequel il vouloit faire Cheualier, & n'auoit que cestuy fils qui auoit nom Bertrand, & vne fille qui auoit nom blanche. Adonc le Cõte Aymery manda belle compagnie pour l'amour de la belle cheualerie de son fils. Et entre les autres manda au Comte de Forests qu'il y vint, & qu'il amenaist trois de ses enfans, les plus aagez car il les vouloit veoir. Adonc le Comte de Forest y alla le plus honnestement qu'il peut, & y mena trois de ses enfans. La feste fut grande & en icelle furent faicts plusieurs cheualiers pour l'amour de Bertrand, qui fut faict cheualier, & aussi fut laisné fils du Comte de Forests lequel iousta mout vaillamment, & puis fut la feste continuée par huit iours, & fist le Comte de Poitiers de mout beaux dons, & au departir de la feste il pria au Comte de Forests qui luy laissast Raymondin son nepueu, & qu'il ne se souciaist iamais de luy & qu'il le pouruoirroit bien.

Et le Comte de Forest luy octroya, demoura Raymondin avec le Comte de Poitiers son oncle qui l'ayma fort & ainsi se partit la feste honorablement. Et à tant se taist l'histoire de parler du Comte de Forests, lequel s'en alla avec ses deux autres enfans, & commence à parler de Aymery, & de Raymondin.

*Comme le Comte de Poitiers demanda au Comte de Forest d'auoir
Raymondin, lequel luy accorda.*

OR l'histoire nous racomte que ledict Comte Aymery fut pere de saint Galien, lequel fut comte, & delaisa possessions mondaines pour seruir nostre Seigneur, & se mist en la religion des blancs manteaux, & de ce ne vous feray pas grand propos, mais vueil proceder auant en nostre histoire. Cestuy Comte Aymery fut mout vaillant, & ayant tousiours noblesse, & fut sage en astronomies, & autres sciences. Et sçachez qu'il aymoit fort Raymondin, lequel aussi l'aymoit pareillement & s'efforçoit de le seruir & luy faire plaisir. Or ledit comte auoit plusieurs bon chiens, oyseaux, de proye, chiés de grosse chasses, & de toutes manieres. et vn iour vn forestier le vint aduertir qu'en la forest de Coulombiers estoit le plus merueilleux Porc qu'on eust veu de long tẽps, & qu'il auroit beau deduit s'il y vouloit aller. Il me plaist bien, dist le Comte, faictes que les chiens soyent prests demain, & nous y rons a la chasse. Monseigneur, dist le forestier, il sera ainsi faict: puis s'en alla apprester tout ce qui appartenoit pour la chasse.

Comme le Comte de Poitiers alla chasser & Raymondin alla avec luy.

QUAND le iour fut venu le Comte Aymery se partit de Poitiers & avec luy plusieurs Barons & cheualiers & estoit Raymondin aupres de luy monté sur vn coursier l'espée ceinte & l'espieu sur le col. Et quand ils furent arriuez en la forest, ils commencerent à chasser, & fut trouuée le porc qui estoit fier & orgueilleux, & deuora plusieurs alzans & lieures, & print son cours parmy la forest: car il estoit eschauffé. Et lors



commença à le suiure: mais le porc ne doutoit rien & se mouuoit tellement qu'il n'y auoit si hardy chien ne leurier qui l'osast enferrer. Adonc vindrēt cheualiers & Escuyers: mais il n'y auoit si hardy qui osast mettre le pied à terre pour l'enferrer. Puis vint le comte disant a haute voix. et comment ce fils de truye nous esbahyrait tous,

quand Raymondin ouyt ainsi parler son oncle, il eut grand vergōgne & descendit de dessus son cheual l'espee au poing, & s'en alla vers le porc & le ferit par grand haine, & le porc se retira vers luy, & le fist choir

à genoux: mais bien tost il sauta comme preux & hardy & le cuyda enferrer: mais le Porc s'enfuit, & commença à courir par telle maniere qu'il n'y eut cheualier ne chien qui n'en perdist la veue, & fors le Comte, & Raymondin, qui estoit remonté, le suiuit si asprement deuant le Comte & tous les autres, que le comte auoit grand paour que le porc ne lasolast, & luy cria. Beau nepueu Raymondin laissez ceste chose, que maudit soit celuy qui la nous annonca, car si le fils de la truye vous affole iamais ie n'aurez ioye au cœur: mais Raymondin qui estoit eschauffé, ne reputoit pas sa vie ne fortune bonne ne mauuaise qu'il luy aduint, & le suiuoit fort: car il estoit bien monté: & le Comte le suiuoit aux traces qu'il voyoit.

Lors tous les cheuaux se commencerent à eschauffer, & demourerent derriere excepté le comte & Raymondin & tant passerent qu'il fut nuit obscure. Et adonc le Comte & Raymondin s'arresterent sous vn grand arbre. Lors le Comte dist à Raymondin: Beau nepueu nous demourons icy iusques à ce que la lune soit leuée. Et Raymondin luy respondit.

Sire ainsi qu'il vous plaira, si descendit & print son fusil & fist du feu, & tantost apres se leua la Lune belle & claire, & les estoilles luyfantes. Adonc le Comte scauoit de l'art d'astronomie, regarda au Ciel & vit les estoilles & l'air, & puis la Lune qui estoit sans tache de nulle obscurité Si commença à souspirer: puis dist. Ha vray sire Dieu comme sont grandes les merueilles que tu as laissees la sus de cognoistre parfaitement les vertus & les natures merueilleuses de plusieurs & diuerfes cōditions de choses & de leurs expeditions, ce ne pourroit estre parfaitement, si tu ny espandois aucunement le scauoir de ta planiere & diuine grace, & especiallement de ceste merueilleuse aduenture que ie voy cy presentement és estoilles que tu as la sus assises, par la haute science d'astronomie, dont vray Sire tu m'as presté vne des brāches de cognoissance, dequoy ie te dois remercier de cœur parfait en la haute maiesté ou nul ne se doit comparer. O vray Dieu comme pourroit ce estre raisonnablement, si ce n'estoit en ton horrible iugement, quand à cognoissance humaine: car nul homme ne pourroit auoir bien pour mal faire. Et nonobstant ie voy bien par ta haute science & aussi de ta

L'HISTOIRE DE

saîcte grace que mas presté la cognoissance de sçauoir cognoistre que cest & aussi dōt ie suis esmerueillé. Lors commença à souspirer plus que deuant.

Adonc Raymondin qui auoit allumé le feu, & qui auoit ouy en partie ce que le cōte Aymery auoit dit. Monseigneur le feu est bien allumé, venez vous chauffer: car ie cuide qu'en peu de temps viendront aucunes bonnes nouuelle, & ie croy que la venaison soit prinse, j'ay ouy ce me semble, bruiēt de chiens. Il ne m'en chaut guetes dit le Comte, mais de ce que ie voy. Et lors de rechef regarda vers le ciel & souspira mout profondement. Et Raymondin qui tant l'aymoit, luy dist Hamon cher seigneur & redouté oncle: pour Dieu laissez la chose estre: car n'appartient pas à vn si haut Prince comme vous estes de mettre le cœur d'enquerre tels arcs ne telles choses: car il conuient & sera bien fait de remercier Dieu, qui vous à pourueu de si haute & si noble seigneurie & possessions terriennes: dont vous en pouuez bien passer s'il vous plaist: mais de vous donner courroux & ennuy pour telles choses qui ne vous peuent ayder ne nuire, c'est simplesse à vous. Ha fol, dit le Comte, si tu sçauois les grandes richesses & merueilleuses aduentures que ie voy, tu en serois esbahy, & Raymondin, qui ne pensoit en nul mal, respondit. Monseigneur plaie vous de me le dire si c'est chose que ie puisse faire, & si c'est chose que ie puisse ou doieue sçauoir. Tu le sçauras dist le Comte & ie voudrois que Dieu ne le monde ne t'en demandast riens, & l'adueture te deult aduenir de moy mesme car ie suis de formais vieux & anciens, & ay des amis assez pour tenir mes seigneuries: & l'aduenture est telle que si à ceste heure vn subiet occisoit son Seigneur qu'il deuiendroit le plus puissant & le plus honoré qui oncques faillit de son lignage & de luy procederoit si noble lignée qu'il en seroit mention iusques à la fin du monde. Raymondin respondit qu'il ne pouuoit iamais croire que ce fust chose veritable, & contre raison seroit que homme fust bien pour mal faire, ne pour cōmettre telle trahison. Or ie croy bien, dit le comte, qu'il est ainsi que ie te le dis. Si ne croyray ie pas, dist Raimondin: car ce n'est chose que me faciez croire, & lors commencerent fort à penser.

Et adonc ouirent au long du bois vn grand effroy & desrompre les menus ramonneaux. Lors print Raymondin son espée qui estoit à terre, & le Comte tira aussi la siēne, & attendirent long temps ainsi en pensant que c'estoit, & se mirent au deuant du feu du costé ou ils ouirent les rames rompre, & en tel estat demourerent tant qu'ils virent vn Porc sanglier merueilleux & horrible mout eschauffé, lequel venoit droit à eux monstrant les dents. Adonc Raimondin dist. Monseigneur montez sur quelque arbre que ce sanglier ne vous face mal, & m'en laissez conuenir. Ia ne plaie à Dieu dist le Comte, que ie te laisse en telle aduenture. Et quand Raymondin ouit ce il se mist au deuant du sanglier l'espée au poing par bonne volonté de le destruire, & le sanglier se destourna & alla vers le Comte, Adonc commença la douleur de Raymondin, & le grand heur qui de puis en aduint de ceste tristesse.

*Comment Raymondin occist le Comte de Poitiers
son Oncle.*



Vand raimondin fut venu deuers le sanglier pour le destourner, afin
 qu'il ne vint point sur son seigneur: le sanglier se destourna incontinct
 de sa voye & courut vers le comte grand erre. Et quand le comte le vit
 venir il regarda entour luy, & vit vn espieu, si mist son espée au foureau
 & print l'espieu & le baissa. Adonc le sanglier vint à luy: & le côté qui
 scaoit mout de la chasse, l'eferra en l'escu la pointe de l'espieu qui fut
 fort agu: mais le cuir du sanglier ietta le côté à genoux, & adonc vint raymondin cour-
 rant & tenant espée. & cuida ferir le sanglier entre les quatre iambes: car le sanglier
 estoit cheut à reuers du coup que le comte luy auoit donné, mais Raymondin attai-
 gnit le sanglier du trenchât de l'espée sur les foyes du dos, car il venoit d'une grand ro-
 deur, & l'alumelle de l'espée eschappa par dessus le dos du porc & s'en vint le coup at-
 taindre le comte, qui estoit cheut à genoux, par le nôbril, & le perça tout outre iusques
 au dos. Ce faict Raymondin frapa le porc tout mort: puis vint au côté & le cuida leuer,
 mais ce fut pour neant: car il estoit mort. Et quand raymondin apperceut la playe & le
 sang faillir il fut fort courroucé, & cōmença a crier en plorant & gemissant, & le regar-
 da en faisant les plus grands lamétations que iamais on vit faire à homme, & disoit. ma
 fauce fortune comme es tu si peruerse que tu mas faict occire celuy qui parfaictement
 bien m'aymoit, & qui tant de biens m'auoit faits. He Dieu le pere tout puissant, ou te-
 ra ores le pays ou ce faux pecheur se pourra tenir: car tous ceux qui auront parler de
 ceste mesprison me iugeront, & à bon droit à mourir de honteusc mort: car plus fauce
 ne plus mauuaise trahison ne fist pecheur. Ha terre ouure toy & m'égloitit & me met
 avec le plus obscur Ange d'Enfer, qui iadis fut le plus beau des autres: car ie l'ay bien
 desseruir. En ceste douleur & tristesse fut raymondin par long temps & fut fort cour-
 roucé & péfif, & s'aduisa en luy mesme & dist. Monseigneur, qui la gist me disoit que
 si vne telle aduventure me venoit que ie serois le plus honnoré de mon lignage mais ie
 vois bien tout le contraire, car ie seray le plus mal'heureux, & des-honoré & aussi ie
 l'ay bien gagné Or non obstant puis qu'il ne peut estre autrement, ie me destourneray
 de ce pays, & m'en iray querir mon aduerture telle que Dieu me la voudra donner en
 aucuns bon lieu ou ie pourray bien amender mon peché s'il plaist à Dieu. Adonc ray-
 mondin vint à son seigneur, qui estoit mort & le baissa en plorant de si triste cœur qu'il
 ne pouuoit dire mot, puis mit le pied en l'estrier & monta sur son cheual & se partist
 tenant son chemin à trauers la forest tout desconforté & cheuaucha fort, & ne sca-
 chant qu'elle part: mais à l'aduventure, demenant si grand dueil qu'il n'y à personne qui
 peust penser de dire la quinte partie de sa volenté.

Q Vand Raymondin fut partit de son Seigneur, & l'eust laissé mort aupres du feu,
 & aussi le sanglier il cheuaucha parmy la forest qui approcha enuiron la minuiet
 d'une fontaine Faée, nommée la fontaine de soif, & aucuns du pays la nommēt la faée
 pource que plusieurs merueilles y estoient aduenus au temps passé. Et estoit la fontai-
 ne en vn merueilleux lieu, car il y auoit vne grande Roche au dessus de ceste fontaine,
 & au long y auoit vne belle prairie pres la haute forest. Or la lune luy soit toute claire,
 & le cheual emportoit Raymondin à son plaisir ou il vouloit aller, car aduis n'auoit à
 aucune chose pour la desplaisance qu'il auoit en luy mesmes, son cheual le porta tāt en
 cest estat qu'il aprocha de la fontaine, & y auoit lors trois dame qui la s'esbatoiet, entre

L'HISTOIRE DE

esquels y en auoit vne qui auoit plus grande auctorité que les autres, car elle estoit eue Dame, & de ceste vous vueil parler.

Comme Raymondin vint à la fontaine & trouua Melusine & deux Dames avec elle.



R

Aymondin estant ainsi pensif & plein d'ennuy du meschef qui luy estoit aduenu, ne scauoit ou il estoit, ne ou il alloit: ny ne cōduisoit son cheual en nulle maniere: mais al-

loit à son plaisir sans qu'il luy tirast la bride, & Raymondin ne voyoit ne entendoit, & en ce point passa deuât la fontaine ou les dames estoient, sans ce qui les vit, & de paour que le cheual eut quand il vit les dames, il fist grand effroy, & emporta Raymondin à grand erre. Et adonc celle qui estoit la plus grande des autres dames, leur dist. Cestuy qui est passé par là semble estre vn gentil homme, & toutes fois il ne le monstre pas, mais monstre qu'il est gentil homme de rudesse quand il passe deuant dames sans les saluer, & tout ce disoit elle par conuoitises: afin que les autres n'apperceussent ce a quoy elle tendoit, car elle scauoit bien comme il estoit à Raymondin: puis elle leur dit le le vois faire parler: car il semble qu'il dorme. Lors se partit & vint vers Raymondin: & print le frain du cheual, & l'arresta en disant. Sire vassal il vous vient de grad orgueil ou rudesse d'ainsi passer par deuant Dames sans saluer, combien que orgueil & rudesse peuuent estre ensemble en vous: & à tant se teust la dame, & il ne l'ouyt point, & ne luy respondit mot. Et elle comme courroucée, luy dit de rechef. Et comment sire musard, estes vous si despitieux que ne me daignez respondre, & encores il ne luy respondit mot. Si dist la dame en soy mesmes. Je croy que ce ieune homme dort sur son cheual, ou il est sourd & muet: mais ie le feray bien parler, si iamais il parla. Adonc elle le print par la main, & le tira fort en disant. Sire vassal dormez vous. Lors Raymondin fremist, comme vn qui se reueille en sursaut, & mist la main à l'espee cuidant que les gens du comte son oncle, lequel il auoit laissé mort en la forest, luy vinssent sus. Et quand la dame apperceut qu'il estoit en tel estat, & sceut bien qui ne l'auoit encores veue, elle luy dit, comme en riant. Sire vassal à qui voulez vous commencer bataille, vos ennemis ne sont pas icy, & sçachez que ie suis de vostre party. Quand Raymondin l'ouyt il la regarda, & apperceut la grand beauté qui estoit en elle, & s'en esbahit fort, car il luy sembla que iamais si belle dame ne auoit veüe. Adonc il descendit de son cheual: & s'enclina vers elle en disant. Ma dame pardonnez moy mon ignorance & villénie que ie ay fait: enuers vous, car i'ay trop mespris: & ne vous auoye veue ne ouye quand vous me tirastes par la main, & sçachez que ie pensois à vn mien affaire qui mout me touche au cœur, & ie prie à Dieu qu'il me donne force & puissance de moy amender enuers vous & de sortir hors de ceste peine a mon honneur. C'est bien dist, dist elle, car à toutes choses commencer on doit tousiours appeller le nom de Dieu à son aide, & ie croy bien que vous ne m'auyez ouye n'entendue: mais ou allez vous maintenant dictes le moy, & si ne sçavez bien le chemin ie vous ayderay à le te-

nir, car il n'y a voye ne sentier que ie ne sçache bien: & de ce vous fiez en moy hardiment. Ma dame, dist Raymondin grand mercy de vostre courtoisie, & sçachez puis qu'il faut que ie le vous die: que i'ay perdu mon chemin par la plus grãd partie du iour iusques à maintenant, & encores ie ne sçay ou ie suis. Adonc elle vit qu'il se celoit fort d'elle, si luy dist. Bel amy Raymondin rien ne faut celer, car ie sçay bien comme il vo^o va. Quand Raymondin ouyt qu'elle le nommoit par son nom, il fut esbahy, qu'il ne sceut que respondre. Et elle, qui bien apperceut qu'il estoit honteux de ce qu'elle scauoit tant de son secret luy dist. Raymondin ie suis celle apres Dieu qui mieux te peut conseiller & auancer en ceste mortelle vie, & que tous les malefices tu reuertis en biens ne te vaut de te celer, car ie sçay bien que tu as occis ton seigneur, tant par mesprison comme cas volontaire: combien qu'en ceste heure tu ne le cuidois pas faire, & ie sçay bien toutes les parolles qu'il te dist part art d'astronomie, dont en son viuant il estoit bien garny. Quand Raymondin ouyt ce, il fut plus esbahy que deuant, & luy dit Treschere dame vous me dites la verité, mais ie m'esbahis comme vous le pouuez si bien scauoir, & qui vous la si tost annoncé, & elle luy respondit.

Ne t'en esbahis point, car ie sçay la verité de ton fait, & ne cuide pas que ce soit fa-
 tosmine ny œuures diabolique de moy & de mes parolles, car ie te certifie que ie suis de
 par Dieu, & crois comme bonne Catholique doit croire. Et seache que sans moy &
 mon conseil tu ne peux venir afin de ton fait: mais si tu veux croire les parolles que t^o
 seigneur te dist, elle te seront mout profitables, à l'aide de Dieu ie te dis que ie te feray
 le plus grand seigneur qui fut oncques en ton lignage, & le plus grand terrien de tous.
 Quand Raymondin entendit la promesse, il luy souuint des parolles que son oncle luy
 auoit dites, & considera les grands perils ou il estoit exilé, mort & dechassé du pays ou
 il pourroit estre cogneu, si aduisa qu'il se mettroit a l'aduenture de croire la dame ce
 que elle luy diroit: car il n'auoit que vne fois à passer le cruel pas de la mort puis luy
 respondit humblement. Ma dame ie vous remercie de la grande promesse que m'of-
 frez car sçachez que ce ne demourera pas par moy à faire par trauail que puissiez adu-
 ser, que ie ne face a vostre plaisir, & tout ce que vous commanderez, si c'est chose pos-
 sible à faire, que Chrestien puisse ou doieue faire par honneur.

Raymondin, dist la Dame, c'est dit d'un franc cœur: car ie ne vous diray ne conseil-
 leray chose dont bien ne doieue aduenir: mais premierement il faut que me promettez
 que vous me prendrez à femme, & ne faictes aucune doute de moy que ie ne suis de
 par Dieu. Adonc Raymondin luy dist & iura. Madame puis que vous m'affermes qu'il
 est ainsi ie feray a m^o pouuoir tout ce que vous voudrez & commãderez & vous pro-
 mets loyaument que ainsi le feray. Or Raymondin, dist elle, il faut que iurez autre
 chose. Madame, dist il quoy plus ie suis tout prest, si c'est chose que ie puisse bonne-
 ment faire Ouy, dist elle, & ne vous peut tourner a preiudice: mais tout a bien.

Vous me promettez encores sur tous les sermens que homme vray Catholique &
 de bonne foy peut faire & iurer que iamais tãt que serrez en vostre compagnie le iour
 du Samedy vous ne mettrez peine. & ne vous efforcerez en maniere quelconque de
 me veoir ne enquerir le lieu ou ie seray. Lors Raymondin luy dist: Par le peril de mon
 ame ie vous iure que iamais en ce iour ie ne feray chose qui soit a vostre preiudice, ne
 qui y puisse estre: mais en tout honneur, & ne feray, ne diray ne penseray chose fors
 en qu'elle maniere ie pourray mieux accroistre en valeur vous & vostre lignée.


L' HISTOIRE DE

Quand Rāymondin eut ce dit & iuré, la dame luy dist. Bel amy Raymondin ne faites aucune doute de chose que ce soit: mais allez droit à Poitiers & quand vous y serez vous y trouuerez plusieurs veneurs qui sont venus de la Chasse, lesquels vous demanderons nouvelles du comte vostre oncle, & vous leur respondrez. Comment n'est il pas reuenu, & ils diront que non, & vous leur direz que vous ne l'avez veu depuis que la chasse commença à estre forte, & que lors vous le perdistes en la forest & vous esbahilez fort comme feront les autres, & apres ce viendront les veneurs & autres de ces gens qui apporteront le corps tout mort en vne litiere, & fera aduis que la place soit faite de la dent du sanglier & diront que le sanglier l'aura tué & encores diront ils que le comte aura tué le sanglier, & luy inetront sus, & le tiendront à grand vaillance plusieurs. Ainsi la douleur commencera grande.

Le comte Bertrand son fils, & Blanche sa fille & les autres de sa famille grands & petits feront dueil, & vous le ferez avec eux, & vestirez la robe noire comme les autres, & apres que tout ce noblement sera fait le terme sera assigné que les Barons deuront faire hommage au ieune comte. Et quand les choses seront ainsi faites & ordonnée vous rerournerez a parler a moy le iour de deuant que les hommages se deuront faire & vous me trouuerez en ceste propre place: & a ce departement qui proprement n'est pas departement, tenez mon doux amy pour nos amours ensemble commencer ie vous donne ces deux verges, de lesquelles les pierres: ont grande vertu l'vne a ce que celuy a qui elle sera donnée par amour ne pourra mourir par nul coups d'armes quand il aura sur luy: l'autre est que celuy à qui elle sera donnée aura victoires contre ces malueillans, soit en plaiderie ou meslées. Et pourtant allez vous en seurement mon amy.

Adonc il print congé de la Dame, en l'accollant & baisant doucement, comme celle en qui il se confioit de son amour que tout ce qu'elle disoit il affermoit estre verité, & il auoit raison comme vous orrez cy apres.

Comme Raymondin par le conseil de sa dame alla à Poitiers.



SImontaa cheual Raymondin. Et la dame le boutra au chemin de poitiers, & au departir il fut dolent: car il aimoit tant sa compagnie qu'il eust bien voulu estre tousiours avec elle, & pource que si bon conseil luy auoit donné par sa subtilité.

Adonc en pensant cheuaucha vers Poitiers, & la dame retourna a la fontaine ou les dames l'attendoient Et icy se taist l'histoire de parler d'elle. Tant cheuaucha Raymondin qui fut a Poitiers,

MELVINE:

à Poitiers, ou il en trouua plusieurs qui s'en retournoient de la chasse les aucuns dès le soir, les autres au matin lesquels luy demanderent ou est mon seigneur : Comment dit Raymondin n'est il pas venu: & ils dirent que non & il leur dit, ie ne le vis oncques depuis que la chasse commença, & que le sanglier se commença a eslargir des chiens & tandis qu'ils parloient de ceste matiere, les gens venoient de la challe les vns apres les autres, & demandoient nouvelles du comte, & chacun disoit comme Raymondin, & disoient aucuns que onc n'auoient veu si outrageuse chasse, & si merueilleux sanglier courir si outrageusement. Adonc chacun s'esmerueilloit de ce que le comte demouroit tant, & le vindrent attendre a la porte pour sçauoir s'il venoit, & y furent long tēps en l'attendant. Et rousiours venoient gens qui disoient comme les autres, & qu'ils auoient esté toute la nuict esgarée parmy la forest sans auoir cognoissance ne voye. Adonc ils s'esmerueilloiet fort, & aussi faisoit la comtesse, qui estoit en la salle de Poitiers: mais tantost ils furent plus couroucez.

TAnt attendirent a la porte ceux qui estoient avec Raymondin, qu'ils virent approcher vne grande troupe de gens: & quand ils furent pres, ils entendirent mout de piteuse voix qui lamentoient dont ils furent esmerueilles, & adonc commencerēt plusieurs a douter qu'ils n'eussent aucun empeschement de leur seigneur, & attendirent de ceux qui apportoit leur seigneur se commencerent plus forr a escrier, disant Plorez, plorez, vestez vous tous de noir, car le fils de truye nous a tué nostre seigneur le comte Aymery: & apres le corps estoient deux veneurs qui apportoit le sanglier qui estoit mout grand, & entrerent en la cité demenant grand dueil: & lors virent la biere ou le comte estoit tout mort. Et se voyant ses hommes commencerent piteusement a crier. Ha maudit soit de Dieu qui ceste chasse anonça, & la fut la douleur si grande que onc homme ne vit la pareille: & en faisant tel dueil vindrent au palais, & la fut le corps descendu, & pource qu'on ne doibt mener dueil si longuement ie m'en passe briefuement. Adonc la Comtesse & ses enfans menerent grand dueil & aussi les barons, & la commune du pays. Et semblablement Raymondin lequel faisoit plus grand dueil que nul des autres, & se repentoit de son meffaiçt, tellement que si ne fut l'esperance du confort qu'il prenoit de sa dame, il ne se fust peu tenir qu'il ne leur eust dit son aduenture pour la grand contrition qu'il auoit de la mort de son seigneur. Or ie ne vueil pas longuement parler de ceste matiere. Apres que l'obsequie fust fait noblement & richement en l'Eglise nostre Dame de Poitiers, selon la coustume, les bonnes gens du pays furent dolens d'auoir perdu leur seigneur, & de chaude colle prendrent le sanglier, & le bruslerent deuant l'Eglise. Adonc les Barons du pays reconforterent la dame & ses deux enfans, & tant firent que sa douleur allegerent mais la douleur de Raymondin croissoit tousiours de plus en plus, & tant fist le conseil que les barons du pays furent mandez à certain iour pour faire hommage à leur seigneur, le fils du comte du releuages de leurs terres & fiefs: & quand Raymondin le sceut il monta à cheual, & tout seul sortit de Poitiers, & entra en la forest pour venir tenir son cōuenant à la dame.

*Comme Raymondin retourna a sa dame & vit vne chapelle que
il n'auoit jamais n'auoit veue.*



Ant cheuaucha Raymondin qu'il arriua à Coulombiers, & lavié la valée & se mist sur la montaigne tant qu'il apperceut la prairie qui est sous la roche qui estoit au dessus de la fontaine de soif, & vit vn hostel fait de pierres en maniere d'une chapelle. Et quád il approcha il vit deuant luy plusieurs damoilles & seigneurs qui luy firent grand feste, & vne d'elle luy dit Sire descendez & venez vers ma dame qui est en son paillon. Lors raymondin descendit & alla vers la dame, laquelle le print par la main & le mena dedans le paillon, & se assirent sur vne couche, & tous les autres demorerent dehors. Adonc elle luy dist. Mon amy ie scait bien que vous auez tenu tout ce que ie vous auois introduict, si en auray desormais plus grande fiance en vous. Dame, dist raymondin, i'ay trouué si bon commencement en vos parolles que vous ne me scauriez commander chose que ie ne vueille faire à vostre plaisir. Raymondin, dit elle pour moy n'entreprendez chose dequoy ne veniez à chef. Adonc vint vn cheualier qui s'agenouilla deuant elle, & luy dist. Madame tout est prest, & luy dist. Couurez vous beau sire: puis se leuerent Raymondin, & la dame, & se assirent à table, & aual le paillon auoit beaucoup d'autres tables dressées ou auoit mout d'honorables gens assis. Et quand Raymondin vit si grand appareil, il demanda à la dame dont tant de peuple luy estoit venu, & la dame ne luy respondit rien, parquoy il demanda de rechef. Ma dame dont vous viennent tant de gens. Mon amy, dist elle, ils sont tous à vostre commandement pour vous seruir, & mout d'autres que ne voyez pas. A tant se teut Raymondin & on apporta les mets en grand habondances: & apres disner & qu'ils eurent lauez les mains & toutes choses faites, la dame print Raymondin par la main, & le mena seoir sur sa couche & chacun s'en alla ou ils deuoient selon leur estat.

Raymondin mon amy dist la dame: demain est le iour que les Barons de Poitiers doiuent faire hommage au ieune comte Bertrand, & scachez qu'il vous y faurestre, & faire ce que ie vous diray s'il vous plaist. Or entendez & retenez mes parolles. Vous attendrez que tous les barons ayent fait leur hommage, puis vous tirerez auant & demanderez au ieune comte vn don pour le salaire que oncques fistes à son pere, & luy dictes que ne luy demandez ville ne chasteau, ne autre chose qui gueres luy coust: & ie scait bien qu'il le vous accordera: car ses barons luy conseilleront & quand il vous aura accordé vostre requeste, demandez luy ceste Roche, & à l'environ autant de place que vn cuir de cerf peut comprendre, & il le vous donnera si franchement que ny pourra faire empeschement. Et quand il le vous aura accordé: Prenez en lettre seellées du seel de la comté, & des seels des Pers du Pays, & ce fait en vous en venant vous trouuez vn homme portant en vn sac vn cuir de cerf courroyé, si l'achetez tout ce qu'il le vous fera, & puis faictes tailler ce cuir en vne courroye le plus delié qu'on pourra faire, & puis vous faictes deliurer vostre place, laquelle trouuez toute taillée la ou il me plaira qu'elle soit assise, & au raporter les bouts ensemble si la courroye croist, faictes le ramener contre vall la valée: & illec sortira vne fontaine ou naistra & courra vn ruisseau assez grand: qui au temps aduenir fera grand bien en ce pays. Allez & faites hardiment mon amy, & n'ayez doute, car toutes vos besongnes seront bonnes & bien faictes, & vous en reuenez icy à moy le ledemain qu'on vous aura deliuré vo

estre don, & en prenez lettres. Adonc il respondit. Madame ie feray à mō pouuoir tout à vostre plaisir. Lors s'entrebaïserent & prindrent congé l'vn de l'autre, & Raymondin monta a cheual & alla vers Poitiers.

Comme apres que les Barons eurent faitz hommage au ieune comte, Raymondin luy demanda vn don, lequel il luy accorda.



Lors Raymondin cheuaucha tant qu'il arriua à Poitiers ou il trouua grād quantité de hauts Comtes & Barons, qui la estoient venus pour faire hommage au nouueau comte Bertrand, qui luy firent grand honneur, & se louerent fort, & le lendemin vindrent ensemble à saint Hilaire de Poitiers, & la firent le seruice riche & honorable, & a cestuy seruice fut le ieune comte en estat de chanoine comme vn Abbé, & y fist son deuoir comme il appartenoit, & estoit accoustumé. Adonc vindrent les barons qui luy firent hommage. Et quand ce fut faitz Raymondin se tira auant humblement, & dist. entre vous messeigneurs & nobles barons de la comté de Poitiers plaïse vous entendre la requeste que ie vueil faire à monseigneur le comte, s'il vous semble qu'elle soit bien raisonnable, que vous plaïse de luy prier qu'il me la vueille accorder: & les barons luy respondirent: volontiers nous le ferons, si vindrent tous ensemble deuant le comte, en disant. Ha tres-cher sire, ie vous requiers humblement qu'en remuneration de tous les seruices que ie fis oncques à vostre Pere, dont Dieu ayt l'ame, qu'il vous plaïse de vostre benigne grace, me donner vn don, lequel ne vous coustera gueres, car sçachez. Sire que ie ne vous veux pas demander ville ne chasteau ne forteresse ne autre chose qui gueres vaille.

Lors respondit le Comte s'il plaïst a mes barons luy dirent. Sire puis que cest chose de petite valuë vous ne luy deuez pas refuser, & il la bien desferuy. Et le comte leur dist, puis qu'il vous plaïst a le me conseiller ie m'y accorde, & demandez hardiment. Sire dist Raymondin, grand mércy, ie ne requiers autre don, fors que me donnez au dessus de la fontaine de soif, es roches & au bois ou il me plaira de prendre tant de place que vn cuir de cerf pourra estendre, & apres la closture du long de tous les quartiers le ne vous doit pas refuser, dist le comte, & ie le vous donne si franchement que ne deurez a moy ne a mes successeurs foy ne hommage: ne aucune rente.

Adonc Raymondin s'agenouilla & le remerciant luy requist de ce auoir bonnes lettres, lesquelles luy furent accordées: & faites le mieux qu'on peut deuiser, & furent scellées du grand seel du comte par la reuelation des douze pers du pays: qui y mirent & pendirent leurs seels en cognoissance de affermer le don estre raisonnable avec le dict grand seel du comte. Adonc se partirent de l'Eglise S. Hilaire de poitiers, & vindrent en la salle, & la fut la feste grande. & la y eut mout de seigneurs qui furent noblement seruis de plusieurs mets en ce iour, & y eut grande melodie de sons des menestriers autres sons de musique, & donna le comte de riches dons, mais entre les autres qui furent en ceste feste. Raymondin fut reputé le plus beau & gracieux & de la meilleure contenance & ainsi passa la feste iusques a la nuit, que chacun s'en alla reposer: puis le lendemain au matin se leuerent & allerent ouir Messe en l'Abbaye de Mōstiers, & la Raymondin pria Dieu deuotement qu'il luy pleust ayder à son besoin,

& a l'acheuer au salut de son ame, & au profit de son corps, & à l'honneur des deux parties à ce qu'il auoit commencé & entrepris, & en faisant ainsi la requeste à Dieu il demeura en deuotion au monstier iusques à l'heure de prime.

Comme Raymondin trouua vn homme qui portoit vn cuir de cerf, & l'acheta.



Vand Raimondin eut euy la messe, & fait sa deuotion il sail-
lit dehors du monstier neuf, & à l'is-
sue de l'Abaye au dela du chasteau,
il trouua vn homme qui portoit vn
cuir de cerf dedans vn sac. Lequel
vint à luy, & luy dist. Si e achetez
ce bon cuir de cerf que i'ay en mon
sac, pour faire de bōnes cordes cha-
fserelles pour vos veneurs. Ouy, dit
Raymondin, si tu veux, que me cou-
stera il ainsi qu'il est. Sire, dit il, vous
en payerez cent sols si vous l'auiez.
Amy dist Raymondin, apportez le
en mon hostel, & ié vous payeray, &
il luy respondit, volontiers. Adonc

il suiuit Raymondin iusques à son hostel, & puis luy bailla le cuyr, & il le paya. Apres Raymondin manda vn seiller & luy dit:

Mon amy il faut que vous me taillez ce cuir le plus menu que pourrez en forme d'vne courroye qui s'entretienne tant que pourrez faire courir, & ainsi le fist le seiller, & puis le remit au sac ainsi taillé, or ceux qui estoient commis à luy faire la deliurance de son don se partirent de poitiers avec luy, & tant cheuaucherent qu'ils vindrent sur la montagne qui estoit au dessus de Coulombiers, & ils apperceurent sur la roche de la fontaine de soif que l'on auoit fait grande trenchée, & abbatu arbres d'vne part & d'autre, dont ils furent esmerueillez: car iamais ils n'auoient veu illec d'arbres trencher ne en nul temps aucuns trenchez. Adonc Raymondin qui bien apperceu que la dame y auoit ouuré se teut. Et quand il furent en la prairie ils descendirent & jetterent le cuir hors du sac.

Comme ceux qui estoient commis vindrent deliurer le don à Raymondin.



T quand les liureurs virent le cuir si delié taillé, ils en furent tous esbahis, & dirent à Raimondin qu'ils ne scauoient que faire. Lors vindrent deux hommes qui estoient vestus d'vn gros bureau, lesquels dirent. Nous sommes icy enuoyez pour vous ayder. Adonc desuiderent le cuir de la male ou l'auoit entoulé celuy qui l'auoit taillé, & le porterent au fons de la vallée au plus pres du rocher qu'il peurent, & la planterent vn pal fort & gros, puis y lierent vn des bouts du cuir & auoit l'vn deux vn grand faix de paux qu'ils fichèrent de lieu en lieu enuironnant la roche, & ainsi qu'ils trouuerent la trenchée faicte, & les autres les suiuoient en attachant le cuir aux paux: & ainsi enuironnerent la montaigne & quand ils reuindrent au premier pal, il y eut beaucoup de cuir de demourant & pour l'éployer ils le tirerent contre val la vallee: tellement que ils parfournirent tout le reste du cuir, & de la sortit

vn ruisseau: dont plusieurs molins ont moli depuis. Et quãd ceux qui liuroient la place virent ce, ils furent fort esbahis, tant du ruisseau qu'ils virerẽt soudainemẽt soudre deuant eux, & courir cõtre la valée grãd sourciõs d'eau cõme la grand d'enceinte du cuir de cerf: lequel cõtenoit bien deux lieues de tour, & neãtmoins de liurerent à raimõdin la terre à luy donnée selon le texte de la chartre: & aussi tost qu'ils l'eurent baillée ils ne sceurent que deuidrent les deux hommes vestus de bureau, qui par auans estoiet deuant leurs yeux. Lors se partirent tous ensẽble pour aller vers poitiers, & quãd ils furent ariuez, ils raconterent au cõte & à sa mere ceste merueilleuse aduerture. Adonc la dame dit. Ne me croyez iamais de chose que ie die, si raimondin n'a trouuẽ quelque aduerture en la forest de Coulõbiers: car ceste forest est aucune-fois pleine de merueilleuse aduertes. Madame, dit le comte, ie croy que vous dictes vray, & i'ay bien ouy dire que sur la fontaine qui est sous ce rocher on à veu autres-fois maintes merueilleuses aduertes: mais quand à luy ie prie à Dieu qu'il luy laisse iouyr à son hõneur & profit, ainsi soit-il, dist la dame, a lors ariua raimondin, & s'agenouilla deuant le comte en le remerciant de l'honneur & courtoisie qu'il luy auoit faite par ma foy raimondin, dit le comte, c'est peu de chose: mais si Dieu plaist, ie feray mieux à l'aduenir: mais en ma cõtẽ vne merueilleuse aduerture, qui est maintenant aduenue en la place qu'on voũ à deliurée de par moy, laquelle ie vous ay donnée legerement: si vous prie que me disiez la verité. Monseigneur dit raimõdin, si ceux qui ont esté avec moy ne vous ont cõtẽ que ce qu'ils ont veu, ils ont bien fait toutes-fois il est vray que le cuir de cerf à circuit de rond enuiron deux lieues Et quand est de ces deux hommes vestus de bureau qui ont aidé à la mesurer, & aussi du ruisseau qui sourd tant soudainement c'est verité. Voicy grand chose, dit le comte, mais ainsi qu'il nous est aduis il faut que ayez trouuẽ quelque aduerture: si vous prie que nous en disiez ce que vous en sçauẽ, pour nous oster hors de melancolie. Monseigneur dist raymondin, ie nay encores trouuẽ que biẽ & hõneur: mais i'ay plus de plaisir de hãter en ce lieu, quãd à present, que ie n'ay autre part, pour ce qu'il est commun a renõmẽe du lieu estre aduantureux, & i'ay esperance que Dieu m'enuoira quelque bonne aduerture, laquelle par son plaisir me sera profitable & honorable au corps & à l'ame: & de ce ne me vueillez plus enquerre, car pour le present autre chose ne vous en sçauerois dire. Adonc le comte qui bien l'aimoit se teut: pour ce qu'il ne le voulut point courroucer. Et ce fait Raymondin print congé du comte & de sa mere.

Comme Raymondin print congé du Comte, & retourna a sa Dame



LE Poitiers partit raimondin tout seul lequel estoit en amour de sa Dame, & tant cheuaucha qu'il vint à la haute forest de Coulombiers, & descendit de dessus la montaigne & vint à la fontaine ou il trouua sa dame qui ioyeusement le receut & luy dist. Mon amy vous commencez bien à celer nos secrets, si vous per seurez à faire ainsi il vous en viendra bien, & tantost le verrez. Adonc raymondin respondit. Madame, ie suis prest de accõplir à mon pouuoir vostre plaisir. raimondin dit la dame, vous ne pouuez plus voir ne sçauoir de nos secrets tant que vous m'avez espousee. Dame, dist raimondin ie suis tout prest. Non pas encores dit la dame, il faut qu'il soit autrement.

L' HISTOIRE DE

Caril conuient que vous alliez prier le comte, sa mere & tous vos autres amis, qui vous viennent faite honneur à vos nopces en ceste place au iour de lundy prochainement venant, afin qu'ils voyent les noblesse que ie pense faire pour vostre honneur accroistre, parquoy ils ne soient plus en suspicion que soyez petitement marié selon vous, & leur pouuez bien dire que vous prenez la fille d'un roy : mais plus auant ne vous en descouurez mais bien vous en gardez si cher que vous auez l'amour de moy. Dame, dist raymondin, ne vous en doutez. Amy dist la Dame, n'ayez ia soin que pour grand nombre de gens que scachez amener qu'il ne soient bien receus & logez qu'ils n'ayent viures à grand foison pour eux, & pour leur cheuaux, & aller seurement mon amy, de rien ne vous doutez. Et a tant s'entre-accollèrent & baisèrent, puis raymondin se partit d'elle & monta a cheual.

Comme Raymondin inuita à ses nopces le comte de Poitiers.



erra tant Raymondin qu'il arriua à Poitiers, qu'il trouua le comte & sa mere, & grande foison de Barons du Pays, qui furent ioyeux de sa venue, luy demanderent dont il venoit de soy esbatre: & quand ils eurent long temps parler d'une chose & d'autre. Raymondin s'agenouilla deuant le comte, & luy dist. tres-cher seigneur ie vous supplie humblement sur tout les seruices que ie vous pourray iamais faire qu'il vous plaise me faire tant d'honneur de venir lundy prochain à mes nopces à la fontaine de soif, & qu'il vous plaise d'y amener vostre mere & toute vostre compagnie, pour nous honorer & faire honneur. Et quand le comte l'entendit il fut esbahis, & luy dit.

Beau cousin estes vous ia si estrange de nous, que vous mariez sans que nous en ayons rien sçeu iusques à l'espouser, nous nous en donnons grand merueille: car nous cuidons que si vous eussiez eu volonté de femme prendre, que nous sommes les premiers a qui vous en d'eussiez auoir prins conseil. Mon cousin dist Raymondin: ne vous en vneillez desplaire, car amour ont tant de puissance qu'il font faire les choses ainsi qu'il leur plaist ie suis si auant entré en ce meschef que ie ne puis reculer, & si ie le pouuois ores deffaire ie ne le defferois pas. Lors le comte dist. Au moins dictes qui elle est, & de qu'elle lignée. Et raymondin respondit. Vous me demâdez chose que ie ne vous scaurois dire: car iamais de ce ne enquis riens: Voicy grâd merucille, dit le comte. raymondin se marie & ne scait qu'elle femme il prend, ne de quel lignage. Monseigneur, dist Raymondin, puis qu'il me suffist, il vous doyt suffire, car ie ne prens pas vne femme pour vous ennuyer i'en seroye bien marry, mais pour moy si en porteray le dueil ou la ioye, lequel à Dieu plaira. Vous dictes bien dict le comte, car ie ne vüeil pas auoir la noife si elle y est: combien puis qui est ainsi ie prie à Dieu qu'il vous enuoye paix & bonne aduenture ensemble & volontiers nous yrons aux nopces & y menerons madame, & plusieurs autres dames, & damoiselles, & nostre Baronnie, & Raymondin respondit. Monseigneur grand mercis: car ie croy que quand vous viendrez & que la verrez elle vous plaira bien. Si laisserent à parler de ceste chose, & deuiferent d'une chose & d'autre tant qu'il fut long temps de souper, & dirent en soy mesmes que c'estoit quelque fortune qu'il auoit trouuée en la fontaine de soif.

ACeste maniere le Comte pensa longuement, & tant que le maistre d'hostel luy vint dire. Monseigneur le soupper est prest, quand il vous plaira. Il me plaist biē, dist le comte. Adonc ils se leuerent, & furent assis & mout bien seruis. Et apres soupper parlerent de plusieurs matieres & puis s'en allerent. Et le lendemain le comte manda les barons pour aller avec luy aux nopces de Raymondin, ils vindrent deliberement & aussi manda le comte de Forests frere de Raymondin, car son pere estoit mort, cependant la dame fit son appareil en la prairie sous la fontaine de soif, qui fut noble que a dire rien ny failloit de quelque chose qui appartient à honneur pour ceste besongne, & fut ores pour receuoir vn Roy à tout son estat. Le dimanche chacun se prepara pour venir aux Nopces, la nuit passa & le iour vint.

Adonc le comte se mist a chemin, & avec luy sa mere, sa sœur & sa Baronnie en la noble compagnie. Alors le comte demanda à Raymondin de l'estat de sa femme: mais il ne luy en voulut riens dire, dont le comte estoit dolent, & tant allerent parlant ensemble, qu'ils monterent la montaigne, & virent les grandes trenchées qui auoient esté faictes soudainement: & virent la fontaine qui sourdoit habondamment. Adonc ils s'esmerueillerent tous comme ceste chose pouuoit estre faicte si soudainement, puis regarderent contre val la prairie, & virent tant de pauillons si grands & de noble façon que chacun s'en esbahissoit, & speciallement quand virent tant de nobles gens allans venans pour les affaires de la feste les vns & les autres conseillans en la prairie: car la eussiez veu dames & damoiselles, & aussi les cheualiers & escuyers accoustrez de noble atours la eussiez veu courir cheuaux, palefrois grande multitude, & contre val ie prez plusieurs cuisines fumans ou on faisoit grand appareils, & si virent au dessus de la fontaine la chappelle nostre Dame, qui estoit belle, gratuite & bien ordonnée tellement que tous ceux qui la virent disoient que iamais n'auoient veu si belle chappelle ne si noblement aornée, si se esmerueilloient entre eux, disans. Je ne scay qu'il en aduiendra apres du surplus, mais voicy beau commencement & grand appareil de haute noblesse & honneur.

*Comme le Comte de Poitiers vint aux nopces de Raymondin, & de Melusine,
accompagné de sa noble Baronnie.*



LE comte & ses gens estans descendu de la montaigne Vn cheualier ancien noblement aorné & ceint d'une ceinture à pierres precieuses, monté sur vn beau palefroy, accompagné de douze hommes d'honneur, vint vers la compagnie du comte, & premierement trouua le comte de forest & Raymondin son frere: noblement accompagnez. Et quand le cheualier ancien apperceut Raimondin, il le cogneut bien si le salua honorablement & apres le comte de Forest son frere & toute leur compagnie: puis dit à Raymondin: Monseigneur faicte moy mener vers le comte de Poitiers, si il vous plaist: car ie veux parler à luy, & ainsi il le fist faire. Et quand l'ancien cheualier vint deuant le comte luy dist. Vous soyez le tresbien trouué. Or me dites pourquoy vous me demandez. Lors le cheualier luy dict. Sire ma noble Damoiselle Melusine d'Albanic se recommande à vous tant qu'elle puis, & vous remercie du grand honneur que vous faictes à Raymondin vostre cousin & a elle, & quand il vous plaist de vostre bone gra-



ce, leur venir faire compagnie à leurs espouailles. Sire cheualier, dist le comte, en ce cas pouuez dire à vostre noble Damoiselle que icy na nul besoin de remerciement, pource que ie suis tenu de faire honneur à mō cousin Sire dit le cheualier, elle m'a enuoyé deuers vous, & aussi mes compagnons Sire cheualier, dit le comte, il me plaist biē mais ie ne cuidois pas trouuer da moiselle logée si pres de moi & de si haute gens avec elle. Ha

sire dist le cheualier, quanp il plaira à ma damoiselle, elle en aura bien plus car il ne luy conuient que demander, & ainsi parlant ensemble ils arriuerent au paillon, & fut le comte logé au plus riche logis qu'il eut iamais veu, & apres chacun fut logé selon son estat, & disoient que en leurs propres hostels n'eussent pas mieux logé, leur cheuaux furent logez és grandes tentes & lices, si a leur aise qu'il n'y eut valet qui ne s'en louast & s'esmerueilloient tous, dont tant de biens & richesses pouuoient venir.

Comment Raymondin & Melusine furent espousez.



Pres vint la comtesse & blanche sa fille, & Melusine qui fut sage, enuoya au deuant d'elle l'ancien cheualier, qui auoit tenu compagnie au comte, & avec luy allerēt plusieurs dames & damoiselles de nobles estat, qui honorablement saluerent la comtesse sa fille, & les menerent en vn noble paillon de drap battu en or, perles & pierres precieuses richement, & la furent receues à grands & melodieux sents de diuers instrumens mouit honorablement, & toute sa compagnie, & furent bien logez.

Et quand la comtesse fut vn peu reposez & habillée, & les seigneurs dames & damoiselles qui estoient en sa compagnie, elles allerent en la chambre de l'espousée, laquelle estoit sur toutes les autre chambres la plus noble sans comparaison, & elle estoit si belle & si noblement aornée que chacun disoit que oncques si belle femme n'auoit veu, & s'esmeruillerent tous de sa beauté & de sa grand richesse de son habillement, & adonc la comtesse considerant bien l'estat en soy-mesmes, dist qu'en tout le monde elle ne cuidoit pas qu'on d'eust trouuer Roïne ne emperiere qui peut finer autant d'auoit que les ioyaux qu'elle auoit sur elle. Adonc le comte de Poitiers & le comte de forest vindrent lesquels menerent l'espousée a la chappelle qui estoit tant noblement aornée que nul ne scauoit penser la richesse tant de parement qui la estoit si richemēt aorné de fin or, & de bordures & de perles qu'on n'auoit iamais veu les pareilles, comme d'images, & de Croix, de Crucifix d'or & d'argent, & si y auoit des liures tant noble qu'on ne pourroit plus au monde souhaiter & y auoit la vn Euesque qui les espou-

sa. Apres

MELVINE.

sa. Apres le seruire fait, ils s'en allerent tous en vn riche paillon: auquel estoit le dîner appresté, & estoit emmy la prairie, & furent seruis demets & de si bons vins estranges & autres & aussi d'ipocras, que chacun en estoit esmerueillé, & aussi s'esbahissoient comme les seruiteurs estoient si diligens: car on les seruoit bien appertement en vaisseaux d'or & d'argent & quand vn mets estoit osté l'autre estoit tout prest.

Comme apres disner les cheualiers, & esuyers iousterent.



¶ Vand'ils eurent dîné & que les tables furent levée, & qu'on eut seruit d'espices, plusieurs s'en allerent armer, & lors l'espousee & plusieurs autres Dames furent montez sur leurs eschafaux. Adonc commencerent les ioustes & iousta fort bien le comte de Poitiers: & le comte de forests, & aussi firent les poiteuins: mais le cheualier de l'espousee faisoit merueilles de mettre cheualiers par terre. Lors vint Raimondin sur vn destrier noblement aorné tout de blanc, & luy enuoya sa dame, & du premier poindre qu'il fist a son cheual il abbatit le comte de forest son frere, & fist tant qu'il n'y eut cheualier d'vn costé & d'autre qui ne le doutast. Adonc le comte de poitiers s'esmerueillla qui estoit ce cheualier, si ioignit l'escu au poing, & vint vers luy la lance baissée, mais Raimondin qui bien le cogneut s'en retourna d'autre part, & vint sur vn cheualier de poitou, & le ferit si roidement en la partie de l'escu qu'il le ietta par terre luy & son cheual. Tant fist Raymondin en ceste iournée, que chacun disoit que le cheualier aux blanches armes auoit fort iousté. La nuit approcha & la iouste fina, & s'en retournerent les Dames avec l'espousee, & allerent en leurs paillons, puis se reposerent vn peu, & ne demoura gueres qu'il fut temps de souper. Adonc s'assemblerent en la grand tente, & se lauerent & assirent à table, & furent richement seruis. Et apres souper les Dames allerent en leur logis & la firent honneurs mout grands tant que tous ceux qui estoient venus avec le comte s'esmeruilloient des grandes richesses qu'ils virent la. Et quand il fut temps ils menerent coucher l'espousee en son paillon, & le comte de Poitiers & de forests la liurerent aux Dames. Adonc les comtesses de Poitiers & de forests & les autres Dames vindrent qui menerent l'espousee dedans, & l'instruirent en tout ce qu'elle deuoit faire, combien qu'elle estoit assez pourueue, de ce, mais nonobstant elle les remercia humblement de ce qu'elles luy remonstroient pour son bien, & gardez son honneur. Et quand elle fut couchées elles attendirent autour du lict, en deuissant de plusieurs belles choses tant que Raimondin vint, qui estoit demeuré avec le comte son frere, & le remercioit de ce qu'il auoit premier combattu.

Adonc dist le comte de Poitiers Beau cousin vous auez ouy dire que l'amour des dames donne grand peine aux amoureux, & la mort aux cheuaux. Monseigneur dist le comte de Forest. Raymondin mon frere m'a aujourd'huy monstré que c'est verité. Et Raymondin qui fut vn peu honteux, leur respondit. Beaux seigneurs frapez du plat & ne me donnez ia tant de los, car ie ne suis pas celuy que vous congnoissez pour celuy qui a blanches armes ce ne suis ie pas, mais ie voudrois bien que Dieu m'eust donné la grace de si bié faire. Et à ces parolles il vint vn cheualier que les Dames enuoierent, lequel leur dist. Beaux seigneurs ne rigolez pas trop fort : car scachez qu'il a autre chose à penser. Je croy que vous dictes vray, dist le comte de Poitiers, & de rechef dist le cheualier. Messieurs amenez Raymondin : car mes Dames le demandent, pource que sa partie est ia toute preste. Lors commencerent tous a rire, & dirent qu'il ne luy failloit point de tesmoignage: car la chose estoit bien croyable.

Comme l'Euesque beneist le lit ou raymondin & Melusine estoient couchez.



Es parolles dictes, ils amenerent Raymondin au pauillon puis il se coucha, si vit l'Euesque qui les auoit espousez, & beneist le liect & apres chacun print congé, & furent les courtines tirees. Lors Melusine commença a parler à Raymondin en disant. Mon seigneur ie vous remercie du grand honneur qui m'a aujourd'huy esté faicte de vostre lignée, & aussi de ce que vous celez si bien ce que m'auiez promis en nostre premiere conuenance. Et scachez que si vous le tenez tousiours ainsi bien que vous serez le plus puiffat & le plus honoré que oncques fut en vostre lignée, & si vous faictes le contraire, vous & vos heritiers decherrez peu à peu de vostre estat, & de la terre que vous tiendrez quand vous ferez la faute, si ainsi est que vous le faciez, ce que Dieu ne vueille permettre, ne sera iamais tenue par nul de vos heritiers ensemble. Adonc raymondin luy respondit Ma chere Dame ne vous doutez car ce ne m'adiendra si Dieu plaist Mon amy dist la dame, puis qu'ainsi est que ie suis mise si auant, il me conuient attendre la volonté de Dieu, & me confier en vostre promesse, & vous gardez bien que ne me failliez de ce conuenant, car vous serez celuy qui plus perdrez apres moy. Ha chere dame, dist il, de ce ne vous faut douter: car à ce iour Dieu me faille quand ie vous faudray de mô pouuoir de conuenance Mon amy dist elle, laissons ces paroles, car de ma part n'y aura faute que ne soyez le plus fortuné qui iamais fut en vostre lignée, & le plus puiffant, s'il ne tient à vous. Lors se leuerent, & celle nuict engendrèrent Vriam, qui depuis fut Roy de Chipre.

Comme le comte de Poitiers & le comte de Forest & les Barons & Dames prindrent congé de Raymondin & de Melusine.



Es deux amans demourerent tant au lit que le Soleil fut haut leué & adonc se leua raymondin, & se vestit, & faillit hors du pauillon, & desia y estoit le comte de poitiers, le comte de Forests, & les quatre barons qui l'attendoient, & tous ensemble allerent en la chapelle, & la ouyrent messe, puis s'en allerent en la prairie, & la derechef fut grande la feste.

Adonc la comtesse & les autres grandes dames vindrent vers Melusine, & l'atournerent & la menerent en la chappelle & fut l'offrande grande & riche : & apres que le seruice fut fait elles se retirerent au paillon. Grande fut ceste feste & dura quinze iours, & Melusine donna de grands dons & ioyaux aux Dames & damoiselles & aux cheualiers & escuyers. Apres la feste le comte & la comtesse & toute la baronnie prirent congé pour eux retourner. Et Melusine enuoya la comtesse & sa fille iusques outre la cité de Coulumbiers, & au departir elle donna à la comtesse vn si riche fermeil d'or qu'on ne scauroit nombrer, & à sa fille vn chapeau de perles, & saphirs, gros Rubis Diamans, & autres pierres precieuses & tous ceux qui voyoient le fermeil & le chapeau s'esmeruilloient de la beauté & valeur d'iceux. Et donna Melusine tât aux grands & petits, que nul ne fut à la feste qui ne se louast des grands dons qu'elle leur donna, & s'esmeruilloient tous dont tant de biens pouuoient venir, & disoient que Raimondin estoit moult richement marié.

Apres ces choses Melusine print congé honorablement du comte & de la comtesse & de toute la baronnie, & retourna en son paillon à belle compagnie. Et Raymondin conuoya tousiours le comte: lequel en cheuauchant luy dist. Beau cousin dites moi si faire se peut, de quel lignage est vostre femme: combien que quand le cheualier vint à nous de par elle, pour nous loger, il nous remercia de l'honneur que nous venions faire, par ma Damoiselle Melusine d'albanie, & ie vous le demande aussi, pource que nous scaurions volontiers la verité: car à ce que pouuons apperceuoir de son estat & maintien, il conuient qu'elle soit ysluë d'vn noble & puissant lieu. Et la cause qui nous meut de le vouloir scauoir est, afin que n'ayons point mesprins de luy faire honneur qui luy appartient. Monseigneur, dist le comte de Forest, ainsi estoit ma volonté. Adonc Raymondin fut courroucé en son cœur quand il ouyt la requeste que le comte de poitiers son seigneur faisoit, & aussi son frere le comte de forests, car il ayroit, prisoit & doutoit la dame tant qu'il hayoit toutes choses qu'il pensoit qui luy d'eussent desplaire non pourtant il luy respondit froidement. Monseigneur & vous mon frere, plaïse vous scauoir que par raison naturelle à qui que ie celasse mon secret, à vos deux ie ne le deuerois celer, si c'est chose que ie sceusse, & à ce que m'avez demadé selon ce que ie puis scauoir. Scachez que ie ne m'en enquis iamais tant que vous m'avez demandé mais tant en scay bien dire qu'elle est fille du Roy puissant & haut terrien, & par l'estat gouuernement & maintien qu'avez veu en elle vous pouuez bien apperceuoir qu'elle n'a esté nourrie en mandicité ne en rudesse mais en superfluité d'honneur & large lisse de tous biens, & ie vous requiers, comme à mes seigneurs & amis, que plus ne m'enquerez: car autre chose ne pouuez scauoir de moy : & telle qu'elle est elle me plaïst bien, & en suis content, & cognois bien que c'est le souuerain de tous mes biens, & le sauuement de moy. Adonc dist le comte de Poitiers. Beau cousin de ma part ie ne vous pense plus enquester, car comme vous avez sagement mis en terme les hauts honneurs, richesses & maintien de ma cousine vostre femme, nous deuous de nous mesmes conceuoir que elle est de noble extraction, & de puissant lieu. Monseigneur dist le comte de forests, vous dictes vray: quand est de ma part ie ne l'en pense iamais enquester, combien qu'il soit mon frere: car ie le tiens bien assuré selon mon aduis. Las depuis il luy faillit de conuenant, dont Raymondin en perdit la dame, & le comte de Forests en print depuis pour ce mort, par Geoffroy à la grand dent dont en

parlera cy apres. Lors raymondin print congé de son frere & des Barons, & retourna à la fontaine de soif, & aussi le comte de Forests print congé du comte de Poitiers, de sa mere, & de sa sœur, & de tous les Barons mout honorablement, & s'en alla en sa comté, & les remercia fort de l'honneur qu'ils luy auoient fait aux nopces de Raymondin son frere Et le comte de Poitiers sa mere, & sa sœur, & ceux de son hostel retournerent à Poitiers, & chacun des autres Barons s'en alla en sa Comté: mais il ny eut celuy qui ne pensast aux merueilles & richesses qu'ils auoient veues aux nopces, & aux trenchées, & aux ruisseil qui soudainement leur estoit apparu estre fait, & disoient tous que d'autres plus grandes merueilles y aduiendroient.

Comme melusine raconta à Raymondin toutes les parolles que le comte de Poitiers, & le comte de forests auoient dites.

ET quand Raymondin fut retourné deuers sa dame il trouua la plus grande que deuant, & y auoit plus de nobles qu'il ny eut onc, lesquels luy dirent. Monseigneur vous soyez le bien venu, comme celuy à qui nous sommes, & a qui voulons obeyr, & le dirent aussi bien les dames que les hommes. Adonc Raymondin les remercia de l'honneur qu'il luy offrirent. Alors est venue melusine qui luy dit bien soyez venu & le tira à part, & luy recorda toutes les parolles qui auoient esté entre le Comte de Poitiers & le comte de forests, & luy dict la Dame à raymondin mon amy tant que vous tiendrez ceste voye tous biens vous habonderont: mais demain ie donneray congé à la plus grande partie de nos gens, qui sont venus à nostre feste: car il nous faudra ordonner autre chose, & Raimondin luy dit. Dame tout ainsi qu'il vous plaira d'ordonner. Et quand vint le lendemain melusine departit ses gens, & y en eut grande quantité qui s'en allerent, & ceux qui luy pleurent demourerent.

Comme Melusine fist faire Lusignen, dont elle porta le nom.

QUAND la feste fut departie, elle fist venir grande foison d'ouuriers & de pionniers & fist trencher & défracer les grands arbres, & fist faire la roche toute nette par dessus le parfond trencher comme elle auoit fait ordonner parauant, ainsi que le cuir de Cerf auoit enuironnez, puis fist venir plusieurs massons & tailleurs de pierres, & fist commencer sur la viuue roche nette bastir le fondement tel & si fort que c'estoit merueilles à veoir, & faisoient lesdicts ouuriers tant d'ouurages & si soudainement que ceux qui passoient par la en estoient esbahis, & elle les payoit bien tous les samedis, & trouuoient pain, vin, chair & autres choses qui leur estoit de besoing en grand habondance: mais personne ne scauoit dont ces ouuriers estoit. Et en brief temps fut la forteresse faite, non pas vne seule: mais deux fortes places auans que aller au Donion, & sont les trois places, enuironnées de fortes tours machotées, & les voutes des tours tournes & a guerces, les murs hauts & bien crenelez, & on va à trois paires de brayes bien haute & poindant & y a plusieurs tours esdictes brayes & porternes fortes à merueilles, & vers le haut bois au dessus de la prairie est la roche tres haute, & si droicte

MELVSINE.

qu'en elle nulle creature ne pourroit habiter, & avec ce il y à fortes brayes entaillée de mesme la roche & est ceste place forte à merueilles. Et scachez que le Comte de Poitiers & tous les barons, & mesme les gens du pays furent esbahis comment ouurage si grand pouuoit ainsi estre fait en si peu de temps, & adonc la dame se logea dedans la forteresse, & raymondin fist crier vne grande & belle feste. Et y furent le comte de poitiers, la mere, la sœur, les barons du pays, le Comte de Forests & plusieurs autres nobles de son pays, & de plusieurs nations, & aussi tant de dames & Damoiselles qu'il deuoit bien suffire pour la iournee & à la feste fut bien iouste & bien dancé, & menerent ioyeuse vie, & amoureusement furent assemblez. Et quand Melusine vit son point, elle dist aux deux Comtes & aux barons. Messeigneurs nous vous remercions du haut honneur que nous auez fait, & la cause pourquoy nous vous auons priez d'y venir ie le vous declareray a present.



Seigneurs, ie vous ay icy assemblez, pour auoir vostre conseil comme ceste forteresse sera appellee, parquoy il soit memoire a iamais comme elle a esté fondée aduventureusement.

Belle cousine dit le comte de Poitiers nous vous disons tous en general que nous voulons que vous mesme luy donnez le nom qu'elle aura: car il n'y a pas en nous tous autant de sagesse que vous en auez, de auoir fait acheuer ceste belle place, & pource nul de nous ne se meslera de ce faire deuant vous.

Cher sire, dit Melusine, vous auez tout a pensée gardé cest respone pour me rigoler: mais quoy qu'il soit, ie vous requiers que me vueillez dire vostre intention.

Ma cousine dist le comte nul de nous ne se meslera pas par dessus vous: car puis

que vous auez tant fait que d'auoir acheué vne si noble place que ceste cy est: & qu'à present la plus belle, & la plus forte que i'aye en nul lieu veüe, vous mesme luy deuez donner le nom à vostre gré, Ha monseigneur, dit Melusine, puis qu'il ne peut estre autrement, & qu'il vous plaist que ie luy donne son nom, elle aura nom Lusignan.

Lors dit le Comte: ce nom affiert bien pour deux causes: car premierement vous estes nommé Melusine D'Albanie en langage Gregeois, qui vaut autant à dire comme chose qui ne faut, & melusine vaut autant à dire comme choses de merueilles ou tresmerueilleuses choses. Et aussi, ceste place est fondée merueilleusement: car ie ne croy pas autrement que iamais tant qu'elle sera qu'on y trouue tousiours aucunes choses merueilleuses. Adonc ils respondirent tous. Monseigneur on ne luy pourroit donner qui mieux luy aduint selon l'estre du lieu: & aussi selon l'interpretation qu'auetz fait du nom propre. Et de ceste opinion furent tous d'accord, & fut le nom publié en peu de

temps qu'il fut sçeu par tous le pays, & fut ainsi nommé, & a tousiours esté iusques à maintenant, & iusques au iour du iugement ne perdra son nom. Apres ces choses faites ils prindrent tous congé, & Melusine & raymondin leur donnerent de riches dōs & ainsi se departist la feste.

Cy commence la lignée de Raymondin & de Melusine, laquelle eut huit enfans l'un apres l'autre, dont le premier fut nommé Vriam, qui fut le Roy de Chipre. Le second fut nommé, Guyō & fut Roy de Armenie. Le tiers fut nommé Regnaut, & fut Roy de Bretagne. Le quatre fut nommé Anthoine, & fut Duc de Luxembourg. Le cinquiesme fut nommé Raymond, & fut Comte de Forests. Le sixiesme fut nommé Geoffroy à la grand dent, & fut seigneur de Lusignan. Le septiesme fut nommé Thibert, & fut seigneur de Partenay. Le huitiesme fut nommé Froymond & fut moyne à Mailleres.



Pres que la feste fut departie. Melusine qui estoit enceinte, porta le fruit iusques au terme de l'enfanter. Et quād vint le temps elle se deliura d'un enfant masle qui fut en tous estats bien formé, excepté qu'il eut le visage court & large à trauers, & si auoit vn œil rouge l'autre persil fut baptisé & eut nom Vriam. Il auoit les plus grandes oreilles, que iamais furent veuës à enfant : car elles estoient aussi grandes que les manilles d'un van. Peu de temps apres Melusine dit a raymondin. Mon amy ie ne vueil pas que tu laisses perdre l'Heritage qui te appartient, & qui de fait t'est adueni par la mort de tes predecesseurs, qui sont mors en Bretagne: car Guerende & Penitence doyuent estre à vous a vostre frere & toutes celles places & marches du pays, allez y, & sōmez le Roy des Bretons, qu'il vous reçoie en droict, & luy dicte que vostre pere auoit occis son nepueu en gardant sa vie, & que pour la doute dudit Roy il n'auoit iamais osé se tenir au pays, mais s'en estoit estrangé: & s'il ne vous veut point receuoir ne tenir en droict, ne vous en esbahissez ia: car apres il sera ioyeux quand il vous pourra faire plaisir. Adonc raymondin respondit. il n'est chose que vous me commandiez que ie ne face à mon pouuoir, car ie voy bien que toutes vos œuures ne viendront que à honneur & bien. Amy, dist la Dame, c'est bien raison que puis que vous siez du tout à moy que ie vous tiene verité.

IL est vray que vostre pere, de par ses Antecesseurs doit auoir grandes choses en Bretagne, lesquelles vous seront declarées quand vous serez au pays. Or vous en yrez d'icy en vn beau chasteau, qu'on appelle Quemegniant, & y trouuerez vn ancien cheualier, qui fut frere de vostre pere, & s'appelle Alain, & vostre pere eut nom Héry de Leon, lequel fut en sa ieunesse aspre homme & de chaude colle, & ne doutoit ne craignoit chose que personne entreprint contre luy car il estoit mout plein de feu, & de hardiesse, qu'il ne vouloit homme douter en gardant honneur. Si aduint pour ce qu'il estoit si habille que le Roy des Bretons l'ayma fort, & le fist son Seneschal. Ledit Roy auoit vn nepueu, lequel par l'introduction d'aucuns, eut enuie sur vostre pere & grand indignation: Car ils luy firent à croire que le Roy son oncle faisoit son heritier de Henry vostre pere: & luy dirent. Ha droict heritier de Bretagne, debouté est Galafre, or estes vous bien rué & debouté de la noble contrée de Bretagne: & si vous la laissez oster par lascheté de vostre cœur, tout le monde vous desprisera, & dira. Voyez

la le fol qui par sa faintise de cœur c'est laissé chasser de si noble pays & region cōme le Royaume de Bretagne. Et quand il entendit les mots d'iceux enuieux il respondit. Et cōment dit-il, qui est celuy qui me pourroit faire tort, sans ce que Dieu me vouüist nuire. Il n'y a homme au monde que ie craigne qui m'en puisse mettre dehors : car ie sçay bien que monseigneur le Roy mon oncle n'a talent de faire ne d'auoir autre heritier que moy. vous estes mal informé de ceste besogne, dit l'vn d'eux, car vostre oncle à fait son heritier de Henry de Leon, & en sont lettres passees. Quād le damoiseau qui estoit fils de la sœur du Roy des bretons ouyt ces mots, il en fut dolent, & leur respōdit Si ie sçauois que ces patolles fussent veritables, icy mettrois remede si hastiuemēt que iamais il ne tiendroīt terre ne possession. Adonc vn cheualier nommé Iosselin du pōt luy dit. Certes il est ainsi, & pour ce nous ne voudrions auoir autre Roy que vous en bretagne apres le trespas du Roy vostre oncle: nous vous auons bien voulu aduertir secrettement du fait afin que vous y pouruoyez, & scachez que nous qui cy sommes y estions presens avec plusieurs autres. Or demandez à mes compaignons si ie dis vray. Lors dirent tous à haute voix: monseigneur il vous à dict la pure verité. Or verra l'on que vous ferez.

Comme le neveu du Roy de Bretagne en trahison voulut occire le pere de Raymondin nommé Henry de Leon par l'embortement, d'aucuns enuieux, & comme Henry l'occist, & laissa son pays.



Ors le iouenceau leur dist. Messeigneurs icy à trop grand mespison & plus de la part de mon oncle que de la part de Henry de Leon cōbien qu'il en sera bien payé. Allez vous en a vostre affaire, car i'en feray telle diligence qu'il ne m'ostera pas mon heritage. Adonc ils prindrent congé de luy, s'en allerent tous ioyeux: car ils auoient si grande enuie sur vostre pere pource que le Roy l'aymoit, & le croyoit & vsoit en plusieurs chose de son conseil, qu'il ne leur chaloit à qu'elle perte il d'eut tourner: mais qu'ils le pussent faire destruire. Et le lendemain le nepueu du Roy se arma, & guetta vostre pere en vn petit bois, lequel ne pensoit riens de cecy, car ainsi que vostre pere s'aloit esbatre dessoubz Leon, le neveu du Roy luy escria à mort en disant. Faux traistre & desloyal me veux tu tollir mō heritage, & en ce disant tira son espée, & cuyda frapper vostre pere d'estoc parmy le corps: mais il tressaillit, & au passer que le nepueu du Roy fit que vostre pere luy osta l'espée de la main, si tira vn petit cousteau pointu, dōt de rechef il le cuyda frapper, & vostre pere se desplaisa & luy dōna du plōbeau de l'espée qui luy auoit ostée vn grand coup en la temple: & pour ce que la coiffe de fer qu'il auoit affublée n'estoit pas si forte qu'on pourroit bien dire, il le rua a terre tout mort, mais quand il le regarda le cogneut bien si en fut dolent, & s'en alla à l'hostel, & print toute sa finance, & vint en la corte qu'on appelle maintenant Forests, & trouua ayde & confort a vne Dame, de laquelle ie me tais quand à present & apres la departie d'elle qui si bien luy aida à son premier gouuernement a faire les forteresses, & fōder les villes & habitations & peupler le pays, il print en mariage la sœur de celuy qui pour lors gouvernoit la comté de Poitou, & d'elle eut plusieurs enfans: desquels vous estes l'vn. Or amy ie vous ay deuifé, cōme vostre pere se departit de la dōt il estoit laissant tous ses heritages vaquans qui doiuent estre vostres, & esquelles choses ie ne vous

L'HISTOIRE DE

prise pas en les laissant perdre. Scachant bien que Iosselin du pont de Leon à vn fils qui gouuerne à present la terre de Leon qui doit estre vostre. Si vous retirerez deuers vostre oncle Alain de Quemegniant, & vous ferez cognoistre à luy, & il vous croira bien de ce que luy direz. Aussi il à deux vaillans, riches & sage fils cheualiers qui sont vos cousins germains, lesquels le Roy des Bretons ayme fort, & par l'vn de ses deux vous ferez appeller Iosselin du pont de Leon par deuant le Roy, & luy mettez sus cõme il fist trahison dequoy le neueu du Roy vint courir sus a vostre pere.

Et sçachez que son fils du pont de Leon vous combattra: mais bien tost vous le desconfirez, & seront le pere & le fils condamnez a estre pendus, & cognoistra le pere toute la trahison, & vous sera iugé la terre, & ferez mis en bonne possession par les Pers du Pays. O mon amy, allez vous en hardiment & ne doutez de riens, car certainement Dieu vous aydera en toutes vos affaires qui seront vrayes & iustes.

Comment Raymondin print congé de Melusine & s'en alla en Bretagne.



MA Dame, dist Raymondin ie feray mon deuoir d'acheuer vostre commandement, si print congé d'elle, & se partit avec noble compagnie de cheualiers & escuyers iusques au nombre de cinq cẽs gentils-homme, & ny allerent pas si desgarnis que chacun ne eust la corte d'acier, le pan, la piece & les harnois des iambes, & les pages portoient les lances, & les bassinets, & allerent tant ensemble cheuauchât qu'ils vindrent en la haute Bretagne: & s'esbahissoit le peuple que les gens queroient en leurs pays: mais ce qu'ils payoient bien largement les assẽuroit qu'ils ne voyoient & ne queroient que bien, car l'ancien cheualier, qui estoit de la compagnie de Melusine gouernoit tout le fait de Raymondin. Et toutesfois le Roy de bretagne sceut que ses gens alloient en son pays: & ne sçauoient que penser: car il ne se doutoit de nul.

Adonc il enuoya deux cheualiers vers Raymondin sçauoir qu'il queroit en allât tout armé parmy son pays, en demandant s'il vouloit point de mal à luy, ne à son pays. Adõc ils vindrent deuers Raymondin, luy enquerant qu'il demandoit & que le Roy de bretagne s'en esmerueilloit: & Raymondin leur respondit. Seigneurs vous direz au Roy que ie ne viens que pour bien & pour auoir droict en sa court de ce que ie demanderay selon raison ce que le Roy, & son conseil verront que i'aurez, & qu'il leur semblera bon a faire: car bien tost yray vers luy en sa court, & me complaindray deuant sa Maiesté selon le droict que i'ay.

Vous soyez le bien venu, dirent ils puis que vous venez pour ceste chose sçachez que le Roy vous fera bon droict & raison: mais dictes nous ou vous voulez aller d'icy. Ie voudrois estre à Quemegniant, dist raymondin. Vous estes bien au chemin, dist l'vn deux, il n'y a pas d'icy plus de cinq lieues, & la vous trouuerez Alain de Leon, qui vous fera bonne chere. Aussi y trouuerez deux cheualiers fort honorables gens de bien & d'honneur, & tenez tout ce chemin, & vous ne poutrez faillir, & prendront congé de vous. Seigneurs, dist Raymondin, allez en la garde de Dieu qui vous conduise seurement & me vueillez humblement recommander au Roy.

*Comme le Seizneur de Quemegniant enuoya ses deux Fils au
deuant de Raymondin.*



Quand les deux Cheualiers furent eslongnez de Raymondin enuiron
à vne lieuë, ils dirent l'vn à l'autre voila honorables gens, ils ne vien-
ne pas en ce pays sans grande affaire: puis dit l'vn deux. Allons à Que-
megniant, & nous raconterons leur venue à Alain. Ce ne sera que
bien fait, dist l'autre.

Si prindrent leur chemin à Quemegniant, ou il trouuerent Alain
auquel ils dirent la venue de raymondin & de ses gens, lequel s'en donna grand mer-
ueille. Si appelle ses deux fils, dont l'aîné auoit nom Alain, & le plus ieune Henry, &
leur dist. Mes enfans montez à cheual, & aller au deuant de ses estrangers, & les reco-
uez honorablement: car on ma dict qu'ils sont bien de six à sept cens Cheuaux: mais
pour neant en parla: car l'ancien Cheualier de Melusine estoit ia venu, & auoit aduisé
qu'ils ne pouuoient estre tous logez dedans la ville, & auoit fait & tédre plusieurs ten-
tes & paillons & aussi auoit enuoyé enuiron le Pays querir viures, & payoit si large-
ment qu'on luy amenoit plus de viures qui ne luy en failloit. Adonc ledit Alain fut
tout esbahy quand on luy racomta le grand auoir & le grand appareil que ses gens fai-
soient, & ne scauoit que penser.

*Comment Raymondin fut logé chez le frere de son pere, nommé Alain
& luy conterent son affaire.*



Les deux freres cheuaucherent tant
ensemble, qu'ils rencontrerent Ray-
mondin, & luy dirent. Bien soyez venu, &
le prierent de par Alain leur pere, de venir
loger au fort, & qu'il feroit bonne chere.
Seigneurs dist Raymondin, grands mercis
à vostre pere & à vous de la grand courtoi-
sie que m'offrez: mais à vostre requeste ie
yray deuers vostre pere, pour luy faire re-
uerence & aussi aucuns de mes plus priuez
auec moy: i'ay volenté de le veoir pour le
grand bien que i'en ay ouy dire. En disant
ces parolles ils cheuaucherent ensemble
tant qu'ils vindrent pres de la ville de que-
megniant. Adonc vint l'ancien cheua-
lier, lequel dist à Raymondin. Sire i'ay fait
tendre vostre paillon, & plusieurs tentes
pour loger vous & vos gens si sommes bié
pourueuz. Vous auez bien fait, dist Ray-

mondin, pensez bien de nos gens, & ne m'attendez meshuy: car ie m'en vois au fort

avec les deux Gentils-hommes: puis se partit de l'ancien Cheualier, & vint au fort, & le sire de leans, qui sçauoit bien sa venue, c'estoit fait mener à l'entrée de la porte: & quand Raymondin le vit il cogneut bien que c'estoit le seigneur de leans, si le salua humb'ement. Que vous ferois ores longues parolles, de leur accointance fors que du fait dont ie vois parler. Quand ils eurent souppé, le sire de leans print Raymondin par la main, & le fist seoir sur vne couche pour deuiser tandis que les autres souperoyent, & ses deux fils faisoient le plus d'honneur qu'ils pouuoient à ceux qui estoient venus avec Raymondin. Lors le Seigneur de leans, qui estoit mout subtil homme, & scauoit mout de bien & d'honneur dit à raymondin plusieurs parolles, & entre autres luy dit. Sire cheualier i'ay grand ioye de vostre venue, car vous ressemblez bien à vn mien frere, qui fut mout vifte & apert, & ce partit de ce pays il y à bien quarante ans pour vne noïse qu'il eut contre le nepueu du Roy, qui lors regnoit en ce Pays: & voicy le quatriesme Roy qui regne depuis celuy temps: & pour ce qu'il me semble que ressemblez à mon frere de semblant ie vous en voy plus volontiers. Sire dist Raymondin, grand mercis, car ie croy que auant que ie parte d'avec vous, ie vous feray certain pour qu'elle cause c'est inconuenient aduint entre vostre frere & le nepueu du Roy ie ne suis icy venu que pour monstrer publiquement la verité. Adonc Alain fut esbahy quand il ouyt ces parolles & regarda fort Raymondin: puis luy dist.


Et comment ce pourra faire, vous n'avez pas l'aage de trente ans, & vous me ferez accroire de faire ce que nul ne peut oncques scauoir veritablement car quand le coup du meffait fut aduenu à mon frere, il se partit si soudainement que moy ne autre n'en ouysmes depuis nulle nouvelles, & y à quarante ans ou plus. Sire dist Raymondin, dites moy s'il y à nul homme en ces marches, qui pour le temps que vostre frere regnoit en ce pays, fust en la court en authorité. Si à bien dict Alain, mais il n'en y à qu'un, lequel tient l'heritage de mon frere car le Roy le donna à vn fils qu'il à, qui est comme mon fils aisné, est Cheualier. Ie sçay bien comme il à nom dist Raymondin. Et comme le scauez vous dist Alain. Sire, dist il, il est nommé Ioffelin du pont de Leon, & son fils est nommé Oliuier. Sire cheualier, dist Alain, c'est la verité: mais dictes moy comme vous pouuez ce scauoir. Sire vous ne scaurez plus de moy, dist Raymondin, quand à present, & s'il vous plaist vous me viendrez accompagner vous & vos enfans, à la court du Roy, & la vous declareray la querelle si clairement que vous en ferez ioyeux si vous aymastes vostre frere Henry. Quand Alain l'entendit il fut plus esbahy que deuant: car il ne cuydoit pas que son frere fut mort, parce qu'il y auoit long temps qu'on n'en auoit ouy nouvelles

*Comment Alain & ses deux fils accompagnerent Raymondin
pour aller a la court du Roy.*



Lain pensa fort: puis respondit: Sire cheualier, ie vous accorde vostre requeste, puis que icy ie ne puis scauoir vostre volenté: car i'en ay grand desir, ie vous accompagneray volontiers pour aller à la court du Roy grands mercis, dist Raymondin, & ie vous garderay bien de dommage.

Adonc Alain manda beaucoup de ses amis, & se mirent en grand estat pour aller à la court & partirent à vn mardy de la Pentecouste. Le Roy qui sceut leur



venue, s'en vint à Nantes, car les cheualiers qu'il auoit enuoyez vers Raymondin estoient retournez, & auoient comté au Roy la responce de Raymondin & aussi le grand estat ou il venoit & pource le Roy s'estoit retiré à Nantes & manda vne partie de sa baronnie, pour ce qu'il ne vouloit pas que Raimondin le trouuans despourueu entre les autres il manda Ioffelin du pont de Leon pour auoir son conseil sur la demande de Ray-

mondin. Lors l'ancien cheualier vint a tout le sommage & fist tendre les tentes & pauillons & tous ceux de la ville s'esbahissoient des grandes pouruoyances que faisoient ses gens. Adonc vindrent Raymondin alain & ses deux fils & descendirent au maistre pauillon, & se habillerent richement pour aller vers le roy, & luy faire la reuerence, & partirent des tentes à bien quarante Cheualiers si noblement montez & parrez que merueilles, & auoit sa baronnie avec luy. A tant sont venus raymondin & Alain son oncle, & ses deux fils, & leurs gens. Et quand ils entrerent en la salle elle estoit pleine de noblesse & vindrent raymondin Alain & ses enfans faire la reuerence au roy, & puis les autres ensuyuant, & les receut le Roy ioyeusement puis appella Alain & dist.

*Comment Raymondin fut honnorablement receut du Roy,
& comme il demanda iustice.*




E m'esmerueille de ce cheualier estrange dequoy vous estes ainsi acointé, ne qu'il quiert en cē pays. Sire dist Alain, ie suis plus esbahy de parolles qu'il m'a dictes que vous n'estes de sa venue: mais assez tost sera declarée ce que desirons sçauoir raymondin appella l'aisné fils de Alain, & luy dist.

Sire Cheualier, dictes moy si vn qu'on appelle Ioffelin du pont de Leon est en la compagnie du roy. Et il dist que ouy, & pleust à Dieu que le roy ne s'en courrouçast point: & ie l'eusse occis: car il tiét l'heritage qui fut à mon oncle que nous d'eussions auoir, puis dist encores. C'est celuy qui est aupres du Roy lequel est plus plain de malice qui soit en dix royaumes, & voila aussi son fils Olinier que ne prise pas moins vne once. Sire, dist raymondin, vous serez bien tost vengé. Raymondin vint deuant le roy, & luy dist. Tres-cher sire & puissant roy, & commune renommée court par le pays que vostre court & si noble & si raisonnable qu'elle est droicte fontaine de iustice & de raison, & que nul ne vient à vostre court à qui vous ne faciez bonne iustice selon le droict qu'il a.

L'HISTOIRE DE

Sire cheualier, dist le Roy, ce est vray, mais pourquoy dictes vous ce car ie le vouldrois bien sçauoir. Sire dist Raymondin, ie suis icy venu pour le vous faire sçauoir, mais s'il vous plaist, deuant que ie die vous me promettez que me ferez touté raison, & tiendrez droict, car ce que ie diray est en partie pour vostre bien, car le Roy qui est accompagné de traistres n'est pas bien assureé. Il est vray dist le Roy, dictes hardiment, car ie vous iure que ie vous feray raison selon le droict que vous auez & fust ce contre mon frere. Cent mille mercis dist Raymôdin: car vous dictes comme vaillant Roy. Et pour ce fut le Roy estably pour tenir verité, & iustice. Noble & puissant Roy, dist il, est vray que vostre predecesseurs Roy, lequel regna puiffamment & vaillamment, au temps que Iosselin du pont estoit ieune, & aussi Alain de Quemegniant, lesquels sont icy present. Or auoit ledict Roy vn beau iouuenceau, lequel estoit son nepueu, & pour lors en ce pays y auoit vn Baron, qui fut frere de Alain qui icy est. C'est verité dist Iosselin, & outre plus ledict Henry de Leon occit le nepueu du Roy vostre predecesseurs en trahison & s'enfuit hors du pays, & oncques puis on n'en ouyt nouvelles, & lors le Roy me donna toute la terre qu'il tenoit. Adonc le Roy respondit. Nous auons assez ouy dire de ces nouvelles: mais laissons ce cheualier acheuer sa raison qu'il auoit commencée.

Comme Raymondin declara son cas deuant le Roy, & deuant les traistres.



Sire Roy, dist Raymondin, il a bien cause d'en parler: car plus auant luy en conuendra dire: combien qu'il a desia failly à dire verité de ce qu'il dit que Henry de Leon occit le nepueu du Roy en trahison, car il sçait bien toute la querelle, & pourquoy se fut, & n'est pas au monde homme viuât qui véritablement sçache le cas que luy car ceux de son accord sont tous morts, & luy distes qu'il en die la verité tout haut. Et quand Iosselin entendit

ce mot il en fut esbahy: & non pourtant il luy respondit. Sire cheualier, estes vous venu en ce pays pour aduenir sur moy: Ha faux traistre, il ne m'en pas qui dit la pure verité. Lors Raymondin dit de rechef au Roy. Sire il est vray que Henry de Leon fut fort cheualier, courtois & bien moriginé & paymoient le Roy & son nepueu, & vsoit mout le Roy par son conseil, & estoit celuy en qui il se fioit le plus, or aduint que plusieurs traistres, qui pour lors estoient en la court du Roy: desquels Iosselin du pont qui icy est present en est vn, & fut le droict chef du meschef qu'ils firent, car ils vindrēt au nepueu du Roy & luy dirent Damoiseau nous sommes tous courroucez de vostre grand damage & honteuse perte quand vous serez desherité de si bon pays comme

MELVSI NE.

est le pays de Bretagne, lequel leur respondit. Comme se pourroit faire ce, car le Roy n'a autre heritier que moy Ha dit Iosselin afin que vous le scachez il a fait son heritier de Henry de Leon, & ie croy qu'il ait enchanté le Roy & Thierry, & les Barons du pays aussi: car les lettres en sont passées & scellées de leurs seels, avec le grand seel du Roy. Et tant affermerent par leur foy & serment ce estre vray. Icy à grand inconuenient dist le Damoiseau est il vray ce que vous dictes. Et Iosselin & les autres, qui estoient de son accord, luy iurerent de rechef qu'il estoit vray, dequoy il commença à estre fort dolent. Et quand Iosselin vit qu'il pensoit en soy mesmes, il luy dist. Si vous auez en vous tant de hardiesse de vous ofer venger, du tort qu'on vous fait nous vous ayderons tous. Lors il leur dist qu'il en auoit bien la volonté. Adonc dist Iosselin: Or vous en allez donc armer, & vous mettez en tel estat qu'on ne vous puisse congnoistre, & nous vous attendrons dehors la ville, & nous vous menerons en tel lieu ou vous en pourrez venger à vostre aise, & il fut ainsi, & retourna vers eux pour ce faire. O Noble Roy ie ne quiers plus me celer puis que ie suis en court de droit & de Justice, & quand ie vois mon ennemy deuant moy: car ie suis fils de Henry de Leon. Adonc ils furent tous esbahis de ce mot, & se leuerent. Lors Raymondin reprint la parole, & dist.

Sire, mon pere auoit prins congé du Roy, & s'en estoit aller en son pays & auoit accoustumé qu'il alloit au matin s'esbatre au bois qui ioint à la forteresse, en disant ses heures tout seul: & ce faux traistres que voyez & ses compagnons amenerent le nepueu du Roy & se mirent en embusche, & mon pere qui ne se donnoit garde vint à ceste heure. Et quand Iosselin l'aperçeut il dist au damoiseau. Or est temps de vous venger: car il est sans armes ne cousteau: il ne peut eschapper, & aussi si nous voyons qu'il vous soit besoing de ayde nous tous vous ayderons. Adonc il se partit d'eux espris de mal talent, & vint vers Henry mon pere l'espée nuë tenant en la poignée, & de l'autre main par le milieu, en luy escliant à mort à mort faux traistres. Et en disant ces parolles, il cria de rechef. Faux traistres desloyal, & cuida ferir mon Pere d'estoc parmy le corps: mais de la paour qu'il eut il tressaillit, & celuy qui venoit de grande volonté yeuse tant eschauffé de mal talent, passa comme Dieu voulut: car en ce n'auoit pas cuidé faillir à assener. Et adonc mon pere retourna à celuy qui ainsi le voulut meurdrier, & luy faillit sus & luy osta l'espée des mains par force & retourna apres à course de cheual, & tira vn petit cousteau & frapa mon pere en la cuisse: mais il luy cuida auoir bouté parmy le corps. Et quand mon pere se sentit frappé & le sang degouter par la playe sil le frappa du pommeau de l'espée en la temple vn grand coup à ce qu'il estoit fort cheualier, & la coiffe estoit mout pesante, & l'adventure fut telle qu'il le rua mort par terre. Et quand mon pere le vit à terre, & qu'il ne se remuoit point il luy descouurit le visage, lors congneut que c'estoit le nepueu du Roy, & mena en soy mesme grand dueil en soy desconfortant & pensant qu'il luy auoit fait faire, si considerera que tel affaire ne luy venoit pas seulement du tout du Roy: mais pourroit venir d'autre: pour aucune mauuaise detraction & de trahison: & ainsi apres le fait: il n'osa oncques puis arrester au pays, pour doute du Roy, & se retira ou il auoit toute sa finace & la print, & s'en alla en tel lieu ou il conquesta du pays assez. Adonc Iosselin le faux traistre dist à ses compagnons. Or sommes nous venus au chef de nostre inten-

L'HISTOIRE DE

tion: car le nepueu du roy est mort nous ferons maintenant du roy a nostre vouloir, & ne nous mouuons point tant qu'il soit eslongner, & puis ferons vne biere de perches, & le courirons de ramonceaux de bois, & le porterons deuers le roy, & luy dirons que henty de Leon a occis son nepueu en trahison. Na noble roy ainsi a fait le faux traistre que voyez la & s'il dit que non, ie presente mon gage de luy faire recognoistre la faute & sa mauuaise gorge de tout ce que i'ay dit. Et pource Sire roy, ie veux que chacun cognoisse que ie ne fais pas ceuy par auarice, mais pour garder mon heritage, & pour esclarcir la villainie & mauuaise trahison que le traistre & ses complices firent a mon pere pour le chasser de entour du roy, & hors de son pays ie vous prie noble roy, s'il vous plaist, qui prenne son fils Oliuier & vn autre de ses plus prochains amis, & ie le combattray, au regard du iuste iugement de vostre court, voire l'vn apres l'autre. Et en ce disant il ietta son gage: mais il n'y eut nul qui respondit. Et quand Alain & ses deux enfans l'eurent ainsi ouy parler, ils le coururent baïser & embrasser de ioye & de pitié qu'ils eurent quand ils l'ouyrent ainsi piteusement parler du fait de la trahison.

Comme le fils de Ioffelin bailla son gage contre Raymondin.



Quand le roy des Bretons vit que nul ne respondoit mot a ceste parole ainsi racomtee en presence, si dist tout haut. Ioffelin estes vous sourd? Or voy ie bien que le proverbe qu'on dict communement est vray. que vieil peché fait nouvelle vergongne Car ce cheualier estrange vous a apporté par aduis de pays vne nouvelle fort estrange. & merueilleuse medecine de loing. Aduisez vous de respondre, car il vous en est besoing. Adonc Ioffelin luy respondit. Sire roy ie ne fais pas desormais celuy qui doit respondre a telle choses, & aussi ie croy bien qu'il ne se fait que gaber: Adonc Raymondin respondit. Le gaber faux traistre desloyal tournera sur vous Le vous prie noble roy que me vueillez tenir droict a vostre court: & que vous en faciez bonne iustice selon droit & raison, soit de moy ou de luy Lors respondit le roy: n'en doutez, car si feray-ie. Ioffelin dist-il, il faut que vous respondiez a ceste querelle Et quand Oliuier son fils ouy ce que le roy disoit a son pere, il luy respondit. Sire, ce cheualier a si grand peur qu'il tremble, ie croy qu'il cuide prendre les Grues en vollant, & il faudra bien a ce qu'il vous a dict, car ie tiens mon pere vray preud'homme en tous cas: & ie prens bataille comme il a ordonné, & voila mon gage. Il sera bien fortuné s'il me peut desconfire & vn autre de mon lignage que ie esliray. Quand le roy ouyt ceste parole: il fut courroucé, & dist Ce ne aduiendra pas tant que ie viue: que vn seul cheualier combatte contre deux pour vne mesme querelle, & est grand honte a vous d'auoir ceste pésée en vostre cœur, & vous ne me monstrez pas semblant que vostre pere ait bone requeste.

Et pource ie vous donne iournée de bataille, a la requeste du cheualier, au iour qu'il luy plaira. Il me plaist tout maintenant, dist Raymondin: car iay mon harnois prest: & Dieu vous vueille rendre le merite du loyal iugement que en auez fait. Lors eufriez ouyt grand murmure des gens qui la estoient car tous disoient.

Voila le plus vaillant cheualier que nous vismes oncques, en querant bon droict:

mais quiconque en eut douleur, Alain de Quemegnignant eut grande ioye, & aussi ses deux fils, lesquels dirent a raymondin Beau coulin ne vous esbahissez de riens prenez hardiment la bataille pour vous & pour nous deux contre ce faux traistre: car no^z en viendrons briefuement a chef au plaisir de Dieu.

Seigneurs dist raimondin prenne la bataille pour soy qui voudra, car i'auray ceste a ma part, & ne doutez pas que ie n'en vienne a bon chef a l'aide de Dieu, & du bon droit que ie y ay, & me loue du roy & de sa bonne iustice.

CE pendant que le murmure estoit entre les gés, le roy de Bretagne qui estoit fort sage pource que les parties estoient de haut lignage, doutant que aucun grand inconuenient n'aduint entr'eux enuoya fermer les portes afin que nul ne saillit ne entrast & les fist garder par gens d'armes bien armez au descouuert: puis tira son conseil a part, & luy comta la querelle. Adonc ils conseillerent ce qui estoit a faire. Lors le roy retourna en la salle, & on fist commandement de par luy sur peine de la hart, qu'il n'y eust si hardy de dire mot puis dist. Or entendez Seigneurs, ceste querelle n'est pas petite: car c'est pour la vie & des honneur a tousiours d'une des parties & ie ne veux refuser a faire droict a ma court: puis dist a Oliuier. Voulez vous deffendre vostre pere de celle trahison. Ouy sire dist il. Adonc le roy respondit. Les lices sont toutes prestes. Et pour ce ie ordonne a demain la bataille: & si vous estes desconfit, vous ne vostre pere n'en eschappera ia que tous deux ne soyez pendus: & aussi vostre aduersaire partie si le cas y aduenoit n'en auroit ia moins, deliberez vous & baillez ostages, & tout premier vostre pere demoura: puis il le fist mener par quatre Cheualiers en vne forte tour. Apres dit a raimondin. Sire Cheualiers baillez ostages. Adonc se mist auant Alain son oncle & ses deux fils, & bien iusques a quinze Cheualiers, qui tous dirent a vne voix. Sire nous le plegeons. Il suffit bien dist le roy, vous ne tiendrez ia prison: car ie scay bien que le Cheualier n'eut pas fait ceste entreprinse s'il ne l'eust voulu acheuer, & ainsi departirent les parties de deuant le roy. Et raymondin s'en alla avec ses gens, son oncle & ses cousins a ses pauillons, & le soir alla veiller a la maistresse Eglise, & y fut long tēps en deuotion. Et Oliuier vint a son hostel avec plusieurs de son lignage, & fist mettre a point son harnois & son cheual, & le lendemain au matin ouyrent messe puis s'en allerent armer, Adonc le roy & les hauts barons furent montez sur les eschaffaux entour les lices, & furent les gardes du champ bien establies & les chaires assises a droict. Enuiron l'heure de prime raymondin vint a noble compagnie & richement, lescu au col, la lance sur la cuisse & la cotte d'armes vestue, bordee d'argent & d'azur, & entra es lices monté sur vn bon d'estrier bien armé iusques a l'ongle du pied comme pour gagner bataille, & la fist reuerence au Roy & a tous les barons. Il y a grand temps dirent ils tous, que nous ne vismes plus bel homme en armes, ne de plus belle contenance, celuy n'a pas ceures laissée qui a tel homme a deffaite.

Adonc descendit raymondin de dessus le destrier aussi appertement que s'il n'eust point esté armé, & s'assist en la chaire en attendāt son aduersaire, lequel vint lōg tēps apres noblement monté sur vn riche d'estrier bien sembloit homme de grand affaire. & si y venoit Iosselin son pere deuant luy sur vn palefroy gris & firent noblement la reuerence au Roy comme ils denoient. Iosselin sembloit estre fort esbahy, &

pour ce que chacun disoit qu'il auoit mauuaise cause. Si descendit Oliuier viftement puis furent apportées les saintes Euangiles, & Raimôdin iura que Ioffelin auoit mauuaise cause, & auoit faite la trahison en la maniere qu'il auoit parauant declarée, & apres s'agenouilla & baïsa les saintes Reliques, & puis s'assist en la chaire. et apres Ioffelin iura : mais pour baïser les reliques il chancela tellement qu'il ny peut oncques toucher, & aussi Oliuier qui bien sçauoit comme il estoit: iura faucement, & puis s'assist à la chaire, & cria vn heraut à haute voix de par le Roy, que personne ne fut si hardy de par vn mot, ne faire signe aucun que nul des champions peust entendre ne aperceuoir sur peine de la hart, & lors vuïda chacun la place, fors ceux qui estoient cômmiss à garder ce champ & Ioffelin. Et adonc raymondin monta legerement à cheual, & print sa lance: & aussi Oliuier monta viftement, & print sa lance au fer tranchant, si cria vn heraut par trois fois, laissez aller vos cheuaux, & faictes vostre deuoir.

*Comme Raymondin batilla contre Oliuier, Fils de Ioffelin
& le desconfit.*



ET quand le cry fut fait Raimondin mist le bout de sa lance à terre & la coucha sur le col de son Cheual, & fist le signe de la croix par trois fois, & en ce faisant son ennemy l'apperçeut, & frappa son Cheual des esperons, qu'il auoit bien a main & baïssa sa lance, & frappa Raimôdin parmy le pis auant qu'il s'en donnast garde, fort rudement: car à ce faire il mit toute sa force: mais Raymondin n'employa la l'eschine, & la lance de Oli-

uier se froïssa iusques à son poing. Et de la grand force du coup la Lance de Raimôdin cheut à terre. Ha traïstre, dist raymondin, tu en suis bien la fauce lignée dont tu es party, mais ce ne te peut valoir. Et adonc print l'escu qui pendoit à l'arçon de la selle, lequel auoit trois poinctes bien assurees chacune de sept pouces de long & au retour apres son coup que Oliuier cuida frapper sur le bassinet, qui estoit fort dur & trempé, lors le coup coula aual, & couppa le bassinet & toute la visiere, & aussi le coup qui descendit de grand randon, avec la force du bras dont il fut frappé l'vn des cloux de la maïsselle se rompit, & raymondin tira à luy tellement que la visiere demoura pendre d'vn costé, & qu'il eut le visage tout descouuert, & de ce s'esbahissoit mout Oliuier, & neant-moïus il tira l'espée, & fit la contenance de Cheualier, qui peu redoutoit son ennemy, & ainsi se combaterent long temps, & se donnerent de grands coups. Et en fin Raymondin descendit à pied, & print la Lance qui estoit par terre, & s'en vint vers son ennemy, lequel au mieux qu'il pouuoit se destournoit de luy, & le faisoit aller apres luy parmy le champ: car il auoit cheual si bien a main comme s'il fust à son desir.

Et ainsi

Et ainsi cuidoit tant laisser raimondin, qu'il s'arresta, ou que la iournée se passa, mais raymondin s'aduifa, & vint à son cheual qui estoit parmy le champ, & print le d'estrier à vne main, & à l'autre sa Lance & s'en vint vers son ennemy. Et quand Oliuier le vit & apperceut sa maniete, il ne sceut comme il vouloit assaillir, si poignit son Cheual en sursaut, cuidoit frapper raymondin en la poitrine comme il auoit faict parauant : mais raimondin luy ietra de rechef l'estrier par grand haste, & attraignit le Cheual au fronc de si grande force que le gouffrain d'acier fut effondré dedans la teste du cheual, qui par force du coup conuint aller par terre des iarrets de derriere : & adonc Oliuier luy laissa aller le frain, & le poignit des esperons, & au dresser que le Cheual fist Raymondin le frapa de la Lance au costé tellement qu'il le bouta par terre de l'autre costé du destrier, & demoura à Oliuier bien demy pied de fer dedans & fut la Lance dedans le corps, & auant qu'il se peust releuer Raimondin le chargea tant de ses coups qu'il ne s'en peust mouuoir & luy arracha le bassinet de la teste par force, & luy mist le genouil sur le nombril, & la main fenestre au col, & le tint en telle d'estresse qu'il ne se pouuoit mouuoir. Et quand il vit qu'il fut au dessus il tira le cousteau qu'il luy pendoit au costé d'extre, & luy dist. Faux traistres rens toy ou tu es mort. L'aimé mieux mourir dist Oliuier, de la main d'un si vaillant Cheualier comme vous estes que de autres. Adonc Raymondin print pitié de luy, & luy demanda sur le peril de son ame s'il scauoit riens de la trahison, & il respondit que non, qu'il n'estoit pas n'ay en ce temps : & que combien qu'il pleust à Dieu que fortune luy fust contraire, si tenoit il encores son pere pour preud'homme & bien loyal, & non coupable de ce faict. Quand Raymondin qui scauoit bien le contraire, l'ouit il fut fort dolent & le batit tant aux temples du poing à tout le gantelet, qu'il ne voyoit, ne oyoit, & ne scauoit chose qu'on luy fist. Et adonc se leua Raymondin & le print par les pieds & le traina iusques aux lices, & puis le mit hors, & s'en retourna deuant l'eschaffaux du Roy la visiere leuée, & luy dir. Sire i'ay faict mon deuoir: car si i'ay plus riens à faire ie suis tout prest de le faire, & au regard de vostre court, & ordonnance. Sire cheualier, dist le Roy, vous estes bien acquité. Adonc commanda le Roy que Ioffelin son fils fussent pendus, & ceux ausquels il commanda saisirent incontinent Ioffelin, lequel crioit mercy au Roy. Et le Roy luy dist qu'il cogneust la verité de la querelle, & par aduenture il luy pourroit bien faire grace.

Comme Ioffelin & son fils Oliuier furent pendus de par le Roy.



Sire, dist Ioffelin, le celer ne vaut rien : prenez pitié de moy, s'il vous plaist: certainement il fut en la maniere que le Cheualier le proposa, & Oliuier mon fils n'estoit pas encores né. Ioffelin, dist le Roy, icy à grand mauuaistié, & s'il n'eust pleu à Dieu que vous en fussiez pügny en ce monde, il ne vous eut pas tant laissé viure: & quād est de ma part vous ne fandez pas à la punition.

Adonc il dict à ceux qui estoient ordonnez, que incontinent le pere & le fils fussent pendus & estranglez car ils l'ont bien merité. Adonc Raymondin dist au Roy, Sire ie vous remercie humblement tant que ie puis de vostre iustice, & du droit



que vous tenez en vostre court: mais ie vous prie. Sire Roy, qu'il vous plaist me donner la vie de Oliuier: car veu la bonne vaillance de luy, & aussi consideré qu'il n'a coulpe de la trahison, ce seroit grand dommage de sa mort: car encores pourra il assez de bien faire, & quand est du pere, pource que ie le vois viel & foible de ma part. Sire Roy, s'il vous plaist luy faire grace, ie vous en requiers de bon cœur Et pourtant que j'aye mon heritage & les profits, & fruits qu'il à leuez selon la mise de l'argent qu'il en pourra auoir eu, & que ce soit distribué pour fonder vne prieuré, & renter les moynes d'iceluy prieuré selon la quantité de l'argent pour chanter perpetuellement pour l'ame du neveu du roy Adonc le Roy dist à ses Barons. Messieurs voicy grande franchise de se Cheualier qui prie que ie repite ses ennemis de mort mais par la foy que ie dois à l'ame de mon pere. Ioffelin ne son fils ne me feront iamais trahison, & ne me chasseront nul homme de mon pays. Lors il les fist tous deux pendre, & rendist à Raymondin sa terre, & luy donna avec ce toute la terre de Ioffelin dont Raymondin l'en remercia humblement & luy fist hommage. Apres commença la feste à estre mout grande & noble court à tout homme, & estoit ioyeux de ce qu'il auoit recouuert vn si vaillant homme en son pays: mais pour neant s'en resiouysoit: car bien tost verra que Raymondin n'auoit gueres de volenté de demourer en Bretagne: car fort luy tarδοit de reuoir Melusine.

Comment Raymondin donna sa terre à son cousin Henry, & la terre de Ioffelin à son frere Alain.

RAymondin fut tres bien festoyé du Roy de Bretagne qui tint pour amour de luy honorable court & firent les barons du pays grand ioye de sa venuë: & par especial Alain son oncle & ses enfans ceux de son lignage. Adonc vint Raymondin au Roy: & luy dist. Sire ie vous supplie qu'il vous plaist d'accorder que ie donne la baronnie de Leon, qui fut à Héry mon pere, à qui Dieu face mercy: à Henry, mon cousin: si aura la terre le nom de son droicturier Seigneur, & vous le nom de vostre homme, car il est de la lignée.

Sire, dit le Roy: puis qu'il vous plaist il nous plaist. Adonc le Roy appella Henry & luy dist. Henry receuez ce don de la baronnie de Leon que vostre cousin, vous donne & m'en faictes hommage, ce qu'il fist, & remercia le Roy, & Raimondin, & apres Raimondin appella Alain son cousin, & luy dist. Beau cousin ie vous donne la terre que le roy ma donnée, qui fut à Ioffelin du pont de Leon, & en faictes hommage au Roy, lequel le receut ioyeusement, mais les barons du pays commencerent fort à

murmurer, & dirent.

Ce cheualier n'est pas venu en ce pays par conuoitise & auarice, mais seulement il a mis sa vie en grand aduerture pour conquerir son heritage, quand si tost s'en est defaict, il conuient bien qu'il ait grandes richesses ailleurs.



A Donc vint l'ancien Cheualier à raimondin, & quand raimondin le vit il luy dist qu'il se deliurast de ce que sa Dame luy auoit commandé.

Et il luy respondit, monseigneur pour ce suis ie venu deuers vous. Adonc presenta au roy de par sa Dame vne moult riche couppe d'or, ou il y auoit de riches pierres precieuses, & donna apres tous les barons de moult riche & beaux ioyaux, dont chacun s'esmerueilleoit dont telles richesses venoient, & disoient to^r les Barons qu'il conuenoit que Raymondin fust fort puissant & riches homme, & lors se renforça la feste, & auoit Alain de Quemegni gnant & ses deux fils si grand ioye que nul ne scauroit bonnement exposer: mais encore durant leur ioye eut de l'autre part ducil du lignage du pont de Leon: qui noublierent pas la mort de leur cousin ainsi que vous orrez cy

apres. A tant se taist l'histoire de ceste feste, & commence à parler de Melusine, & cōme elle se gouerna tandis que raimondin fut en ce voyage.

T Andis que raimondin fut en Bretagne Melusine fit bastir la ville de Lusignan, & fonder le mur sur vne roche, & fist edifier de fortes tours & druës marchicotées, tant par dehors que par dedans de profondes trenchées & bonnes brayes, & entour le chateau est vne grosse tour de tuille Sarrazinesmes, faictes de cyment, & estoient les murs de la tour bien de seize ou de vingt pieds d'espais, & le fist faire si haute que les guettes estoient dedans voyoient bien de tous costez qui venoit vers la ville: & la ou le fort est elle establi des trompette qui trompoient quand ils voyoient des gens, & scachez que tous les trenchées d'entour le bourg furent curez la, ou il estoit besoing comme il est encore à present. Et fist la Dame nommer ceste tour trompées. Or retourne à parler l'histoire du Roy & de Raymondin, & de la feste que chacun luy faisoit.

*Des ioustes qui furent faictes à Nantes. Et de la feste qu'on fist
à Raymondin.*



LA feste fut grande à Nantes: & le Roy honnora fort raimondin, & fist on iustes lesquelles Raymondin se porta vaillamment & y furent toutes les plus gentilles dames du pays qui prisoient mout la contenance de Raymondin, & bien disoient qu'il estoit digne de tenir grand pays: & s'esbahissoiēt de grāde richesse qu'il voyoiēt entour Raymondin de iour en iour mais quiconque fist la feste de Raymondin le Chastelain de

Orual, qui fut neveu de Iosselin du pont de Leon: faisoit au contraire: car il enuoya soudainement à tous ses parens de Iosselin leur faisant scauoir comme la chose estoit allée, qu'ils fussent à vn certain iour qu'il leur manda à vn recept qu'il auoit en la forest de Guerende qui estoit à luy, & quand ils ouyrent les nouvelles ils furent dolens, & se mirent environ deux cens hommes d'armes & vindrent secrettement au lieu ou le chastelain les auoit mandez. Adonc le Chastelain se partit de la Court sans prendre congé du Roy ne des Barons mais il laissa à la Court trois de ses Escuyers, pour veoir quel chemin Raymondin tiendroit & qu'ils luy annonçassent audiēt recept, & il luy respondirent que si feroiēt ils, & a tant se partit le Chastelain, & cheuaucha tāt qu'il vint au recept ou il trouua ceux de son lignage qu'il auoit mandez, & comta toute la maniere de l'adventure & comme Iosselin, & son fils auoiēt esté pendus, & que ils auoiēt en pensēe de faire, ou de le venger de raymondin, qui luy auoit fait pourchasser c'est ennuy a eux a tousiours fait si giād honte ou le laisser en ce party. Adonc pour tout le lignage respondit vn bien estourdy cheualier qui fut fils du cousin germain de Iosselin chastelain scachez que ainsi ne demoura pas: car nous tous d'vn accord voulōs mettre à mort celuy qui nous a fait vitupere, & deshonneur. Lors dit le chastelain: Ie tiens bien employé l'honneur que Iosselin mon oncle vous a fait le temps passé, & ie vous mettray tantost en lieu ou nous pourrons bien accomplir nostre volonté de celuy qui telle honte nous a faicte, car par quelque costé qu'il sorte du pays de Bretagne ia ne nous peut par voye eschapper: car nous y auons bone espies qui nous viendront annoncer quand temps en sera. Et ils respondirent tous. Benist soyez vous, & quoy qu'il en doie aduenir ceste entreprinse sera acheuée: & occirons le faux cheualier, qui ce dommage & ceste honte nous a faicte.

L'histoire nous dict que la feste dura bien quinze iours, & le Roy des Bretons & toute sa Barōnie firent tant d'honneur à Raymondin que ie ne le pourrois racompter: puis il print congé du Roy & de ses barons, & remercia humblement le Roy de la bonne iustice qu'il luy auoit faicte en sa court, & le Roy & plusieurs des barons furent dolens de sa departie. Et ainsi Raymondin se partit du Roy

& avec luy Alain son oncle, & ses deux enfans Cheualiers, & ceux de son lignage: & allerent fort cheuauchant vers Leon: mais l'ancien Cheualier estoit parti deuant & alloit tendres tentes & pauillons & toutes autres choses ordonner cōme besoing estoit.

Et adonc Raymondin, son oncle, & ses deux enfans, & les plus prochains de son lignage se logerent au Chasteau, les autres au bourg, & fut la feste mout grande, & Raymondin donna de riches dons a tous les Barons qui la estoient, mais quād le peuple du pays sceu que celuy qui estoit fils de leur propre seigneur estoit venu ils en furent ioyeux, & luy firent de beaux presens selon l'usage du pays comme de vins, de bestial, de poisson de foing, & d'auoine, & autres choses & estoient bien ioyeux, puis qu'il ne plaisoit a Raimondin de demeurer ne de tenir la terre qu'ils estoient escheuz en la lignée de leur Seigneur, & pour ce qu'ils estoient hors de sa subiectiō de la lignée de Ioffelin. Adonc Raymondin les remercia gratieusement de leurs presens, & leur pria & commanda qu'ils fussent tous bons & loyaux subiects à Henry à qui il auoit donné la terre: & ils luy dirent que aussi feroient-ils.

Comment Raymondin retourna à Quemegniant, ou il fut bien festoyé.

Il se partit Raymondin de ceux de son lignage de Leon & s'en vint à Quemegniant & la se renforça la feste, & apres la feste Raimondin alla prendre congé de tout son lignage, mais ils mirent le plus grand remede qu'ils peurēt afin qu'il demourast encores huit iours outre sa volenté: mais nonobstant il faisoit a leur plaisir le plus qu'il pouuoit. Cependant il vint vn homme à son cousin Héry, lequel luy dist qu'en passant aupres dudict recept, ou estoit le Chastelain de Orual avec deux cens hommes d'armes, il auoit entendu par aucun des varlets dudict Chastelain qu'ils attendoient gens à qu'ils ne vouloient point de bien: mais il ne luy auoit pas descouuert qu'ils estoient.

Quand Henry l'entendit il enuoya vn escuyer vers le lieu pour scauoir que c'estoit. Et celuy qui fut mout diligēt, fist tāt qu'il en cogneut la plus grād partie, & qu'elle quantité ils estoient: & incontinent retourna vers Héry, & luy comta qu'il auoit trouué de cinq à six cens combatans: & ces nouvelles ouyes par Henry, il deffendit au messager qu'il n'en parlast à personnes, & incontinent appella son frere Alain, & aucuns autres notables de son lignage, & leur comta c'est affaire. Nous ne scauons que penser, dirent-ils, ne qu'ils tendent a faire, sinon qu'ils se vouliissent venger de Raymondin nostre cousin, ou nous mouuoir guerre sur ceste querelle, & toutes fois il est bon de pouruoir de remede, & mandons tous nos amis, & nous tenons secrettement ensemble, & verrons qu'elle fin ils feront afin que s'il venoient vers nous ne sur nous, qu'il ne nous trouuent à descouuert, & aussi si Raymondin se depart, qu'il ne soit surpris d'eux: & s'ils ont intention de luy mal faire, c'est de luy oster la vie.

C'est la verité, dirent les autres: or nous deliurons de nostre mandement si brief & si celément qu'on ne le scache que le moins que nous pourrons, ce qu'ils firent & eurent dedans le second iour iusques à quatre cens hommes d'armes, que de leur alliez avec eux, & les firent loger en vn bois ou peu de gens le sceurent.

Or aduint que raimondin ne voulut plus demourer en ce lieu, & print congé de Alain son oncle, qui demoura à Quemegniant dolent de la departie, & ses deux enfans le conuoyerent à grand foison de leur lignage, & comment qu'il fut ils ne le vouldrent onc laisser seul, & faisoient tousiours leurs gens aller arriere leur costé, & cheuaucherent tant qu'ils approcherent a vne lieue pres de la forest, ou le recept du Chastelain estoit, qui par ses espies sceut la venue, & dit à ses parens. Or verra on qui oncques aima Ioffelin, & Oliuier son fils, il leur deura bien monstrier icy pour venger sa mort: car icy pouuons a ce coup tout mettre a mort le lignage d'iceluy & luy avec qui nous a fait telle honte, & aux nostres, & ils luy responderent. Ia nul d'eux n'eschappera qu'ils ne soient tous morts: mais comme le prouerbe dist. Tel euide venger sa honte qui la croist, car ainsi il fut du Chastelain & de ses parens. Adonc le cheualier ancien vint a raimondin & luy dist. Sire il vous est bien mestier que cheuauchez par ceste forest tout armé, vous & vos gens par belle ordonnance: car le lignage de Ioffelin que vous auez destruiet ne vous ayme pas, si pourroient a vous & a vostre compagnie porter dommage s'ils vous trouuoient desgarnis, & le cœur me dict que nous les trouuerons bien tost, & ia estoient armez Alain & Henry, & tout son lignage, & auoient leurs gens deuant en embusche, ou au moins a demie lieue du recept.

Et adonc raimondin fist armer ses gens, & mist le Canon au vent, & quand il vit ceux de son lignage qui estoient tous armez, il ne sceut que penser, & aussi les autres ne scauoient pas pourquoy raimondin, & ses gens estoient armez. mais ils luy dirent la verité, & comme ils auoient enuoyé deuant quatre cens hommes d'armes pour le garder de ses ennemis. Vostre courtoisie, dist raimondin, ne doit pas estre mise en oubly, & fera mise dorefnauant si vous auez besoing de moy. En c'est estat cheuaucherent tant qu'ils vindrent dedans la forest, & faisoit beau voir raimondin cheuaucher tenant le baston au poing, & mettant ses gens en belle ordonnance.

*Comme raimondin fut guetté des parens de Ioffelin dedans le bois
ou il eut fort a souffrir.*



Le Chastelain estoit en son recept & attendoit l'espie qu'il auoit enuoyé pour scauoir l'heure que raimondin entreroit en la forest, & tât exploita l'espie qu'il vit raimondin, lors retourna au recept, & dist au Chastelain. Sire le voicy venir. Quand le Chastelain l'entendit il s'escria disant. Qui ayma oncques Ioffelin du pont de Leon & Oliuier son fils, si me suiue.

Adoncques monta a cheual, & furent enuiron huit cens combatans tous armez qui le suiuirent, & se mirent a cheuaucher par la forest a l'encontre de raimondin, & se passerent deuant l'embusche que Henry & ses parens auoient enuoyée lesquels la laisserent passer sans eux descourir: puis se mirent en chemin apres eux & cheuaucherent tant qu'ils rencontrerent raimondin & sa route, mais quand ils le virent che-

uachant tous armez en si belle ordonnance ils en furent esbahis. Et toutes-fois n'y auoit en ceste premiere route que les valets & enuiron cent homme d'armes. Et leur escrierent a mort : mal accointastes celuy qui nous a fait la honte & dommage de Ioffelin nostre parens.

Quand les gens de Raimondin les entendirent ils se mirent a part & firent sonner leur trompettes, que les autres les coururent sus, & leur firent grand dommage auant que raymondin peust arriuer, lequel cheuauchoit tant que le Cheual pouuoit courir si se frappa entre ses ennemis la lance baissée, & le premier qu'il rencontra il le fist choir mort par terre, & puis il tira l'espée, & frappa à tort & a trauers a dextre & a senestre, & porta a ses ennemis grand dommage: mais quand le Chastelain le vit il fut fort dolent, & le monstra a trois de ses cousins germains. Voyez vous le Cheualier qui a fait la honte de nostre lignage, si nous estions deliurez de celuy le demourant ne pourroit gueres durer contre nous & nos gens.

Adonc poignent a luy tous quatre leurs cheuaux, les lances baissées dont les deux frapperent sur le comble de l'escu, & les deux autres sur la coupe au bassinet, & si roidement le ferirent qu'ils ruerent luy & son Cheual par terre: & passerent outre : mais quand il vit qu'il estoit ainsi abbatu luy & son cheual il poignit son cheual des esperos & le Cheual qui fut fort & viste se remist sur ses genoux, & apres se mist sur les pieds legerement que oncques il n'en perdit les estriers ne l'espée de la main.

Et adonc se trouua vers le chastelain, & le frappa de l'espée pesante, qu'il fut si estourdy que il perdit les estriers, & luy volla l'espée de la main. Lors la presse des gens commença a venir si grande que il fut deffoullé des pieds des gens, & des Cheuaux.

Lors commença la bataille grande & fiere & y eut grand dommage d'un costé & d'autre.



Adonc vint l'ancien Cheualier Henry & Alain par la meslée qui fut fiere & aspre. La fist raymondin grands faicts d'armes a ses ennemis : mais le Chastelain fut hors de la presse, & luy rendirent les gens vn fort cheual, & il monta dessus, puis se renforça la bataille. Et quand ses gens le virent remonté ils prindrent courage en eux, & se combatirent asprement & y eut mout de mors d'une part & d'autre, & scachez que raimondin & ses gens soustenoient grand faix: car l'aduerse partie estoit bien forte: mais l'embusche de Henry vint par derriere, & les assaillirent de tous costez, tellement qu'ils ne scauoient que faire, ne ils ne se pouuoient defendre, ny pouuoient fuyr.

Adonc fut prins le Chastelain & rendu à raymondin, lequel le bailla a garder à l'ancien Cheualier & a quarante de ses hommes, & furent les autres prins & mors en peu

d'heure, & ce faict vindrent au recept, & Raimondin dict à ses parens. Seigneurs ie vous dois bien aymer & regracier du secours que m'avez faict en ceste iournée & ie scay bien que si n'eust esté l'aide de Dieu & de vous que ce traistre m'eust mis a mort par trahison. Or regardons qu'il est bon de faire, dist Henry, faictes a vostre volonté. Ie vous diray que nous ferons, dist Raymondin faisons pendre tous ceux qui sont du lignage de rosselin enuiron ce recept & le chastelain & les autres enuoyeros au Roy des Bretons pour tesmoigner la trahison qu'il nous à faict si en prendra telle punitiō qu'il luy plaira. Sire dirent-ils tous, vous dictes bien.

Adonc furent prins tous les prisonniers, & pendus aux fenestre tout à l'entour du recept, & tous ceux qui estoient du lignage de rosselin, & le Chastelain liez les enuoya par Alain accompagné de trois cens hommes d'armes à vannes vers le Roy qui la s'estoit retirer, & Alain luy presenta le chastelain de Orual le premier & les autres apres: & puis il luy racomta toute l'adventure, & luy dist comme raymondin se recommandoit a sa bonne grace, & qu'il ne luy voulist desplaire s'il auoit prins vengeance de ses ennemis qui l'auoient voulu destruire & meurtrir en trahison, & qu'il luy enuoyoit le Chastelain & les autres pour scauoir la verité du fait, & qu'il en print la punition a sa volonté. Et comment, dist le roy Chastelain fustes vous si hardy de faire tel outrage ne telle derision pour la raisonnable iustice qu'aucns faict faire en nostre Royaume, consideré la grad trahison que rosselin vostre oncle à cogneu qu'il auoit faict, vous fustes fort outreuidé. Et c'est bien à droict s'il vous est mal aduenu. Ha noble roy dist le Chastelain, prenez pitié de moy: car la grande douleur que i'auois du des-honneur que raymondin auoit faict a nostre lignée l'a ma fait ainsi faire. C'est mauuaise compagnie que de traistres dist le Roy faict il bon fermer l'estable auant que les cheuaux foict perdus, & scachez que iamais ie ne voudrois occire gentil'homme noble homme en trahison car iamais ne mengeray tant que soyez pendu avec vostre oncle: car luy tiendrez vous compagnie: & tous ceux qui sont avec vous.

Et adonc fist pendre tous ceux de la court, & furent pendus, & enuoya le chastelain a Nantes, & la fut pendu aupres rosselin son oncle & Oliuier son cousin. Et ainsi le roy des Bretons garda bien iustice en son temps.

Comme Raymondin print congé de ses parens & amis, pour retourner à Melusine.



Vand Alain fut retourné a raimondin au recept & il eut comté aux autres ce que le roy auoit faict. Adonc raymondin appella Henry & Alain & leur dist. Mes cousins ie vous enioinct que faciez fonder vne prieuré de la Trinité de huit moines, & de les renter pour chanter à tous iamais pour l'ame de mon pere & du nepueu du roy, & aussi pour tous ceux qui sont trespassez pour ceste folle entreprinse, & ils dirent que si feroient ils, & pria raymondin qu'il le recommandassent au roy de Bretagne, & aux Barons & a Alain leur pere. Adonc ils priindtent congé de luy, & furent dolés de son departement, & aussi de ce qu'il ne les laissa aller plus auant & a tant re-tournerent vers Quemegniant & raymondin vint à Guerende ou il fut bien festoyé.

Comme les deux fils de Alain retournerent vers luy, & luy compterent
l'adventure qu'il auoyent trouuée.

Henry & Alain prindrent de leur lignage congé, & vindrent a leur pere & luy comterent toute l'adventure du Chastelain, & qu'il auoit esté desconfit luy & ses gens, & comme il auoient prins congé de leur cousin Raymondin, & qu'il leur auoit enioinct de fonder vne prieuré pour prier Dieu pour l'ame du nepueu du Roy & de son pere, & pour tous ceux qui pour ce sont morts. Le pays est bien deliuré du lignage, dit le preud'homme, Dieu en ayt les ames, combien que ils ne vous aymassent oncques. Or mes enfans ie vous diray que vous ferez. Allez deuers le Roy, & luy requerez qu'il vous donne la place pour edifier la prieuré, & luy dites la maniere comme vostre cousin le vous a enioint, & ie croy qu'il vous en dira bonne responce. Et il s'y accorderent: puis se partirent de leur pere & tant cheuaucherent qu'ils vindrent à Vannes: & trouuerent que le Roy estoit partit, & estoit aller à Suiffinom pour s'esbatre & deduire a la chasse. Adonc ils monterent à cheual, & vindrent au chasteau, trouuerent que le Roy estoit allé au port chasser, & les deux freres allerent apres, & trouuerent le Roy sous vn grand arbre sur vn estang, ou il attendoit le Cerf que les chiens chassoient. Si se retirerent à part pource qu'ils ne vouloient pas destourber le Roy d'auoir son deduit qui les apperceut bien, & leur en sceut bon gré, & ne demoura gueres que le Cerf vint qui se ietta en l'estang & la fut prins par force de chiens, & fut tiré hors de l'eau, & fut faicte la cure, & donné le droict aux chiens. Lors Alain & Henry vindrent vers le Roy & le saluerent honorablement, & firent le message que Raymondin leur cousin leur auoit enchargé.

Adonc le Roy leur dict, bien soyez venus, & les enquist de l'estat de Raymondin, & ils luy dirent ce qu'ils en auoient veu, & puis luy compterent comme il leur auoit enioinct de fonder vne Prieuré de huit moines, & de les rénter pour chanter pour l'ame du nepueu du Roy & pour tous les autres qui auoient receu mort pour ceste querelle, & aussi qu'ils le priaissent de par luy qu'il leur voulist donner place pour fonder ladiste prieuré. La requeste est raisonnable, dist le Roy, & maintenant ie vous meneray au lieu ou ie veux qu'il soit fondé.

Adonc il faillerent de la garenne, & vindrent selon le mur au bout du clos puis le Roy dist. Seigneurs faictes icy fonder vne prieuré, & prenez tant de place que vous voudrez, & vous habandonne la Forest pour y prendre le bois à charpenter: & quand les moynes y seront establis, ie leur en donne pour leur vser, & à tous les habitans & leur habandonne le pesche en la mer, qui est pres d'icy à vn quart de lieuë, & de prendre en la Forest oyseaux & sauuagines pour leur viure & de leur hostel & si leur donne les terres & arbres qui sont à demie lieuë a l'entour, & de tout ce leur passa bonnes lettres. Adonc les deux freres remercierent humblement le Roy: & firent venir des massons & charpentiers: & en peu de temps firent la prieuré & y mirent des moynes blancs, iusques à huit personnes religieux qui portent en leur habits derriere vne croix azurée, & les renterent bien pour eux viure aysement, & encores y est il.

RAymondin demoura tant en la terre de Guerende, qu'il mist d'accord aucuns barons qui estoient en discention long temps auoit, & fist qu'ils furent amis ensemble, & le pays fut bien en paix puis print congé des Barons & du menu peuple, qui furent dolens de sa départie, & tant cheuaucha qu'il vint en la terre de Poitou, ou il trouua grand quantité de hautes Forests non habitees, & en aucuns lieux auoit grande foison de sauuagines, comme Cerfs, Biches, Porcs, Dains, & autres bestes sauuages, & en autres lieux plusieurs plaines, & mout bellies prairies. C'est grand dommage dist Raymondin, qu'en ce pays ne habite du peuple: car fort est grande la contrée, & en plusieurs lieux sur la riuere auoit de mout belles places non habitées: lesquelles à son aduis, eussent esté fort profitables si elles fussent entretenus. Et tant cheuaucha Raymondin, qu'il vint en vne ancienne Abbaye, appellée Maillieres, & y auoit à comter l'Abbé cent moynes sans les conuers, & la se logea Raymondin, pour la plaissance qu'il y print par trois iours & trois nuicts, & y donna de beaux dons. & puis se partit, & tant cheuaucha qu'il approcha de Lusignen, & premierement apperceut la tour trompée & le bourg, & lors il ne cuidoit pas estre ou il estoit, car il mescongnoissoit le lieu pour la tour & pour le bourg qui y auoient esté faicts depuis qu'il en estoit partit, & mout s'esmerueilla quand il ouyt les trompettes de la tour tromper.

*Comme Raymondin trouua Lusignen fermé de hauts murs
quand il fut retourné*

T quand Raymondin vint au dessus de Lusignen il apperceut le bourg qui estoit clos de murs: & de grosses tours & drues, & les fossez tours parfonds taillez de pierre de taille, & vit la tour qui estoit grosse entre le fort & le bourg, qui le surmonte de la hauteur de plus de vne lance, & ouyt les trompettes de plus en plus quand ils apperceuoient les gens qui venoient avec luy. Comment, dist Raymondin à l'ancien cheualier. Il me sembloit ores que i'auois faillit de venir à Lusignen, & encores le me semble il, Adonc l'ancien cheualier commença à rire, & Raymondin luy dist. Comment noble cheualier vous truffez vous de moy, ie vous dis que si ne fust la tour & le bourg que ie cuiderois bien estre à Lusignen. Si dist l'ancien cheualier. Tantoist vous y pourrez trouuer, si Dieu plaist à grand ioye. Or vous diray ie des gueux des valets des somniers qui estoient allez deuant & auoient annoncé la venuë de Raymondin à Melusine, combien qu'elle sceust bien, elle n'en fist point de semblant: mais fist appareiller tous le peuple, & les fist aller à l'encontre de Raymondin, & elle mesmes y alla avec plusieurs Dames & Damoiselles, & Cheualiers & escuyers honorablement atournez Adonc Raymondin regarda deuant soy: & vit les gens du fons de la vallée venans sailans deux à deux en belle ordonnance si s'esmerueilla mout. Et quand ils approchèrent ils crièrent tous à vne voix, Tres-bien foyez venu monseigneur. Et adonc cogneut Raymondin plusieurs de ceux qui estoient venus au deuant de luy & leur demanda. Seigneurs dont venez vous. Monseigneur dirent il nous venons de Lusignen. Lors dist Raymondin y a il gueres d'icy. Et ceux qui bien apperceurent qu'il mescongnoissoit le lieu: luy dirent Monseigneur vous mescongnoissez le lieu, pource que madame à cy faict faire ce bourg & celle tour depuis que vous en partistes. Et la voicy

qui vient a l'encontre de vous.

Adonc il fut fort esbahis : & ne dist pas ce qu'il en pensoit: mais en pensant il luy souuint qu'elle auoit fait faire le fort de Lusignen & le Chasteau en si peu de temps, & ne s'en donna plus de merueilles. Et tant vint Melusine, qui doucement luy dist. Bien foyez venu, & le receut honnorablement en disant. Monseigneur ie suis bien ioyeuse de ce que vous auez si bien besongné à vostre voyage : car on ma ia tout comté. Et Raimondin luy respondit Madame c'est Dieu mercy & vous. Et en parlant de ceste chose ils arriuerent à Lusignen, & descendirent & fut la feste mout grande & dura huit iours, & y estoit le comte de forests, qui dist a Raymondin. Vous foyez le bien venu & apres la feste se partirent de Lusignen, & vindrent à Poitiers vers le comte Bertrand qui les receut benignement: puis demanda à Raymondin ou il auoit si longuement esté, lequel luy racompta toute son aduventure, dont le Comte fut ioyeux. Apres ce les deux freres prindrent congé de luy & l'un s'en alla en la forests & Raimondin à Lusignen, ou Melusine le receut ioyusement, laquelle estoit pour lors enceinte, & porta son terme & accoucha à son temps du second enfant qui fut vn fils, & eut nom Odon. Et auoit vne oreille sans comparaison plus grande que l'autre: mais de tous autres membres il estoit fort bel & bien formé. Et depuis espousa la fille du comte de la Marche, & en fut comte.

Q Vand la Dame eut geu son terme, & qu'elle fut releuée la feste fut fort grande, & y eut mout de noble gens, & se partit la feste honnorablement. Et ceste annee la dame fist faire le Chasteau & bourg de Melle, & vouant, & aussi le bourg & la tour de saint Maixant, & commença l'Abbaye, & faisoit mout de biens aux pauvres. Et au second en apres elle eut vn fils, qui eut non Guyon, & fut bel enfant: mais il eut vn œil plus haut que l'autre. Et Melusine auoit tousiours si bonne nourrisse & estoit si songneuse de ses enfans, qu'ils croissoient & amendoient si fort que chacun qui les voyoit s'en donnoit grand merueilles.

En ce temps Melusine fist fonder nobles lieux par le pays qu'ils auoient és mettes de la comté de Poitou & la Duché de Guyenne. Elle fist faire le Chasteau & le bourg de Partenay si fort & si beau que c'est sans comparaison: puis fonda les tours de la rochelle & le Chastel, & commença la ville vne partie, & y auoit vne tour que Iulius Cesar fist faire, & l'appelloit on la tour aux Anglois pour ce qu'il portoit l'Aigle en sa banniere comme Empereur, laquelle tour elle fist entourer de grosses tours & fortes murailles, & la fist nommer le chastel Ayglon: puis edifia Pons en Poitou: & Xaintes, qui pour lors estoit nommé Linges, & puis fist Caimond & Talmondois, & mout d'autres villes & forteresses. Et tant acquist Raimondin en Bretaigne en Guyenne & en Gascongne, qu'il n'y auoit nul Prince qui ne marchast à luy & qui ne doutast à le courroucer.

Apres Melusine porta le quatriesme enfant, & s'en deliura à terme: & eut non Anthoine, nul plus bel enfant ne fut veu: mais au n'aistre il apporta en sa ioue vn grif de Lyon, dont furent esbahis ceux qui le virent. Le septiesme en apres Melusine porta le quint enfant & s'en deliura à terme, & eut nom Regnaut nul plus beau enfant ne pouuoit on voir: mais au n'aistre il n'apporta qu'un œil sur terre: mais il en voyoit si clair, qu'il apperceuoit venir sur mer vne nef ou par terre, autre chose de trois veues,

L'HISTOIRE DE

qui montent bien vingt vne lieue. Il fut doux & courtois comme vous verrez cy apres. Le huitiesme en apres Melusine enfanta le sixiesme enfant qui fut vn fils, & eut nom Geoffroy: & au naistre il apporta sur terre vne grande dent, qui luy saillit hors de la bouche plus d'un pouce: & pource: il fut nommé Geoffroy a la grand dent. Il fut en aage chacun le douitoit qui en oyoit parler, & fist en son temps mout de merueilles. Le neufiesme en apres Melusine enfanta le septiesme enfant, qui fut vn fils, & eut nom Froimond, lequel fut assez beau, mais il eut au naistre sur le nez vne petite tache veluë comme la peau d'une taupe ou d'un foant, & fut bien deuot, & par le commun accord de son pere & de sa mere, fut fait moyne de Mailliers dont vous orrez cy apres. Adonc Melusine demoura enuiron deux ans sans porter nul enfans: mais la deuixieme année porta vn fils qui fut le huitiesme & fut grand à merueilles: car il apporta au n'aistre trois yeux dessus terre l'un desquels il eut au frôc, & fut si cruel: & mauuais qu'il occist auant qu'ils eut quatre ans deux nourrices. Et de cestuy met l'histoire, & comme il mourut & fut enterré au monstier neuf à Poitiers.

Melusine nourrist tant ses enfans que Vriam, qui fut le premier n'ay, eut dixhuit ans & fut grand, bel & fort à merueilles, & faisoit mout de force & de ieunesse, & chacun se plaignoit de ce qu'il auoit le visage si estrange, car il auoit court & large, & l'un des yeux rouge & l'autre pers, & les oreilles grandes comme les manilles d'un van. Et Odon son frere auoit dix sept ans, & Guyon seize: & aymoient fort l'un l'autre Vriam & Guyon estoient si vistes & si experts que tous ceux qui ce voioient s'en donnoient grandes merueilles: & tousiours s'entretenoient Vriam & Guyon, & tous les nobles du pays les aymoient, & aussi les enfans l'un l'autre, & faisoient souuent faits d'armes en ioustes & tournois.

Or aduint qu'en ce temps deux cheualiers Poiteuins vindrent de Hierusalem, & comterent les nouvelles par le pays que le Soudan de Damas auoit assiegé le Roy de Chipre en la cité de Famagosse, & qu'il le tenoit en grand angoisse, & n'auoit ledict Roy nul heritier que vne fille laquelle estoit fort belle, & tant furent portées ces nouvelles par le pays que Vriam le sceut.

Adonc il dist à son frere Guion, frere ce seroit belle auomne de secourir le dit Roy encontre les Sarrazins: nous sommes ia huit enfans masles, la terre de nostre pere ne demoura pas sans heritiers, posé que nous ne fust riens dont pour ceste cause nous deuous tant plus pener de voyager pour acquerir honneur. Vous dictes vray dist Guion mais pourquoy le dictes: car me voicy tout prest à faire ce qu'il vous plaira. Vous dites bien dit Vriam. Or mandons les deux cheualiers qui sont yenus du saint voyage d'oultre mer, & enquerons plus auant la verité de c'est affaire. Adonc manderent les deux cheualiers, lesquels vindrent a leur mandement, puis les deux enfans les enquirent de la maniere de leur voyage, des vsages & manieres des pays ou ils auoient esté, & il leur en dirent la verité. Nous auons entendu, dist Vriam, que vous auez passé par vne isle ou il y a vn Roy Chrestien qui est fort oppressé du Souldan des Sarrazins, & si nous esmerueillons que vous ne demourastes en la guerre avec le Roy Chrestien pour luy ayder & reconforter, vous qui estes renommez si vaillans cheualiers, à ce qu'il nous semble que tous bons chrestiens sont tenus d'aider l'un a l'autre contre les Sarrazins, & aussi le nous semble grand auomne de les confortez en leurs necessité.

Alors respondirent ils les deux cheualiers. Damoiseau, sçachez que si nous eussions veu la voye comme nous eussions peu entrer en la ville sans estre morts ou prins no^s fussions volontiers demourez, & eussions attendul'adventure avec le Roy de Chipre telle que Dieu la nous eust voulu donner, & sçachez que deux cheualiers ne pourroiet porter le faix contre soixante ou quatre vingt mille Sarrazins: & ce fut la cause qui no^s destourna d'y aller: car celuy est plein de grand folie qui souffle le vent, pour le cuider faire retirer. Votre excuse est bonne & iuste, dist Vriam, mais si gens qui auroient pouuoir de mener de vingt deux à viagt cinq mille hommes d'armes y pourroient ils riens faire, & venir assez à temps pour secourir cestuy Roy. Adonc respondirent l'un deux Ouy sire considerez que la Cité est forte, & le Roy est vaillant batailleur de sa personne: & y à competamment de viures & vituailles, & de gens d'armes pour garder la ville, encores y à plusieurs forteresses ou ceux de Rhodes se viennent rafraeschir dont le Roy de Chipre & ceux de la cité ont grand reconfort, & sçachez qu'ils y viendront bien, & ie voudrois que mon compaignon voulüst aller en ceste compagnie que vous dictes, & nous y deussions aller entreprendre l'adventure avec eux. Mon frere & moy nous vous receurons, dist Vriam nous vous y menerons, Dieu aydant dedans peu de temps. Et quand ils l'entendirent en furent ioyeux, & dirent que s'il y vont il leur meut de grand vaillance & noblesse.

Comme Vriam & Guyon prindrent courgé de leurs pere & mere, & de l'ayde qu'il leur firent.



Riam & Guyon vindrent à leur mere & luy commencerent à dire. Madame s'il vous plaist il seroit temps que nous allissions voyager, pour congnoistre les contrées & les pays estranges afin d'acquérir honneur & bonne renommée és estranges marches, parquoy nous fussions introduits scaoir parler de diuerses langues avec les gens & de diuerses choses qui sont par les estranges marches & pays qui ne sont pas communs par deça. Et aussi fortune ou bonne aduventure nous vouloit estre amie nous auons volenté de conquerir terre & pays: car nous regardons que nous sommes ia, Dieu nous croisse, huiet freres, & sommes taillez si Dieu plaist, d'en auoir autant ou plus, & à dire que le vostre fust partit en tant de parties pour nostre gouvernement, ce luy qui doutoit tenir le chef de la Seigneurie ne pourroit auoir ne tenir gueres d'estat, veu le grand estat que Monseigneur mon pere & vous tenez: car des maintenant mon frere Guyon & moy quittons nostre part de ce qui nous pourroit eschoir de part vo^s, excepté vostre bonne grace, parmy l'aide que nous ferez presentement s'il vous plaist, pour nostre voyage accomplir. Enfans dist Melusine, vostre requeste vient de grande vaillance de cœur, & pourtant elle ne doit estre refusée, & sur ceste matiere ie parleray à vostre pere: car sans son conseil ie ne dois pas accorder vostre requeste: Adonc elle se departit d'eux & vint à Raymondin, & luy compta la requeste de ses deux enfans: & Raymondin luy dist. Dame s'il vous semble que ce soit chose bonne à faire faistes à vostre volenté. Sire, dist Melusine, vous dictes bien, & sçachez que ils ne ferons chose en ce voyage qui ne leur tourne a grand honneur & profit au plaisir de Dieu. Adonc elle reuint à ses deux enfans, pensez doreshauant de bien faire, car vostre pere

L'HISTOIRE DE

vous accorde vostre requeste , & moy aussi, & ne vous souciez de riens: car en brief temps ie vous auray ordonné de vostre fait à l'ayde de Dieu, tellement que me scaurez bon gré: mais dictes moy qu'elle pot vous voulez aller, afin de vous pouruoir de ce qu'il faut. Adonc respondit Vriam, Madame nous auons ouy certaines nouuelles que le Roy de Chipre est assiégé du Soudan en la cité de Famagosse, & la s'il plaist à Dieu nous auons intention d'aller pour le secourir contre les Sarrazins. Or donc, dist Melusine, icy faut pouruoir tant du fait de la mer comme de la terre, & a l'aide de Dieu i'en ordonneray tellement que il vous souuiendra de moy, & ce feray ie en brief. Lors les deux enfans se agenouillerent deuant elle en la merçant humblement, & la Dame les redressa sus, & les baïsa en plorant , car elle auoit grand douleur au cœur: quelque chose qu'elle fist de leur departement, car elle les aymoït d'amour de mere non pas de nourriüe.



Melusine fut mout curieuse d'aprestre l'affaire de ses enfans & fist arriuer à la Rochelle grands & riches Nauires: tant Galleres, que Rapins & grosses Nefs, la moindre des deux couertes, & fut la Nauire si grande comme pour mettre quatre mille hommes d'armes. Ce pendant les enfans manderent les deux cheualiers qui les auoient accointer du voyage, & leur dirēt qu'ils s'appareïlassent pour partir de brief comme ils auoient promis, & les cheualiers leur responderent. Seigneurs nous sommes tous prests, & si auons accointé plusieurs gentils-hommes, qui sont appareillé de venir en vostre compagnie, & tous desirons de vous seruir & de vous faire plaisir: Grand mercy, dit Vriam, nous les menerons si Dieu plaist, &

vous aussi. Or donc à brief parler tant fist Melusine que tout fut prest & eut quatre Barons que de Poitou, que de Guyenne à qui elle bailla ses deux enfans en gouuernement, & grand foison de cheualiers: d'escuyers, & de Gentils-hommes iusques au nombre de deux mille, & cinq cens hommes, d'armes, & bien cinq cens arbalétriers

Et adonc les viures, l'artillerie, les harnois & les cheuaux furent chargez és vaisseaux Et apres monterent les gens és Nauires, la eussiez veu pannonz, bannieres & estendars au vent, & sonner Trompettes & instrumens & les cheuaux hannir & brandoier

que c'estoit grand beauté à les voir: & puis prindrent les deux enfans congé de leurs freres, & des gens du pays qui ploroient de leur departie. Et quand ils furent la venus Melusine les tita à part en disant. Mes enfans entendez que ie vous vueil dire & commander. Voicy deux anneaux que ie vous donne, dont les pierres sont d'une mesme vertu, & sçachez que tant que penserez à loyauté sans penser à mal ne tricherie, & vous les ayez sur vous ia ne serez desconfis en nuls faictz d'armes, mais que ayez bonne & iuste querelle, ne sort ne enchantement d'art magique ne poisons de quelque maniere ne vous pourrons nuire ne greuer que si tost que vous les regarderez ils n'ayent perdu vertu & force. Et lors elle en bailla a chacun vn, & ils la remercierent mout les genoux à terre. Apres Melusine reprint sa parolle, & dist. Mes enfans ie vous en charge qu'en tous les lieux ou vous serez que tous les iours vous oyez le seruice diuin auant que faciez autre chose, aussi en toutes vos affaires que reclamez deuotement l'aide de nostre Createur, & le seruez craignez & ayez comme vostre Dieu & vostre Createur, honorez tousiours à vostre pouuoir nostre mere Sainte Eglise, & la soustenez, & soyez les vrayz champions contre tous malueillans, aydez & conseillez les femmes vesues & nourrissez ou faictes nourrir les orphelins, honorez toutes Dames, reconfortez toutes pauures pucelles qu'on voudra desheriter de raisonnablement, ayez les Gentils-hommes & leur tenez compagnie. Soyez humbles, doux courtois, humains, & humilians aux grands & aux petits, & si vous voyez vn homme d'armes qui soit pauvre, ou en petit estat de vesture en mesure donnez luy du vostre selon vostre aysement, & selon qu'il sera de valuë. Soyez larges aux bons: & quand vous donnerez quelque chose ne le faictes pas longuement attendre, mais regardez quand, cōbien, & pourquoy, si la personne le vaur, ou s'il est maistris de sa maistrise, ou si vous donnez par plaifance, gardez bien que folle largesse ne vous surprenne, afin que apres on ne se mocque de vous: car ceux qui auroient desleruy que vous leur fissiez aucun bien se tiendroient pour mal content, & les estrangers se mocqueroient de vous en derriere: & gardez de promettre chose que ne puissiez tenir, & si vous promettez aucune chose, ne fuyctes pas trop attendre apres la promesse: & par trop longuement attendre estainct la vertu du don. Gardez vous bien de conuoiter la femme de celuy de qui voulez estre ayez. Ne croyez pas conseil de garson & ne l'attrayez pres de vous si vous n'avez bien essayé ses mœurs & conditions, & aussi ne croyez point le conseil des auaricieux, ne tel homme ne mettez en office: car il pourroit faire peu de profit en son viuant, gardez bien que ne accroyez chose que ne puissiez bonnement payer, & si nécessité vous contraint d'accroire, incontinent que vous auez l'aïement faictes en restitution, & ainsi pourrez estre sans danger, & viure honorablement & si Dieu vous donne aduenture vous conquerez pays: gouvernez bien vos gens selon la nature & condition qu'ils ont, ils se font rebellez, surmontez les sans riës laisser passer des droits de vostre Seigneur, & que soyez tousiours sur vos gardes tant que la puissance soit vostre car si vous laissez submerger: il vous faudra gouverner a leur volenté: mais toutesfois gardez bien quoy qu'ils soyent doux & debonnaires, que ne establisiez point de nouvelles coustumes qui soyent de raisonnable: & prenez sur eux vostre droit seulement, sans les tailler outre raison: car si le peuple est pauvre le Seigneur sera maudit, & si besoing luy suruenoit de guerres ou d'autre nécessité il ne scauroit de quoy se ayder, dont il pourroit en cheoir en grand danger & seruitude: & n'en seroit ia plainct

des estrangers ne des priuez, car vne toison d'une année est plus profitable que celle qui a esté tonduë deux ou trois fois, encore ie vous deffens que ne croyez ne ayez fiance en aucun flateur, ne autre homme, qui d'autruy mesdict en derriere : & ne croyez aucun conseil de nul homme exille ne fuitif de son pays ou il peut toucher au desir de nuire à ceux qui l'ont exillé s'il n'en a vne bonne raison, & vous auez aussi bonne cause de luy ayder: car ce vous pourroient empescher de venir au degré d'honneur. Et aussi sur toutes chose ie vous deffens s'orgueilleir : & vous commande à tenir iustice aussi bien au petit qu'au grand, & ne desirez de vous venger de tous vos tors faitts, mais prenez amende honorable qui la vous offra, de chose dequoy on doit prendre amende & hommage, ne desprifez vos ennemis tant soient petits: mais soyez en vostre garde à toute heure, & gardez bien que tant que vous auez esté conquerant que entre vos compagnons ne vous môstrez comme sice, mais aux petits comme aux grâds deuez parler & renir à chacun compagnie selon la qualité, & puis, à l'un, & puis à l'autre: car tout ce faitts les cœurs des creatures amiablement atraire l'amour de ceux à qui ils sont humains doux courtois & humbles en seigneuries, ayez cœur de fierté de Lyô enuers vos ennemis & deuez monstrer entre eux vostre seigneurie si Dieu vous donne des biens departez en à vos compagnons selon ce que chacun est digne, & quand à la guerre serez croyez le conseil des vaillans homme, qui ont hanté le mestier & l'usage d'armes honorablement.

Et aussi ie vous deffens que vous ne faciez grand traicte a vos ennemis: car en long traicte gist aucune fois grande deception & grand perte & puissance de la partie, car tousiours les sages recullent pour mieux saillir. Et le sage quand il voit qu'il n'a pas la puissance de resister à la force de ses ennemis, il pourchasse tous temps vn traicte pour dissimuler tant qu'il se voye en puissance & qu'il puisse nuire & greuer ses ennemis. Et adonc en peu d'heure ils se trouueront en voye pourquoy les traicts sont nuls, & pourtant vous chasties que ne porrez vostre ennemy ou le pouuez mettre en subiection par honneur: & lors si ne luy faittes point courtoisie il vous sera tourné à grand honneur, & vous luy faittes moins par traicte, & pource qu'il se trouue que d'un costé & d'autre sans deception se pourroient les vns dire ou penser que vous y eussiez aucune doute, combien que ie ne dy pas qu'on doive refuser vn bon traicte, qui se peut auoir, mais qu'il soit brief, ou si long que ce soit a tousiours mais, sans plus en faire son memoire aux viuans & au profit & honneur de celuy qui pense auoir le plus bô droit & qu'il y a selon la commune renommee. Et ainsi Melusine enseigna ses enfans, lesquels l'en remercierent humblement: puis elle leur dist. Enfans ie vous ay enuoyé en vostre Nauire assez or & argent pour tenir vostre estat, & pour bien payer vos gens iusques a quatre ans, & n'ayez doute que vous n'ayez assez de pain & de biscuit, eau douce, vinaigre, chairs sallee poissons, & bons vins iusques a long temps, & allez en la garde de Dieu qui vous vueille garder, conduire & ramener a ioye, ie vous prie que pensez de bien faire & tenir a vostre pouuoir ce que vous ay enioinct.

*Comment Vriam & Guyon prirent congé de leur pere & mere,
& entrèrent dedans la Nauire.*

Adonc



A Donc ils prindrent congé de leur pere & mere, & enterrerent en leur vaisseau, puis les ancores furent tirées: & les voilles leuées: & les patrons firent leur recommandations a Dieu, selon leur coustume, que Dieu par sa grace leur laissast accomplir leur voyage, & puis vindrent en la mer: & le vent se ferit és voilles & s'en allerent si roidement que en peu d'heure on en perdit la veue Adonc Raymondin & melusine s'en partirent de leurs gés & vindrent au Chasteau Ayglon Et quand les deux enfans furent party ils entrerent long temps par la mer: & passerent par maintes isles pour eux rafraeschir, & tant nagerent qu'ils virent par mer plusieurs vaisseaux qui chassoient deux gallées. Adonc dist le patron aux deux freres: Il est bon

d'enuoyer vne gallée a scauoir qu'elles gens ils sont. Ce me plaist, dit Vriam, & ainsi les firent. Adonc la gallée vint à l'encontre des autres deux en escriant Qui estes vous là? & ils respondirent. Nous sommes deux gallée de Rhodes, qui auons esté trouuées des Sarrazins qui nous chassent. Et voyons bien que vous estes Chrestiens. Ouy dirent ceux de la Gallée. Adonc dit l'un des Patrons de Rhodes. La sont les gens du Soudan de Damas, qui vont au Siege de Famagosse, & qui les pourroit tuer seroit grand secours au Roy de Chipre, & grand dommage au Souldan: puis ceux de la Gallée l'annoncerent aux freres. Lors monterent sur les chasteaux des mas' biens garnis de tous instrumens. Et quand les Sarrazins apperceurent si grand Nauires venir sur eux ils ne sceurent que penser, & toutes-fois ils se mirent en armes en reculant: mais nos Gallées les environnerent de tous costez. Et quand les Sarrazins virent qu'ils ne pouuoient fuyr. ils prindrent vn vaisseau qu'ils auoient prins sur ceux de Rhodes, & auoient ietté ceux de dedans en la mer & l'emplirent de busche d'huile, de gresse, & de souffre. Et quand ils virent venir nos gens ils mirent le feu dedans, & l'enuoyerent vers nos gens, mais ils s'en donnerent garde: car ils les assaillirent par l'autre costé, & entrerent entre eux. Et la commença le traict des Arbalestriers, & des canôs: mais nos gens vindrēt sur eux par force d'ondes, & la Nef qui ardoit se mist entr'eux, & embrasa trois de leurs Nefs & furent peris ceux qui estoient de dans finalement les Payens furent desconfits, & gaignerent nos gens grand auoir, que les deux freres donnerent aux compagnons & à ceux des deux Gallées de Rhodes, & se vindrent rafraeschir en l'isle de Rhodes, & donnerent aux freres de la religion les fustes qu'ils auoient conquis. Et le maistre leur en-

quist de leur voyage, & ils luy dirent qu'ils failloient secourir le Roy de Chipre, & il leur demanda qu'il estoient, & les deux freres luy dirent la verité. Lors le maistre en fut ioyeux, & dit qu'il yroit avec eux secourir le Roy de Chipre, dont ils le remercièrent. Adonc il fist assembler six Gallées ou il y auoit de vaillans gens d'armes, & voguerent tant qu'ils approcherent de l'Isle de Colcos, & la apperceurent grand fumée. Si dist le maistre de Rhodes à Vriam. Sire il seroit bon qu'on enuoyast à ceste Isle vn rāpin ou deux pour scauoir s'il y a gens. Il me plaist, dist Vriam. Lors il enuoyerent le rāpin, & s'en va grand erre nageant tant qu'ils vindrent en l'isle, & descendirent, & y trouuerent grand nombre de feux & de logis, dont à l'experience qu'ils virent & il leur sembla que il y pouuoit auoir logé trente mille hommes d'armes, & y auoient sejournez quatre ou cinq iours. Adonc se retirerent aux vaisseaux & vindrent à l'encōtre de nos gens, & leur dirent ce qu'ils auoient trouué. Je croy que ce sont Sarrazins qui vont voir le Soudan au Siege, & ceux que vous auez desconfits, dont nous auez donné le reste de leurs vaisseaux, estoient de leur compagnie, & les attendoient en ceste Isle. Lors s'en vont grand erre par la mer & vindrent à vne Abbaye sur la mer qui estoit sur la montaigne, fondée de sainct Adrien, & dit on que la est la potence ou Dymas le bon larron fut mis en la Croix. Sire, dist le maistre il seroit bon d'entrer en ce petit port tant que nous eussions enuoyé à Limasson pour en scauoir des nouvelles, & pour scauoir s'ils nous voudroient receuoir pour mettre nostre Nauite à sauueté dedans leur clos. Maistre, dist Vriam vostre plaisir soit fait. Lors arriuerent au port & manderent à l'Abbaye qu'ils ne doutassent: car ils estoient leurs amis, & le maistre de Rhodes estoit avec eux, lesquels quand ils ouyrent les nouvelles en furent ioyeux. Et firent grand ioye à nos gens, & enuoyerent à Lymasson de leurs freres annoncer la venue du secours qui venoit pour secourir le Roy en son pays. Et quand le capitaine du lieu, qui estoit Cheualier, ouyt les nouvelles il fust ioyeux, & fist armer vne Galioite, & se mit dedans & en peu d'heure vint à nos gens si demanda le seigneur de l'armée, & on le mena vers Vriam & Guyon son frere, & le maistre de Rhodes & plusieurs Barons qui estoient en vn paviillon qu'ils auoient fait rendre sur la riuē du port, on luy monstra Vriam, qui estoit sur vne couche avec son frere, & le maistre de Rhodes. Quand le Cheualier l'aperceut il fut esbahy de sa grandeur & de sa fierté, & neantmoins il le salua honorablement, & Vriam le receut doucement. Sire, dist le cheualier, vous soyez le bien venu en ce pays, Grand mercy, ce dist Vriam. Sire, dist le cheualier on ma fait entendre que vous estes party de vostre pays en intention de venir ayder au Roy de chipre. Il est vray, dist Vriam. Dont Sire dist le Cheualier, c'est raison qu'on vous ouure par tout ou vous voudrez parmy le Royaume de Chipre: mais quand est celle qui est à mon redouté Seigneur le Roy de Chipre, elle vous fera ouuerte quand il vous plaira. Et aussi le port pour mettre vos vaisseaux à sauueté. Sire dist Vriam, vous dictes bien grand mercis. Or il est temps de partir: car mon frere & moy auons desir d'approcher de ses Sarrazins, non pas pour leur profit: mais pour leur dommage s'il plaist à Dieu que le puissions faire. Sire dist le Cheualier, il est bon que faciez tirer dehors de vos Cheuaux tant qu'il vous plaira, & prenez de vos gens, si yrons par terre. Vous dictes bien, dist vriam & fist armer quatre cens gentils-hommes des plus hauts Barons, escuyers, & monterent à cheual, & allerent à banniere desployée bordée d'argent & d'azur à l'ombre d'vn Lyon de gueulle en belle ordonnance. Et le Maistre de

MELVSINE.

Rhodes & les autres se equiperent en la mer, & allerent vers le port: & vriam Cheua
cha tant avec le Cheualier qui les gardoit, & qu'ils vindrent en la ville & furent bien
logez. Adonc vint la nauire arriuer au port, & fist on tirer les cheuaux hors de la nef, &
tour ce qu'il leur pleut, & se logerent au dehors de la ville en tentes & pauillôs & ceux
qui n'en auoient point se logerent au mieux qu'ils peurent, & faisoit beau voir l'ost
quand il fut logé, les plus hauts Barons se logerent en la ville & la Nauire fut tirée, &
la firent mettre au clos, & y commirent bons arbalestiers pour deffendre, & garder le
clos, si les sarrazins y venoient pour mal faire. Adonc le Capitaine de la ville regarda
bien l'ost & le maintien de ses gens & les prisá moult, & dit qu'ils estoient gens de faict
& de grand entreprinse, quand si petit nombre entreprenoit d'auoir victoire contre le
Soudan qui auoit plus de cent mille Sarrazins: & vriam n'auoit pas, a comter les gens
du Maistres de Rhodes, plus de quatre mille combatans, si le tien grand audace de
cœur, & grand vaillance, & quand il considera la grandeur & la façon de vriam & la
fierté de son visage & aussi de Guion son frere, il dist a ses gens. Ceux sont digne de
conquerir tout le monde, & il dist en foy mesmes que Dieu les auoit enuoyez pour se-
courir le roy, & pour exaucer la foy chrestienne, & qu'il le mandera au Roy. Adonc
le Cheualier fist faire vne lettre, & y fist mettre en escrit la maniere de vriam, & de son
frere & de leurs gens & de leur venue, & comme il auoient nom, & de quel pays ils es-
toient. Si appella vn sien neueu & luy dist. il faut que portez ceste lettre à Famagosse,
& la baillez au Roy quoy qu'il aduienne, dont si Dieu plaist ne vous aduiendra que bié
force est que le faciez. Sire, dist il, vous mettez moy & les lettre en grande aduventure:
car si par aucun meschef, comme il aduiant souuent, dont Dieu me vueille garder si
i'estois prins des Sarrazins, il n'est riens de ma vie, vous le scauez bien: mais pour l'a-
mour de vous & du Roy ie leur donneray confort, & esperance d'estre mis au plaisir
de Dieu, a deliure du peril de mort ou il est, ie me mettray a l'aduventure: & ie prie à
Dieu qu'il luy plaist me conduire à sauueté car ainsi doit on seruir son Seigneur. Adóc
il print la lettre, monta sur son petit coursier de Barbarie, & se mist en chemin.

L'Histoire dict que vriam appella le maistre de Rhodes, & le Capitaine du lieu: & il
leur dist. Seigneurs le Soudan est il guere ieune homme ne de grande entreprinse?
Et ils respondit et que ouy. Comment, dist vriam fust il iamais en ce lieu pour faire guer-
re que ceste fois. Ils respondirent que non. Et qui donc, dist vriam, la meü de passer la
Mer maintenant? puis qu'il est homme d'entreprinse ie m'esmerueille qu'il s'en est tant
tenu, a ce que vous luy estes pres voisins & a grande puissance, comme on ma dit, Sire
dit le Capitaine, nostre Roy a vne belle fille de l'aage de quinze a seize ans, laquelle le
soudan à voulu auoir par force, & nostre Roy ne luy voulut accorder s'il ne se faict ba-
ptiser, & scachez que tousiours auons eu trefues ensemble & par cy deuant les nostre
de si long temps qu'il n'est memoire du contraire. Et quand le Soudan à veu que nostre
Roy ne luy a voulu accorder sa fille, il luy a renuoyé les lettres avec vne defiance, &
estoit ia sur la Mer avec cent cinquante mille Sarrazins, & s'en vint & fist son harnois
mettre à terre, & mist le siege deuant Famagosse, ou il trouua le Roy tout despourueu
de sa Baronnie: lequel ne scauoit riens de sa venue: mais depuis y sont entrez plusieurs
gens malgré luy & y a eü belle escarmouche ou il y a eü grand dommage d'vn costé &
d'autre, & puis les Sarrazins se sont rafraischis deux fois de gés nouveaux, tât qu'ils sôt

L'HISTOIRE DE

bien maintenant cent mille : mais à ce dernier voyage ils ont perdu grande partie de leurs Nauires & de leur gens que ils ont attendu en l'Isle de Cotes: car vne grand Gallée de la noire montaigne qui les poursuiuoit nous a dist qu'ils mirent en chaste deux Galleres de l'Hospital, & ne sceurent que ils sont deuenus : car depuis ils attendirent bien six iours en l'Isle: mais quand ils vindrent au siege Sire, dist le maistre de Rhodes, cecy pourroit bien estre vray: mais voyez cy monseigneur Vriam & son frere qui en scauroient bien respondre : car ils les ont tous tuez & desconfits, & nous ont donné de leurs fusts & leurs Nauires. Loué en soit Dieu dist le cheualier, or vous ay ie côté comme la guerre eit meüé, & pourquoy le Soudan à passé la Mer.

Amours, dist Vriam, ont bien tent & plus de puiffance que telle entreprinse faire. Et puis que le Soudan est entrepris par la force d'amours tant plus est à douter: car amours ont tant de puiffance qu'ils sont de corps hardis & de faire grande entreprinse, ce qu'au deuant il estoit certain a ce que le Souldan est hardy entreprenant, de tant est il plus à douter toutesfois soit faicte la volonte de Dieu: car nous partirons d'icy demain au matin apres le seruice diuin, pour les aller visiter.

Adonc fist crier par la trompette que chacun apportast son harnois, & partist au tiers son de la trompette en bonne ordonnance chacun sous sa banniere, & qu'ils suiussent la bataille de l'auangarde, ce qu'ils firent.

La eussiez veu grand martellis a reclouer petites plattes, gantelets, harnois de iambes, ferrer lances & Cheuaux, tourner costes d'acier & iasserans, habiller & mettre à point toutes choses necessaires. En ceste nuit Vriam commanda à vn vaillant cheualier de son ost de faire le guet, & a cinq cens hommes d'armes & cinq cés arbalestriers Or ie retourneray au neveu du capitaine qui cheuauchoit vers Famagosse: Et tant exploicta qu'il vint enuiron minuiet au coing du bois sur vne petite montaigne, & regarda en la vallee & vit l'ost des Sarrazins ou il y auoit grãde clarté des feux qu'ils faisoient par les logis & apperceut la Cité si enuironnée des Sarrazins qu'il ne sceut qu'elle part tirer pour y entré. & la fut long temps en ceste pensée. Or aduint que enuiron le point du iour quatre bassinets d'estranges de plusieurs nations saillirent par vne porterne de la Cité, & vindrent tout mouuoir l'ost par maniere de bataille, & à celle heure le guet se partoit & estoit ia retourné le plus au logis, & ceux entrerent en l'ost avec aucuns de ceux du guet qui oncques ne s'en donnerent garde & cuydãs qu'ils fussent de leurs gens vindrent iusques à la tente du Soudan.

Et adonc commencerent à frapper des lances & des espées sur tous les Sarrazins que ils rencontroient, & couperent cordes des pauillons & tentes, & firent grande occision de Payens selon la quantité des Chrestiens que ils estoient. Adonc l'ost s'escria alarme: & incontinent ils s'armerent. Et quand les Chrestiens virent ce ils s'en allerent le petit pas vers la cité, occiant & iettant par terre tout ce qu'ils rencontroient en leur chemin. Et quand le messager vit si grand effroy il picqua son cheual des esperons, & vint passer au dehors des logis, & passa tout l'ost des Sarrazins, & incontinent il se trouua entre la ville & ceux qui auoient esmeu l'ost. Et adonc il cogneut bien que c'estoient de ceux de la cité si leur escria : Seigneurs pensez de bien faire, ie vous apportes bonnes nouuelles, car la fleur de cheualerie de la noble Chrestienté vous vous vient secourir, c'est assauoir ces deux Damoiseaux de Lusignen, qui ont ja desconfit vne grande partie des gens du Soudan sur Mer, & amenant avec eux quatre mille comba-

tans. Et quand ils l'entendirent ils luy firent grand ioye, & entrèrent en la ville sans aucune perte dont le Soudan fut dolent. Adonc commença l'escarmouche iusques de uant les barrières, mais les Chipriens firent reculler les Sarrazins par force, & y en eut plusieurs mors & nauréz, si fist le Soudan sonner la retraicte quand il vit qu'il ne pouuoit faire autre chose. Adonc le messager vint au Roy & le salua de par son oncle, & luy presenta la lettre, laquelle le Roy receut benignement, & rompit la cire, & vit le grand secours que le capitaine luy escriuoit qui luy venoit.

Lors tendit les mains vers le Ciel en disant Ha glorieux pere Iesus. Christ ie te remercie de ce que tu ne m'as point oublié, qui suis ta pauvre creature & ton pauvre seruant, qui ay long temps vesculcy dedans en grande doute & misere de ma pauvre vie moy & les miens.

Adonc il fist annoncer par toutes les Eglises qu'on sonnast les cloches & qu'on fist processions à Croix & banniere & à torches ardans en louent Dieu le createur, & en le priant qu'il les voulust par sa grace preseruer du danger des mescreans Sarrazins.

Si commença forte sonnerie & fut la ioye mout grande quand ces nouvelles furent espandues parmy la ville. Et quand les Sarrazins ouyrent la ioye qu'on faisoit par la cité ils furent esbahis pourquoy on faisoit si grande feste. Ils ont ouy quelques nouvelles que nous ne scauons pas, dist le Soudan, ou ils sonnent pour nous donner à cognoistre qu'il ont des viures & des gens assez pour se deffendre contre nous.

Comme Hermine, fille du roy de Chipre enuoya querir le messager pour scauoir quel secours il venoit, & quel gens ili estoient.



Quand la Damoiselle ouyt les nouvelles du secours, elle enuoya querir celuy qui les auoit apportées, lequel vint à elle en la chambre & luy fist la reuerence. Amy dist Hermine, vous soyez le bien venu: or me dictes de vos nouvelles, & il dit ce qui en estoit, Amy dist elle, auez vous veu ces gens qui nous viennent secourir.

Ma Damoiselle dist le messager, ce sont les plus expert gés-d'armes, & les plus beaux hommes, & les mieux habillez qui iamais vindrent en ce pays. Or nous dictes, dist elle, de quels pays ils sont, & qui est leur chef. ma damoiselle, dist-il, ce sont Poiteuins & les meinent deux enfans damoiseaux, & se nomment Lusignen, & l'aîné à nom Vriens & l'autre Guyon, & n'ont nulle barbe Amy dist la Damoiselle, sont ils si beaux Damoiseaux que vous dictes Laisné, dist le messager, est fort grand & aduenant a mesure: mais il a le visage court & large à trauers & un œil rouge & l'autre pers, & les oreilles grandes à merueilles: & de membres & de corps cest un des plus beaux cheualier

L'HISTOIRE DE

que ie vis onc, le puisné n'est pas si grand, mais il est fort beau de membres & de visage: excepté qu'il à vn œil plus haut que l'autre: mais pourtant il ne messiet trop, & dit chacun qui les voit qu'ils sont dignes de conquister tout le monde. Amy dist Hermine, yrez vous vers eux bien tost, & il respondit. Ma damoiselle aussi tost que ie pourray auoir temps & lieu propicé pour sortir de la cité & ie voye que ie puisse eschapper des Sarrazins. Amy, dist elle, vous me saluerez les damoiseaux & donner a l'aisné ce fermeil, & luy direz qu'il le porte pour l'amour de moy, & l'anneau d'or & ce diamant donnez au moindre, & le saluerez beaucoup de fois. Et il respondit: Ma damoiselle ie le feray volontiers. A tant il se departit d'elle, & vint au Roy qui auoit fait escrire la responce. Si fist armer ses gens-d'armes & le fist saillir hors la ville tout couuertemēt, & se ferirent en l'ost, si que auant que l'ost fut armer il firent grand dommage, & puis yssirent Sarrazins hors de leurs tentes a desaroy, & les chasserent iusques aux barrières la eut grand escarmouche & maint hommes mort tāt d'vn costé que d'autre, tout l'ost arriuouit ou l'escarmouche estoit. Adonc fut mis dehors le messager par vn autre porte par deuers l'ost au trait d'vn arc que onc il ne fut apperceut, & adonc cheuaucha grand erre ver son oncle, car il luy tarδοit mout d'estre arriué vers luy, pour dire les nouvelles & ne dura gueres l'escarmouche, car le Soudan la fist cesser pource qu'il vit qu'il pouuoit plus perdre que gaigner.

*Comment le Roy de Chypre manda par tout son Pays que on receust
honestement vriam & son Frere.*



A Donc vriam fist sonner la trompette au point du iour, & se leua, & puis il fist tromper: & trouster les cheuaux & mettre les selles, & puis les deux freres ouyrent la Messe, & aussi les autres Princes & Barons: & apres la messe fist crier que qui voudroit boire vne fois qu'il beust, & qu'on donnast de l'auoine aux cheuaux, & que à l'autre coup de la trompette chacun se mist en ordonnance qui seroit de l'auangarde, & ce faict ils deslogerent. Ce pendant arriua le neueu du capitaine, lequel bailla la lettre du Roy a son oncle & il la baïsa en la receuant, & apres rōpit la cire, & puis vit comme le Roy luy mādōit qu'il mettoit la ville au commandemēt des deux freres. Et aussi qu'il commandast à toutes bonnes villes, chasteaux, & forteresses portes & passages qu'il les laissassent entrer: & qu'ils obeyssent a eux. Quand le ca-

pitaine eut veu cecy, il monstra la lettre a vriam & a Guyon. Et quand ils leurent leuē ils appellerent le Capitaine, & le maistre de Rhodes, & les deux cheualiers qui leur auoient annoncée l'aduenture du siege, & leur leurent la lettre tout haut, Lors vriam

dist au capitaine. Nous remercions le Roy de l'honneur qu'il nous faiët, mais quand à nostre intention n'est pas d'entrer en ses villes ne chasteaux tant que nous pourrons passer ailleurs: mais pensons au plaisir de Dieu, de tenir les champs, & faire bonne guerre au Soudan, & dites nous quel nombre pourroit faillir de routes vos garnisons, & il nous est de necessité de le scauoir, & s'ils sont gens dont on puisse estre seurs, car nous auons bonne intention de combattre le Soudan & mettre a fin ceste guerre: & pour ceste cause nous sommes venus par deça. Ce sera fort a faire, dist le capitaine: car les Sarazins sont bien cent mille. Ne vous en chaille dist vriam, nous auons bõ droiët en tous cas. ils nous sont venus tous courre sus sans cause. Et posé que nous leur fussions allez courre sus en leur pays nous le deuons faire: car ils sont tant de gens & nous peu: car ils sont ennemis de Dieu. Et pourtant plus poing vn grain de poiure qu'vn sac de froment & la victoire ne gist pas a la grand multitude de peuple: mais en bon gouuernement, & bien est vray que Alexandre qui conquist tout le pays, ne voulut onc auoir plus de dix mille hommes d'armes contre tout le monde par vne iournée. Quand le capitaine le ouyt parler si vaillamment il tint a grand bien, & disoit qu'il conquerroit encores mout de pays, & puis il luy dist. Je vous trouueray quatre mille hommes combatans dix mille brigandiniers, qu'Arbalestriers que autres. C'est assez, dist vriam or faiëtes que nous les ayons a demye iournée pres de nos ennemis, & il luy respondit qu'il n'y auroit faure. Adonc le neueu du capitaine s'agenouilla deuant vriam & Guyõ en disant. Nobles damoiseaux, la plus belle pucelle & la plus noble que ie scache, vous salue mout de fois, & vous enuoye de ces ioyaux: si print le fermeil d'or, ou il y auoit maintes pierres tres riches, & dist vriam, sire tenez ce beau fermeil de par Hermine fille de nostre Roy, laquelle vous prie humblement que le portez pour l'amour d'elle. Et vriam le print ioyeusement, & le fist attacher a sa cotte d'armes, & luy dit mõ amy çet mille mercis a la noble d'amoiselle, qui tât d'honneur ma fait, scâchez que ie le tië, çrây mout cher pour l'amour d'elle, & grâds mercy au messager. Apres il presenta à guiõ l'anneau de par la damoiselle, & luy dit qu'il le portast pour l'amour d'elle, & il luy dit que si seroit il, si le bouta en son doit, & en remercia fort la damoiselle & le messager & luy donnerent les freres de riches dons. Et tâtost la trõpette sonna, & chacun se mit en chemin, & la voyoit on belle cõpagnie. Le capitaine enuoya par tous les ports, & fit assembler tous les gens d'armes & en eut cinq cës plus qu'il n'auoit dit aux deux freres. Lors vriam se logea sur vne petite riuere, & le lendemain au matin se deslogerent & cheminerent tât qu'il vindrent vn peu deuant midy en vne belle prairie sur vne riuere, & y auoit beaucoup d'arbres, & aussi il y auoit, comme a demy quart de lieue, vn grãd pôrt ou il cõuenoit passer: de la n'y auoit que sept lieues iusques a Famagoffe, & la vriã fist loger ses gens & dit qu'il attendoit le capitaine & les gens qu'il deuoit amener. La demoreret celle nuit, le lendemain iusques a l'heure de tierce. Toutes fois aucs cheualiers & plusieurs escuyers s'estoiët aller en sëble esbatre vers le pôrt & virët qu'il y auoit enuirõ quinze hõmes d'armes descendus, & auoient les lãces en leurs poings & les bassinets mis en la guise qu'ils s'afmoiët en la cõtrée: & d'autre part ils voyoiët foudre enuirõ quatre cens hommes d'armes qui se mettoient fort en peine de passer outre pour greuer ceux de deça. Adonc vint a eux vn de nos Cheualiers & leur cria qui estes vous. Et l'vn respõdit. Chresties sõmes au Roy de chipre, & ceux de dela sont sarrazins, & les suiuent six mille payés qui viennent de fourrage & ceux nous ont occis bien cens de nos compagnõs, seigneurs dit le cheualier, si vous pouuez tenir

L'HISTOIRE DE

vous aurez tantost secours. Nous en auons grand besoing, dist l'un deux allez, & nous attendrons tant que nous pourrons resister. Adonc le Cheualier frappa des esperons, & vint à ses compagnons & leur compta le fait. Et quand ils ouyrent ce ils se hastèrent de venir en l'ost, & rencontrèrent vingt arbalestiers si leur dirent qu'ils allaissent ayder à garder le pont ou il y auoit quinze homes d'armes contre les Payens. Quand ceux les entendirent ils allerent hastiuement vers le pont, & à l'approcher ils virent qu'ils y auoit ia sur le pont trois Chrestiens qui estoient abbatus de coup de lances. Auât, dist l'un nous demourons trop, voyez comme ces mastins oppresse les Chrestiens. Lors ils tendirent leurs arbalestiers & mirent en couche, & laisserent tous aller en vne fois, & en ruerent vingt deux mors sur le pont à ceste fois.

Quand les sarrazins virent ce ils furent esbahis, & s'en allerent recullant au bas du pont. Adonc les chrestiens allerent redresser leurs compagnons qui auoient esté abbatus sur le pont, lesquels reprindrent bon courage. Lors les Arbalestriers commencerent a tirer si fort qu'il n'y eut si hardy sarrazins qui osast mettre le pied sur le pont, si firent venir leurs archers, & la commença l'escharmouche a t'enforcer: mais mieux vou fist aux Sarrazins qu'ils se fussent tirez arriere: car les Cheualiers vindrent en l'ost. Adonc Vriam se arma & aussi fist armer millés homes d'armes, & cent arbalestriers pour le suiure si besoing en auoit afin qu'ils fussent pres de les secourir, & pour les conduire ordonna vn Baron Poiteuin, commanda que tout l'ost fust armer en bataille: & les laissa en garde a son frere Guyon & au Maistre de Rhodes.

Adonc il fit partir auant l'estendart & cheuaucha en bataille bien ordonnement, & fut Vriam deuant le baston au poing, & les tint en semble si bien ferrez que l'un ne passoit l'autre d'un pouce mais auant qu'ils furent au pont furent arriuez sept mille sarrazins qui fort oppressoient nos gens, & les auoient ia boutez presque ius du pont. Et tant vint Vriam qu'il mist le pied a terre la lance au poing, & aussi firent ses gens, & fit deployer la bannieres, & furent les arbalestriers d'un costé & d'autre du pont, & commencerent fort a oppresser Sarrazins & les firent reculler. Adonc Vriam cria Lusigné a haute voix, & monta sur le pont sa banniere deuant & les Sarrazins d'autre part. La commencerent fort a bouté des Lances. Vriam frappa vn Sarrazin de sa Lance parmy la poitrine tellement qu'il luy perça le foye & le poulmon. La fut fiere la meslée: mais en fin les sarrazins perdirent le pont & cheurent plusieurs en la riuere. Lors les Chrestiens passerent le pont legerement, & a tant commencerent la bataille fiere, & y en eut de morts & de naurez & reculerent Sarrazins & perdirent la place. Vriam fist passer le Pont aux Cheuaux: car il apperceut bien que les Sarrazins se retiroient. Adonc vint l'arriere garde qui asprement passa le Pont. Et quand les sarrazins l'apperceurent ils monterent tous qui peut a Cheual, & s'en retournerent leurs gens qui emmenoiét leurs proyes de Vaches, Bœuf Moutons, & Pôrcs.

Lors Vriam monta a cheual & fist monter ses gens; & commanda a l'arriere-garde qui passoit le pont qu'ils suiussent en bataille, ce qu'ils firent:

Et adonc Vriam & eux suiurent les Payens a desroy qui s'en alloient grand erre, & tous ceux qui estoient attains estoient mis a mort, & dura l'occision bien cinq heures, si se retirerent les sarrazins, & laisserent toute leur proye & vindrent a vne haute montaigne vers Famagosse, & la se mirent en grande ordonnance. Et a tant vint vriam & ses gés les Lances baissées la eut a l'assemblée maints homes morts d'un costé & d'autre

d'autre: & se tindrent fort les sarrazins: car ils estoient grand nombre. Et Vriam les affailloit asprement, & faisoit tant d'armes que chacun s'en esbahissoit. Alors vint l'arriere garde, ou il y auoit mille hommes & cent arbalestriers, & perdirent les sarrazins la place & se mirent en fuitte, & y en eut bien quatre mille occis, sans ceux qui moururent au pont & dura la desconfiture iusques pres de l'ost des sarrazins. Adonc Vriam fist retirer ses gens & emmenerent avec eux la proye que les payens auoient laissée: & ainsi se eslongnerent les vns des autres en peu de temps, & s'en retournerēt, vriam & ses gens au port, & les sarrazins allerent a leur ost criant à larme, & la vissiez les sarrazins courir aux armes, & yssit hors de leurs tentes. Adonc vn sarrazin comta au soudan l'adventure qui leur estoit aduenüe, lequel quand il ouyt ce il s'esmeruilla moult qui pouuoit auoir amené ces gens qui luy auoient tant porté de dommage.

Lors y eut grand effroy de trompettes & instrumens en l'ost des Sarrazins dont ceux de la ville s'esmeruilloient fort qu'elle chose pouuoit estre aduenüe en l'ost, & s'armerent, & chacun se tint sur ses gardes. A la porte de la ville vint vn des cheualiers qui auoit esté au pont lequel auoit passé à l'adventure tous les sarrazins: & scauoit les nouvelles d'vne part & d'autres, aussi les tres-grands faits d'armes que Vriam auoit fait, si s'escria à haute voix. Ouure la porte: car ie vous apporte bonnes nouvelles. Et lors ils luy demanderent qui estes vous & il respondit, ie suis vn des cheualiers du fort de la noire montaigne. Adonc il luy ouurirent la porte, & il entra dedans & le menerent au Roy, lequel le cogneut bien: car autre fois l'auoit veu. Et le cheualier s'enclina deuant luy, & luy fist la reuerence, & le Roy le receut benignement, & luy demanda des nouvelles, & il luy comta tout le fait, & comme Vriam auoit rescours la proye à l'adventure du pont & toutes les autres choses, & comme il auoit intention de venir combattre le Soudan bien tost. C'est homme cy me deuoit Dieu, dist le Roy, pour recouurer mon pays des felons sarrazins, & pour la sainte Foy Chrestienne & exaucer. Et ie seray demain sentir au Souldan que le secours m'est prest & que ie ne le doute gueres. Mon amy, dist il au cheualier, allez dire ces bonnes nouvelles à ma fille. Sire dist le cheualier, tres volontiers. Adonc vint en la chambre de la pucelle, & la salua doucement, & luy comta toute l'adventure. Comment sire cheualier dist la damoiselle, fustes vous en la bataille. Ouy dit il. Et ce Cheualier, dit elle, qui a si estrange visage, est il si batailleux que on dit: ma damoiselle, dit il, mais plus cent fois: car il ne craint homme tant soit grand ou puissant, & quoy qu'on vous en die, c'est vn des plus preux & vaillans cheualiers que ie vis oncques. S'il vous auoit ores prins pour le louer, dit elle, il à bien employé sa mise. Ma damoiselle, dit le cheualier, ie ne parlay iamais à luy, mais il vaut mieux que ie ne dis. Adonc elle luy respondit, amy bonté vaut mieux que beauté. Et à tant me tairay deux & diray de Vriam, qui demoura au pont, & trouua s'ost logé par deça le Pôt, & aussi le Capitaine qui auoit amené les gens-d'armes qu'il auoit leuez des garnisons & forteresses, lesquels estoiet biē de quatre à cinq mille hommes d'armes, & deux mille & cinq cens arbalestriers, & y auoit moult de gens de pied, & furēt to^r logez en la prairie pres la riuere ou Vriā trouua son Pauillō leué & les autres qui auoiet esté à la poursuite des sarrazins se logerent au mieux qu'ils peurēt celle nuit, & firēt bō guet, Et icy me tairay de ceste chose, & du Roy de Chipre qui estoit fort ioyeux du secours qui luy estoit venu, & remercia nostre Seigneur Ainsi passa la nuict: mais quiconques fut ayse ce ne fust pas Hermine: car elle ne pouuoit faillir

de la pensée de Vriam, & desiroit a le voir pour le bié qu'on luy en disoit en elles mesmes, que s'il auoit ores le visage plus estrange & contrefait qu'il n'estoit, si est-il bié taillé pour sa prouesse & bonté d'auoir fille du plus haut Roy du monde a amie, & ainsi elle pensa toute la nuit a Vriam: car amour luy fist penser par son grand pouuoir. Et le lendemain au point du iour le Roy son pere eut ses gens Prests, & saillit de la Cité avec mille homme d'armes & bien mille que Brigandiers que arbalestriers qui l'attendoient en embusche aux deux costez de la Barriere pour le recueillir s'il estoit oppressé des Sarrazins. Adonc le Roy se ferit en l'oist, & porta grand dommage au Sarrazins: car il auoit commandé sur peine de la hart que nul ne print prisonnier: mais qu'ils missent tout a mort, & ce fist il afin qu'ils ne aymassent la despouille & la proye par auarice, & en la fin qu'il les peust tenir ensemble pour se retirer sans perte. Et adonc commença l'oist a s'esmouoir, & venoient a qui mieux pouuoit sarrazins a la meslée.

Et quand le Roy apperceut qu'il venoient a puissance, il remist ses gens ensemble, & les fist retirer le petit pas & se mist derriere l'espée au poing, & quand il voyoit vn Cheualier approcher il se retournoit & le faisoit reculler & quand il l'ataignoit il le chatoit tellement qu'il n'aurit talent de le suiure & se porta vaillamment que chacun disoit qu'il estoit vaillant & preux: & n'y auoit si hardy Sarrazin, qui osast attendre vn coup de sa main. Lors vint le Soudan avec grand route de Sarrazins armez sur vn grand d'estrier qui tenoit vn dart enuenimé, & quand il vit le Roy, qui ainsi mal menoit ses gens: il luy ietta le dard par grand yre, & le frappa au costé fenestre tellement qu'il le perça tout outre: & le iasteran qu'il auoit vestu ne le peut garantir, & incontinent apres il sentit grande angoisse, & tira le dard de son costé, & le cuida reietter au Soudan, mais il tourna le d'estrier si appertement que le dard passa outre & ferit vn Sarrazin parmy le corps, tellement qu'il le rna mort par terre parce qu'il n'estoit pas bien armé & auant que le Soudan, qui s'estoit trop auancé, peust retourner le Roy le ferit qu'il l'abatit tout estendu sur la terre. Lors vindrent les Payens si fort qu'il conuint au Roy se reculler entre ses gens, & fut le Soudan redressé & remonté sur vn courfier: Adonc fut grande la presse, & les Payens furent si fors qu'ils rebouterent le Roy & ses gens dedans leurs barrieres. Lors commencerent les Chipriens, qui gardoient le pas, a tirer flesches & viretons de grand maniere, & la furent occis beaucoup de sarrazins. Et aussi le Roy auoit perdu moult de sang, & affoiblissoit fort dont ses gens commencerent a leur esbahir & combien que le Roy souffrist grande douleur, neantmoins resioüissoit il fort ses gens & leur donnoit cœur, tant firent que les sarrazins ne peurent riens conquester qu'ils ne perdissent, & fut l'escarmouche moult fiere & perilleuse: & ainsi le Roy en reconfortant ses gens: endurant grand douleur les remist dedans la ville, & estoit merueilles comme vn tel seigneur n'auré a mort se pouuoit tenir sur son Cheual, & n'estoit le coup mortel sinon que le venin, car le dard estoit fort enuenimé: & en peu de temps il apparut bien, car il mourut de ce coup, mais il auoit le cœur plein de si grande vaillance, comme le fait le monstre, qu'il ne se daignoît plaindre a ses gens du mal qu'il souffroit iusques a tant que l'vn des Barons s'en apperceut: par ce qu'il estoit du costé fenestre depuis la iambe iusques au talons toute rouge de sang qui degoutoit de sa playe: & quand ils s'arrestoit la place estoit toute vermeille de son sang lequel Cheualier luy dist. Monseigneur vous auez icy beaucoup trop demouré, venez vous en, & faites retirer vos gens en la ville auant qu'il soit plus tard,

afin que les payens ne se bontēt par la meslée avec nous. Lors le Roy, qui sentoit grād douleur luy respondit. Faiçtes-en vostre volonté. Adonc le Cheualier fit mettre cent hommes d'armes que estoient rasteschis au deuant de la Barriere de la cité, & fist recommencer l'escarmouche avec cent Arbalestriers & ainsi furent les sarrazins recullez, dont le soudan fut courroucé, & escria a ses gens. Auant seigneurs & barons prenez a bien faire, car la ville sera nostre aujourd'huy, elle ne nous peut eschapper. Adóc renforça la meslée, & la eussiez veu assaillir & deffendre d'vn costé & d'autre : mais quand le Roy de Chipre vit que les sarrazins se renforçoient, il reprint cœur en luy, & leur fit vne mout forte Poinçte: & la souffrir tant de peine qu'il y en eut plusieurs vaines de son corps ouuertes & toutes rouges, dequoy aucuns disent que en sa vie fut abbregee. Et lors furent sarrazins mout recullez, & y en eut plusieurs mors & naurez, si approcha la nuict, & y eut grand perte d'vn costé & d'autre, & toutesfois les sarrazins se departirent car le Roy reuigoroit tellement ses gens qu'ils ne doutoient les coups: non plus que s'ils fussent de fer ou d'acier. Et quand les sarrazins furent partis, le Roy & ses gens se retirerent en la ville: mais quand ils sceurent l'adventure du Roy, ils cōmencerent grand dueil. Et le Roy ce voyant leur dist Mes bonnes gens ne faiçtes telle douleur: mais pensez de bien vous deffēdre du soudan & Dieu vous aydera s'il luy plaist, lequel en tout temps nous vueille secourir & estre en ayde: car ie seray tantost guarý. Adonc fut rapaisé le peuple en peu d'heure: & toutes-fois le Roy disoit ces parolles pour resiouyr son peuple & eschapper sans mort, si commande qu'on fist bon guet, & leur donna congé, & vint en sa chambre. Et incontinent sa fille, laquelle auoit ouy dire qu'il estoit venu, le vint defarmer, & quand elle apperceut que son harnois estoit plein de sang & puis la playe elle cheut pasmée. Le Roy ce voyant commanda qu'elle fust portée en sa chambre. Apres les Chirurgiens vindrent voir le Roy qui estoit couché en son liçt & luy dirent qu'il ne s'esbahit point & que ce n'estoit rien. Ie scay bien comme il me va, dist le Roy, la volonté de Dieu soit faiçte. Cela fut sceu par la Cité, parquoy la douleur commença par la cité plus sans comparaison qu'elle n'estoit parauant. Icy se raist l'histoire du siege du Roy, & commence à parler de Vriam & de son frere, & comme ils exploisterent de puis qu'il vint en son logis qu'il trouua deçà le pont & son paillon tendu.

QUe lendemain au matin vriam apres la Messe ouye fist venir deuant sa tente les capitaine, panons & estendars & leurs gens avec eux & tous armez pour eux faire visiter: puis les fist mettre à part en la prairie iusques à ce qu'ils furent visiter, & en les visitant il les regardoit mout & les estrangers comme les siens & leur contenance, & si retint bien en son cœur ceux qui luy sembloient en leurs'conditions les plus hastifs, puis fist faire le nombre des gens d'armes qui la estoient assemblez en la prairie: & aussi tant les siens comme ceux du Maistre de Rhodes & du Capitaine, & trouua qu'é tout ils estoient de neuf a dix mille cōbatans, si leur dit: escoutez tous beaux seigneurs nous sommes cy assemblez pour chaustenir la foy de Iesus-Christ: de laquelle il nous à tous regenez & sauuez comme chacun de nous scait bien qui a premierement souffert mort & passion pour l'amour de nous rachepier des peines d'Enfer eternelle: pour ce seigneurs ven & considerez en nos cœurs qu'il nous a faiçt ceste grace nous ne deuons point refuser la mort ou l'adventure qu'il luy plaira nous ordonner: & pour souste-

L'HISTOIRE DE

nir les sainctz sacrement qu'il nous a administrez pour le salut de nos ames , combien que nous auons affaire à forte partie: car ils sont bien dix contre vn de nous, mais quoy nous auons bon droit, car ils nous sont venus assaillir sans auoir bonne cause sur nostre droit heritage. Et aussi nous ne le deuons pas rançonner : car Iesus Christ print tout seul la guerre pour nostre saluation. Et par sa mort seront tous les bons sauuez qui ses commandement tiendront: dont sçachez que tous ceux qui y mourront seront sauuez & auront la gloire de Paradis. Et pour ce seigneurs ie vous dis que j'ay intention, au plaisir de Dieu de presentement moy mouuoir pour approcher de nos ennemis & de les combattre le plus brief que ie pourray si vous prie que s'il y a homme en ceste place qui ne sente son cœur ferme pour attendre l'aduenture qu'il plaira à Dieu nous enuoyer qu'il se tire à port: car par vn seul couart failly est aucunes fois perduë vne besongne. Et tous ceux qui voudront venir de bonne volonté, tant de mes gens comme des autres ie leur donneray assez or & argent pour leur necessitez, & ie leur donneray Nauires & vituailles pour passer la mer. Apres ces parolles il fist leuer sa banniere vn trait d'arc dessus la montagne, & la fit tenir à Guyon son frere sur vn haut d'estrier, & leur dit. Tous ceux qui ont deuotion de venger la mort de nostre Seigneur Iesus Christ & d'exaucer la foy Chrestienne, & de ayder au Roy de Chipre se tirent sous ma banniere. Et quand ils ouyrent ce mot ils allerent tous à vne flotte sous la banniere en plorant de ioye & de pitié qu'ils eurent de ce que Vriam fut ioyeux : & fist sonner ses trompettes & se mirent en chemin. Adonc le maistre de Rhodes & le Capitaine de Lymasson se mirent tous ensemble & cheuaucherent en bataille, & dirent bien que enuers Vriam & ses gens nuls hommes n'auront durée , & ainsi cheuaucherent tant qu'ils vindrent pres de la montagne, & comme emmy voye de la place ou la bataille auoit esté faicte le iour de deuant. Mes seigneurs, dist Vriam, la dessus ceste riuiere il seroit bon que nous alissions loger tant que fussions rafraischis, & tandis regarderons comme nous pourrons pour le plus seure greuer nos ennemis, & ils respondirent que c'estoit bien dist. Adonc s'en allerent loger tous ensemble afin qu'on ne les peust prendre à descouuert.

LE soudan auoit enuoyé secrette espies, parquoy il sceut bié que secours venoit au Roy, & aussi comme le Roy estoit nauré dont la cité estoit troublée, si delibera de faire assaillir la ville, & fist sonner les trompettes quand le soleil fut leué, & fit ordonner ses batailles & ses Arbalestriers & ses painziere, vindrent aux fossez & aux barrières. La commença la pillerie. Arbalestriers tiroient mout viste par dehors, & par dedans. La eut maint sarrazins mors: car ceux de dedans tiroient de gros Canons & despringalles. Adonc vint le Souldan qui s'escria à haute voix. Auant seigneurs & cheualiers, & mettons peine de prendre ceste cité auant que le secours leur vienne. Par Mahom celui qui pourra entrer dedans le premier ie luy donneray son pesant d'argent en l'estat qu'il y entrera. Lors on les eust veu saillir aux fossez, portant pics, hoyaux, pieux des Nauires & autres instrumens, & eux efforcer à toute puissance d'entrer & assaillir, que c'estoit grand merueille à voir, mais ceux qui estoient dessus les murs leurs iettoient Pierres, Pieux agus, Huile chaude Plomb fondu, poisans pleins de Chaux viue, Tonneaux pleins d'estoupes engressée & ensouffrées tout ardent tellement que malgré eux il leur faut laisser la place, & remonter d'autre part, & y demoura maints sarr.

zins ards & affolez & a grand nombre de blesez. Adonc le soudan fist renforcer l'assaut de nouvelles gens: mais ceux de dedans se deffendirent vaillamment cōme preux & hardis, & aussi ils auoient les cœurs plus vigoureux pour la fiance du secours qui leur estoit bien pres. Or laisseray d'en parler, & diray de Vriam qui auoit enuoyé ses espies secrettement, esquelle espies quand ils virent que le soudan faisoit assaillir la ville, ils retournerent incontinent vers vriam, & luy dirent comme la ville estoit en grand danger de estre prinse si elle n'estoit secourue & comme le Roy estoit fort blessé.

Comme le Soudan fut tué deuant la ville de Famageffe.



Qand Vriam & Guyon ouyrent les nouvelles ils furent dolens & Vriam fist sonner les trompettes & fit armer l'ost, & le mist en quatre batailles dont il eut la premiere: son frere la seconde, le maistre de Rhodes la tierce. Et apres fist demourer en la vallée le sommage, & le fist garder de cent hommes & cinquante Arballestriers, & comincerent à monter la montaigne. Adonc ils virent l'ost des sarrazins qui assailloient la Cité. Lors Vriam dist a ses gens. Seigneurs ses gens sont grand nombre, mais Dieu aydant ils seront tous nōstres, & bien bref puis dist de rechef. Allons tous contre l'ost sans eux riens meffaire, & allons assaillir premierement ceux qui assaillent la cité, & ie croy à l'aide de dieu, qu'il ne nous pourront endurer. Et ils respondirent qu'il estoit bon de faire ainsi pour le mieux. Adonc il voulut deuaner la montaigne & passer par derriere: mais quand ils virent passer les sarrazins les aduiserent, & virent qu'ils n'estoient pas de leurs gens. Si commencerent à se effroyer & crier à l'arme. Adonc vriam dit au Capitaine qu'il tournast sa banniere vers ceux de l'ost, & qu'il les combatist. La eust grand partie assemblée, & les autres batailles se mirent entre le guet & ceux qui assailloient la ville. tant attendirent ceux qui gardoient les logis, qu'ils furent morts & desconfits. Adonc ils laisserent gens pour les garder, & s'en allerent vers l'assaut, mais on vint dire au messager que les Tentes & Pauillons estoient prins & les gardes morts. Et nous accoururent sur les plus mauuaises gens que ie vis onques. Lors le soudan se retourna & vit venir bannieres & Pauillons, & les gens si ferrez ensemble qu'il ne sembloit pas qu'ils fussent la moitié du nombre qu'ils estoient. Adonc le soudan fut courroucé, & fist sonner ses trompettes pour retraicte & pour mettre ses gens en ordonnance: mais auant qu'il les eut assemblez à moitié vriam vint en bataille qui leur courut sus: & la commença l'occision & la perte mout grande: mais la plus grande perte tourna sus les Sarrazins car ils n'eurent pas loisir de se ordonner & estoient foullez de l'assaut, & si n'estoit pas chacun sous sa banniere quand on leur courut sus comme gens qui estoient aspres durs & fors du mestier des armes, & en peu d'heure plusieurs se mirent en fuite. Adonc le soudan, qui fut plein de grand courage, rangea les gens entour de luy, & la eut maint noble homme mort & blessé: & se faisoit fort redouté: car il tenoit vne Hache à deux mains, & frapport à dextre & à senestre & faisoit grand occision de nos gens, & mal aduint à celuy qui ne se destournoit de son chemin.

Quand vriam le vit ainsi besongner il en fut dolent, & dit en soy mesmes. C'est grand dōmage que le Turc ne croit en Dieu: car il est preux & habille de sa main: mais pour le domage que ie voy qu'il faict à mes gens ie n'ay cause de le plus deporter, & aussi nous ne sommes pas en place de tenir longues parolles.



Adonc il mist la main à l'espée & frappa le Cheual des esperons, & vint vers le soudan grand erre, & quand le soudan le vit venir il ne refusa pas: mais empoigna la hache, & cuida ferir vriam se destourna hors du coup de la Hache qui fut pesant & au baïsser qu'il fit par la force du coup la hache luy vola hors du poing. Lors Vriam le frappa de l'espée sur le Heaume de toute sa force, & fut le soudā si charger du coup qu'il ne voyoit ne entendoit, & le frain & les estriers & le cheual le porta la ou il voulut. Adonc vriam le frappa de son espée entre le chef & les espauls: car le soudan estoit tout embrosché, & le Heaume estoit tendre par le derriere, & l'espée trouua le col à nud, excepté vn peu de la garnison de gorgerette, & treucha la garnison tout outre, & les deux maïstresses vaines & les tendans au gorgeron & cheut le soudan à terre tout estendu & eut si grand foulle de cheualier d'une part & d'autre que la bataille y fust si forte que ses gens ne luy peurent ayder. & seigna tant qu'il mourut par la force du s'ag qu'il ietta.

Comment apres que le Soudan fut mort tout ses gens furent tuez & desconfits.

LT quand les sarrazius apperceurent que le soudan estoit mort ils farēt tous esbahis ne oncques depuis ne se combattirent de bon cœur. Adōc vriam & Guyon faisoient tant d'armes que nul ne les vit qui ne les prīst, & disoient les barons entre eux, que Dieu par sa pitié & misericorde les auoit la enuoyez pour secourir le Roy de Chipre. Et scachez que les cheualiers Poiteuins & les autres barons s'esprouuerent si vaillamment qu'en peu d'heure les sarrazins furent tous desconfits, si que mal soit de celuy qui ne fust mort ou prins. Adonc vriam & ses gens se logerent es logis des sarrazins, & fut le sommage des Chrestiens mandé, & les gardes qui furent ioyeux de la victoire, & s'en vindrent ioyusement, en l'ost & se logerent bien aysement, & firent les deux freres partir la conqueste tant que chacuns s'en tint bien payé. Apres la desconfiture de la bataille le capitaine se partit des deux freres, & avec luy trente Cheualiers de noble affaire, & vint en la cité, & qn luy ouurit la porte priement, & entra dedans, &

il trouua les gens par les rues, dont les vns faisoient grand feste, pource qu'ils se voyoient deliurez des mains des sarrazins, & benissoient l'heure que onc les enfans de Lu signen auoient esté nez, & qu'ils entrerent en leurs pays, & les autres gens faisoient grand dueil, & menoient grand pleurs & douleurs pour la blesseure du Roy, & qu'on disoit qu'il ny auoit remede qu'il ne perdist la vie, si ne sceut que penser car il ne scauoit pas encores que le Roy fust blessé.

Adonc tant exploicta qu'il vint au Palais & la descendit ou il trouua le peuple bié marry. Et il leur demanda qu'il leur failloit. Assez, dist l'vn, car nous perdons le plus preud'homme & le meilleur qui oncques fut en ce Royaume. Comment dist le Capitaine le Roy est il malade. Ha sire n'en scauez vous riens, dist le Cheualier nous faillismes hier fur nos ennemis, & au retourner le Roy fut feru d'vn d'ard enuenimé tellement qu'on ny trouue point de remede: car nous pensons tousiours que ses deux nobles damoiseaux & leurs gens, d'eussent venir passé a trois iours, & la fille du Roy meine telle douleur que c'est grand pitié a voir: car il y a deux iours qu'elle ne voulut boire ne manger il nous sera mal aduenü si nous perdons nostre Roy, & nostre Damoiselle, car si ce aduenoit le pays seroit en grand orphante de seigneur.



Meffieurs dit le Capitaine, n'est pas encores perdu tout ce qui est en peril, & ayez bonne fiance en nostre seigneur Iesus-Christ, & il vous aidera, ie vous prie menez moy vers le Roy, c'est leger a faire dirent ils, car il est en ceste chambre ou chacü peut aller comme s'il n'auoit nul mal, il a ia fait son testament & a ordonné du sien a ses seruiteurs, si bien que chacun s'en tient content Lors le Capitaine entra en la chambre & s'enclina deuant le liét du Roy & luy fist la reuerence. Capitaine, dist le Roy, vous soyez le bien venu, ie vous remercie de la diligence qu'avez faicte d'accompagner ces deux nobles hommes parquoy ma terre est hors de la subiection des sarrazins car ie n'auois plus puissance de gouverner mes gens ne mon pays ie vous prie que vous allez leur dire de par moy qu'il leur plaise de me venir voir deuant que ie meure: car i'ay grand volonteé de leur satis-faire a leur pouuoir de la grand amour, & de la courtoisie qu'ils m'ont faicte, & aussi i'ay grand desir de les voir & de parler a eux pour certain cas que ie leur veüx declarer.

Monseigneur, dist le Capiraine ie les vois querir a vostre congé. Or allez, dist le roy, & les me faictes cy venir demain deuant prime, & se partit & faillir hors de la ville, & s'en vint vers l'ost. Et le roy commanda à encourtiner toute la grad ruë de la porte par où les deux freres deuoient passer iusques au palais, & fist appareiller le plus richement qu'il peut contre leur venuë. Adonc le Capitaine vint en l'ost des deux fre-

res qui humblement le receurent, lors il leur compta comme le Roy estoit blessé, & qu'il leur prioit humblement qu'il leur pleust de venir vers luy pour les remercier du secours qu'ils luy auoient fait & eux satisfaire de leur peine & despense à son pouuoir, & aussi pour parler à eux, d'autre cas. Nous ne sommes pas icy venus, dist Vriam pour soudoyer pour argent: mais seulement pour soutenir la foy Catholique, & nous voulons bien que chacun sçache que nous auons assez finance pour payer nos gens, mais toutes-fois nous yrons volontiers vers luy sçachez que quand à moy ie pense aller deuers le Roy en tel estat que ie partis de la bataille: car s'il luy plaist ie vueil receuoir l'ordre de Cheualerie de sa main pour la vaillance & honneur que chacun dist de luy: & vous capitaine luy pourrez aller dire que demain à l'heure qu'il à mandé que moy & mon frere, & le maistre de Rhodes. Dieu aydant, yrons deuers luy & cent de nos pl^{rs} hauts Barons. Adonc print congé le Capitaine & vint à la cité ou on le recut mout honorablement puis vint au Palais ou il trouua le Roy en aussi bon point comme il l'auoit laissé, & y estoit sa fille Hermine, qui estoit dolente du mal de son Pere: mais nonobstant ce elle se reconfortoit fort de ce que on luy disoit que les deux freres deuoient venir le lendemain car elle desiroit à voir vriam.

Et adonc le capitaine salua le Roy. vous soyez le bien venu, dit le Roy qu'elles nouvelles de nostre message, & verra lon point ces deux ieunes damoiseaux. Ouy sire, dist le capitaine, eux centiesme: & si plaist vous scauoir qu'il ne veulent rien du vostre: car comme ils disent, ils ne sont pas soudoyers pour argent: mais il se disent soudoyers de nostre seigneur Iesus-Christ: & vriam ma dict, que de main Dieu aydant, deuant qu'il soit prime il viendra vers vous en tel point qu'il saillit de la bataille: car il veur receuoir l'ordre de cheualerie de vostre main. Je louë nostre seigneur, dist le Roy, quand deuat ma mort il luy plaist que ie face cheualier vn si haut Prince & vaillant, sçachez que i'e mourray plus ayse. Et quand Hermine ouyt ceste nouvelle, elle en eut si grand ioye au cœur qu'elle ne scauoit qu'elle contenance faire, mais pourtant elle n'en monstra nul semblant, ains monstra qu'elle sentoit grand douleur au cœur: puis print congé de son Pere, & le baisa doucement en plorant, & vint à sa chambre: & la commença fort à se plaindre vne heure de la douleur qu'elle auoit de vriam, dont la demourée luy tardoit mout, & fut long temps en pensée, tellement que de toute la nuict elle ne dormoit & ainsi se passa la nuict iusques au lendemain à l'heure de prime. Apres le Roy fit commandement que le lendemain tous nobles & non nobles fissent parer les rues pour faire feste & honneur à la venuë des deux freres & de leurs gens & qu'à chacun carrefour eust menestriers & trompettes, & que l'on iouast de tous autres instrumens qui pourroient estre trouuez en la ville, & d'autres melodies dont on se pourroit aduiser pour festoyer & honorer les Damoiseaux, & pour certain le peuple en fist bien son deuoir. Et environ prime les deux freres vindrent monstrez sur deux destriers, & estoit vriam tout armé, ainsi qu'il se partit de la Bataille l'espée nue au poing, & son frere Guyon estoit vestu d'vn riche drap de damas bien fourré, & alloient deuant eux trente Barons en noble arroy & puis alloient le grand Maistre de Rhodes & le Capitaine de Limasson, & apres les deux freres venoient en noble arroy: avec soixante & dix cheualiers, & leurs escuyers en leur compagnie & leurs Pages, & en c'est estat entrerent en la cité. La eussiez veu commencer la feste grande & les trompette, & menestriers sonner, aussi eussiez veu gens de grand honneur qui estoient richemens habillez,

billez, lesquels crioient à haute voix. Bien soyez venu prince de bonne victoire par qui nous tenons & sommes tous ressuscitez du cruel seruage des ennemis de nostre seigneur Iesus Christ. La eussiez veu dames & Damoiselles, & les Anciens Gentils-hommes qui s'esmerueilloient de la grand fierté de Vriam qui estoit tout armé, le visage descouuert vn Chapeau verd sur le Chef, & l'espee nuë au poing, & le capitaine portoit son Heaume deuant luy sur le Tronçon d'une Lance. Et quand ils apperceurent la fierté de son visage, ils dirent entre eux. C'est vn homme pour submettre tout le monde à son obeissance. Il le monstre bien disoit l'un: car il est entré en ceste cité comme s'il l'eust conquise. Et l'autre disoit La recourse du danger dont il nous a ostez vaut autant & est assez conquesté: puis disoient encores. Combien que son frere n'ayt pas si fiere Philosomie si semble il homme de bien, & de haute entreprinse. Et ces paroles disant il les conuoyèrent iusques au palais ou ils descendirent.

*Comme Vriam & Gnyon vindrent deuant le roy luy estant au liect,
& estoit Vriam tout armé.*



A Donc les deux freres vindrent honorablement faire la reuerance au Roy, lequel les receut de bon cœur, & les remercia de leurs secours & leur dist que apres Dieu ils estoient ceux par qui luy & tout son Royaume estoient eschapez de plus cruel pas, n'est la mort, car ils ne fussent venus les Sarrazins les eussent du tout destruits & puis contraints à eux conuenir en leurs loy qui eust pis vallu que la mort temporelle: car ceux qui eussent à ce consenty de cœur ils eussent eu à tousiours damnation perpetuelle. Et pourtant c'est raison que ie vous contante à mon pouuoir: car ie n'ay autre volonté que de faire mon pouuoir, combien que ie ne la pourrois accomplir à la valluë du grand honneur que m'auetz fait: mais ie vous supplie de prendre en gré ma petite puissance. De ce ne vous en faut douter dit Vriam: car nous ne sommes pas icy venus pour auoir de vostre or, de vostre argent, ne de vos villes ne Chasteaux, ne terres,

mais pour acquerir honneur, & pour destruire les ennemis de Dieu, & exaucer la Foy Catholique, & scachez que nous tiendrons nostre peine fort bien employée s'il vous plaist nous faire tant d'honneur que nous vouliez faire mon frere & moy cheualiers de vostre main. Nobles Damoiseaux, dist le Roy, & combien que ie ne suis pas digne d'accomplir tout vostre requeste: ie la vous accorde: mais auant sera la Messe dicte. Sire, dist vriam, ce me plaist bien. Et le chappellain fut tantoit appresté. Lors Vriam & son frere & tous les autres ouyrent la Messe, & apres Vriam vint deuant le Roy, puis tira son espee du fourreau, & s'agenouilla deuant le liect ou le Roy estoit, & luy dist. Sire Roy ie vous requiers pour tout le salaire du seruice que ie vous puis auoir

fait & que vous pourrois faire en toute ma vie; qu'il vous plaist me faire Cheualier de ceste espée, & vous m'aurez bien remunerer de ce que moy & mon frere auons fait pour vous & pour vostre Royaume: car de la main des plus vaillant Cheualier & noble seigneur ie ne puis receuoir l'ordre de cheualerie, que de la vostre propre. Sire damoiseau, de la vostre vous me portez plus grand honneur que ne deuez, & me en dictes cent fois plus que ie ne vaut, car ce dó ie vous accorde, & il n'est pas à refuser d'un si noble damoiseau d'en faire un cheualier: mais apres que ie vous aurez accompli ce que m'auez requis, de conuenant, s'il vous plaist vous me donneray un dou lequel ne tournera a preiudice ne dommage du vostre, mais tournera à grand profit & honneur. Je suis tout prest, dist Vriam, d'accomplir vostre volonté. Adonc le Roy eut grand ioye & se dressa à son seant & print l'espée par le pommeau que Vriam luy tendoit, & luy donna l'accollée en disant. Au nom de Dieu cheualier foyez, qui vous octroye amandement, & puis luy rebaila l'espée, & en ce faisant les playes se ouurirent & en saillit le sang à grand randon, parquoy Vriam fut dolent, & aussi furent tous ceux qui le virent: mais lors se remist le Roy dedans son liect & dict qu'il ne sentoit nul mal: apre sil commanda à deux cheualiers qu'on allast querir sa fille, ce qu'ils firent. Et quand le roy la vit il luy dist. Ma fille merciez les nobles hommes du secours qu'ils ont fait à moy & à vous & à vostre Royaume: car si n'eust esté la grace de Dieu & leur puissance nous estions tous destruits, ou mieux exilés de nostre pays, ou nous en est il fallu conuertir à leurs loy, qui nous eust pis vallu que de mourir, Adonc elle s'agenouilla deuant eux & les remercia humblement, & scachez qu'elle estoit en telle maniere esmeuë comme si elle fust rauie, & ne scauoit qu'elle contenance faire, tant de la douleur qu'elle auoit au cœur de l'angoisse que son pere sentoit, que des pensées qu'elle auoit de Vriam, & tant qu'elle estoit comme vne personne qui est yssuë nouvellement de son dormir: mais Vriam qui apperceut qu'elle estoit troublée, la saisit doucement & le dressa en soi enclinant contre elle, & en ce faisant s'entre firent mout d'honneur, & disoient ceux du pays, si ce noble homme auoit prins nostre damoiselle à femme, bien nous yroit, nous n'aurions doute de payen ne d'homme qui nous voulsit faire mal. Adonc le roy appella sa fille, & luy dist. Ma fille seez vous icy aupres de moy: car ie croy que ne tiendrez plus gueres grand compagnie, & elle s'assit aupres luy, en plorant. Lors tous ceux qui la estoient commencerent a plorer, de la pitié qu'ils auoient du Roy & aussi de la douleur qu'ils voyoient que sa fille se demenoit si piteusement.

Adonc le Roy fut fort dolent quand il vit sa fille mener telle douleur, & luy dist. Ma fille laissez ce dueil que vous menez ie vous en prie: car en chose qu'on ne peut amender, c'est folie de foy en donner trop grand courroux, combien que c'est raison naturelle que chacune creature soit dolent de son proesme quand on le pert, mais si Dieu plaist ie vous pouruoyray si bien que vous en tiendrez contente auant que ie parte de ceste mortelle vie, aussi serons les barons de mon Royaume. Lors commença la pucelle à plorer, plus fort que deuant, & aussi les barons menoient telle douleur que c'estoit grand pitié à voir, mais Vriam & Guyon furent mout courroucez, & le Roy voyant leur douleur, il leur dist. Ma fille & vous tous autres ceste douleur ne vous est pas necessaire à mener, car ie n'en amenderay ne vous aussi en quelque maniere: mais m'accroissez ma douleur, parquoy ie vous commande à tous que cessez ceste douleur m'aymez que ie demeure encores en vie un peu de temps avec vous. Et apres ils se

tindrent le mieux qu'ils peurent pour la parolle que leur auoit diste le Roy. Et de re-
 chef le Roy reprint la parolle adressant à Vriam, & luy dist. Sire cheualier la vostre
 mercy, vous m'avez donné vn don, voire par tel conuenant que du vostre ne de
 vostre cheuance ie ne vous damanderay rien. Demandez tout ce qu'il vous plaira, dist
 Vriam: car si c'est chose que ie puisse faire ie l'accompliray volontiers. Grand mercis,
 sire, dist le Roy, sçachez que ce que ie vous demande, c'est que ie veux donner noble
 chose. Or sire cheualier ie vous prie qu'il vous plaise de prendre ma fille à femme &
 tout mon Royaume, & des maintenant ie le mets en vos mains, & m'en demets à vo-
 stre profit. Et est vray qu'il auoit fait apporter la Couronne, laquelle il print, & dist.
 Tenez Vriam ne refusez pas la requeste que ie vous fais. Lors furent les barons du
 pays si ioyeux qu'ils l'armoyent de ioye & de pitié que ils en auoient. Quand V-
 riam entendit ces parolles il pensa vn peu, & en fut dolent: car il auoit volonté d'aller
 par le monde pour veoir le pays & les contrées, & acquerir honneur: mais toutes-fois
 puis qu'il auoit accordé le don au Roy il ne s'en voulut pas desdire. Et quand les Ba-
 rons du pays le virent ainsi penser, ils s'escrierent à haute voix. Ha noble homme ne
 vueillez refuser ceste requeste. Seigneurs Barons, dist Vriam, non feray-je.

Adonc il s'enclina deuant le liect du Roy, & print la couronne & la mist sur le giron
 de Hermine, en disant. Damoiselle elle est vostre, & puis que la chose est ainsi venuë
 ie vous ayderay à la garder tout mon viuant. Adonc le Roy eut grand ioye, & aus-
 si tous les Barons & fist venir L'archeuesque de la cité, qui les fiança: mais Hermine
 dit qu'elle verroit qu'elle fin son pere prendroit de sa maladie auant qu'elle en fist
 plus, & Vriam respondit. Damoiselle puis qu'il vous plaist, il me plaist bien. Lors fust
 le Roy dolent & luy dist. Hermine belle Fille vous me monstrez bien que ne m'ay-
 mez gueres quand la chose que ie desire plus en ce monde voir deuant ma fin vous ne
 voulez accomplir? Or ie voy bien que desirez ma mort. Quand la pucelle l'entendit,
 elle se mist à genoux en plorant, & dit. Mon tres-redouté Seigneur & Pere, il n'est
 chose au monde que ie vous refusasse iusques à mourir, commandez moy vostre bon
 plaisir, & ie feray ce qu'il vous plaira. Adonc le Roy dist, ie vous commande à tous
 que laissez ce dueil, & tendez & parez bien ces salles & tout le Palais, & menez grand
 ioye, & faictes appareiller les victuailles: puis allez querir. L'archeuesque & faictes fai-
 re le seruice honorablement, & apres le seruice accomply faictes dresser les tables:
 apres disner icy deuant moy faictes la feste comme si ie fusse maintenant sur pieds: car
 ce allegera ma douleur lors ils firent ce qu'il leur commanda. Et quand la messe fut di-
 cte, & les Tables dressées. Hermine fut assise en vne Tables deuant le liect du Roy
 son pere, & vriam estoit assis de coste elle. Et Guyon seruit honorablement deuant
 Hermine & son frere vriam. Lors le Roy eut grand ioye. Mais il faisoit meilleur sem-
 blant que le cœur faire ne pouuoit: car le venin qui estoit en la playe luy vermissoit
 tout le corps. et apres disner le Roy appella vriam, & luy dist, Beau fils ie veux que vo-
 espousez demain ma fille, & vous veux couronner Roy de ce Royaume: car ie ne puis
 plus viure & pour ce ie veux que les Barons de ce Royaume vous fassent hommage
 deuant ma mort, sire, dit vriam, puis qu'il vous plaist, il me plaist bien & la estoit presen-
 te Hermine, qui ne refusa pas à faire la volonté de son pere.

L'HISTOIRE DE

*Comme Vriam de Lusignan espousa la belle Hermine,
Fille du Roy de Chipre.*



L lendemain à l'heure de tierce. L'espousée fut noblement parée, & la chapelle dressée, & les espousa l'Euesque de Famagosse, apres Vriam vint vers le Roy & s'agenouilla deuant son liect & le Roy print sa Couronne, & luy mist sur la teste & Vriam le remercia. Adonc le Roy appella les Barons du pays & leur commanda à faire hommage au Roy Vriam sô fils, ce qu'ils firent volontiers, puis la messe fut chantée, & quād ce fut fait ils s'allirent à dîner, & puis commença la feste qui dura iusques au soir, & apres le soupper commença la feste & quand il fut temps.

L'espousée fut couchée & apres vria se coucha & l'Euesque benit le liect: puis chacun departit & allerent les vns coucher & les autres dancier & s'esbatre, & Vriam fut avec sa femme, qui doucement s'entre-accointerent. Et le lendemain à l'heure de tierce vint vriam accompagné de la Baronnie, de Poitou & du pays de Chipre, & deuant le Roy, & s'enclina & le salua humblement. Beau-fils dist le Roy vous soyez le bien venu, ie suis ioyeux de vostre venue faites venir ma fille, puis nous orrons le seruice diuin. Adonc vint Hermine sa fille, laquelle fut amenée par Guyon son beau frere & par l'vn des plus haut barons du pays: & estoit noblement accompagné de grandes Dames & Damoiselles, & elle venüe deuant son Pere elle s'enclina & le salua doucement. Et le Roy luy dit ma fille vous soyez la bien venüe, & suis ioyeux quād Dieu ma fait ceste grace en mon viuant, que ie vous ay si bien assenée, & scachez que i'en mourray plus lyement, pource que ie suis asseuë que vous & mon pays estes hors de doute de Sarrazins: car vous auez bon garant, & auez bonne garde de bon prince & batailleur qui bien vous gardera contre tous vos mal-ueillans: & par especial contre tous les ennemis de Iesus-Christ.

Après ce le Chapelain commença la messe, puis le Roy fist appeller vriam & Hermine sa fille, & leur dist. Mes enfans ie vous prie que pensez de bien & tenir bonne foy, l'vn à l'autre: car ie ne vous puis plus tenir compagnie, ie vous commande au Roy de gloire qui vous octroye paix & amour ensemble & vous vueille donner bonne vie & longue en tout temps par amendement, & vous octroye puissance & victoire contre les ennemis de Dieu. En disant ce mot il ferma les yeux, & alla à Dieu si doucemēt qu'il sembloit qu'il fut endormy: mais quand ils apperceurent qu'il fut mort la douleur commença mout grande. Lors Hermine fut menée en sa chambre: car elle faisoit tel dueil que c'estoit pitü à voir. Que vous vaudroit de tenir si long discours. Le Roy fut

enseuely le plus honorablement qu'on peut & furent les obseques faites, & le corps enterré richement selon l'usage du pays & estoit mgut dolent le peuple du pays : mais ils se reconfortoient fort de ce qu'ils auoient trouué & recouuert seigneurs plein de si grand proësse, & estoient avec ce tous assoulez, & aussi peu à peu cessa la douleur. Et tantost apres Vriam alla parmy le pays visiter les lieux fors, & bailla vne partie de ses biens à Guyon son frere & au maistre de Rhodes, & les fit entrer en mer pour scauoir s'ils orroient nouuelles que les sarrazins reuinssent point armez pour venir sur son pays: Car scachez dist le Roy, que nous ne pensons pas d'attendre tant qu'ils viennent nous requerir, ains les yrons visiter briefuement si Dieu plaist mais que nous ayons auant (ceul'ordonnance de nostre pays, & à tant se part Guyon & le maistre de Rhodes, & le Capitaine de Lymasson & entrèrent en mer à tout trois mille combatans.

LE Roy vriam & la Roynne hermine allerent visiter parmy leur pays & Royaumes leurs villes & bourgs, la ou on leur fist dons & riches presens, & y furent receuz honorablement à grand ioye & vindrent ceux des bonnes villes à l'encontre du roy & de la Roynne avec sons d'instrument, dont le roy vriam se tint bien content, & pour ueut bien à tous ses fors de toutes choses necessaires pour la guerre, si aucune chose aduenoit au temps aduenir. Et chacun estoit esmeruillé de sa grandeur, fertè, & puissance de corps, & disoient qu'il se faisoit douter plus que homme qu'ils eussent iamais veu. Et ainsi vriam alla de lieu en lieu par son Royaume. Et tout ce qui estoit en bonnes-mains par raison & iustice faire il aymoït, & ne mouuoit point les officiers, & ou il voyoit qu'il estoit de besoing il pouuoït de remede par bon conseil de ses Barons & leur commandoit à tous qu'ils fissent raison & iustice en tout temps, tant au petit comme au grand, sans auoir aucune faueur à nul: mais leur commanda expressement d'aller parmy iuste verité, ou autrement s'ils faisoient le contraire, il les puniroit si cruellement que les autres y prendroient exemple. Lors luy, sa femme & leurs gens retournerent à Famagosse, & fut la Roynne enceinte. Icy se taist Phi doire d'eux & parle de Guyon & du Maistre de Rhodes.



TANT vöguerent les Chrestiens par la Mer qu'ils vindrent approcher deux, enuiron d'vne lieuë, certaine quantité de vaisseaux, mais par semblance ils n'estoient pas grand nombre. Adonc ils enuoyerent vne grand gallée deuers nos gés qui s'estoient mis en ordonnance, & leur dirent des nouuelles. Et tantost ils tirerēt tous les voiles à mont, & allerent à force de vent tant que la nauiue de sarrazins les apperceut: & quand ils

les cogneurent ils furent esbahis, & se cuiderent retirer au port de Baruth, mais nos

gallées les auancerent, & leur coururent sus de tous costez, la eut grande occision d'un costé & d'autre, & a bref parler les Sarrazins furent tous desconfits & leur Nauires prinſes & les gensietrez en la mer, & estoit la Nauire pleine de biens, & apres nous barons se mirent en la Mer pour retourner en Chipre mais par la fortune du vent de la mer qui tourmenta vn peu ils arriuerent à cruly. Quand le Roy d'Armenie, frere du Roy de chipre le sceut il enuoya scauoir quels gens ils estoient. Adonc le Maistre de Rhodes leur dist. Seigneurs dictes au Roy est le frere de vriam de Lusignen, Roy de chipre, qui vient visiter la Mer afin que les Sarrazins ne fissent pont d'armes pour courrir sus, aux Chipriens pour le Souldan qui a esté desconfit & mis a mort, & aussi tous ses hommes à la bataille de Famagosse Comment, dirent ceux d'Armenie, y'à il autre Roy en chipre que le Roy qui estoit frere de nostre Roy, ouy, dist le Maistre de Rhodes: car le Roy, fut frappé d'un D'ard enuenimé par le Souldan tellement qu'il est mort, & en son viuant il à marié sa fille à vriam de Lusignen, qui occist le Souldan en la bataille, & desconfit tous ses gens. Et quand ceux l'entendirent ils le vindrent annoncer à leur Roy qui fut dolent de la mort de son frere: mais n'obstant il vint à la Mer en grand compagnie d'armes, & entra au vaisseau ou Guyon de Lusignen & le maistre de Rhodes estoient. Quand Guyon sceut sa venue il luy alla à l'encontre, & s'entreferent grand reuerence. Adonc le Roy dist au grand Prieur de Rhodes, maistre puis que ce ieune Damoiseau est frere du mary de ma niepce, ie serois mal courtois quand il arriue en ma terre si ie ne luy faisois bon recueil, & honorable comme il appartient: si luy dictes ie vous prie qu'il luy plaise de venir en nostre pays, & nous luy ferôs la meilleure chere que nous pourrons. Sire Roy, dist le grand Prieur de Rhodes, ie le feray. Adonc parla à Guyon, & luy comta tout, & Guyon luy respondit que volontiers le feroit pour l'amour du Roy & plus si faire ce pouuoit: car bonne foy & raison le veulét Lors se partirent ensemble, & mena Guyon belle cheualerie de Poiteuins avec luy, & & toutesfois auoit chacun deux vestu la cotte d'acier, & estoient en bon arroy, comme gens duiets du mestier d'armes, & monterent en petits vaisseaux, & arriuerent à terre, & apres allerent à cheual, & allerent vers Cruly.

A Donc le Roy d'Armenie auoit lors vne belle fille qu'il auoit eue de sa femme, laquelle estoit allée de vie à trespas & n'auoit encore la fille que environ douze ans, & n'auoit le Roy plus d'enfans, & scachez que luy & son frere le Roy de Chipre auoient espousé les deux sœurs qui furent Fille du Roy de Malegers & eurent chacun vne Fille de leurs femmes dont celle que vriam auoit espousée qui auoit nom Hermine, en fut l'vne, & l'autre fut florie dont ie vous ay commencer a traicter. La pucelle se tenoit pour lors a Cruly. Adonc fut la pucelle bien ioyeuse: car fort desiroit a voir les estrangers: lors elle se vestit & para richement: & fist bien aorné ses Dames & Damoiselles. Et a tant entra le Roy a cruly & vint au Chasteau, & la descendit, & la compagnie qui venoit avec luy, & monterent en la grand salle. Adonc florie, qui desiroit leur venue vint a l'encontre & se humilia vers son pere: & il luy dist faites feste a ses nobles gens & les receuez honorablement, & especialement le frere du mary de ma Niepce de Chipre vostre cousine. Et quand la pucelle entendit ce elle fut ioyeuse. Adonc elle vint a Guyon, & le print par la main, en disant. Sire vous soyez le bien venu, au royaume de mon Pere. Ma Damoiselle grand mercis, dit Guyon. Adonc commen

ça la feste a estre grandement serui de beaux & riches mets, & Guyon & la Damoiselle s'entredisoient de mout gratieuses parolles, & scachez si Guyon eut eu loisir il luy eut dist avec sa pensée mais ce pendant qu'ils estoient en grand soulas: vint vne Caliotte au port qui venoit de Rhodes, & furent ceux de dedans ioyeusement receuz de la ville, ils furent ioyeux quand ils trouuerent leurs gens, & tantost demâderent ou estoit le Maistre. Et il leur fut dict qu'il estoit au palais vers le roy avec le frere au roy de Chipre, lesquels le roy d'Armenie festoyoit fort. Or tost dist l'vn allez leur dire qu'il a passé par deuant nostre isle mout grosses Nauires de Sarrazins & ne scauons ou ils sont tourneuz: mais toutesfois il ont prins le vent pour venir en Chipre, & dit on que c'est le Caliphe de bandas & toute sa puissance. Adonc vn frere cheualier vint au fort, & dist au maistre de Rhodes telles nouvelles nous sont venuës, pouruoyez de remede Et quand le Maistre l'entendit il vint a Guyon, & luy dist Sire il est temps de nous en aller pour certaines nouvelles qui sont venuës, il est bõ de retourner en chipre. Pourquoy dist Guyon scauez vous choses de nouueau qu'il soit besoing de nous retirer si hastiuement. Ouy dist le Maistre, car le Caliphe de Bendas est passé deuant l'isle de Rhodes a grande multitude de grosses Nauires, & y auoit dedans grand nombre de Sarrazins, & tournent le chemin de Chipre Quand Guyon ouyt ceste nouuelle il dist a la pucelle qu'il tenoit par la main. Damoiselle ie vous prie qu'ayez souuenance de moy: car ie ne puis plus demourer avec vous & toutes-fois voyez cy en tout temps vostre vassal a faire tout ce qu'il vous plaira de me commander. Beau Sire dist la Damoiselle grand mercis, & puis Guyon vint au roy & print congé de luy: mais quand le roy sceut la nouuelle pourquoy il se partoist si hastiuement il fut dolent, & les conuoya iusques au port, si monterent leurs voilles & allerent singlant a force de vent & plusieurs voilles tirant deuers chipre. Adonc Florie estoit montée aux fenestres d'vne haute tour, & tant qu'elle peut oncques voir sa veue, elle ne bougea des fenestres.

ALors Caliphe & Brandimont de Tarse qui estoit Oncle du grand souldan de Damas, auoient ouy nouvelles comme le Soudan auoit esté occis & desconfit en l'isle de Chipre avec tous ses gens, dont ils furent dolens si se mirent en Mer & assemblerent enuiron soixante mille Payens, pour venir destruire L'isle de Chipre & tous les Habitans & ce cuidoit ils bien faire en peu d'heure: car ils cuidoit qu'ils ny eut point de roy, pource que le roy auoit esté occis en la bataille du Souldan & pour tant ils s'aduancerent le plus qu'ils peurent d'arriuer au pays sans ce qu'ils fussent aperceuz, & ce faisoient-ils pour mieux venir a leur intention: mais ceux de Rhodes l'auoient ia fait scauoir au roy vrian, qui auoit fait assembler les gens & mette en ordonnance pour receuoir la bataille, & auoit ordonné garde sur les ports, que si tost qu'ils les verroient venir qu'ils feroient signe par feu, parquoy en moins d'vne nuit on scauroit par le pays, & chacun qui pourroit porter armes tireroit celle part, & ainsi l'auoit fait crier le roy sur peine de la hard, & luy il tenoit les champs au milieu des ports de son royaume pour estre plus tost la où les Sarrazins arrieroient pour prendre terre, & faisoit le roy si grand semblant qu'il donnoit a ses gens si grand cœur que luy & son armée eussent bien osé combatre le Caliphe de Bendas, & toute sa puissance. Or aduint par la grace de Dieu que le tonnerre se leua en la mer si horrible que les sarrazins furent bien esbahis, & les departit tellement la tempeste qu'il ne sceurét en peu de temps que sept de leur Nauires deuindrent. Le lendemain enuiron l'heure

L'HISTOIRE DE

de prime l'air fut bien clair & le vent attempé: & adonc la grosse Nauire des Payens ce tint ensemble, & s'en alla vers le Pont de Lymasson. En ces sept vaisseaux qui furent esgarez, estoit toute l'artillerie des sarrazins, comme Canons, traicts eschelles & telles besongnes, & s'en venoient arriuer au port de l'ost au champ. Et tout ce chemin venoit Guyon, & le Maistre de Rhodes & leurs gens qui estoient bien quatre mille.

Adonc apperceurent l'une Nauire l'autre, & quand ils approcherent pres nos gens cogneurent que c'estoient Sarrazins: & les Sarrazins cogneurent que les autres estoient Chrestiens. Lors commença l'effroy à estre grand d'un costé & d'autre, & commencerent à tirer Canons & arbalestes. Et à l'aprocher ils l'ançoient. Dards si fort & si dru qu'il sembloit que ce fut Gresse des traicts qui voloient, & fut grande la bataille: mais Guyon: & le Maistre de Rhodes: & leurs gens assailloient asprement les sarrazins qu'ils ne seauoient qu'elle part tourner pour eux deffendre: car nos gens qui estoient és Galleres tournoient si asprement entour eux qu'ils en furent tous esbahis. Leur eust on ouy fort reclaimer leur Dieux, neantmoins ils furent tous desconfits.

Et quand L'admiral de Cordes qui estoit le maistre de l'artillerie, vit la desconfiture tourner sur les siens, il fist ietter hors de la grand Nef vne petite Galliotte à huit rames qui estoit de ceste Nef, & entra dedans avec huit de ses plus priuez, & prindrent l'adventure du vent, & allerent si roidement que nos gens s'en esmeruilloient: mais oncques ne firent semblant de les suiure, ains s'aborderent és vaisseaux & entrerent dedans & commencerent à ietter tout a bort toutes-fois il prindrent des Sarrazins en vie iusques au nombre de deux cens ou enuiron, dont Guyon en donna cent au Maistre de Rhodes, pour faire rendre aucuns Chrestiens frere de leur Religion, qui auoient esté prins des Turcs en la Bataille qu'ils auoient eüe sur la mer contre le grand Carmé & luy donna aussi deux des Nefs conquises que le maistre enuoya à rhodes: & remercia Guyon, lequel print les autres cent sarrazins & les deux plus riches Nefs de ceux qui auoient esté conquises, & les bailla à vn Cheualier de Rhodes, & luy dist. Menez ces deux nefes & ces cent Sarrazins à Cruly, & me recommandez au Roy & à sa fille, & de par moy presentez à la Pucelle & les deux nefes, comme elles sont garnies, & au roy les cent sarrazins, & de ce faire se chargea le frere cheualier & s'en partit vint à Cruly, & fist son message du present bien & sagement & leur conta la desconfiture & le vaillant gouuernement de guyon. Vous soyez le bien venu, dist le Roy, & grand merci au Damoiseau, & la pucelle fut fort ioyeuse de ces nouuelles, car elle aymoit mout Guyon. Adonc le Roy & sa fille donnerent au Cheualier de riches ioyaux, dont il les remercia & print congé deux & retourna à Rhodes: & apres son departement le Roy d'Armenie en quelta aux Payens ou l'armée du Caliphe de Bandas estoit & le Roy Brandimont, & ils luy dirent qu'ils estoient en Chipre pour venger la mort du Souldá de Damas que les Chipriens auoient occis & tous les gens. Quand à vous dist le roy vous auez bien failly à gaster le Roy de Chipre mon nepueu. Adonc il les fit tous mettre en fers & en la fosse: & fit vider les deux vaisseaux & l'auoir qui estoit dedans fut porté au fort. Or ie retourneray à Guyon & au Maistre de Rhodes: qui auoient enquist aux sarrazins ou la grosse flotte alloit prendre terre, & ils leur respondirent en Chipre Adonc nos gens eurent conseil pource qu'ils auoient trop de vaisseaux & peu de gens qu'il mettroient en leurs nefes toute l'artillerie qu'ils auoient conquise, & aussi des autres choses necessaires, ce qui fut fait, & le demourant fut donné aux Maistres de rho-

des qui

des qui l'enuoya à Rhodes, fort seulement ce qu'il auoit departy si largement & ses compagnons, qu'il ne voulut qu'aucune demourast pour luy : & quand ce fut fait ils tendirent les voilles & allerent grand erre vers chipre.

L'Admiral de Damas & le Caliphe de bandas furent dolens de leurs perte, & tant crua l'Admiral qu'il apperceut le port de Lymasson, & vit de grosses nauires deuât la ville, & quand il fut aupres il ouyt sonner trompette & ietter Canons fort horriblement, & à l'approcher il cogneut bien que c'estoit le caliphe de bandas & le Roy brandimon de Tharse qui assailloient fort ceux qui gardoient le port pour le prendre: mais le Capitaine du lieu y estoit avec de bons paueurs, arbalestiers & ses gens, qui si vaillamment defendirent le port que les sarrazins ne sceurent que faire: & le Caliphe de bandas & le Roy Brandimont regréttoient leurs vaisseaux, qui estoient esgarez par la mer pour la tempeste qu'ils auoient eue, esquels estoit toute leur artillerie. Lors vint l'Admiral, qui leur eseria Caliphe mal vous va: car vous auez perduë vostre nauire & vostre traict que nous conduisons en la Mer: car les Chrestiens nous ont rencontrez sur la mer: & nous ont desconfits, & n'en est nul eschappé fors que nous qui sommes icy. Adonc le Caliphe fut dolent, & dist. Mes chers Seigneurs icy, à dures nouvelles ie voy bien que fortune dort pour nous quant à present, & y a desia long temps mais elle est maintenant pour les chrestiens: car il appert bien à nous, & aussi à il fait au Souldan nostre coulin, lequel luy & tous les gens ont esté morts & desconfits en ceste isle que de mal fassent elle arse & bruslée, Lors dit l'Admiral. Sire, vous monstrez a vos gens que soyez aucunement esbahy, ils cuideront que vous soyez du tout en tout desconfits: & d'autre part à ce que i'apperçoy de ses gens qui sont au port ilz n'ont tallent de vous laisser arriuer sans riorte car il vous monstrent bien qu'ils ne se doutent point de vous si voudroit bien que nous retirissions dedans la mer, & les laissons refroidir, & deuant le point du iour serons à vn petit port qui n'est pas loing d'icy, qu'on appelle le chef saint André, & n'aurons la nul qui nous deffende le passage: & ainsi le firent. Et quand nos gens les virent partir, ils mirent vn Rampin armé hors du port & les suiuit tant qu'il vint sur le soir, & ils se entrerent enuiron vne lieue du bort au dessoubs dudict saint André. Adonc le Rampin retourna au port de Lymasson, & dist ces parolles à nos gens. Lors le Capitaine fist faire du feu sur la garde du sollée, & puis cliner deuers la Mer. Et quand la plus prochaine garde vit le signe du feu, ils se dirent de garde en garde tant qu'il fut incontinent sceu par tout le royaume. Et adonc chacun se mist à chemin tant à pied qu'à cheual, & se tirerent en la place ou le Roy vriam estoit qui auoit la enuoyé ses espies pour scauoir ou ils prendroient terre, & manda qu'il seroit bon que chacun se tint en la forteresse, de paour de surprinse, & qu'on laissast prendre terre paisiblement excepté qu'on ne se laissast surprendre afin que les sarrazins ne prinssent nulle de leurs forteresses: car avec l'aide de Dieu n'en repassera ia pied de la Mer.

Quand les sarrazins, qui estoient ancrez en la Mer apperceurent le iour, ils desancrerent puis vindrent tous d'vne flotte arriuer, & prindrent terre. Et scachez que ceux de l'Abbaye les apperceurent bien, & le manderent à Lymasson, Adonc le Capitaine le manda par vn Cheualier au Roy Vriam, lequel en eut grand ioye & se appre-

fa comme si ce fust pour batailler, & le Caliphe fist tout tirer a terre, & fist faire des loges la aupres, comme à demie lieue du port sur vn gros ruisseau d'eau douce, lequel cheoit en la mer, en la corniere d'un bois, pour soy ratreschir, & laissa quatre mille payens pour garder les Nauires, & ce pendant vint Guyon & le maistre de rhodes & leurs gens qui arriuerent a Limasson, & leur enseigna on comme les sarrazins auoient prins terre, & que leurs nauires estoient a vne lieue du chef S. André. Nous les yros visiter dit Guyon: car qui les pourroit auoir iamais nul n'en retourneroit en Surie ne en thurse, & en disant ces parolles ils se appointerent en la mer & allerent tant que ils vindrēt si pres des sarrazins que ils virent le port du chef S. André, & les nauires qui estoient en grand nombre. Adonc mirent leurs gens en point & en ordonnance, & ce fait ils vindrēt comme foudre & tempeste frapper sur les Nauires des sarrazins a force de traits & de iect si horriblement que il n'y eut sarrazins qui osast mettre en deffence: mais qui peut faillir sur terre & courir deuers l'ost, il se tint pour heureux: parce moy en furent les nauires prins, & tous les sarrazins qui furent atteints. Adonc nos gens enuoyèrent des biens qu'ils auoient conquis des sarrazins, en l'abbaye, & emmenerēt ce qu'ils peurent desdits vaisseaux, & si chargez de biens & de l'auoir des sarrazins que plus ne pouuoient, & au demeurant ils mirent le feu & furent les nauires qui demeurèrent emprins de feu & ceux qui eschapperent des vaisseaux vindrent en l'ost criant a haute voix alarme, & dirent come les chrestiens auoient assailly leurs Nauires. Adonc s'esmeut l'ost, & vint le mieux qu'il peut vers le port, & trouuerent beaucoup de leurs gens morts, & aucuns qui estoient cachez parmy les buissons. Et quand ils virent que nos gens se tournoient ils vindrent vers la mer & recouurerent six de leur vaisseaux, qui prefererent de brusler. Et quand le Caliphe apperceut le dommage, il en fut dolent & dist au roy Brandimont. Par mahom ie ne me partiray de ce pays tant que ie fois tout desconfit. Ne moy aussi dit le Caliphe. Adonc mirent dedans les six vaisseaux qui leur estoient demeurez de bonnes gardes, & puis retournerent a leurs gens.

A Donc le Roy Vriam estoit logé en vne prairie sous vne riuere, & fut en la place ou les soudoyers du soudan furent desconfits au pont. Et auoit le Roy enuoyé ses espies, pour scauoir si les sarrazins se logeroiēt. Lors vint le maistre de rhodes, qui descendit deuant la tente du Roy Vriam & le salua humblement, & le roy qui fut ioyeux de sa venue, & le receut honorablement: & luy demanda comme Guyon son frere se portoit. Monseigneur, dit le maistre de rhodes, bien comme le plus assuree hōme que ie vis oncques, & se recommande a vous tant come il peut, i'e suis bien aise dist le Roy, mais dites moy comme vous auez fait de puis que vous departistes d'avec nous. Et le maistre luy racōta toutes les aduentures qui leur estoient aduenues, & de la Nauire du Caliphe qu'ils auoient destruite au chef S. André, & comme ils l'auoient arse. Vous auez vaillamment voyager dist le Roy Vriam, & bien curieusement, dont ie loue Dieu. Et quand est de mon oncle le Roy de Armenie ie suis ioyeux que vous l'auiez laissé en bonne prosperite: mais il nous faut aduiser autre chose comme les sarrazins seront desconfits, & quand est de moy & de mes gens ie me deslogeray presentement pour approcher d'eux: car ils ont trop seiourné en nostre pays sans auoir aucunes nouvelles de nous allez deuers mon frere, & luy dictes que ie mē desloge pour aller combattre les ennemis de Iesus christ adonc le maistre print congé du Roy & vint grand er-

re vers le port de Lymasson. Et alors le roy fist desloger son ost, & vint loger a vne lieue du Caliphe: & les Sarrazins ne scauoient rien de leur venue, & le maistre vint à guyon annoncer les nouvelles comme le roy s'estoit deslogé pour aller combattre ses ennemis. Adonc guyon, fist sonner les trompettes & deslogea & vint loger a vne petite riuiere qui cheoit en la Mer, & sur celle mesme riuiere estoient logez les sarrazins, & n'anoient entre eux qu'une montagne qui tenoit vne lieue de tour.

LEROY vriam desiroit fort de scauoir ou les sarrazins estoient logez & aussi de scauoir combien ils estoient, & pource il appella vn Cheualier Chiprien qui bien scauoit toute la contrée, & luy dit. Armez vous & montez dessus le plus seur cheual que vous ayez, & venez deuant mon logis tout seul, & n'en dictes mot à personne, & viédrez avec moy ou ie vous voudray mener. Si fit le cheualier son commandement: & se arma & monta sur vn bon cheual, & reuint a luy, il trouua le Roy qui estoit monté sur vn leger courfier, & estoit bien matin, & dit à plusieurs de ces Princes, ne vous bougez d'icy iusques à ce que ayez nouvelles de moy: mais si ie ne reuenois faites ce que ie vous manderay par cestuy cheualier, & ils dirent que ainsi le feroient ils: mais pour Dieu regardez ou vous allez. Ne vous doutez dist le roy, & lors se partirent, & quand ils furent hors du logis le Roy dit au cheualier. Menez nous au plus court chemin ou ie puisse voir le port ou les sarrazins sont arriuez. Et il le mena enuiron vne lieue sur vne haute montaigne, & luy dist. Sire voyez vous la le port & l'abbaye au dessus. Et comment, dist le Roy Vriam, on m'anoit dict que leurs nauires estoient arses & encores voila les vaisseaux, dont peuuent ils estre maintenant venus. Adonc le roy regarda la fenestre au long de la vallée & vist l'ost de son frere qui estoit logé sur la riuiere, d'autre part vit l'ost des sarrazins qui estoient grand multitude. Voila grand peuple de sarrazins dit le roy ceux cognois ie assez mais ceux qui sont par deça ie ne cognois pas qu'elles gens ils sont, attendez moy icy & ie yray scauoir si ie les pourray cognoistre, & le cheualier luy respondit, allez de par Dieu. Lors se partit le roy & exploita tant qu'il approcha de l'ost, & trouua vn cheualier qui failloit du port, lequel il cogneut & nomma par son nō & luy demanda. Mon frere est il en ceste route. Et quand le cheualier l'entendit parler, il le regarda & le congneut, si s'agenouilla en disant. Ouy monseigneur. Dictes luy, dit Vriam, qu'il vienne parler a moy sur ceste montagne, & puis le cheualier vint en l'ost & dist ces nouvelles a Guyon & le roy se tourna a son cheualier, & luy dist amy bien va: car c'est Guyon mon frere qui est logé la dessous, puis vint Guyon & le maistre de rhodes. Et lors les deux freres s'entrefirent grand ioye. Lors le Roy leur monstra les pays. Quand ils les virent ils dirent. Nous ne les scauions pas si pres de nous. Or auant dist le Roy, a l'aide de Dieu, ils ne nous peuuent eschapper si ce n'est par ceste Nauire que ie voy la en ce haure. Et quand Guyon le vit il fut tout esbahy. Et comment, dist il les Diables en ont encore s'apporté d'autres, nous leur ardimmes n'a pas trois iours toutes leurs Nauires. Adonc dist le maistre de Rhodes, ie suppose bien que c'est par aduēture ils estoient demourez aucuns es vaisseaux qui ne furent pas trouuez qui ont secouru ce peuple que vous voyez la. Ainsi peut il auoir esté dist le roy: mais il conuient mettre gardes: car par ce nous pourrons perdre le chef & les plus grands qui apres nous pourroient nuire en autre temps. Comment, dist le maistre de rhodes, il s'ẽble que les ayez ia tous desconfits iusques au Caliphe & à brandimont.

L'HISTOIRE DE

Adonc respondit le Roy: S'il n'y auoit plus que ces deux selon ce que ie vous ay ouy dire, il n'y faudroit pas tant de gens que nostre Seigneur en à appresté, il n'y faudroit que Guyon mon frere, il seroit tantost deluré. Ha monseigneur, dist Guyon, quand vous serez rigolez de moy & d'un autre, encore ne seront que deux: mais louë dieu de la vertu qu'il m'a donnée, combien qu'elle ne se pourroit comparer à la vostre que Dieu vous maintienne. Mon frere dist le Roy, ie ne cuide pas rigoler de vous, car si nostre fait estoit achené à ces deax, ie me fie tant en Dieu & en vous que i'attendrois l'aduenture telle que Dieu la nous voudroit donner sans doute. Monseigneur mon frere dist Guyon, si la besongne ne tournoit ailleurs il ne faudroit attendre l'aduenture, mais il est bon d'en laisser le parler & aduiser comme nos ennemis seront destruits. Guyon dist le Roy vous dictes bien. Lors le Roy dist à son Cheualier, allez en l'ost, & le faictes partir des logis en belle ordonnance, & le faictes venir au pied de ceste montaigne. Lors il se partit & fist le commandement du roy: & ceux de l'ost obeirent à luy, & vindrent sous la montaigne en bonne ordonnance. Et lors le roy dist à Guyon son frere, qu'il allast faire armer les gens, & les fist passer la Riuiere, & les mist entre les Nauïres & les Sarrazins, & qu'il approchast si pres de leurs ost affin qu'il peust facilement cognoistre & bien apperceuoir leur maniete & contenance: & comme il verroit que la besongne se porteroit qu'il se gouuernast bien & vous Maistre de rhodes, mettez vous en Mer avec vos gens & venez sur le pas du port, afin que si les sarrazins se mettoient en leurs vaisseaux qu'ils ne peussent eschapper, ie m'en vois ordonner mes gens pour combatre les Sarrazins. Et ainsi se partirent de la montaigne, & fist chacun ce qu'il auoit ordonné. Adonc le roy Vriam vint & ordonna ses gens, & mis en bataille rengée, les archers & arbalestriers sur les aïsses, & vindrent au descouuert de la montaigne, & virent l'ost des Sarrazins. Adonc s'en allerent par le pays en bel arroy iusques à vne arche aupres de l'ost auant que les Payens s'en apperceussent à plain, mais quand ils les apperceurent ils commencer à crier alarme:

Adonc l'ost s'arma de tous costez. Lors le Roy vriam enuoya courant à force de Cheuaux mille hommes d'armes entre eux qui moult les dommagerent, & les empescherent tellement qu'ils n'auoient loisir de deux ordonner à leur ayse, & nonobstant ce ils se mirent au mieux qu'ils peurent en arroy. Et lors nos gens se assemblerent avec eux, la eut grand occision de traicts sur les Sarrazins. Adonc vint le Roy vriam, qui se peinoit fort d'exiler ses ennemis, & faisoit tant d'armes qu'il n'y auoit si hardy Sarrazins qui l'osast attendre, mais fuyoient deuant luy, comme fait la perdrix deuant le lafnier. Et quand le Caliphe de Bandas l'aperceut il le monstra au roy Brandimont, en disant: Nous sommes bien fols, si pour c'est homme nous sommes esbahis le demeurant n'outrera & prisera peu.

Adonc poignit le Cheual de si grand ire que le sang luy saillit par les deux flans & seachez que c'estoit l'un des siets & des puïssans corps qui nasquit en ce temps & tourna la targe derriere le dos, & empoigna l'espée à deux mains & frapa Vriam sur le coing du bassinnet de toute sa force, & le bassinnet fut moult dur, & pource l'espée glissa & vint le coup descendre sur le col du destrier, & entra si auant en la chair qu'il luy trécha les deux maïstresses vaines qui soustenoient la teste du cheual. Adonc le destrier qui ne se pouuoit plus soustenir s'enclina & le Roy Brandimont s'approcha du Roy vriam & luy qui sentoït son cheual aller par terre, laissa aller l'espée, & embrassa bran-

dimont par le fois du corps, & le mist soubs luy. La eut grand meslée tant de Chipriés comme de sarrazins pour retrouuer leur Seigneur, & y eut grand nombre de morts & de naurez. Lors le Roy vriam tira vn cousteau fort & court, qui luy pendoit au costé dextre, & glissa soubs la gorgerette du Roy brandimont tellement qu'il l'abbatit mort & puis se dresla sur les pieds & cria a haute voix Lusignen. Si vindrent les Poiteuins qui l'ouyrent & se mirent en la presse, tellement que les Sarrazins perdirent la place. Adonc fut le Roy vriam remonté sur le d'estrier du Roy brandimont & suiurent le Caliphe de Bandas, & ainsi se renforca plus fort que deuant la bataille, & tant qu'il y eut grand perte d'un costé & d'autre, & furent fort greuez les sarrazins, tât de la mort du Roy Brandimont que de leurs gens. Et ce pendant vint Guyon de Lusignen qui se ferit en la bataille avec deux mille hommes frais & se combatirent fort.

Et quand le Caliphe apperceut qu'il estoit ainsi surprins il se partit de la bataille, luy deuxiesme le plus couuertement qu'il peut, & s'en vint en la mer. La fut l'Admiral de Lamas qui les fist entrer en vne petite galliotte, dont il estoit autres fois eschapper: comme i'ay di & dessus, & fist saillir du port la Nauiere qu'il luy estoit demourée.



La bataille fut mout grande & horrible, & y eut grande occisió, mais quand les sarrazins apperceurent que Brandimont de Tharse estoit mort, & que le Caliphe de bandas les auoit laissez en ce peril, ils en furent esbahis, & commencer a desfenger & a perdre la place & aussi fuir vers la marine : mais ce ne leur vallut gueres : Car toute leurs nauires estoient parties avec le Caliphe & l'Admiral de Damas. Que vous feroit ores le long parler. Les payens furent tous desconfits & morts, & plusieurs se noyèrent en la mer.

Adonc retournerent les Barós aux loges des sarrazins, ou il y auoit mout de richesses. Icy se taist l'histoire à parler du roy vriam, & parle du Caliphe, qui s'é alla dolent par la mer, & iura par

sés Dieux que s'il pouoit arriuer a Damas a sauueté, que encore feroit il ennuy aux chipriens, & ainsi qu'il vogueoit par la mer & cuydoit bien estre eschapé du peril des mains des Chrestiens: mais de ce que sol pense souuent demoure la plus grande partie a faire, car le maistre de rhodes estoit ia deça a faire guet sur la mer a tout ses gens en galleres. Et quand il apperceut les sarrazins venir, il pensa bien que la bataille des sar-

razins estoit desconfite, & en remercia nostre Seigneur Iesus-christ. Adonc il escria aux seigneurs & aux gens-d'armes qui estoient avec luy, & dit. Beaux seigneurs & sergens de Dieu ses ennemis nous eschapperons ils ainsi ce sera grand faute de nous. Lors qui eust veu mettre les gens en ordonnance, & courir sur les sarrazins, & ietter Canons & traits d'arbalestes, c'estoit vn grand fait horrible a voir. Et quand l'admiral de Damas apperceut le meschef qui tournoit sur eux il haussa le voile & fist auancer, les rames, & eschappa du danger de nos gens malgré qu'ils en eussent, & en peu de temps la galiotte fut si eslongnée que nos gens en perdirent la veue: & virent bien que la poursuite leur pouuoit plus nuire que ayder si les laisserent & tantost furent leurs vaisseaux desconfits, & les payens ruez en la mer, & ramenerent avec eux les six vaisseaux au chef S. André? & puis saillit de la mer, & le maistre de Rhodes a tout cent freres de la religiō, & vint a son logis & alla comter l'adventure au roy a son frere & aux autres Barons: & comme les Payens auoyent esté tous prins & desconfits leur vaisseaux ramenez au port: & comme le Caliphe & l'admiral estoient eschappez en vne galiotte dequoy le roy fut dolent & les Barons aussi, & apres departit a ses compagnons tout ce qui auoit esté gaigné sur les sarrazins, sans qu'il en retint a son profit vn denier excepté aucunes des tentes & l'artillerie: puis se partit de la & donna congé a plusieurs de ses barons & a leurs gens, & les remercia mout. Et quand ils partirent ils s'en allerēt tous riches, dōt ils louerent fort le roy vriam, & disoēt que c'estoit le plus vaillāt roy qui regnast pour ce temps. Apres ces choses faictes le roy vriam vint à Famagosse avec son frere & le maistre de rhodes, & ses barons qu'il amena de Poitou & tous les plus hauts barons de son royaume: & la les receut la Royne Hermine mout ioyeusement, & rendit deuotement graces à Dieu de la victoire qu'il leur auoit donnée. En ce temps la royne hermine estoit forr enceincte: & le Roy vriam auoit fait crier vne noble feste, car il vouloit en repos festoyer les barons de poitou, & tous autres Princes priuez & estranges. Et huit iours deuant que la feste deuoit estre commença a arriuer grand peuple en la cité, dont le roy fut ioyeux & fit crier sur peine de corps que nul ne encherist les viures & trois iours deuant la feste la royne Hermine accoucha d'vn beau fils. Adonc comença la feste grande, & fut l'enfant baptisé, & eut nom henry pour l'amour du roy, & donna le Roy de riches dons: & y auoit aucuns des barons de poitou qui auoient prins congé du roy, & de son frere & de la royne pour eux en aller: & leur auoit donné le roy mout de richesses & puis se mirent en mer, & leur auoit baillé lettres le Roy pour porter a son pere & a sa mere. Et ainsi que la feste estoit au plus grand bruit vindrent dixsept des plus hauts barons du royaume d'Armenie tous vestus de noir & s'ebloit à leur contenance qu'il fussent au cœur fort courroucez. Et quand ils vindrent deuant le roy, ils le saluerent doucement. Et le Roy vriam les receut & leur fit mout d'honneur, & ils luy dirent. Sire le roy d'Armenie vostre oncle est trespasé. Dieu par sa grace luy face mercy, & no' est demouré vne belle Pucelle laquelle est sa fille, & n'y a heritier qu'elle de sa chair, & en sa pleine vie il fist faire ceste lettre & nous comanda qu'elle vous fut apportée: & nous en chargea que nous requeirions pour l'amour de Dieu que ce dont il vous fait requeste ne luy vueillez faillir: car nous scauons bien que la chose est vostre profit, & honneur. Seigneurs dist vriam, si c'est chose que ie puisse faire bonnemēt ie le feray volontiers. Si print la lettre, & la lut, dont la teneur fut telle, Trescher seigneur aymé nepueu ie me recommande à vous tant comme ie puis, & vous prie d'a-

noir ma tres-chere & aymée niepce vostre femme pour recommandée, & par ces lettres ie fais a vous deux la premiere requeste que onc ie vous fis: & que iamais ie vous feray, car quand ces presentes furent escrites ie me sentoie en tel point qu'en moy n'auoit point d'esperance de vie. Or n'ay ie point d'heritier de mon corps qu'une seule fille: laquelle Guyon vostre frere a veue, ie vous supplie qu'il vous plaise de le prier de par moy qu'il la vueille prendre à femme & le royaume d'armenie avec: & s'il vous semble qu'elle ne soit digne si luy aydez a trouuer quelque homme qui sçache le pays gouverner & defendre des ennemis de Iesus christ: or y vueillez pouruoir de remede conuenable: car a tout dite, s'il vous plaist a la fin, ie vous fais mon heritier du royaume d'armenie, mais pour l'amour de Dieu prenez en garde, & ayez pitié de ma pauvre fille, qui est orpheline desolée de tout conseil & confort, si vous luy faillez. Et quand Vriam ouyt ces piteux mots, il fut dolent de la mort du roy, & eut grand pitié au cœur des piteux mots qui estoient escrits en la lettre. Adonc respondit aux Armeniens, disant ainsi seigneurs barons ie vous faudray pas à ce besoing car si mon frere ne se veut à ce accorder si vous feray ie tout le confort & l'aide que ie vous pourray faire. Sire roy, dirēt les Armeniens nostre seigneur le vous vueille rendre qui vous doit bonne vie & longue. Et adonc le roy Vriam appella Guyon son frere, qui ia scauoit nouvelle de la mort du roy d'armenie dont il estoit fort courroucé, & luy dist les parolles qui s'ensuiuent Guiō tenez ce don, car ie vous veux faire heritier du royaume d'armenie, & de la plus belle pucelle qui soit en tous le pays, c'est assauoir Florie ma cousine fille du roy d'armenie, qui de la volonté de Dieu est allé de vie à trespas. Or ie vous prie que ne refusez pas ce don: car tel offre n'est pas a refuser. Mō seigneur dist Guyon ie vous en remercie: humblement, & aussi le trespas de ceste offre & de ce present. Adonc eurent les Armeniens si grande ioye que plus ne pouuoient. Et quand il eut consenty à la parole ils s'agenouillerent deuant luy, & luy baiserent les mains à la guise du pays. Et lors reforça la feste plus grande que deuant & cependāt le roy cōmanda d'appareiller sa nauire, qui estoit au port de Lymasson, & dedans les vaisseaux fist mettre mout de richesses, & ordonna y entrer belle Barōnie tant de poitou cōme de chipre: & le maistre de Rhodes pour le conduire en armenie, & furent aux nopces, & le firent couronner, & prendre la possession de tous les Pays & les hommages de tous les subiets: & sçachez qu'ils furent plus tost departis pour eux en aller si ne fust pour attendre la releuée de la Dame Hermine, royne de chipre, laquelle fut releuée a grand ioye, & y auoit noble feste & grande, & donna le roy Vriam de riches dōs aux armeniens. Et apres la feste finée Guyon print congé de sa sœur la royne, laquelle fut dolente de sa departie. Lors le roy le cōduisit iusques au port de Lymasson. Et quand ils entrerent en la mer les deux freres s'entrebaiserēt.

Adōc on dressa les voilles & fit on desancrer la nauire, & s'empoignerēt en la mer à noble cōpagnie, bien pouruenez cōme si ce fut pour aller en la guerre, & pour doute des sarrazins, & tant allerēt qu'ils apperceurēt le ballet de Cruly, qui est la maistresse ville du royaume d'armenie, ou on desiroit leur venue, & estoient assēblez mout de nobles du pays qui attendoient leur venue, lesquels furent ioyeux quand ils virent approcher la Nauire: car ils scauoient les nouvelles que leur Seigneur venoit pour ce que les Barons qui estoient aller en Chipre pour porter les lettres dont ie vous ay fait mention par auant leur auoiēt mādē toute la verité, afin de le recevoir hōnorablement & y e-

foient les barons du pays & les Dames & damoifelles venuës pour les feftoyer, & honorer: A ceste heure la pucelle Florie estoit a la maistresse tour, regretta la mort de son pere, & si auoit grand paour que le Roy Vriam ne la voulist pas accorder a son frere, & estoit vne caule qui mout luy angoifloit sa douleur mais adonc vne Damoifelle bien aduifée, luy distainfi. Ma damoifelle, on dict que ceux qui estoient allez en Chipre arriueroient briefuement au port, dont elle fut ioyeuse & vint a la tenestre & regarda en la mer, & vit nauires & Gallées, & plusieurs autres grands vaisseaux qui arriuoiert au port, puis ouyt trompettes & mout d'autres instrument de diuers sons.

Lors vindrent au port les Barons du Pays, & receurent honorablement Guyon & sa compagnie, & puis le menerent deuers la pucelle, laquelle vint al'encontre de luy, & Guyon la salua honorablement en disant. Ma Damoifelle comme a il esté a vostre personue depuis que me partis d'icy, & elle luy respondit doucement. Sire, il ne me peut estre gueres bien: car mon seigneur mon Pere est nouvellement trespassé de ce mortel monde, dont ie prie nostre Seigneur Iesus-Christ par sa sainte grace qu'il luy face vray pardon & a tous autres mais sire comme pauure orpheline, ie vous remercie tant humblement comme ie puis des vaisseaux que vous m'enuoyastes, & aussi de la richesse qui estoit dedans.

*Comme Guyon espousa la belle pucelle Florie & fut Roy
d'Armenie.*



A Donc vn des nobles barons D'Armenie par la bien haut en adressant ces parolles a Guyon, & luy dist. Sire nous vous auons esté que rir afin que vous soyez nostre souuerain seigneur, roy & conducteur, si seroit bon que nous vous deliurissions tout ce que nous deuous baillé & voyez cy ma Damoifelle qui est toute presté d'accomplir ce que nous vous auons promis, & au roy vriam vostre frere: Et Guyon respondit seigneurs ce ne demoura a faire par moy.

Adonc ils furent fiancez, & le lendemain espousez a grand solennité, & fut la feste grande, & dura quinze iours & auant qu'elle fut finée tous les Barons firent hommage au Roy Guyon. Et apres ses choses les barons de Poitou & de chipre prirent congé du roy Guyon, & aussi fist le maistre de Rhodes lequel fist arriuier tous les Barons en l'Isle de Rhodes: le lendemain s'embarquerent, & en brief temps arriuierent en Chipre & comterent au roy comme son frere auoit esté receu: & comme il estoit roy paisible, dont vriam loua nostre Seigneur, peu de temps apres plusieurs des Barons de Poitou prirent congé, & le roy leur fist de beaux dons: & escriit a son pere & a sa mere tout l'estat de luy & de son frere.

Ainsi

MELVSINE.

Ainsi se partirent les Barons & se mirent en Mer ou ils trouuerent les vaisseaux tout prests & enuaillez de ce que mestier leur estoit. Adonc ils s'embarquerent en mer, & prindrent le plus droict chemin qu'ils peurent pour arriuer à la Rochelle.

Comment les Messagers apporterent Lettres à Raymondin & à Melusine de leurs enfans qui estoient Roys.



Les Barons qui estoient partis apres la re-leuée de la roine Hermine, singlerent tant par la Mer qu'en peu de temps ils arriuerent au port de la Rochelle, & se retirant en la ville ou ils seiournerent trois iours & puis se partirent & errerent tant qu'ils arriuerent à Lusignen, la ou ils trouuerent raymondin & Melusine & leurs autres enfans qui les receurent à grand ioye. Adonc leur baillerent les lettres du Roy Vriam, & de Guyon leur deux fils, Et quand ils eurent veu & ouy la teneur des lettres ils furent grandement ioyeux, & louerent nostre seigneur de la bonne aduventure: & firent de riches presents aux Barons qui auoient apporté les nouuelles. En ce temps Melusine fonda l'Eglise nostre Dame de Lusignen & plusieurs autres monasteres, & Abbaye au pays de Poitou, & les renta mout richement. En ce mesme

temps fut traicté le mariage de son fils nommé Odon à la fille du comte de la marche & en fut la feste grande, & les nobles du pays se assemblerent en grand honneur, & estoit le lieu de la feste noblement accoustré au dessoubs de Lusignen en la prairie: & la durant arriuerent en la rochelle les Barons & cheualiers du pays de Poitou & de la Rochelle, qui s'estoient dernièrement partis de Chipre: mais quand ils sceurent les nouvelles de la feste, ils monterent à Cheual, & tant cheuaucherent qu'ils vindrent arriuer à Lusignen trois iours deuant la departie de la feste, & firent la reuerence au pere & à la mere honorablement, & presenterent leurs lettre.

Et quand Raymondin & Melusine sceurent les nouvelles qu'ils estoient Roys de Chipre & d'Armenie, & aussi des quatre victoire qu'ils auoient eües sur les Payens, & il en louerent Dieu deuotement, & furent les messagers receuz à grand ioye, & eurent de beaux dons & riches, & se renforça la feste pour l'amour de ces bonne nouvelles.

Comment Anthoine & Regnaut demanderent congé à leur Pere & mere pour euz en aller voyager en estrange Pays,

Bien ioyeux furent Anthoine & regnaut quand il ouyrent les nouuelles des conquestes & victoires que leurs freres auoient eues sur les sarrazins, & de l'honneur que Dieu leur auoit fait en si peu de temps d'auoir conquesté deux si nobles Royaumes, & dirent l'un à l'autre. Mon cher frere ie vous diray que deormais seroit temps que nous allissions chercher nos aduentures par le monde: car pour icy demourer ne pourrons conquerir ne los ne pris. Adonc vindrent a leur pere & mere, & luy dirent. Monseigneur & vous madame s'il vous plaisoit il seroit bien temps que nous allissions par le monde à nos aduentures pour acquerir l'ordre de cheualerie: car ce n'est pas nostre intention de la prendre, fors qu'au plus pres que nous pourrons l'auoir comme vriam & Guyon nos freres l'ont eue, combien que nous ne sommes pas dignes de l'auoir si noblement: ne en si noble place, mais si Dieu plaist, nous auons intention de faire bonne diligence. Lors Melusine respondit. Enfans, s'il plaist à monseigneur vostre pere, il me plaist bien. Dame, dist Raymondin, faictes a vostre volonté: car ce qui vous plaist me plaist. Siré, dist Melusine, il me semble qu'il est bon deormais qu'ils commencent a voyager, pour cognoistre le monde, & les estranges marches: & aussi pour estre cogneuz, & cognoistre le bien & le mal. A l'aide de Dieu ie y pouruoiray tellement qu'ils auront bien de quoy payer leurs despens. Adonc ses enfans s'agenouillerent deuant leurs pere & Mere, en les remerciant de la bonté qu'ils leur promettoient faire.

EN ce temps es parties d'Allemagne entre Lorraine & Ardaïne y auoit vne grande terre appellée la comté de Luxembourg qui pour lors estoit nommée Duché, & pour ce l'appelleray ie en ceste histoire, duché & en ceste terre estoit vn vaillant prince moult renommé, lequel auoit nom Asselin, & estoit seigneur du pays, si alla de vie à trespas, & ne demoura de luy nul heritier qu'une seule fille nommée Christine, laquelle estoit belle. En ceste terre y auoit grand foison de nobles Cheualiers & escuyers qui tous firent hommage a la pucelle, comme a la droicte heritiere. En ce temps fut en Ansay vn puissant roy, auquel n'estoit demouré de sa femme qu'une fille qui eut nom Melibée, de laquelle elle trespassa en sa gesine: & la fist le roy nourrir honorablement. Or aduint qu'il ouyt nouvelle que le seigneur de Luxembourg estoit trespasé, qu'il ne luy estoit demouré que vne fille qui estoit fort belle. Adonc le Roy d'ansay la fit demander en mariage: mais la pucelle ne si vouloit accorder, dont il fut dolent: & iura comment qu'il fust que s'il pouuoit qu'il l'auoit. Adonc fist son mandement & deffia la pucelle & tout ses aydants. Et quand les barons & la commune du pays le sceurent ils dirent puis que leur Dame ne la vouloit prendre à mary qu'ils luy manderoyent qu'il auoit tort vers la Pucelle & eux, puis ils firent garnir leurs fors & leur pays, & se retirerent la plus grande partie des barons au bourg, & au Chasteau de Luxembourg, & avec Christine leur Dame. Que vous feroyes ores long comte, ils n'estoient pas pour lors assez fors pour combattre le Roy d'ansay: car il venoit a grand puissance, & dommagea moult le pays, & puis vint planter le siege deuant Luxembourg, & y eut plusieurs escarmouches, lesquelles eut grand perte d'un costé & d'autre. Or aduint qu'il y eut vn homme qui estoit grand terrien, & vn des plus grands gentils-homme du pays, qui auoit esté avec le Roy vriam à la conqueste de Chipre & aux victoires qu'il auoit faictes sur les sarrazins, lequel s'en estoit venu avec les premiers poiteuins qui estoient pieça venus à Lu-

lignen: cōme auez ouy & Melusine & Raymondin luy auoient donné de beaux dons & ioyaux, & auoit veu Anthoine & regnaut, qui estoient ia fors & grands, & de forte condition & fiere, & luy sembloit bien qu'ils deuoient assez ensuiure les conditions & meurs, & la maniere de leurs freres, lequel gentil homme estoit fort vaillant, & estoit dedans Luxembourg que le Roy d'ansay auoit assiégué. Adonc luy qui estoit sage du mestier d'armes & de la guerre, retira à part les nobles du pays & leur dist. Seigneurs, vous pouuez bien apperceuoir que au long aller nous ne pouuons resister a la puissance de ce Roy, pour laquelle chose s'il vous semble, bon mon opinion seroit de y pouruoir de remede deuant plus tost que plus tard: car il fait bon fermer l'estable deuant que les cheuaux soient perdus, & ils respondirent. C'est verité mais nous ne pouuons ne voyos pas qui y peut remedier sans la puissance de Dieu. Nous dist il, sans la puissance de Dieu on ne peut faire grād chose, mais avec il est bon d'auoir aide qui la peut auoir. C'est vne bonne raison dirent-ils: si vous scauez nul bō chef pour nostre profit si le dictes: car vous y estes tenu, pource qu'elle est vostre Princesse & à nous. Adonc le gentil homme print la parolle, & comta comme vrian & son frere estoient partis de Lusignen, & toute l'adventure de leur voyage & de leur noble conqueste l'estat de leur pere & mere & le maintien de Anthoine & regnaut & qui scauoit bien que qui yroit requerir secours aux deux freres qu'ils y viendroient à grand puissance quād on leur cōteroit le fait. Vous dictes bien, dirent les nobles. Adonc manderent Christine, & luy cōterent c'est affaire, & elle leur dit, seigneurs ie vous recommande ma terre & la vostre & en faicte cōme il vous semblera pour le mieux en l'honneur de moy & de vous: car scachez que pour mourir, ne peut estre desheritée, ie n'auray le Roy d'ansay à mary, non pas qu'il ne vaille mieux que moy: mais pour ce qu'il me veut auoir par force. Et ils luy respondirent. Ne vous doutez madame, car s'il plaist à Dieu il n'aura ia tāt de puissance tant que nous puissions ayder de corps. Seigneurs, dist la Dame, grand mercis: & lors elle se departit de la. Adonc vn des Barons reprint la parolle, en disant, vous qui nous auez mis en ceste querelle dictes en tout ce qu'il est bon d'en faire. Ie le ferai volontiers, dist le cheualier, & s'il vous semble bon me baillerez de vous autres, & yrons a Lusignen scauoir si nous pourrons trouuer chose qui nous soit profitable. Nous le ferons volontiers dirent ils. Adonc choisirent entre eux deux des plus notables pour aller avec luy, & partirent enuiron le premier somme monté sur cheuaux à l'aduantage & faillirent par vne poterne & passerēt par l'vn des costez de l'ost que iamais ne furent apperceuz & exploiterent tant qu'ils vindrent enuiron soleil leuant a huiēt lieues de la. & se penerent mout fort a cheuaucher. Icy laisserons a parler d'eux, & parlerons de Melusine & de ses deux enfans Anthoine & regnaut.

LA feste fut grande au dessoubs de Lusignen en la prairie, & y iousta on fort vaillamment: mais sur tous les Damoiseaux Anthoine & regnaut iousterent mieux au dict des dames qui la furent, & aussi des Cheualiers, & y furent donnez de mout beaux dons & riches ioyaux: mais ce pendant Melusine pésoit a l'estat de ses trois fils, & leur fist faire de mout riches & grands habits, & pouruoir de nobles hommes & sages pour eux gouverner honorablement par tout ou ils seroient. Et ce pendant vindrent les Ambassadeurs de Luxembourg, qui firent mout honorablement la reuerence a Raymondin & melusine, & à toute la compagnie, & furent ioyeusement receuz.

L'HISTOIRE DE

Adonc fut cogneut le cheualier qui auoit esté à la conqueste de Chipre, & fut grandement festoyé. Lors Anthoine pour le grand bien qu'il auoit ouy dire de luy & avec son frere Regnaut en voyage ou ils auoient intention d'aller à l'aide de Dieu, & qu'il seroit bien guerdonné: & il luy demanda Monseigneur ou auez vous intention de aller, & Anthoine luy respondit. A l'aduenture que Dieu nous voudra dōner pour trouuer & auoir honneur de cheualerie. le vous enseigneray dist le cheualier, la plus honorable que iamais gentils-hommes eussent en eux aduenturant. Quand les damoiseaux l'entendirent, ils le vindrent accoller honorablement en luy disant. Noble & sage homme dites nous que c'est. Volontiers dist le cheualier, tant pour ce que ie serois ioyeux de vostre aduancement, & de raison soustenir, & manifester le bien fait, & admonester tous ceux qui veulent auoir honneur & ensuyure la voye de bien auoir. Scachez seigneurs que tous ceux qui veulent & ayment verité, honneur & cheualerie, ils doiuent ayder à soustenir en leurs droicts les vesues dames, orphelins & orphelines. Et pourtant il est ainsi qu'en la marche de Lorraine & Ardaine à vne moult riche & noble contrée qu'on appella la Duché de Luxembourg laquelle Duché à lōg temps gouuernée comme son propre heritage yn noble & vaillant homme.

OR aduint que depuis yn peu de temps en ça est allé le noble homme de vie à trespas, Et n'est demouré nuls heritiers fors que vne belle pucelle à laquelle tout le pays & bonnes villes ont fait hommage. Mes seigneurs plaist vous scauoir que le Roy d'Ansay la demande à femme: mais elle pour rien qui soit ne si est voulu consentir, pource qu'il auoit esté autre-fois marié lequel Roy d'Ansay en à tel despit qu'il à destié la pucelle & tout son pays, & y est entré à banniere desployée faisant guerre de feu & de sang, & tout ce il le fait par son outrage sans cause & sans raison, & à assiéger la pucelle & ses gens en la ville de Luxembourg, & à iuré que il n'en partiroit iamais iusques à ce qu'il l'aura prinse. Et dist comment qu'il soit qu'il aura par force ou par amour. Donc mes seigneurs, il nous semble qu'il n'y à au monde plus honorable voyage ne plus raisonnable que c'est luy, car tous ceux qui ayment honneur & gentillesse doiuent tirer celle part. Vous dictes vray, dist Anthoine, & scachez que ie parleray à madame à scauoir de l'ayde que monseigneur mon pere & elle vous voudroit faire & à l'ayde de Dieu vous yrons secourir la pucelle que le Roy d'Ansay, veut auoir par force, dont il me semble qu'il est mal conseillé: car quand on les à eues par leur bō gré accordées à la loy de mariage si à il aucunes fois entre eux grand discord. Monseigneur, dist le cheualier c'est verité, mais s'il vous plaist prendre le voyage moy & mes compagnons vous conduirons & vous aiderons.

Adonc les freres luy respondirent Grand mercy: scachez que la nous yrons au plaisir de Dieu. Adonc ils vindrent vers leur pere, & le cheualier retourna vers ses compagnons, & leur dist comme il auoit exploité en ces parolles, & que sans leur requeste auoit le secours des deux freres, & seroit encōres prier de les y mener, & leur disoit la maniere comme il auoit comté le fait aux deux freres, en demonstrant que c'estoit aumosne grande de ayder à la pucelle, sans ce que les freres sceuent qu'ils fussent aucunement tenus à elle. Or vrayement, dirent tous les Barons, c'est songneusement besongner.


MELVINE.

Comme Regnaut & Anthoine demanderent ayde à leur pere & mere.



Ors Anthoine, & regnaut vindrent à leur pere & mere & leur comte. rent ces nouuelles en les requerant qu'ils les vouliſſent ayder a faire ceſte entreprinſe Dame, dit Raimondin; en ceſte raiſon à bel commencement d'armes, faiſte, pource vous prie chèrement que vous leur fa- cieſz leur arroy tel que nous y ayons honneur. Pour voſtre vouloir ac- complir dit Meluſine, ie m'en efforceraſy, apres la departie de ceſte fe- ſte & accompliray voſtre commandement tellement que vous en ſerez content. Adonc fiſt crier a la trompette que tous les gentils-hommes du pays, & autres quels qu'ils fuſſent qui voudroient venir aux gages de Anrhoine & de regnaut de Luſignen qu'ils viſſent vn iour qui ſeroit nommé a Luſignen, & que la ils ſeroyēt payez de leurs gages pour vn an, & auſſi le fiſt crier par tout le pays de Poitou & és marches d'enui- ron, & incontinēt apres la feſte ſe departit, dont ie vous auois parlé & ſe retira chacū en ſon pays. Icy ie me tairay de la feſte, & vous diray comme meluſine fiſt l'appareil de ſes deux enfans pour eux en aller au tecours de la pucelle.

Comme Meluſine fiſt aſſembler grand nombre de gentſ-d'armes, & les fiſt payer pour vn an entier pour aller avec ſes enfans en bataille.



Après que meluſine eut fait crier les gages, ſi aſſemblerent dedans la prairie grand foifō de gentils-hommes, cheualiers & autres, tant du pays de Poitou comme des marches voiſines d'ē tour le pays leſquels furent nombrez quatre mille baſſiaet, cinq cens archers, & arbaleſtriers, & ſachez qu'il n'y auoit nuls pages fors de puilans valets d'armes, armez de gros dagues & tape- lains, & furent logez en tentes & pauillons, & ſi bien ordōnez que chacun s'en loua, & leur firent Raymondin & Meluſine deliuerer & payer leurs gages tout entierement pour vn an. Et tandis qu'elle faiſoit leur appareil les deux freres tenoient l'eſcuyer en parolles & auſſi les Barons & leur demandoient del'eſtat de la pu- celle & du pays, & ceux leur dire la verité, & eſtoient ioyeux de l'apparēce du ſecours qu'ils voyoient ſi preſtement appareillez, car ils euſſent bien prins en grē a demy tel appareil. Adonc ils louerent Dieu deuotement, & enuoyerent vn meſſager à ceux de Luxembourg pour leur annoncer le ſecours que Dieu leur enuoyoit, dont ils furent ioyeux, puis allerent dire ces nouuelles à la Damoiſelle, qui mout ſe reconforta, & cō- mença à louer ſon Createur. Et incontinēt la nouuelle fut toute eſpandūe par la vil-

le, & en eurent si grande ioye qu'ils ne pouuoient plus. Si firent sonner les trompettes & les menestriers & firent grâd feux par les carrefours de la ville, disant a haute voix. Ioye & victoire à nostre pucelle. Et quand ceux de dehors les ouyrent ils s'en donnerent grands merueilles, & l'allerent annoncer au roy, qui fut pensif. Adonc vint vne espie qui luy dist Sire Roy soyez sur vostre garde: car ceux de la ville s'attendent d'auoir secours bien brief: Je ne puis scauoir dist le roy, dont secours leur peust venir, ie ne me doute pas que ie ne les aye ou par force ou par famine, & ainsi le assurea le roy d'Asay, mais depuis il s'en trouua deceu. O laisseray a parler de luy & parleray de Melusine, & comme apres qu'elle eut tout accompli de ce qu'il failloit à ces deux enfans elle les fist faire cheualiers à leur pere. & y eut bel esbatement en la prairie de Lusignan, & y en eut trois autres faictz cheualiers en ceste iournée, pour l'amour des deux freres, & eurent chacan robes, cheuaux, harnois, & largement de finance, & tout fut prest pour partir.

De la remoustrance que Melusine fist à ses enfans.



Elusine appella ses enfans & leur dist, mes enfans de la compagnie de vostre pere & de moy vous vous departez, & est grande aduventure se iamais ie vous reuois, & pourtant ie vous vueil enseigner, & est pour vostre bien ce que ie vous diray, si l'entendez & retenez bien car il vo^s fera bien besoing au temps aduenir. Premieremēt ayez & louez dieu nostre createur tous les iours, & tenez fermement iustement & saintement les commandemens de nostre foy Catholique, & soyez humbles & doux aux bons, & rigoureux aux mauuais, & faictes en tout temps belle responce aux grands & aux petis, & si tenez parolles a chacun quand tēps en sera, & ne promettez chose que ne puissiez briefuement accomplir selon vostre pouuoir, n'attrayez les rapporteurs de parolles par deuers vous, ne croyez enuieux, ny ne croyez legerement: car ce faict aucunes fois maint ennuy, & ny mettez auaricieux en office & ne vous accointez de femme d'autruy, departez à vos compagnons loyaument de ce que Dieu vous donnera: soyez doux debonnaire à vos subiects & fiers & cruels à vos ennemis, tant qu'ils soyēt soumis a vostre obeyssance, si par force le faut faire: & si c'est pour traicté si les traictiez amiablement à vous & prenez raison d'eux, & puis souffrez aussi selon le cas, mais cōment qu'il soit ne tenez ia long traicté, car par ce plusieurs ont esté deceuz, gardez vo^s bien de trop menacer & vanter, mais faictes vostre faict à peu de parolles ce que faire ce pourra, & n'ayez ia nuls de vos ennemis en despit tāt soit petit, mais soyez tousiours sur vostre garde, & ne soyez pas entre vos compagnons comme sire, mais soyez communs, & aussi honorez chacun selon son degré, & leur donnez du vostre selō vostre aysement & que la personne le vaudra donnez aux bōs hommes d'armes des cheuaux cottes d'acier, bassinet, & argent selon raison, & si vous voyez vn bon homme qui vienne deuers vous mal vestu, ou mal montez si l'appellez humblement & luy donnez robbes, cheuaux, & harnois selon la valeur de sa personne, & selon tout le pouuoir que vous auez alors.

Or mes enfans ie ne vous scay plus à present que faire, fors que vous tenez verité à tous vos affaires. Tenez ie vous donne à chacun vn anneau d'or, dont les pierres ont y

ne mesmes vertu: car sçachez que tant que vous aurez bonne cause que vous ne ferez ia desconfits en bataille.

Et lors les baifa tous deux amoueuement comme leur pere: & ils la remercierent & prindrent congé de leur pere, qui fut dolent de leur departie, adonc ils firent sonner les trompettes, & se mirent tous deuant, & puis se deslogea l'auant-garde, & apres tout le sommage, & la grosse bataille apres & l'arriere garde en bonne ordonnance. Et faisoit beau voir l'ost de l'auantgarde, & l'auoit à gouuerner vn vaillant cheualier de poitou, & ce sgentils-hommes, & les deux Ambassadeurs de Luxembourg, & puis les deux freres menerent la grosse bataille, & en l'arriere garde furent les deux cheualiers Poiteuins, qui menerent Vriam & Guyon en Chipre, qui leur comterent comme le Soudan auoit assiegé, le roy de Chipre, & aussi Raymondin & Melusine auoient recommandé l'estat de leurs enfans à ces deux cheualiers: & se logerent la premiere nuit au dessoubs d'vne forte ville sur vne petite riuere, & estoit icelle ville nommée Mirebel, & l'auoit fondée Melusine. En ceste nuit les deux freres firent faire bon guet, ainsi que s'il eussent desia esté en la terre de leurs ennemis, dont plusieurs se donnoient grands merueilles: mais ils ne l'osoient refuser, car Anthoine & regnaut estoient si terribles, que chacun les doutoit. Et le lendemain au matin les deux freres firent crier sur peine de prendre leurs harnois & leurs cheuaux, & estre bannis de leur compagnie que chacun cheuauchast armé sous la banniere en belle bataille, & nul ne s'osast refuser. En ceste maniere cheuaucherent enuiron deux iournées tant qu'ils vindrent en champagne, & estoient plusieurs ennuyez de porter leur harnois tant pour ce qu'il n'é estoit nul besoing, comme pour ce qu'ils ne l'auoient pas accoustumé, & en parloient les aucuns.

Adonc vint le cheualier de l'auant-garde aux deux freres, & leur dist. Messeigneurs le plus de vos gens se tiennent mal contents de ce que vous les contraignez à porter leurs harnois: car il leur semble qu'il n'en est nulle necessité, tant qu'ils viennent à approcher la terre de nos ennemis. Et comment sire cheualier, dist Anthoine, vous semble il point que la chose accoustumée de longue main soit mieux cogneuë de ceux qui l'exercerent que celle qui est nouvellement apprinse, & si est moins greuable, c'est bien dist, dist le cheualier. Il vaut mieux, dist Anthoine, que ils apprennent à porter leur harnois en temps, afin qu'ils les portent plus à leur aise. Et eux rafraischis s'en allerent pour scauoir comme ils pourroient aysément soustenir, & souffrir quand mestier en sera: car s'il leur conuenoit apprendre entre leurs ennemis la peine leur doubleroit plus grande, & vous scauez bien qui n'apprent son mestier en sa ieunesse, à grand peine pourra il estre bon ouurier en sa vieillesse. Monseigneur, dist le cheualier, vous en parlez vaillamment, & est vostre raison bonne, & adonc se partit de luy & a lonça a plusieurs ceste raison tant que ceste nouvelle fut sceue par tout l'ost, dont chacun se tint bien content, & dirent tous ensemble. Ces deux enfans ne scauroient faillir à auoir grand bien au monde, si Dieu leur donne vie, & viendront à grand perfection de bien & haut honneur.

*Comme les deux Freres firent de nuit crier alarme pour
essayer leurs gens.*

L'HISTOIRE D'E



Elle nuit & l'ost se logea sur vne Riuiere qui lors estoit appellée aynée. Et quand vint au premier somme les deux freres firent crier alarme effroyement parmy l'ost. Adonc eut grand trouble, & chacun s'arma de toutes parts, & se mirent en bataille chacun sous sa banniere deuant leurs tentes en bon arroy, & estoit bien accompagné de nobles gens, & grand foison de torches & de fallots bien allumez, & y auoit si grand clarté comme il fut iour & toutes les bannieres s'apprestèrent pour aller en la bataille. Et scachez bien que c'estoit grand beauté à voir la noble contenance, & la belle ordonnance des gés-d'armes & des deux freres qui alloient de bataille en bataille, la ou y auoit faute d'ordonnance, ils la luy mettoient. & les trois Ambassadeurs de Luxembourg regardoient bien leur ordonnance, & disoient l'un à l'autre. Ces enfans sont bien taillez de conquerre encores vne grand partie du monde. Or peut bien dire le roy d'ansay, qu'il cōperra sa folle entreprinse & le dommage qu'il fist à nostre pucelle & à son pays. En ces parties furent long temps, tant que les coureurs eurent par tout descouuert, & qu'ils furent retournez en l'ost, & dirent qu'ils n'auoient rien ouy ne veu, dont tous se donnerent grande merueille qui pouuoit auoir fait tel effroy: mais en la fin il fut bien sceu que les deux freres l'auoient fait crier. Lors vindrent les deux cheualiers de l'arriere garde. Et ceux de l'auantgarde aux enfans en disant.



Messeigneurs c'est grand plaisir à vous de faire ainsi traouailler vos gens-d'armes pour neant Comment dist Anthoine, quand vous faictes faire vn habit nouveau, ne le faictes vous pas essayer, scauoir s'il y a que améder. Et tous respondirent. Sire ouy, c'est à bon droit, adonc dit Anthoine, si j'ay voulu essayer mes compagnons, auant qu'il en fut temps pour bien scauoir comme ie les aurois prests à mon besoing veu que nous approchons

pres de nos ennemis, afin que si aucune chose y eust eu de faute nous y eussions pourueu de remede conuenable à moins de dommage que si besoin fut.

Et quand ils entendirent ceste parolle ils respondirent. Monseigneur il est vray que icy n'a que raison, & se donnerent grand merueilles de leur gouuernement & de leurs sens, & disoient à eux mesmes qu'ils viendront encores à grande perfection, il ne demoura gueres que le iour vint & les trompettes sonnerent & l'auant-garde, le sommaige & le charroy deslogerent, & puis apres l'ost, & tant allerent qu'un soir se logerent sur vne riuiere, nommée meuse, au dessous d'une forteresse nommée D'amchastel, & de la n'auoit pas plus de deux logis iusques au siege de Luxembourg. Adonc vindrēt les Ambassadeurs aux deux freres, & leur dirent. Messeigneurs il ny a plus que douze lieues iusques au siege, & seroit bon que vous fissent rafraeschir vos gens sur ceste riuiere, car

MELYSINE.

re, car icy y à assez bon seiour & bonnes prairies, & aussi de vous aduifer comme vous vous voudrez & deurez faire.

Comme les deux freres Anthoine & Regnaut enuoyent leurs lettres au Roy d'Ansay.



A Donc Anthoine respondit incontinent aux Barons seigneurs l'aduis est tout fait des que nous partismes de Lusignen, car aussi tost que mon frere & moy aurons enuoyé vers le Roy d'Ansay si ne veut faire ce que nous demanderons, il se peut bien tenir seur de la bataille, & en donnera dieu la victoire à qu'il luy plaira, mais il nous semble que nous auons bonne esperance que Dieu nous aidera, & aussi nous luy pensons requerir raison deuant que combattre à luy, mais il faut aduifer qui portera nostre message. Sire dist le Cheualier moy s'il vous plait, & ce gentil homme qui scet le chemin & le pays yrons au plaisir de Dieu. Il me plait bié dist Anthoine, mais ce ne sera pas encore iusques à ce que ie l'auray approché de deux ou trois lieues pres afin d'aventure que si la bataille venoit vers nous que nous ne tardissions pas longuement: car s'il la veut nous voudriés ia estre la arriuez. Et ainsi demourerent iusques au lendemain au matin que l'ost se deslogea & passa la riuere soubs Diagne en belle ordonnance, & cheuaucherent tant qu'ils vindrent loger vn soir entre Verten & Luxembourg, & le lendemain bien matin Anthoine enuoya le cheualier de l'auant-garde: & le gentil homme deuers le roy d'Ansay en disant les parolles qui cy apres s'ensuiuent. A donc tant exploiterent qu'ils vindrent en loist du Roy d'Ansay lesquels furent fort bien cogneuz qu'ils estoient messagers, & furent tantost menez au Roy, lequel ils saluerent & firent la reuerence comme ils deuoient puis le Cheualier luy dist. Sire Roy nous sommes icy enuoyez de par anthoine & Regnaut de Lusignen freres pour vous monstrier la faute & l'outrage que vous faictes à ma Damoiselle de Luxembourg lesquels vous mandent si vous voulez restablir les dommages, & vilennie que vous auez faicte à elle & à ses gens & à son pays, vous ferez bien de vous departir de ce pays, & leur intention est de le vous faire reparer ou comparer à force d'armes, & m'en respondez ce qu'il vous plaira de faire & puis ie vous en diray plus auant selon ce que ie suis chargé comment. Sire Cheualier dist le Roy estes vous venu icy pour precher bien petit y pourrez cōquester, car pour vos lettre ne laisseray ie à faire mon intention, mais tant pouuez precher qu'il vous plaira: car ie prens fort mon esbatement à ouyr vos preschemens: & aussi ie croy que vous ne dictes ces choses sinon par truffe. Sire Roy, dist le cheualier qui fut fort cour-

roucé, si vous ne faictes promptement ce que Messieurs vous mandent, la traffe vous sera tantost brief monstrée. Sire cheualier, dist le roy menasser pouuez assez, car autre chose n'emporterez vous de moy, car vostre maistre ne aussi vostre menasse ne prise pas d'vn festu. Donc Sire roy, dist le cheualier, ie vous deffie de par ces deux Damoiseaux de Lusignan, & de par tous leurs aydans. Or bien dist le roy, ie me garderay de mesprisé & de perte. Il vous en sera bien besoing, dist le cheualier, puis il se partirent. Et quand ils furent dehors les logis le gentil-homme print congé de luy, & alla à Luxembourg pour racompter les nouuelle des deux freres. Et quand il vint à la porte il fut bien cogneu, & luy fut la blanche aualee & la porte ouuerte: puis on luy demanda des nouuelles, & il leur dist. Faictes bonne chere: car vous aurez tantost le plus noble secours qui fut onc veu, & sçachez que si le Roy d'Ansay attend qu'il sera mort ou prins: & tous les gens seront desconfitz. Adonc commença telle ioye parmy la ville que ceux de l'ost en ouyrent le bruidt. Si se donnerent grand merueille que ce pouuoit estre & l'allerent dire au Roy. Et il respôdit. Ils se reconfortent au secours de ces deux Damoiseaux de par qui ce cheualier nous à deffiez, ie croy bien qu'ils en ont ouy nouuelles, & pource font ils telle ioye. Au nom de dieu: dist vn ançien cheualier, ce peut bien estre vray, & seroit bon de s'en prendre garde car il n'est nul petit ennemy. N'ayez doute dist le Roy, ie le cognois assez bien au semblant: car deuant qu'ils soyent venus de Poitou nous aurons faict vne partie de nostre volonté. Or vous laisseray à parler du roy, & parleray de L'escuyer, qui estoit venu à Luxembourg pour porter les nouuelles à la belle pucelle. Et adonc luy compra la verité du faict, elle l'enquist de mout de chose des deux freres, & de leur contenance & de leur estre, & il luy dist Anthoine portoit sa griffe de Lyon à la iouë, & la fierté & grand puissance de luy: puis luy compta de regnaut qui n'auoit qu'vn œil, & luy dist de la beauté de leurs corps, aussi des membres donc elle s'esmerueillâ mout, & dist que cest grand dommage quand il à deffaute de membre en tels nobles hommes.

Tant erra le cheualier qu'il vint en l'ost des deux frere & leur racompta comme il auoit faict son message, & aussi corame l'escuyer estoit party de luy, & estoit allé à Luxembourg comter les nouuelles de leur venue. Et quand les deux freres l'ouyrent ilz firent crier parmy l'ost que tous ceux qui n'aurôient bonne volonté de venir en la bataille se mistent d'vne part & qu'il leur donneroy congé de retourner en leur pays: mais ils esclerierent à haute voix. Ha francs Damoiseaux faictes sonner vos trompettes. & vous mettez en chemin, car nous ne sommes point venu en vostre compagnie fore pour prendre l'adventure telle que Dieu nous voudra donner. Ha Seigneur allons courir sur nos ennemis: car à l'ayde de Dieu & à la bonne volonté que nous auons ils seront bien tost desconfits. Quand les deux freres ouyrent la responce de leurs gens ils furent ioyeux & firent desloger leur ost, & vindrent loger sur vne petite riuierc, & furent l'auantgarde, la grosse bataille logez ensemble, & firent l'arrieregarde pour ce que on ne pouuoit aller plus auant, & soupperent ensemble, & puis s'en alla chacun reposer, & fut ordonné que chacun fut prest au point du iour & laisserent pour garder les logis bien deux cens hommes d'armes, & cinq cens arbalestriers. Adonc l'ost se mist en chemin, la vissiez bannieres & pannonns au vent pouuoit on voir la fleur de cheualerie, bassinets reluire, & harnois cliquer ensemble, que c'estoit beauté de voir. Il se seroient enséble si que l'vn ne passoit l'autre d'vn doigt. Les deux freres furent au premier

de front montez sur deux destriers armez de routes pieces : & en tel estat allerent tât que enuiron Soleil leuant ils vindrent sur vne petite montaigne & voyoient en la vallée la ville & le chasteau de Luxembourg, & le grand siege à l'euiron & sçachez que ceux du siege n'auoient point encore: apperceu l'ost des deux freres : mais ils estoient tous assurez qu'ils deuoient auoir la bataille. Adonc anthoine enuoya quatre cens bassinets pour estonner l'ost, & veuoit apres le petit pas en belle bataille, & sur les aisses auoit archers & arbalestriers en belle ordonnance. Lors les quatre cens combattans vindrent en l'ost, & se ferirent dedans à course de cheuaux en criant Lusignan, & alloient parmy l'ost occiant & abatant tout ce qu'ils rencontroient. Et quand ils furent approchez de la tente du Roy, les gens du guet de celle nuict qui n'estoient pas encorres desarmez, leur furent au deuant pour le cry & tumulte qu'ils faisoient en exploitant leurs entreprinſes à l'encontre les vns des autres y eut beaucoup de lances brisées, & tourna le dommage sur ceux du siege: mais soudainement le roy s'arma, & se mist soubz sa baniere deuant sa tente: ce pendant qu'ils tenoient en pied tout l'ost fut armé & se tirerent à la baniere du Roy, qui leur demanda. Sire, dirent ils: ce sont gens d'armes qui sont venus en vostre ost fierement & crient Lusignan, & vous ont ia fait grand dommage, & si n'eust esté le guet de la nuict il vous en eussent encorres fait d'auantage: car il leur sont venus au deuant, & les ont combatus au dehors des logis ou ils les ont treboutez par force. Ces deux Damoiseaux, dist le Roy, qui m'ont d'effiez n'eussent guere arrester à me porter dommages mais ie m'en pense bien venger.

Adonc vint Anthoine & sa bataille qui fit sonner les trompettes: Et quand le Roy d'ansay l'aperceut il vint hors des logis en bataille rangée. Lors les batailles se rencontrerent, & les archers & arbalestriers commencerent à tirer, la eut de morts & de naturez grand nombre de ansains, & neantmoins ils s'assemblerent à grandes batailles, adonc Anthoine poignit le cheual des esperons la lances baissées, & frappa vn cheualier par telle roideur que la targe ne le iasseram ne le peut onc guaratir qu'il ne le ruast par terre puis il tira l'espée & frapport a dextre & a senestre si grands coups & si pesz qu'en peu d'heure il fut cogneut par toute la bataille, si que le plus hardy d'eux tous ne l'osoit attendre. Lors Regnaut vint sus vn courfier criant Lusignan lequel faisoit tant d'armes que tous ses ennemis le doutoient. Adonc la bataille fut fiere & horrible d'vne part & d'autres mais toutes-fois la plus grand perte tourna sur le roy d'ansay & ses gens lequel fut mout dolent: & s'esuertuoit fort & faisoit de beaux vasselages, mais tout ce ne luy vallut rien: car les Poiteuins estoient forts & fiers comme lions. Lors vit bien le roy d'ansay qu'il ne pouuoit resister contre la puissance des deux freres.

Comme Anthoine & Regnaut desconfirent le Roy d'ansay deuant Luxembourg. Et comme il fut prins.

LE roy cria à haute voix ansay, auant barons ne vous esbahissez point: car la journée est nostre puis disoit. Faisons poindre nos cheuaux & nous entretenous ensemble, & incontinent les verrez tous desconfits. Adonc se rassemblerent en tour leur Roy, & firent vne fiere rencontre au poiteuins la y eut maint homme mort, & occis à grand douleur.

L'HISTOIRE DE

La matinée fut belle & claire: & le Soleil resplandissoit, qui faisoit reluyre l'or, & l'argent & les couleurs des bannieres & des Panonceaux. Les destriers brandissoient, & plusieurs alloient parmy les champs sans maïstre trainant leurs resnes.



A Donc fut la noise fort grande du charpentin des espées & des haches du bruit & cry des abbatus & naurez, & du son des trompettes: & pour ce l'entendirent ceux de la ville, & coururent aux armes & chacun à sa garde: car mout se doutoient de trahison. Adonc l'escuyer, qui la estoit venu pour annoncer le bonsecours, estoit en la maïstresse tour avec la pucelle, & quand il ouyt la noise il mist hors

la teste par vne tenette & il aperçeut la bataille fiere & mortelle, & bien cogneut entre les autres combatans que c'estoit Anthoine & Regnaut qui estoient venus combattre le roy & ses gens, li s'escria. Ma Damoiselle venez voir toute la fleur de cheualerie, prouesse, & hardiesse, venez voir honneur en-siege royal & en sa maïesté: venez voir le Dieu d'Amours en sa propre figure. Amy dist la Damoiselle, qu'est-ce que vous me dictés. Le vous dis dist le Cheualier, que vous veniez voir toute la fleur de cheualerie, noblesse, & courtoisie, qui de loing pays est venue pour combattre vos ennemis, pour vostre honneur garder & vostre pays & vos gens, ce sont les deux enfans de Lufignen, qui vous sont venus deffendre & garder du Roy d'Ansay, & de toute sa puissance, & adventurer leur vie pour vostre honneur garder. Adonc la Damoiselle vint à la fenestre, & regarda la mortelle bataille, & horrible meslée & puis dist, vray Dieu que fera ceste pauvre orpheline mieux vousist que meustesse noyée, ou faict mourir d'autre mort cruelle, ou que ie fusse morte née, que tât de nobles creatures fussent peries pour mon péché. Mout fut la pucelle dolente en son cœur du grand meschef qu'elle voyoit qui venoit par elle, & de la grosse bataille. Et pour vray l'occision fut grande d'une part & d'autre: car le roy reconforta ses gens & leur donna grand courage, car a celui poindre fist grand dommage aux Poiteuins. Lors Anthoine voyant le grand dommage que le Roy d'Ansay luy faisoit il luy en despleut, & dict en soy mesmes. Sire Roy vostre dureté sera courte ou la mienne, i'ayme mieux mourir que ie vuisse ainsi meurtir mes gens deuant moy.

Si commença à poindre le cheual des esperons par grand fierté comme courroucé contre le roy, l'espée au poing & le ferit sur le bassinet par telle force qu'il le fist encliner sur le col du cheual si estourdy qu'il ne sceu s'il estoit iour ou nuict, ne il n'eut force ne pouuoir de son ayder ne soustenir. Et ce voyant Anthoine remist son espée au foureau & le print parmy le corps, & le mist hors de dessus le cheual & le tira si roidement à terre que peu s'en faillit qu'il ne luy creua le cœur au ventre, & puis il le bailla à

garder à quatre Cheualiers, & leur commanda sur leur vie qu'ils luy en sceurent respondre. & ils luy dirent que si feroient ils, Si le lierent & l'emporterēt hors, & se d'estournerent soubs vn arbre, & appellerent en leur ayde trente cinq bassinets & apres Anthoine retourna à la bataille criant, Auant Barons frappez tant que vous pouuez sans espargner la iournée est à nous Dieu mercy: car i'ay prins le Roy d'Ansay qui tant à fait de vilennie a la pucelle. Lors y eut meslée, & firent tant d'armes les deux freres, que chacua qui les voyoit disoient que iamais ne virent deux cheualiers qui tant en fissent. Que vous vaudroit le Comte, quand ils sceurent que leur Roy estoit prins ils ne firent pas grand deffence: car ils furent tous tuez ou prins. Et la gaignerent les Poiteuins noble conqueste, & se logerent és tentes & Pauillons du Roy d'Ansay: & quand il fut vn peu reuenu, il cogneut bien la tente, & ne se peut tenir qu'il ne luy dist. Damoiseau, bien dist vray celuy qui dict qu'en peu d'heure Dieu laboreure: car auourd'hui au matin on n'eust guerres fait ceans pour vous. Sire Roy, dist Anthoine, c'est par vostre peché, qui fait ces guerres aux pucelles sans cause & voulez auoir à force sachez que vous en ferez bien payé selon vostre droict, car ie vous rendray à la subiection de celle que vous voulez auoir par force. Quand le Roy l'entendit il en fut fort honteux & luy respondit. Puis qu'il m'est ainsi fortuneusement aduenu, i'aime mieux ma mort que ma vie Nenny, dist Anthoine, ie vous rendray en sa mercy & en la subiection d'icelle.

Comme le Roy d'Ansay fut mené deuers la pucelle Christins.



Donc Anthoine appella les douze cheualiers poiteuins qui vindrent a Lusignen en ambassade avec le gentil'homme, & leur dist, Menez ce Roy en la ville vers la pucelle, & luy dictes que ie luy enuoye son ennemy pour en faire à sa volonté. Lors il le menerent comme chargé leur estoit iusques à la ville, ou ils furent bien festoiez: car bien scauoit la pucelle la verité de la victoire. Les citoyens & la pucelle menerent grand ioye à leur venue, & dirent les messagers. Madame les deux iouuenceaux de Lusignen se recommandent à vous, & vous enuoye le Roy, qui est vostre ennemy, prisonnier: pour en faire vostre volonté. Beau sire, dist la pucelle, icy appartient grand guerdon mais ie ne suis pas assez puissante de les guerdonner, ie prie à Dieu qu'il leur vueille rendre. Beaux seigneurs ie vous prie de dire a mes deux seigneurs qu'il leur plaise de venir loger ceans, & amener avec eux de leur Baronnie tant qu'il leur plaira, & tandis on fera enseuelir les corps morts, & aussi mon conseil aduifera comme on les pourra satisfaire de leur peine & despence au mieux que nous pourrons. Et vous sire Roy, vous iurez par vostre Royauté que vous ne partirez pas de ceans sans le gré des nobles damoiseaux qui cy vous ont enuoyé: car ie n'ay pas le courage de vous mettre en prison fermée, non seulement pour l'amour de vous: mais pour l'amour de ceux qui cy vous ont enuoyé. Ma damoiselle, dist le Roy, mettez moy ou il vous plaira mais ie vous iure que ie ne partiray de ceans sans vostre congé & le leur aussi: car i'ay veu tant de bonté, tant d'honneur & vaillance en eux, que ie desire estre accointé d'eux, pour ce en pourray mieux valoir: combien que ils m'ont porté grand dommage, & à mes gens aussi, & quand à l'auoir il ne m'en chaut guerres. Lors la damoiselle le fit mettre en vne chambre & avec luy dames damoiselles, cheualiers, escuyers, pour luy faire oublier sa

perte pour le rescouyr & oster de melencolie , & ce fait les messagers retournerent aux tentes, & raconterent le mandement de la pucelle aux deux freres, & ils tindrent conseil, & ordonnerent le mareschal de l'ost , pour gouuerner leurs gens tant qu'ils retournaissent & aussi ils luy commanderent à faire enseuelir les morts & nettoyer la place ou la bataille auoit esté. Lors se partirent de la ville & leur vindrent au deuant cent gentils-hommes & les barons du pays, qui firent la reuerence aux deux freres, & les prierent de par la pucelle qu'ils vinssent loger en la ville, & ils respondirent que si feroient ils volontiers. Alors les deux freres monterent a cheual avec deux cens cheualiers. Et Anthoine estoit monté sur vn grand destrier liart, & vestu d'une iaque de velours cramoisi tout broché de perles, mout riches, & le baston au poing, & aussi son frere ainsi vestu & ordonné. Et quand les barons virent les deux freres ils furent esbahis de leur fierté, & disoient qu'il estoit homme qui peult resister contre leur puissance & s'esmeruilloient de la griffe de lyon, qu'ils apperceurent sur la iouë d'Anthoine & disoient que si ne fust ce, que n'y auoit point de plus bel homme au monde, & plaignoient regnaut, pource qu'il n'auoit qu'un cil, car il parfaisoit toute beauté du surplus.

A Donc les deux freres partirent de leurs tentes & la noble baronnie de leurs gens avec les cheualiers & barons du pays, & cheuaucherent tant qu'ils vindrent à Luxembourg, & entrerent dedans, & y auoit deuant eux trompettes avec heraux & menestriers & auoient les bourgeois encourtinés les rues, & y auoit des bourgeois aux fenestres richement parées & vestues. Si furent les deux freres mout regardez des habitans de la cité, & disoient l'un à l'autre. Voyez la deux fiers hommes qui sont à redouter, celuy n'est pas sage qui prend noise & debat à ces gens, & auoient grand merueille de la iouë d'Anthoine, & aussi c'estoit vne estrange chose à voir: mais la beauté qui estoit au demourant faisoit cela oublier, & aussi il ne luy mescoit pas fort, & puis allerent vers la maistresse forteresse, & Dames & Damoiselles les regardoient par les fenestres & disoient que oncques n'auoient veu damoiseaux de plus noble affaire. Et lors vindrent au chasteau, & descendirent deuant la salle, & puis leur vint à l'encontre Christine la pucelle accompagnée de dames, damoiselles, cheualiers & escuyers, & les reçeut humblement en les prenant par les mains estant au milieu deux, & ainsi monterent les degrez de la salle qui estoit tendue de belle tapisserie selon l'usage du pays, & de là allerent à sa chambre. Lors elle commença à parler en disant. Messieurs ie vous remercie du secours que m'avez fait, ie n'ay pas tant vaillant, que ie vous puisse remunerer, nonostant i'en feray mon pouuoir pour engager ma terre dix ans, & aussi Messieurs vous auez enuoyé de vostre bonne grace le Roy d'Ansay mon ennemy plaist vous scauoir que ie ne suis pas celle qui vueille ne doic prendre punition de le tenir prisonnier: mais vous appartient d'en faire vostre plaisir, qui en auez eu la peine de le conquerir, si vous doit demorer, car c'est raison, & aussi du don que m'avez fait ie vous en remercie, & le remets en vostre possession, & à vous est de sa mort ou de sa vie, lequel qu'il vous plaira faire, car quand est de moy ie ne desire iamais m'en mesler par dessus vous mais ie le vous quitte à plain. Mademoiselle dist Anthoine, puis qu'il vous plaist nous en ordonnerons: tellement que se fera à vostre honneur, & profit, & à sa grand honte & confusion, & de ce ne vous douter, & scachez que mon frere

& moy ne sommes pas venus pour vous ayder pour argent : mais pour droicte raison soustenir, & aussi que tous cheualiers doiuent ayder aux veufués & orphelines pucelles, & pource qu'on nous auoit dict que le Roy d'Ansay vous faisoit grand guerre, pourtant ne vous doutez que du vostre voulions la valeur d'un petit denier, fort seulement vostre bonne amour & grace sans villennie. Et quand la pucelle entendit ces parolles elle fut esbahie de l'honneur que les deux freres luy faisoient, nonobstant ce elle respondit. Messieurs aumoins ne seroit ce pas raison que ie ne payassage vos gens d'armes qui sont icy venus à vos gages soudoyers. Damoiselle, dist Anthoine suffise vous : car monseigneur nostre Pere & madame nostre Mere les ont satis-faits d'un an auant qu'ils partissent de nostre pays : & il n'y a pas vn an accompli que nous en partismes, & d'autre part nous auons or & argent assez, si ne vueillez plus perdre vos paroles, car si n'en sera autrement. Et adonc de rechef elle les remercia humblement.

Lors vint le Maistre d'hostel, qui s'agenouilla deuant la pucelle, & luy dist. Madamoiselle tout est prest quand il vous plaira lauer : & elle luy respōdit quand il plaira à messieurs qui icy sont. A moy respondit Anthoine Damoiselles nous sommes prests quand vous voudrez, puis la prindrent par les mains, & fist Anthoine mander le Roy d'ansay & le fist seoir a table premier, & apres la pucelle : puis regnaut, frere dudit Anthoine, & apres s'assirent quatre des plus hauts barons du pays, & apres par les salles chacun s'assit selon son degré, & furent si bien seruis qu'il ne s'en failloit riens & quand ilz eurent disné, ils se leuerent, & les tables furent ostez, & graces dictes, puis le Roy d'ansay print la parole, & dist. Seigneurs Damoiseaux vueillez moy escouter. Il a pleu à Dieu que fortune ma a ce mené par vostre proüesse ie suis & ay esté moy & mes gens desconfits, & moy vostre prisonnier, & vrayement ie ne m'en prise pas moins pour quelque dommage qu'il m'en puisse aduenir, pource que ie vous en donne tant d'honneur & vaillance que ie prens plaisir à vous voir, & m'en pourroie amender de vous.

Or beau seigneurs Damoiseaux a me tenir longuement prisonnier ne pouuez guerresconquer. Si vous supplie comme ie puis qu'il vous plaise de me mettre à finance raisonnable, & me faire tant de grace que ie ne sois destruit ne desherité du tout de ma Seigneurie : mais plaise vous me regarder en pitié, & ne vueillez auoir trop de regard à ma folle entreprise : mais à vostre franchise, combien que i'aye desseruir à estre puny. Sire Roy, dist anthoine : qui vous puniroit selon droit & raison vous n'auiez de quoy amender à ceste pucelle la villennie, l'injure & dommage que luy auez fait sans cause, mais pour ce que vous reconnoissez vostre verité vous en auez plus legere penitence, & scachez que mon frere & moy ne sommes pas venus de nostre pays pour la finance de gagner pecune sur vous ne autrui : mais pour desir & esperance d'acquérir honneur & bon renom, sans auoir en nous nul appetit ne volonté d'auarice & pourtant des maintenant nous vous quittons quand est de nostre part mon frere & moy vostre prison : par ainsi que nous vous taxerons à restituer à ma Damoiselle qui icy est ses dommages tant de larrecins que de pillages & de proyes par beste, & aussi de toutes autres choses quelconques, au regard & iugement de preud'hommes, & hommes de foy qui serōt esleus pour le dōmage priser & taxer, & sur ce baillerez hostages auant que vo^s partez, & vous iurerez & prometrez par vostre foy aux S. Euāgile de dieu, &

L'HISTOIRE DE

en ferez lettres sous vostre seel d'accomplir & tenir ce que i'ay dessus dict, & outre plus en conuenant que iamais vous ne porterez, ne souffrirez porter a vostre pouuoir, dommage à ma Damoiselle qui icy est, mais ayderez & conforterez elle, & son pays, & tous les hommes enuers tous & contre tous ceux qui iniure leur voudroient faire ne pour chasser & sachez que si ne voulez iurer & accorder de vostre gré & franche volenté tout ce que ie vous ay dict, ie vous enuoyerez en tel lieu, dont vous n'eschapperez iamais en vostre viuant. Et quand le Roy entendit ceste parolle, ils respondit.

Sire, ie veux ceste taxation & ordonnance finalement tenir, mais que ma damoiselle en soit contente. Ouy dist elle, puis qu'il plaist à Messieurs les damoiseaux. Et adonc Anthoine reprit la parolle, & dist.

Or bon Roy ie n'ay pas tout dict ce que ie veux que vous faciez, car il faut que faciez fonder vne prieuré de douze moynes, & la prieuré bien & deuément, en tel lieu qu'il plaira a ma Damoiselle & a son conseil pour prier Dieu pour les ames de ceux qui sont morts, tant de vostre costé, comme de ceux de ce pays, comme de nos gens, qui par vostre coulpe sont morts & peris: & de ce payer vous faut bailler pleiges. Damoiseaux dist le Roy ie l'accorde. Adonc il iura sur les Saintes Euangiles de tenir & accomplir tout ce que dist est, & en bailla hostage, & en firent faire de bonnes chartres & lettres sellées de son seel & des seels de tous les Barons de son pays.

Et ce fait Anthoine dist au Roy, ie vous rends quittes & deliurez tous les prisonniers que nous & nos gens auons & vos tentes & pauillons: mais l'auoir qui est departy entre mes compagnons ne vous pourrois ie rendre.

Comme le Roy d'Ansay appella les Barons de Luxembourg au conseil.



A Donc il eut quatre mille prisonniers tous gens de fait & d'estat. Et le Roy s'enclina & le remercia humblement. Lors commença la feste grande parmy Luxembourg, & au Chasteau, & chacun tint à grande vaillance ce que Anthoine & son Frere auoient fait au Roy d'Ansay.

Lors le roy d'Ansay appella tous les Barons du pays au Coseil & leur dist. Mes seigneurs tandis que le fer est chaut on le doit battre, combien que i'ay esté mal voulant de vous & de vostre Damoiselle, la chose est venue que ie voudrois son honneur & son profit & le vostre. Oyez beaux seigneurs, Dieu vous enuoye belle aduventure si le scauez prendre en gré. Adonc dirent les Barons: Sire Roy puis que si auant auez parlé, dictes nous s'il vous plaist que c'est, Volontiers, dist le Roy Il faut que facions tant que Anthoine de l'aignen prenne vostre damoiselle à femme & il sera vostre Seigneur, lors vous pourrez dire

rez dire que ne auez besoing de marchans , & n'est nul qui osast prendre sur vous vne Poulaille sans congé, & ils respondirent. Sire si anthoine la vouloit prendre nous en ferions bien ioyeux. Seigneurs, dist le Roy laissez m'en conuenir, car i'en viendray a bout Or m'attendez vn peu icy, & ie m'en vois vers luy. Adonc vint le roy à anthoine , & luy dist. Damoiseau les barons de ce pays vous prient humblement que vous amenez vostre frere & vostre conseil en ceste chambre car ils ont desir de parler à vous pour vostre profit. Volontiers dist Anthoine si appella son frere & ceux de son conseil, & entra en la chambre , & les barons du pays qui la estoient s'enclinerent vers les deux freres, & leur firent honneur, adonc le Roy d'anfay dist. Messeigneurs ces nobles damoiseaux sont venus à vostre mandement dictes leur pourquoy vous les auez mandez Sire roy dirent, il nous vous prions declarer nostre intention: car vous la sçavez mieux que nous. Volontiers le feray dist il. Si commença à parler ainsi.



Nthoine franc cheualier les barons de ceste contrée on regardé & considéré l'honneur que vous auez fait à leur Dame, & à son pays & eux aussi , & ont cogneu que ne voulez riens de leur ne de leur Dame. Si ont en eux mesmes pensé que si ainsi demouroit vostre raison seroit petitement gardée, & pourtāt ils vous prient qu'il vous plaise leur accorder vn don, & fera sans vostre coust. Beau seigneur dist Anthoine, si c'est chose que ie puisse faire à mon honneur, ie le vous accorde. Leur requeste est donc passée: car ils ne quierent que vostre profit & hōneur. Or dictes donc, dit Anthoine, Damoiseau, dist le roy, ils vous veulent donner la Duchesse de Luxembourg leur Dame, qui est la plus belle Dame de la contrée. Anthoine ne refusez pas ce don. Quand Anthoine l'entendit il pensa en soy-mesmes longuemēt puis il respondit. Beaux Seigneurs ie ne cuyde pas estre venu en ceste querelle : mais puis que ie vous ay octroyé ie ne me des diray-ja. Or soit la Damoiselle mandée: car s'il luy plaist , il me plaist. Adonc fut la Damoiselle mandée par quatre des plus hauts barons , & en venant ils luy conterent les nouvelles dont elle fut ioyeuse. combien qu'elle n'en fist nul semblant. Et quand elle vint en la chambre elle s'enclina deuant Anthoine, & tous les barons aussi, en le regardant elle se mua en vne couleur plus vermeille que Rose. Adonc les barons la beneirent mout, & puis luy comterent c'est affaire. Et quand la pucelle les eut ouys elle leur respondit. Seigneurs, ie rends premierement graces à Dieu, & vous apres de l'honneur qu'à present me suruiet car si pauvre orpheline que ie suis n'est pas digne d'estre en si haut lieu comme d'auoir la noble fleur de Cheualerie & de noblesse de Chrestienté & d'autre part ie sçay & cognois que vous estes mes hommes, qui voyez plus clair a mes affaires & besongnes que ie ne fais ne me conseillez pas volontiers chose qui ne fust à mon profit & honneur. Ie ne vous dois aucunement desdire, mais suis toute preste d'obeir à vostre bon plaisir.

*Comme Anthoine de Lusignan espousa Christine Duchesse
de Luxembourg.*

Damoiselle dirent les barons vous dictes bien. Lors tous prestement furent fiancez à grand ioye, & le lendemain espousez, & furent ioyeux ceux du pays quand ils sçeurent les nouvelles , ceste nuit Anthoine coucha avec sa femme & engen-



drerent vn hoir qui fut appellé bertrand & fut la-
ste des Nopces grande & dura quinze iours & dô-
na le Duc Anthoine de beaux ioyaux & riches dôs,
& reçeut les hommages des fiefs, & donna le Roy
d'ansay congé à ses gens de retourner en leur pays:
& demoura avec Anthoine pour accomplir tout ce
qu'il auoit promis au traicté de la paix & alloit le
Duc d'Ansay, & la baronnie parmy le pays, en visi-
tant leurs villes, & forteresses, & mist tout en si
bonne ordonnance que chacun disoit que c'estoit
vn des sages princes qu'il eussent onc veu. Et quâd
il eut visité tout le pays il retourna a Luxembourg
ou la Duchesse Christine le reçeut ioyeusement.
Lors le Duc Anthoine eut conseil de porter à ses
armes l'ombre du Lyon, a cause de la Duché, & on
l'en auoit parauant souuentes-fois prié. Et ainsi se
tindrent a Luxembourg par l'espace de deux mois
le Duc le roy & Regnaut à grad deduist & esba-
temens, & ce pendant vint vn messager de behaigne de par le Roy Federic, qui estoit
frere au Roy d'Ansay, lequel les Sarrazins auoient assiegé en la ville de Prague.

*Comme le Roy de Behaigne enuoya vn messager par deuers le
Roy d'Ansay son frere.*

A Pres il vint vn messager a Luxembourg de par le roy Federic de behai-
ne, qui estoit fort vaillant & mout preud'homme, & qui auoit soustenu
contre les Sarrazins la foy Catholique. Et pourtant le Roy de Croco &
autres roys sarrazins, marchant apres luy auoient courut sus en son pays
& il n'estoit pas assez fort, & pour ceste cause il s'estoit retiré en Prague,
avec la plus part de ses gens-darmes. Or ce Roy n'auoit point d'heritier que vne seule
fille laquelle se nommoit Ayglantine, estoit cestuy Roy frere du Roy d'Ansay, par-
quoy il enuoyé deuers luy pour auoir secours. Le Messager auoit esté a Ansay, on luy
auoit dict que le Roy estoit a Luxembourg. Et tant fist le Messager qu'il trouua le roy
d'Ansay, & luy presenta les lettres de son frere Federic, & les ouurit & leut, & par icel-
le cogneut le meschef en quoy son frere estoit, & dist si haut que chacun l'entendit.
Ha! fortune comme tu est peruerse & peu feable: l'homme est bien deceu qui en toy
& en tes dons se fie en riens. Il n'y a pas long temps que du plus haut de la rouë tu m'as
mis au plus bas & encores ne te suffist: il pas: mais me veux du tout destruire, & quand
mon frere qui est vn des preud'hommes & vaillans roy du monde, luy veut debouder
de son royaume, si Dieu ny met remede. Adonc se tourna deuers Anthoine, en disant.
Ha noble & vaillant seigneur or me va de mal en pis: car vostre noble Cheualerie ne
m'a pas seulement amoindry de mon honneur, mais avec moy le plus preud'homme
qui fut en tout la lignée, & qui plus vaillamment à deffendu la foy catholique contre
les ennemis de Dieu. Or est ainsi que ie ne puis secourir contre ses ennemis, & pource

L'HISTOIRE DE

sommes nous deux roys exillez pat vostre proësse: non pas par vous: mais par ma folle entreprise: car Dieu ma puny moins assez que ie n'ay defferuy. Si commença a mener tel dueil que cestoit grand pitié a voir.



Anthoine fut dolent quand il entendit les regrets que faisoit le roy d'Ansay, & luy dist sire dites moy pourquoy vous menez tel dueil: Il y a bonne cause, dist le Roy, ie vous prie regardez en ceste lettre, & vous verrez la douleur ou mon frere est, auquel ie ne puis ayder: car vous auez confondu ma puissance. Adonc le Duc print la lettre & la leut, & veit la misere ou le roy zelodus de Croco tenoit le Roy Federic de Behaine en Prague sa Cité, ou il n'auoit comme disoit la teneur des lettres, nuls viures au moins pour plus de trois ou quatre mois & voyant ce Anthoine il en eut pitié, & dist en luy mesmes qu'ils ne demouroit pas ainsi, & que les sarrazins acheteroient la peine qu'ils font souffrir aux Chrestiens, puis dist au Roy.

Sire si ie voulois aider à secourir vostre frere y voudriez vous aller. Et quand le Roy entendit ceste parolle, il se mist à genoux, disant. Sire si me voulez faire ceste grace ie feray vostre frere Roy de Behaine apres le deces de mon frere, qui est aisné de moy pres de vingt ans, & n'a hoir fort vne fille qui a nom Ayglantine, & a quinze ans ie la donneray s'il vous plaist a vostre frere. Je l'accorde, dist le Duc. Or allez a d'ansay & faicte vostre mandement, & soyez icy en trois semaines, & vous logez en ses prez en nos tentes qui encores y sont, tandis m'aderay mes gens qui sont en la guerre avec vn mien cheualier en lieu ou on luy auoit faict tort. Lors le roy respondit. Sire Duc celuy le vous rendre qui souffrir mort & passion. Adonc le Roy print congé du Duc, de la Duchesse, & de la baronnie, & s'en alla avec ses gens vers ansay dolent de sa perte & ioyeux du secours qui luy estoit promis pour secourir le Roy Federic son frere.

Et tant cheuaucha qu'il vint en son pays ou il fut bien receu de sa baronnie: puis s'en alla voir metidée sa fille qui n'auoit pas encores deux ans. Et apres il retourna avec les barons, & leur comta comme il luy conuenoit aller secourir son frere, & comme le Duc Anthoine & son frere yroient luy ayder a le secourir avec leur puissance. La besongne se portera bien, dirent ils, car les Payens ne leur pourront resister. Or vous deliurez de faire vostre mandement: car nous irons avec vous. Lors le Roy fist sa semonce & manda ses amis, & en peu de temps assembla de six a sept mille combatás & partit de son pays, & y laissa bon gouuernement. Et erra tant que au bout de trois semaines il se logea deuant Luxembourg en la prairies és tentes qui y auoit laissées: & les gens du Duc Anthoine qui estoient allez, & tant qu'ils furent cinq mille bassinets &

MELVSINE.

cinq cens Arbalestriers & archers assemblez, sans conter ceux de la Duché qui furent deux mille: mais nonobstant il n'en voulut mener que mille, & laissa le demeurât pour la Duché, & aussi vn baron de poitou, nommé le seigneur d'yingremont.

Comme Anthoine print congé de sa femme & alla en Prague à tout son ost.

T quand Anthoine eut prins congé de la Duchesse, elle fut dolente: mais elle ne l'osast monstrier semblant toutes-fois elle luy pria de reuenir au plustost qu'il pourroit & il luy dist que si feroit il, puis luy dist. Duchesse pensez de vous & de vostre fruit: & si Dieu par sa grace donne que ce soit vn fils, faictes le baptiser: & le faictes nommer Bertrand, & la Duchesse dist. Monseigneur à vostre plaisir. Lors s'entrebaïserent & partit le Duc, & vint a ses gens, & fist sonner les trompettes. Adonc se deslogea l'ost & se mist a chemin la cussiez ouy grand effroy de gens & de cheuaux.

Adonc l'auangarde cheuaucha, laquelle conduisoit le Roy d'Ansay & regnaut de Lusignen qui estoit monté sur vn destrier liart & armé de toutes pieces, excepté du bassinet, & tenoit vn baston en sa main & ordonnoit ses gens, & sembloit bien prince de haute entreprinse, & apres l'auant-garde venoit le sommage & la grosse bataille & puis alloit l'arriere-garde d'Anthoine, car on luy auoit dit qu'en ce pays auoit grâds robeurs & larrons: mais le Duc manda de fort en fort que s'ils estoient si hardis de prendre riens sur luy, ne sur ses gens qu'il en feroit telle iustice que les autres s'en chastiroient, & ainsi passa tout l'ost qu'il n'y eut homme si hardy de rien entreprendre sur son ost. Or vne nuictée se logea deuant Ays a tout son ost, & luy firent les bourgeois de la ville, de mout riches dons, dont il les remercia, & leur offrit son seruice si m'estier en auoient & le lendemain il se deslogea, & erra tant qu'il se logea sur le Rhim, qui est vne grosse Riuiere, & firent ceux de Coulongne grand danger de laisser passer l'ost par la Cité au pont.

Anthoine fut dolent quand il sceut par ceux de Coulongne faisoient danger de laisser passer par la Cité luy & son ost. Adonc il leur manda comme intention de leuer le siege que le Roy de Croco auoit mis a soixante mille Sarrazins deuant Prague & en ce moyen auoit assiegé le roy de behaine qui estoit dedans, & qu'ils luy mandassent s'ils estoient de la partie des Sarrazins, & il auroit sur ce aduis qu'il feroit, aussi que malgré eux il trouueroit passage, non pas si brief que par leur ville. Et quand ceux de Coulongne ouyrent ce mandement, & informez de sa fierté des deux freres ils eurent doute, & enuoierent deuers Anthoine quatres nobles bourgeois de la ville, qui humblement luy firent la reuerence, & furent esbahis de sa fierté & contenance, nonobstant ils luy dirent Noble seigneur les bourgeois de la cité nous ont enuoyez vers vous sçachez qu'il vous laisserons volontiers passer paisiblement parmy la cité de coulongne. Par ainsi que vous ne leur laisserez porter dommage par vous ne par vos gens. Et Anthoine leur dist. Si i'eusse eu volonté de leur estre contraire ie leur eusse fait scauoir & aussi ie n'ay pas cause de ce faire, car ie ne scay pas qu'ils m'ayent meffait ne aux miens aussi, combien qu'ils me font penser qu'ils m'ayent meffait, ce que iamais ie

n'eusse penser si empeschement ne eussent mis. Allez leur dire s'ils ne sentent de vieux temps aucun meffait deuers moy, ou deuers les Ducs mes predecesseurs dont ils n'ayent eu ou fait accord qu'ils me laisse seurement passer, sinon qu'ils le me fassent scauoir. Et quand les bourgeois entendirent les parolles, ils prindrent congé des deux freres & de tous les barons: puis annoncerent aux bourgeois le mandement du Duc lesquels assemblerent leur conseil & les anciens, & trouuerent que iamais n'auoient eu discord aux Ducs de Luxembourg, a leurs amis ne allies, & que puis qu'il estoit si vaillant, & si notable homme qu'ils le laisseroient passer, & luy demanderent ces nouvelles & avec luy enuoyerent de beaux dons, tant d'auoine, comme de pain, vin, chair & vitailles a foison. Et quand le Duc Anthoine ouyt la responce & vit leurs grands present, il les remercia & fut bien ioyeux quand il sceut que ceux de Coulongne vouloient estre ses amis & leur dit que quand ils auroient de luy besoing que son pouuoir seroit a leur commandement, & ils l'en remercierent humblement. Et le Duc Anthoine fist donner a ceux qui auoient amenez les presens de fort riche dons, que tant ou plus valloient que les presens & dons a luy fait par la ville, car il ne vouloit point que les habitans d'icelle ville pensassent qu'ils voulsist riens auoir du leur il luy tourna a grand vaillance, & ainsi demoura celle nuit.

Mors sejourna celle nuitée deuant Coulongne, & fut bien aise & rafraeschy des biens de la Cité, car le duc les fist departir tant que chacun en eut largement. Et le lendemain au matin le duc entra en la ville avec deux cens hommes d'armes, & fist crier sur peine de la hart que nul ne fust si hardy de riens prendre en la ville sans payer. Adonc passa l'auant garde en ordonnance, & dirent ceux de la Cité que iamais n'auoient veu gens d'armes en si belle ordonnance, & apres passa le sommage & se logerent au deça de la riuiere du Rhim, tout au long, & fut bien heure de vespre deuant que le sommage fut passé. Celle nuit se logea le duc en la Cité, & avec luy de ses plus hauts barons de l'arriere-garde ou on luy fist grand honneur: & donna à soupper aux dames & damoiselles & aux bourgeois de la ville, & a plusieurs gentils-hommes, Cheualiers & escuiers, qui demouroient en la cité. Et apres soupper commença la feste qui fut fort grande, & au departir il n'y eut Dames ne damoiselles a qui le duc ne fist donner vn beau ioyau, selon ce qu'il luy sembloit que la personne le valoit: & aussi le fist à aucuns des bourgeois: & par special a tous les gentils-hommes, & acquit tellement leurs amours qu'il eussent voulu qu'il eust esté leur sire. Le lendemain la grosse bataille passa, & puis l'arrieregarde en belle ordonnance & logerent outre le Rhim & print congé de ceux de la ville, & les remercia forr de l'honneur qu'ils luy auoient fait & ils luy respondirent tout à vne voix. Noble Duc la cité & nous sommes prests à faire vostre commandement plus qu'à nul autre Seigneurs que nous ayons marchissant a nous & ne nous espargnez pas chose que puissions faire pour vous, car nous en sommes tous prests maintenant & autre fois, si se partit d'eux & s'en alla en la tente, & le lendemain ainsi le Duc faisoit tromper pour desloger, & que l'auant-garde estoit mise en chemin vindrēt quatre Cheualiers de la Cité bien montez & bien armez, excepté de bassinets qui descendirent deuant le logis du Duc Anthoine avec quatre cens hommes d'armes & cent arbalestriers qui les suyuoient. S'il saluerent Anthoine, & luy dirent. Tres-cher & puissant Duc le Compte de Coulongne se recommande à vostre bonne grace pour

la noblesse qu'ils ont veu en vous, ils desirerent en tous temps estre vos amis, & prie que vous les ayez pour recommander ils vous enuoyent quatre cens hommes d'armes & cens arbalestriers, d'Ecosse payez pour huit mois pour aller avec vous par tout ou il vous plaira. Grand mercis, dist le Duc, & vous soyez les bien venu, ceste courtoisie n'est pas à refuser & sçachez que ie ne l'oubli ray pas en temps & en lieu. Sire dist l'un des cheualiers, il n'y à nul de nous quatre qui ne sçache tous les chemins d'icy en croco, & si m'estier est nous vous guiderons bien, & seurement par tous les destrois: passages & riuieres. Lors respondit le Duc cecy n'empire pas nostre affaire: & ie n'y refuse pas quand temps en sera. Lors les fist mettre en ordonnance sous la banniere, si se deslogea l'auant-garde, & allerent tant par leurs iournées qu'ils vindrent & entre-
rent a Nauire, aupres d'une grosse cité nommée Nuegmar, ou estoit le Duc Ode avec grande compagnie de gens, car il doutoit le roy Zelodus de Croco qui auoit assiegé le Roy Federic de behaigne, lequel il tenoit en grande necessité, car il auoit avec luy bien quatre vingts mille Sarrazins, & doutoit mout le Duc Ode que le Roy Zelodus ne vît sur luy sil vainquoy le Roy Federic & pourtant il auoit asséblé son conseil pour sçauoir qu'il pourroit faire. Adonc vint vn de ses anciens Escuyers lequel luy dist. Monseigneur ie viens des Marches d'Allemagne; mais il y a vn grand Seigneur qui maine les plus belles gens que iamais ie vit, & ne sçay ou il veullét aller, fors qu'il tire le chemin pour venir icy. Ie me donne grand merueille, dist le Duc Ode, quels gens se sont. Si le Roy d'Ansay n'eust esté desconfit deuant Luxembourgie pensois que ce fust il qui allast ayder au Roy Federic son frere contre les sarrazins: & si c'estoit ie irois avec luy. Monseigneur dist l'Escuyer, il seroit bon d'aller sçauoir quels gens ce sont & s'il ne vous veut autre chose que bien. Sire escuyer, dist le Duc, allez vous y conuient puis que les auez veus. Monseigneur, dist il, ie suis tout prest, si se partit, & tant erra qu'il aperceut l'ost au fonds d'une vallée sur vne riuere, & vit les cuyfines, les cheuaux courit & hannir; la voyoit on gentils-hommes par troupeaux, avec la barre de fer & la lance avec les targes. les autres esproouoient leur harnois de trait de iect d'espée: & d'autres fors excès. Voicy bonne contenance de gens d'armes dist l'escuyer, ils ne sont pas apprentis de leur mestier, telles gens sont à douter. Lors regarda à d'extre sur vne petite montagne ou il y auoit cinq cens hommes d'armes, & vit le guet & les coureurs d'estourner tout a l'entour de l'ost puis dit l'escuyer: qui bien en auoit veu en son teps ce sont gens-d'armes à droict a conquister. Lors entra en l'ost: & demanda celuy qui en auoit le gouvernement de l'ost & tantost y fut mené. Et quand il vint deuant Anthoine il fut esbahy de sa facon, toutes-fois il le salua courtoisement, & luy dist. Monseigneur le Duc Ode de bauiere m'enuoye par deuers vous sçauoir que vous querez en son pays, & si ne luy voulez que bien & aussi qui vous estes qui menez si belle compagnie que ie vois icy assemblée, car il sçay bien que vous n'allez pas en ceste route que n'ayez affaire. Amy dist Anthoine, dictes a vostre Seigneur que nous ne luy voulôs que bien en son pays, & luy poutrez dire que c'est le Roy d'Ansay: Anthoine de Lusignen, Duc de Luxembourg & Regnaut son frere, & plusieurs Barons, Cheualiers & Escuyers qui allons secourir Federic de behaigne, lequel est assiegé des Sarrazins. Sire, dist L'escuyer: dieu vous doint bon voyage, & à dieu vous commande: ie le vois dire à Monseigneur. Allez en la garde de Dieu, dist Anthoine. Et lors se departit l'escuyer & reuint en la Cité, & racompta au duc Ode tout ce qu'Anthoine luy auoit dict, & la fi-

erté de luy, & le gouvernement de l'ost, puis dist encore. Sire sont les gens que ie veis oncques, qui mieux sont à priser & douter. Et le Duc Ode dist. Il meut de grand honneur & vaillance à ses deux freres de venir si loing pays pour querir leur aduentures, & leur vient de grand bien & de venir secourir le Roy Federic, contre les ennemis de Iesus-Christ: & ie promets à Dieu que ce ne sera pas sans moy: car il me feroit tourné à grand honte si ie n'y allois, attendu qu'il est mon cousin & que ma terre marche si pres de son pays, & Royaume, & que les estrangers le viennent secourir de si loing pays. Et pour lors le Duc Ode fait son mandement & auoit de trois à quatre mille combatans Que vous ferois long compte. l'ost se deslogea, & passa par deuant Nuemarg. Lors le Duc Ode faillit en belle compagnie & se vint presenter au Roy d'Ansay à Anthoine & a son frere, lesquels les receurent ioyeusement: & ainsi l'ost cheuacha ensemble par l'espace de six iours.

LA puissance du Roy Zelodus de Croco fut fort grande & ne pouuoit pas bonnement faillir le Roy Federic, & toutes-fois il fit plusieurs faillies sur les Sarrazins, ou il les greua mout, & y eut maintes grosses escarmouches & presque tous les iours estoit la meslée à la barriere, & en la Cité auoit enuiron cent bassinets de Hongrie qui estoient vaillans cheualiers, & sailloient souuent & escarmouchoient l'ost & leur portoient grand dommage. Or aduint vn matin que les Sarrazins vindrent escarmoucher & ceux de la ville auallerent le pont & ouurirent les portes & barrieres, & faillit le Roy tout armé a belle compagnie, & y eut grande occision de payens, & les remiront iusques à leur logis. Lors le Roy de Croco estoit monté sur vn fort d'estrier sa banniere au vent accompagné de quinze mille sarrazins, & s'en vint en belle ordonnance vers la bataille. La eut maint coup donné & receu & par force couint a nos gens reculer iusques aux barrieres, la eut grand mortalité & occision d'vn costé & d'autre: car le Roy Federic reconfortoit ses gens. Et quand il apperceut le Roy Zelodus, qui faisoit grand dommage à ses gens il print l'espée au poing, & frappa le cheual des esperons, & ferit le Roy Zelodus sur le heaume par telle vertu qu'il l'abbatit le col de son cheual & peu s'en faillit qu'il ne cheust par terre: car il perdit les deux estriers: mais ses gens le secoururent, & le dresserent en son estat. Et le Roy Federic frappa vn payen par telle force qu'il l'abbatit mort par terre. Le Roy Zelodus de Croco reuint deuers luy tenant vne archegaye, dont le fer estoit mout tranchant & aigu, il veit quil dommageoit fort ses gens, si s'approcha de luy, & luy ietta l'archegaye par telle vertu qu'il le perca de part en part. Lors le Roy Federic, qui sentit la detresse de la mort, ne sceut plus tenir, & cheut à terre tout mort & adonc furent ses gens dolens, & entrerent en la cité & leuerent le pont & fermerent la porte. Et lors commença la douleur grande par la ville.

Comme le Roy Zelodus de Croco fist prendre le corps du Roy Federic qui auoit esté tué en la bataille, & fist ardre & brusler.

DVis le Roy Zelodus fist prendre le corps du Roy Federic, & le fist ardoir deuant la porte pour plus esbahir ceux de la cité. Et quand ils sceurent la mort de leur Roy, ils en furent bien esbahis, & firent grand dueil, & par especial Ayglantine sa fille qui menoit tel dueil, & disoit. O Dieu qui me pourroit

reconforter quand ie voy la mort de mon pere deuant moy, & la destruction de mon peuple & de moy, ie ne voy pas le lieu dont secours me puisse venir, car i'ay ouy dire que mon oncle le Roy d'Ansay, en qui ie me fiois plus qu'en autre du môde, a esté desconfit deuant Luxembourg. Vray Dieu or ne me sçay ie plus ou attendre fors à bonne grace. O noble & puissante mere de Dieu vuez moy reconforter ceste pauvre orpheline, & la garder en vostre sainte misericorde, en telle maniere que les payens n'ayent nulle puissance sur mon corps, en ce disant elle demenoit telle douleur que c'estoit pitié à voir, elle destordoit ses mains & arrachoit ses cheueux. Qui eust veu l'angoisse qu'elle sentoit il n'y eust eu cœur si endurcy qui n'en eust eu pitié, & ses Dames & Damoiselles la reconfortoient le plus qu'elles pouuoient, mais à son dueil n'auoiet point de fin, & ceux de la cité estoient si esbahis tant de la mort de leur Seigneur, que pour la doute des sarrazins qu'ils ne sçauoient que faire deus rendre leurs bien sauues. car le Roy Zelodus les faisoit fort reuerer: & leur remonstroit comme ils ne pouuoient bonnement tenir les sarrazins, & que s'il les prenoit par force ou autrement, qu'ils n'y auroient la rançon fors seulement que d'estre tous bruslez en poudre: dont la cité fut en grand balance de soy rendre: mais il y auoit des preud'hommes cheualiers: qui auoient mout aymé le Roy, pour ce ils aymoient la pucelle sa fille qui leur disoient.


Fauses gens que voulez vous faire, le messager n'est pas encores venu, qui est allé querir secours pour nous ayez bon courage, car en brief vous aurez bonnes nouvelles s'il plaist à dieu. Et quand ils les ouirent ainsi parler, ils respondirent aux sarrazins qu'ils ne se rendroient point & qu'ils estoient tous reconfortez contre leur puissance. Et quand le Roy Zelodus le sceut il en fut courroucé, & iura par ses Dieux qu'ils le feroit tous brusler en poudre mais en peu d'heure Dieu labeure.

Aussi tel iure de son marché, qui apres le laisse. Adonc le Roy Zelodus fist escarmoucher & assaillir la cité, & la greua de tout son pouuoir. Ceux qui estoient se deffendoient laschement pour la grand paour qu'ils auoient, & si n'eust esté la doute des nobles du pays qui y estoient, ils se fussent renduz leur vie sauue. Or vous diray du Duc Anthoine & de Regnaud son frere, du Roy d'ansay & du Duc Ode de Baviere, qui menoient leur ost hastiuement, car bien auoient ouy dire tout la misere ou estoient ceux de la Cité: mais ne sçauoient de la mort du Roy Federic. Adonc vn iedy au soir ils vindrent loger sur vne riuere enuiron vne lieue & demie de Prague. Et le lendemain au matin ils commanderent à vn cheualier du pays, qui estoit en leur compagnie qui allast annoncer leur venuë à la cité. Si monta a cheual & s'en alla deuers la ville, mais le roy zelodus auoit faict venir ses gens & faisoient assaillir la cité: car il auoit grand desir de la prendre, & ceux de dedans se deffendirent laschement, & bien l'apperceuoient les Sarrazins. Et pource il les assailloient tant plus vigoureuement, & fust mal allée la besongne si l'ancien cheualier ne fust venu, lequel vit bien la foible deffence de ceux de dedans si eschappa l'assaut, & vint a vne petite poterne & heurta. Lors ceux de la garde le cogneurent bien, & le laisserent entré: & quand il fut dedans. Il courut parmy les deffenses criant. Seigneurs deffendez vous: car voyez la fleur de cheualerie de ce monde, qui vous vient a secours avec le Roy d'Ansay: & les verrez tantost commencer à batailler & faictes bonne chere: car les Sarrazins n'en eschappera qu'il ne soit mort ou prins, & quand ils l'entendirent ainsi parler ils ietterent vn cry si treshaut que c'estoit merueilles a ouyr, en disant. Loué soit nostre seigneur Iesus-Christ. Et a-

doncs'employèrent mout à defendre en telle maniere que mal de Sarrazins qui oncques peut demourer aupres des murs. En c'est assaut demoura au fons des fossez grād multitude des Sarrazins mors & blesez. Et quand le Roy zelodus apperceut que ceux de la cité auoient reprint si grand cœur. Il-en fut esmerueillé tant qu'il ne sceut que péser : car il les voyoit de si grande deffense qu'il n'y auoit si hardy Sarrazin qui oFAST approcher la muraille : mais s'en reculloient arriere. Quand le Roy zelodus apperceut que ses gens reculloient dont il en estoit dolent, & s'esmerueilloit pourquoy ceux de dedans auoient reprint si grād cœur en eux, mais il fut tantoist bien plus fasché que de uant: car Anthoine cheuaucha en bataille a banniere desployée & auoit faict laisser les logis tous droicts, & cinq cens hommes d'armes pour les garder, & estoient le Roy d'anfay, & le Duc Ode en l'arrieregarde, & Anthoine & Regnaut en la premiere bataille: la viisiere belle compagnie de bannieres à pannonceaux vanteller au vent, & bassinets harnoies de iambes, l'or, l'azur & les couleurs des bannieres & des pannonceaux resplendir contre le Soleil : & tant cheuaucherent en ordonnance qu'ils virent Prague la Cité que les Sarrazins assailloient durement, & voyoient leur tentes & partillons ou y auoit grand foison de Sarrazins. Lors le Duc Anthoine fist arrester ses gés tant que l'arrieregarde fust venuë, & ordōna sur luy les archers & arbalestriers: & lors furent aperceus des Sarrazins, lesquels allerent dire au roy zelodus. Sire laissez l'assaut qui a la mal'heure à esté commencé. Scachez que tant de chrestiens viennēt que les champs en sont tous couuerts. Et quand le Roy entendit ces nouvelles, il en fut courroucé, & ordonna ses gens & ses batailles au mieux qu'il peut, & Anthoine & Regnaut firent sonner leur trompettes & firent aller la bataille tout leur petit pas. Et quand ils furent approchez de l'ost il y eust grand effroy & a l'approcher fut grande le trouble & y auoit la de tels qui eussent bien voulu estre de la ou ils estoient venus, car au baiffer des lances il y en eut beaucoup d'abatus tant d'vn costé que d'autres, & y en eut de mors & de naurez grand nombre : puis tirerent les espées : & frapperent l'vn sur l'autre mout durement sans aucune pitié la eut maints Sarrazins mors & abbatus par terre. Mout bien se portoient les poiteuins, & faisoient grande occision de sarrazins : mais le Roy zelodus cria son enseigne mout hautement, & ioignit son escu a la poictrine & brandit sa lance, & picqua le cheual des esperons, & apres le suyuoient dix mille Sarrazins, si frappa vn cheualier chrestien de sa lance par telle force qu'il luy mist le fer & le panon parmy le corps, & l'abbatit mort par terre, & ses gens le suiuoient qui vaillamment se portoient, & firent grand dommage aux Chrestiens: & les reculerent le iect d'vne lance. Adonc le roy zelodus cria son enseigne. Seigneurs barōs frappez outre, la iournée est nostre: car ils ne nous peuuent eschapper. Et les poiteuins les poursuyuoient asprement, & la eut grande perte d'vn costé & d'autre. Lors vint le Duc Anthoine l'espée au poing: & quand il apperceut les gens reculer a peu qu'il n'éraigea de dueil, & cria à haute voix Lusignen, puis se mist entre les sarrazins plus rudement que foudre. & abbatoit tout ce qu'il rencontroit deuant luy & ses gens le suyuoient lesquels estoient tous esbahis de ce qu'ils luy voyoient faire, car il n'y auoit si hardy sarrazin qui l'ofast attendre, mais il se reculerent vers leurs tentes. Adonc le roy zelodus voyant ce il s'escria. Auant Seigneurs defendez vous comment est pour vn homme seul que vous enfuyez: c'est grand honte à vous. A ces parolles il rallia ses gés & assailit Anthoine & les poiteuins mout vigoureuement. Lors vint l'admiral avec

deux mille combatans. Si se renforca la bataille fort horrible, & la eut mout de sarrazins morts.

Comme le Roy de Croco fut occis en la bataille.



Pres vint l'arriere-garde que le Roy d'Ansay & le Duc Ode menoient lesquels se frappoient vigoureuſement en la bataille, & la eut grand occiſion car ils enduroiēt bien le faix d'un coſtē & d'autre. Et ſur ce arriuerent Anthoine & Regnaut d'un accord entre les ſarrazins, & faiſoient telle occiſion qu'il n'y auoit ſarrazin n'y Chreſtien qui ne s'eſmerueillast des grands coups qu'ils donnoient & tant qu'en la fin il n'y euſt ſi hardy ſarrazin qui les oſaſt attendre, & par tous ils les voyoient, & les Chreſtiens faiſoient ſi biē

que les ſarrazins euſſent tournē le dos ſi n'euiſt eſtē le Roy zelodus qui vaillamment les tint enſemble, & fiſt grand dommage aux chreſtiens, & renforca ſes gens tant qu'ils ſe deffen dirent bien. Et quand Regnaut apperçeut le Roy zelodus, qui ainſi rendoit eſtar à ſes genſ, & menoit ſa bataille ſi vaillamment qu'il n'y failloit riens, il iura qu'il mourroit en la peine ou il deliureroit la place des ſarrazins, lors picqua le cheual par grand hayt, & alla vers le Roy de Croco. Et quand le Roy le vit venir, il hauca l'eſpēe, & le frappa ſur le heaume de toute la force vn rude coup: mais l'eſpēe gliffa ſur la cuiſſe du coſtē ſeneſtre & le bleſſa tellement que le ſang luy courroit iuſques aux talons, & Regnaut qui fut courroucē leua l'eſpēe a deux mains, & frappa le Roy zelodus ſur le baſſinet ſi grand qu'il fut tout eſtourdy, & tant que l'eſpēe luy volla du poing, & s'enclina ſur le col du cheual, & rompit par force la courroye du baſſinet. Et adōc Regnaut le frappa de rechef tellement qu'il luy conuint cheoir à terre. Incontinent vint à luy grand nombre de ſarrazins & ne luy ſceurent oncques faire ayde. Quand les ſerrazins virent ce ils ſe mirent en fuite, & nos gens les ſuyuient aſprement, & les occirent parmi les champs & les buiſſons: bien peu en eſchappa. Et ainſi fut la bataille finēe, & ce fait les chreſtiens ſe logerent ēs tentes des ſarrazins. Lors les deux freres & le Roy d'Ansay, & le Duc Ode ſe partirent avec cent cheualiers & allerent deuers la citē ou ils furent ioyeuſement receus: car les citoyens auoient grand ioye de la victoie qu'ils auoient eue contre les ſarrazins. Adonc vindrent deſcendre au palais, & vint la pucelle Ayglantine à l'encontre du Roy d'Ansay ſon onclē & des autres Barons.

Comme le Roy Zelodus & les Sarrazins qui furent morts en la bataille furent ards & brullez.

A pucelle Ayglantine fut bien ioyeuſe de la deſconfiture des ſarrazins & auſſi de la venuē de ſon onclē le roy d'Ansay: mais elle auoit ſi grand douleur au cœur de la mort de ſon pere qu'elle ne pouuoit oublier, neātmoins quand elle approcha de ſon onclē s'enclina, & luy fiſt la reuerence honorablement en diſant. Mon cher onclē vous ſoyez le bien venu, pleuſt à Dieu que vous fuſſiez arriuez deux iours plus toſt vous euſſiez trouuē mon pere en vie que zelodus à ſict occire, & puis la fait brullez pour plus vituperer la foy Catholique. Et quand le

Roy l'entendit il fut dolent, & iura que autant en feroit faire du Roy zelodus & de tous les sarrazins qu'il pourroit trouuer mors ou vifs. Adonc on fit crier par la cité que de chacun logis vn homme allast sur les champs pour assembler les sarrazins mors de fus vne montaigne, qu'on y portast du bois pour ardre les corps, & ainsi fut fait: & fut le corps du Roy zelodus mis au dessus, & furent tous couuerts de bois, & fut mis le feu dedans, & furent tous les payens bruslez, & les corps des chrestiens qui furent trouuez morts enseuelis & mis en terre sainte. Et apres ces choses faittes le Roy d'ansay qui estoit fut dolent de la mort du Roy Federic son frere: mais le dueil luy conuenoit passer quand il estoit venu de la volonté de Dieu, fist faire l'appareil pour faire l'obsequie mout honorablement lequel fut fait en la grand Eglise de la cité. Lors le Roy d'ansay monta à cheual & avec luy le Duc Ode de Baweres, & plusieurs autres Barons de behaigne, & s'en allerent tous vestus de noir aux tentes qui auoient esté aux sarrazins ou les deux freres estoient loges, & firent venir le sommage & ceux qui gardoient les logis, & firent tendre à vn des costez de l'ost. Et adonc les deux freres departirent l'auoir à chacun tant grands que petits, & n'y eut celuy qui ne se tint bien payé. Adonc vindrent le Roy, le Duc Ode, & toute la baronnie, qui humblement saluerent les deux freres, lesquels le receurent ioyeusement. Adonc le Roy d'ansay cōta aux deux freres comme le Roy Federic auoit esté occis en la bataille, & comme le Roy zelodus auoit fait ardre le corps en despit de toute Chrestienté, & pource il auoit fait ardre le Roy zelodus & tous les autres sarrazins. Vous auez bié fait, dist Anthoine, & vrayement le Roy zelodus fist grand mesprison & grand cruauté car puis que vn homme est mort c'est grand honte à son ennemy de le plus toucher. Sire dit le Duc Ode, vous direz verité: mais le Roy d'ansay est icy venu pour vous prier & regnaut vostre freres de venir à l'obsequie du Roy Federic son frere, qui ia est tout prest de commencer les Pseaumes & vigiles qui furent dés le soir dictes. Lors respondirent les deux freres, nous yrons volontiers. Adonc monterent tous à cheual à belle compagnie, & vindrent en la cité Les dames & damoiselles cheualiers & escuyers, & bourgeois & gens d'estat, & la commune les regardoient mout, & estoient esbahis de la griffe de Lyon que Anthoine auoit dessus la iouë, & louent fort le beau corps & ses membres qui l'auoit, & aussi de regnaut son frere. Et disoient entr'eux ces deux Princes sont bien taillez de conquerir & tenir mout de terres & seigneuries en maintes contrées. Et ainsi vindrent à l'Eglise, & illec descendirent.

Comme les deux freres furent à l'obsequie du Roy Federic.



FT alors Ayglantine qui estoit aupres de l'Eglise, fist humblement la reverence aux deux freres, & les remercia du secours qui luy auoient fait, car apres Dieu ils luy auoient gardé son honneur & son pays. Adonc Anthoine luy respondit. Damoiselle nous n'auons rien fait fors ce que nous deuions faire: car tous bons chrestiens sont tous selon Dieu, de destruire & opprimer les ennemis de Iesus-Christ. Lors les deux freres la aprindrent par les bras, & la dresserent humblement en son siege. La estoit la pucelle noblement accompagnée de dames & damoiselle du pays l'obsequie fut faite: & les cheueux offerts comme il appartenoit à vn si vaillant & bon Roy comme il estoit.

Et apres le seruice les deux freres à cheual & leur mesgnie: & le Roy d'anfay conduire la pucelle iusques au palais, & la descendirent: puis monterent ensemble en la salle. Et adonc le dîner fust prest, si lauerent les mains & puis se assirent & furent bien seruis & apres les nappes furent ostées il se leuerent, & furent graces distes. Lors la damoiselle, qui fort dolente estoit de la mort de son pere fut conuoyée en sa chambre, puis le roy d'anfay, appella les Barons du pays, & leur dist. Seigneurs Barons il vous faut aduiser que vous ayez entre vous vn vaillant homme pour gouuerner le Royaume de ma niepce: car terre qui est en gouuernement de femme est peu de chose. Or regardez qui sera au profit & à l'honneur de ma niepce & de vous. Adonc respondit vn pour tous les autres. Sire Roy nul de nous ne sçauons honneur qui deuant vous s'édoiuent mesler: car si vostre niepce Ayglantine estoit allée de vie à trespas tout le Roy aume de behaine vous escherroit, & pourtant nous vous en chargeons, faictes en vostre volonté: car c'est raison. Pour le plus seur, dist le Roy, il faut marier ma niepce: Or luy cherchez vn mary qui soit digne de gouuerner son Royaume: car quād est de moy i'ay assez de pays à gouuerner, & pourtant ie ne vueil pas auoir le gouuernement de cestuy-cy. Sire Roy respondirent les Barons s'il vous plaist que vostre niepce soit mariée, cherchez luy vn mary tel qu'il vous plaira: car par dessus vous il n'y a homme qui s'en voulist mesler. Et quand le roy entendit ce il respondit. Nous y pouruoyrons & à son profit & au vostre, ie m'en vois parler à elle pour celle mesme cause. Adonc les barons respondirent. Sire Iesus-Christ le vous vueille meriter. Lors le Roy se partit & vint en la chambre de sa niepce, qui humblement le reçeut: puis il luy dist m'amyie vos besongnes sont maintenant en bon point, Dieu mercy: car vostre pays est deliuré du danger des sarrazins par la puissance de Dieu & des deux freres de Lusignen. Or nous faut regarder comme vostre terre soit gouuernée dorensauant à vostre profit & honneur & de vos gens aussi. Mon cher oncle, dist la pucelle, ie n'ay plus de conseil ne de confort d'autre que de vous si vous requiers que vous y vueillez pouruoir: car à vous ie dois plus obeyr que à personne du monde & aussi ie vueil ce faire. Lors le Roy en eut grand pitié, & luy dist. Belle niepce nous y auons ia pourueu, il vous faut marier à vn tel homme qui soit digne de vous gouuerner & vostre pays & il n'est pas trop loing d'icy qui est bon & beau preux & hardy. Bel oncle dist la pucelle: il a donc foison de belle & de bonnes meurs. Je sçay bien que vous ne me conseillez chose qui ne soit à mon honneur & profit la ou vous le pourriez sçauoir: mais de me marier si tost apres la mort de mon Pere, ie ne montrerois pas nul semblant de dueil ne de sa mort, & me semble que ie m'efferois trop, & en seroit fort blasmée en detriere, & tel me montreroit bonne chere qui en tiendrait moins de comte en derriere. Ma niepce, dist le roy, de deux mots on doit choisir le plus petit quand il en faut auoir l'vn, mais il est vray qui pourroit bonnement attendre ce seroit bon pour vostre honneur que vous attendisiez: mais quoy, ie suis demourant bien loing de vous, & ne puis icy gueres demourer sans trop grand dommage de autrui, & du mien: & puis il faut satisfaire les deux freres du noble secours qu'ils vous ont fait, ou du mien ou du vostre. Et aucuns disoient que c'est bon d'auoir plus de profit & moins d'honneur. Et a dire que vous les puissiez remunerer de la courtoisie qu'ils vous ont faicte, & la moitié de vostre Royaume ne suffiroit pas au grand danger & la peine qu'ils ont soufferte & eue pour vous. Et d'autre part sçachez que vous n'estes pas trop suffisante pour auoir vn tel & si noble hom-

me à mary, comme est Regnaut de Lusignen: car il est bien digne d'auoir la plus grande & la plus noble dame du monde, tant pour sa noble lignée, comme pour sa bonté beauré & proesse. Et quand la pucelle entendit le Roy son oncle, elle fut toute honteuse, & consideroit qu'elle estoit en grand danger de son peuple, & de plusieurs autres choses, si ne seus que respondre, fors qu'elle se submettoit à son bon vouloir, & luy dit en plorant. Trescher oncle ie n'ay point de confort en ce monde, fors que de dieu & de vous, pour ce de mon royaume faictes ce qu'il vous plaira. Belle niepce, dit le roy, vous dites bien ie vous iure que ie ne feray chose en ceste partie que ie ne face pour le mieux. Or ne plorez plus: car ie veux que nous deliurez de ceste besongne: car tant plus demourera ceste Baronnie, qui sont bien douze mille combatans sur vostre pays, plus auez vous grand dommage. Lors elle cognoissant qu'à droict il luy disoit ce luy dit. Mon cher oncle faictes en à vostre plaisir. Adonc le Roy vint en la grand salle ou les deux freres estoient avec belle baronnie, tant du pays que d'ailleurs & print le Roy la parole, & dist à Anthoine. Noble duc plaise vous entendre à moy: les barons qui icy sont vous supplient & aussi faicts, qu'il vous plaise que Regnaut vostre frere soit Roy de behaigne & qu'il prenne à femme Ayglantine ma niepce: & cher sire priez luy que ce ne vucille refuser: car les Barons du pays se desirent mout à auoir. Sire, dist le Duc Anthoine ceste requeste est digne d'estre octroyée, & aussi sera elle, or faictes venir la Damoiselle. Et lors le Roy & le duc Ode l'allerent querir, & puis luy firent oster le noir, & luy firēt vestir des plus riches habillemens qu'elle eust, & des riches ioyaux, fermeaux aigneaux d'or, riches pierres, ceintures, & chapeaux & ses dames & damoiselles richement atournées & plusieurs eurent les chefs bien aornés de grosses perles, le roy & le Duc Ode menerent la Damoiselle, & les autres Dames venoient apres Et elle entra en la salle avec la compagnie elle fut toute enluminée de richesses & de beauté. Adonc Anthoine & les Barons honorerent la pucelle qui mout estoit belle, & elle leur fist honorablement la reuerence: Lors le Roy print la pucelle, & dist. O Duc de Luxembourg tenez nous vos conuenances, voyez comme nous voulons tenir les nostres. C'est raison dist Anthoine: puis dist à Regnaut. Beau frere receuez ceste pucelle, & l'honneur du royaume de behaigne. Adonc regnaut dist mon frere ie rends premierement graces à Dieu, au Roy qui est icy, & à tous les barons du pays honneur: car s'il n'y auoit tant seulement que la pucelle sans heritage, si ne la refuseray ie pas, & à l'ayde de Dieu i'ay esperance de cōquerir assez de pays pour elle & pour moy, cōbien que ie prens tout en gré. Adonc luy dist, Anthoine: beau frere vous auez raison car vous auez le royaume tout cōquist deuāt aage. Or dieu vo⁹ doint par sa sainte grace en conquerir d'autres sur les ennemis de Dieu. Lors fut mandé vn Euesque, qui les fiança. Et commença la feste grande: car on le sçeut incontinent par toute la ville, & en eurent les habitans grand ioye, & fut toute la ville grā remēt parée de couuertures, & de riches draps d'or & fit on noble appareil comme il appartenoit pour vne telle feste, & fut ordōné que les nopces se feroient sur le champs au maistre pauillon: & ainsi demoura iusques au tiers iour, & fit on faire maintes robe riches tant pour l'espousée. Dames & Damoiselles, comme pour les deux freres, les barons du pays: & les estrangiers. Celle nuit passa: & le lendemain, qui fut la veille du iour qu'on les deuoit espouser, on amena la pucelle, & avec elle ses Dames & Damoiselles au maistre pauillon, & fit on tendre mout de riches tentes à l'entour, pour les Dames.

Et le roy d'Ansay & le Duc Ode de bauieres se logerent avec leur baronnie enuiron les tentes des Dames & Anthoine & Regnaut d'autre part, & celle nuit on fist faire bon guet comme s'il leurs ennemis fussent pres de la. Et fut grande la feste & souper mout notable: & quand il fut temps chacun s'en alla reposer iusques au lendemain.

Comme regnaut espousa Ayglantine Fille du Roy de Behaigne.



Quand l'aube du iour apparut la matinée fut belle & claire, & luyoit le Soleil bel & clair Adonc l'espoufée fut noblement appareillée, & fut amenée ou la Messe & la solemnité se deuoit faire, & la furent honorablement, & puis elle fut ramenée au maistre pauillon. Et quand le dîner fut prest, ils lauerent les mains puis s'assirent a table, en laquelle ils furent richement seruis, & de plusieurs viandes, & apres qu'ils eurent dîné & que les nappes furent ostées, ils se leuerent puis lauerent les mains & furent les tables abatus & graces dictes. Apres ce les Dames allerent à leurs tentes, & les nobles Cheualiers s'en allerent armer & Anthoine mesme s'en alla armer pour faire plus grand plaisir & honneur à son frere Regnaut.

Comme apres dîner les Cheualiers iousterent.

MEs Dames & damoiselles retournerent, & monterent sur les eschafaut: lors vindrent les cheualiers sur les rang & commencerent les ioustes fort belles & nobles, & n'y eut nul cheualier qui se peust tenir contre Anthoine, & regnaut. Et quand ils virent que les ioustes affoiblissoient pour eux ils se partirent des rang, & s'en vindrent desarmer: & tout ce apperceut bien le Roy d'Ansay, le duc Ode, & l'autre baronnie. La iouste dura tant qu'il fut temps de soupper, & ainsi les ioustes cesserent, & se departirent les cheualiers escuyers, & puis ils allerent soupper. Apres les menestriers sonnerent de diuerses sortes d'instruments, & chacun se mist à dancier. Et quand l'heure approcha qu'il failloit aller coucher, on mena l'espoufée coucher en vn liect richement paré ainsi qu'il appartenoit à vne noble dame. Et apres regnaut vint qui se coucha avec la pucelle apres que le liect fut benist. Adonc chacun se departit de sa chambre, les vns chantans & d'ansans: & les autres contoient de beaux comtes, & les autres de belles aduentures, & s'esbatoient à qui mieux pouuoit pour passer le temps & les autres allerent dormir. Regnaut & la pucelle furent couchez l'un avec l'autre, & moult se humilioit la pucelle enuers luy: & disoit. Monseigneur si ce ne fust par la grace de

Dieu mon createur, & la puissance de vostre frere & de vous : ceste pauvre orpheline estoit totalement desolée & esperdue: car elle & tout son pays fust cheut à grande aduersité entre les mains des sarrazins: mais l'aide de nostre Seigneur & la vostre m'ont gardé, & dont ie vous remercie humblement: & quand vous m'avez daigné prendre à femme & espouse petite & si humble pucelle de petite valeur comme ie suis. Quand regnaut entendit la pucelle ainsi doucement & simplement parler à luy, il respondit. Ma douce loyalle amour vous auez trop plus fait pour moy sans comparaison que ie n'ay fait pour vous quand il vous à pleu de vostre grace m'auoir fait le don de vostre noble corps, & heritier de tout vostre royaume, & avec moy n'avez riens prins que mon corps. Lors respondit la pucelle. Monseigneur ce corps de vous vaut mieux que dix Royaumes, & plus est à priser quand à mon gré. Et en ceste nuit ils engendrerent vn beau fils, qui fut nommé Oliphart, lequel fist grand guerre, & conquis toute la basse marche de Holande, zelande, Streue, dannemarche & Noriuege. Le lendemain au matin chacun se leua & fut chantée la messe, & y fut menée la dame: & apres ils vindrent au maistre paillon. Et ils eurent laué, & qu'ils se vouloient seoir pour disné vindrent deux cheualiers de Luxembourg, qui apportoiert lettres à Anthoine de par Cristine sa femme, & vindrent deuant luy, & le saluerent par sa femme, en disant monseigneur vous deuez auoir grand ioye, car ma dame vostre femme vous à porté le plus bel enfant masse qui onc fut venu au pays Seigneurs dist Anthoine, loué en soit Dieu: vous foyez les bien venus.


LE duc Anthoine fut ioyeux de ces nouvelles, & aussi fut son frere. Adonc Anthoine print les lettres & les l'eut, & trouua que les deux cheualiers disoient la verité. Si les accolla ioyeusement, & leur fist donner de beaux dons. Adonc il s'assist au disner, & dura la feste huit iours, & puis retournerent en la cité. Lors le roy d'ansay, le duc Anthoine, & le duc Ode de baueres, & tous les barons prindrent congé du roy Regnaut & de la royne Ayglantine lesquels furent dolens de leur departie, & Anthoine eut conuenance au roy regnaut, que si les payens luy faisoient guerre qu'il le viendroit secourir, dont regnaut & ses barons le remercierent humblement: puis s'entrebaiserent les deux freres à leur departement. Tant cheuaucha l'ost qu'il vint à mouchin ou Bauiere, & se logerent en la prairie deuant icelle ville, & les festoya moult le duc Ode par l'espace de trois iours. & au quatriesme se departirent, & prindrent congé du duc Ode, & cheuaucherent tant qu'ils vindrent à vne iournée de Coulongne. Adonc vindrent les quatre cheualiers, qui gouernoient les gens-d'armes & les Arbalestriers que ceux de Coulongne auoient enuoyez à Anthoine, & luy dirent. Monseigneur il est bon que nous allions deuant en la ville pour appareiller vostre passage. Beaux seignens, dist Anthoine il me plaist bien. Lors les quatre cheualiers se partirent & leurs gens avec eux, & cheuaucherent tant qu'il vindrent en la cité de Coulongne ou ils furent ioyeusement receuz, & s'enquirent les bourgeois de la comme ils auoient exploicté en leur voyage, & ils leur compterent toute la verité avec la grande puissance & valeur des deux freres & comme regnaut estoit roy de behaigne. Et quand ceux de Coulongne l'entendirent, ils furent ioyeux, & dirent qu'il estoient heareux d'auoir acquis l'amour de tels princes. Si firent faire grand appareil pour receuoir le duc Anthoine & le roy d'ansay & leurs gens. Tant cheuaucha qu'il vint à coulongne

& allerent les bourgeois de la ville à l'encontre à belle compagnie, & firent aller ceux qui venoient tendre outre la ville, & firent loger par deça l'auant garde, la grosse bataille & le sommage. A tant'encontrerent Anthoine & le roy d'Ansay & leur firent la reuerence, & les prierent tant qu'ils vinrent loger le soir en la ville a grand foison de nobles hommes, & les festoyerent honorablement, & donna aux Dames & aux bourgeois de la ville, & aux gentils-hommes a soupper: & le lendemain a disner, ce iour le reste de l'ost passa. Et le lendemain au matin print le Duc Anthoine congé de la ville, & les remercia de ce, & leur dist que s'ils auoient besoing de luy qui leur ayderoit a son pouuoir & ils le remercierent. Lors se partit Anthoine & deslogea l'ost, & tant errerent qu'ils vindrent vn soir loger és prez au desloubz de la ville du Luxembourg. Et quand la duchesse Christine sceut la venuë du duc Anthoine son mary, elle fut fort ioyeuse, & yssit hors de la ville a belle compagnie de Dames & Damoiselles, & des nobles du pays & toute la bourgeoisie venoit apres a l'encontre de luy, & le clergé a cloches sonnans & l'eau beniste, & le'encontrerent a demye lieüé de la ville, & la fut grande la ioye que le duc & la duchesse s'entrefirent, & le menu peuple l'ouoient dieu de la venuë de leur Seigneur, & se logea l'ost deuant Luxembourg, & Anthoine & le Roy d'Ansay & ses plus hauts Barons se logerent en la ville. La feste fut grande par toute la ville, & y demoura le roy d'Ansay par l'espace de six iours & le festoya noblement le Duc Anthoine, & luy rendit toutes ses obligatiôs, & le quita excepté le prieuré fondé pour prier pour les morts, pour l'amour de regnaut son frere, dont le remercia mout amiablement: puis se partit de Luxembourg & reuint en son pays, ou il fut ioyeusement receu. Et le Duc Anthoine demoura avec sa femme, laquelle eut vn fils en c'est an, qui fut appellé Lohier, & deliura toute L'ardaine de robeurs, & fonda és bois vne Abbaye de sainte vie, & fist faire le Chasteau de Messieres sur la Meuse, & plusieurs autres forteresses en la basse marche de Hollande, & fit de mout beaux faitz d'armes avec le roy Oliphar de behaigne qui estoit son cousin germain & fils du Roy Regnaut, & depuis le Roy d'Ansay eut affaire au comte de Fribourg & au duc d'Autriche, & manda a Anthoine qu'il luy vint aider, ce qu'il fist: & print par force le comte de Fribourg & passa en Autriche, & desconfit le Duc en bataille, & fist appaiser au Roy d'Ansay a son honneur & Bertrand le fils d'Anthoine eut a femme Melide fille du roy d'Ansay & fut Roy d'Ansay & fut la duché de Luxembourg demoura à Lohier apres le decés de son pere le Duc Anthoine. Mais de ceste matiere ne parleray plus maintenant, mais retourneray à parler de raymondin & de Melusine & de leurs autres enfans.

RAymondin par son vasselage conquis grands pays, & luy firent hommage maint Barons iusques en Bretagne, & eut Melusine les deux ans apres deux fils dont le premier eut nom froimôd, qui ayma bien l'Eglise, & bien le monstra a la fin, car il fut rendu moyne à Maillieres, & dont apres il aduint grand meschef, comme vous orrez cy apres en l'histoire, & l'autre fils qu'elle eut ensuiuant eut nom Thierry, qui fut fort batailleux icy laisseray à parler des deux enfans & diray de Geoffroy à la grand dent qui fut le pl^s fier & le plus entreprenât de to^s ses freres. Et sachez que cestuy Geoffroy ne douta onc homme & dit l'histoire qu'il se combatit à vn cheualier Faé: & aux mauuais esprit de lusignen, comme vous orrez raconter à la fin de ce liure. par vn petit traicté a part.

MELVSINE.

Comme Raymondin fist vn trou à l'huys avec son espée pour voir Melusine dont mal luy en print, car il auoit promis de iamais ne la voir au Samedy.



A Donc raymondin & Melusine estoient ensemble a Mermende. Si aduint à vn Samedy que Melusine se absconfit celuy iour de raymondin, comme deuant est dict il luy auoit promis que iamais le samedy ne mettroit peine de la voir. Et aussi n'auoit il iusques à celuy iour, & n'y pensoit a nul mal ne autre chose quelconque de nulle presumption n'y de mauuaistié, fors tant seulement tout bien. Or vn peu deuant d'aller luy vindrent nouvelles que son frere le comte de forests le venoit voir, dont ray-

mondin fut tresioyeux, mais depuis il en fut mout dolent & courroucé, comme vous orrez cy apres. Adonc raymondin fit grand appareil & fort noble pour receuoir son frere: car mout ioyeux estoit de sa venue. Pour venir afin de comte, & à brief parler, il alla au deuant de luy, & le receut humblement: puis allerent à la messe. Et quand le seruice fut fait ils vindrent en la salle & lauerent les mains & s'affirent à table ou ils furent bien seruis. La se commença l'vne partie de la douloureuse tristesse: car Raymondin ne pensoit a nul mal. Toutes fois son frere ne se peut tenir qu'il ne luy demandast sa femme, & fut la maniere telle. Mon frere ou est ma sœur? faites la venir auant: car i'ay grand desir de la voir. Beau frere dist Raymondin, elle est embesongnée quād est pour auourd'huy, & ne la pouuez voir de main la verrez & vous fera bonne chere. Et quand il oyt ceste responce il ne se teust pas, mais dist. Vous estes mon frere ie ne vous dois pas celer vostre deshonneur. Le commun langage court que tous les samedis elle est avec vn autre en fornication. n'estes vous pas si hardy tant estes auenglé d'equerir ne scauoir ou elle va, & les autres disent que c'est vn esprit Faé qui tous les samedis fait sa penitence. Or ne sçay lequel croire & pour ce suis icy venu pour vous dire ces choses. Quand Raymondin l'entendit il faillit de la table, & entra en sa chambre, esprins de yre & de ialousie, & print son espée & la ceignit, & alla au lieu ou il sçauoit que melusine alloit le samedy, & trouua vn fort huis de fer, & espais, & iamais n'auoit esté si auant & quand il vid l'huis il tira son espée & mist contre l'huis la pointe qui estoit dure: & tourna tant qu'il fist vn pertuis, si regarda dedans & vit Melusine qui estoit en vne cuue de marbre ou y auoit degrez iusqu'au fons, & estoit la cuue de quinze pieds autour, & au quarre auoit allées de cinq pieds d'espais: & la elle se bai- gnoit & faisoit sa penitence, comme vous orrez.

*Comme Raymondin par ladmonnestement de son frere le comte de Forests regarde
Melusine sa femme, estant au baing, comme il en fut cour
roucé contre son Frere.*



Quand Raymondin eut veu Melusine qui estoit en la cuue iusques au nombril en figure de femme & peignoit ses cheueux, & du nombril en bas en figure de la queue d'vn serpent grosse comme vne quaque a haranc, & fort longue, & la debatoit en l'eau tellement qu'elle la faisoit bondir iusques a la voute de la chambre il en fut dolent & dist. Ma douce amour, or vous ay ie trahie par le faux enhortemens de mon frere, car ie me suis pariuré enuers vous donc i'ay si grand tristesse au cœur que corps humain ne pourroit plus porter. Adonc il courut en sa chambre, & print de la cire, & estouppa le pertuis: puis vint en la salle ou il trouua son frere. Et quand son frere l'aperceut, il cogneut bien qu'il estoit courroucé, & euidoit qu'il eust trouué quelque mauuaitié en sa femme, il luy dist. Mon frere ie le scauois bien, auez vous trouué ce que ie vous disois. Lors Raymondin luy escria. Fuyez d'icy faux traistres: car vous m'auuez fait par vostre mauuais rapport pariuré ma foy contre la plus belle & la meilleure des Dames qui oncques nasquit apres celle qui porta nostre Seigneur Iesus-christ vous m'auuez apporté toute la douleur par laquelle ie perdray toute la douceur par laquelle ie perdray toute ma ioye, & si croyois mon courage ie vous ferois mourir de

MELVSINE.

malle mort, mais raison naturelle me defend de ce faire, pourtant que vous estes mon frere. Allez vous en, & vous ostez tost de ma presence. Et quand le comte de Forests apperceut que Raymondin son frere estoit en si grand douleur, il faillit de la salle, & aussi rous ses gens & monta a cheual, & s'en alla grand erre vers la comté de Forests moult dolent, & repentant de sa folle entreprinse: car il sçauoit bien que Raymondin son frere ne l'aymeroit iamais, & ne le voudroit veoir.

Complainte de Raymondin.

RAymondin entra en sa chambre fort dolent en disant. Ha Melusine, or vous ay ie perdu, or ay ie perdu ioye a tousiours, or ay ie perdu beauté, bonté, douceur, amitié sans mauuaillié, courtoisie, charité & humilité, toute ma ioye, tout mon confort mon esperance, mon cœur mon bien, mon pris ma vaillance: car tant peu d'honneur que Dieu m'auoit presté me venoit de vous ma douce amour. Ha fauce borgne & auenglé fortune dure & ameré, bien tu m'as mis du plus haut siege de la court au plus bas lieu de ta maison, la ou Iupiter abbreuue les pauure chetifs & mal'heureux tu sois ores de Dieu maudicte, par toy fils le forfait de mon cher Seigneur, tu me le vens trop. Helas tu m'auois ietté & mis en la haute auctorité par le sens & valeur de la meilleures, des meilleures, de la plus sage des sages. Or la me faut il perdre maintenant par toy fauce borgne, trairelle, enuieuse bien & fol qui en tes dons se fie. Or hays, or aymes, or fais, or defais. Il n'y a en toy aucune seureté ne habilité non plus qu'il y a en vn cochet au vent, Las douce amye ie vous ay par mon venin & fauce trahison trahie. Helas ma douce amye vous m'avez medeciné de mon premier venin, or ie vous ay cruellement menty comme ie vous ay ainsi trahie, & ay ma foy perduë. Si ie vous pers pour ceste cause ie m'en yray en tel lieu ou l'on orra iamais nouuelles de moy.

Comme Melusine se vint coucher avec son Seigneur & la douleur qu'il perdit.

RAymondin demoura iusques a l'aube du iour en telle douleur. Et quand l'aube du iour fust apparuë Melusine vint qui entra en la chambre. Quand Raymondin l'ouyt il fist semblât de dormir, elle se despouilla & puis se coucha toute nuë de coste luy. Lors Raymondin commença a sousspirer comme celuy qui sentoit grand douleur en son cœur. Adonc elle l'embrassa, & luy demanda. Monseigneur que vous faut-il, estes vous malade? Et quand Raymondin vit qu'elle n'eut parole de riens de ce fait: mais pour neant le cuyda car elle sçauoit bien qu'il ne l'auoit descouuert a homme elle le souffrit quand a l'heure & ne luy en monstre semblant, dont il fut ioyeux, & luy respondit: madame i'ay esté malade & ay eu vn peu de fieure en maniere d'antionne. Monseigneur dist melusine, ne vous esbahissez pas, car tantost vous serez guarý si Dieu plaist. Adonc il fut ioyeux de ses parolles & luy dist M'amyie ie suis tout adoucy de vostre venuë, & elle luy dit qu'elle estoit toute ioyeuse & quand il fut temps de eux leuer ils se leuerent: puis le lendemain melusine print congé de luy, & s'en alla a Nyort ou elle fist faire deux tours gemelles, qui encores y sont.

Comme Froimond, frere de Geoffroy fut rendu moyne à Maillieres, par le consentement de son pere & de sa mere.

Roymond pria tant son Pere & sa mere qu'ils luy accorderent qu'il fust rendu moyne à Maillieres, & fut vestu par le consentemens de son pere & de sa mere & fut l'Abé bien ioyeux & aussi tout le couuent, & estoient feans cét moynes, en comtant l'Abé, & lors ils eurent grand ioye de la venuë de froimond, ils en eurent depuis grand douleur, comme vous orrez cy apres: mais ce ne fut pas pour le fait de Froymond, car il estoit fort deuot, tant comme il fut leans il fut d'estroicte vie: mais par raison de luy il aduint vne merueilleuse aduenture.

Comme vn messager vint apporter nouvelles à Raymondin que l'Abaye de Maillieres estoit brusle se courrouça & desprisa Melusine.

Raymondin estant, à disné à mermende vint vn messager de Maillieres qui demanda raymondin & on le mena deuant luy. Lors le messager s'agenouilla, & fist la reuerence en le saluant & raymondin luy rendit son salut & luy demanda qu'elle nouvelles: sire, dist le messager ce poise moy que ie ne les puis apporter meilleures, car ie les apporte fort piteuses. Il nous les faut scauoir, dist Raymondin, Dieu soit grace & loue de ce qu'il nous enuoye. Et le messager dist Monsieur il est bien vray que Geoffroy à la grand dét vostre fils à prins en luy telle melencolie & tel dueil de ce que Froymond vostre fils est rendu Moyne à Maillieres, qu'il est venu de fait audict lieu, ou il trouua au chapitre l'Abé & les moynes & à mis le feu dedans, & les à tous bruslé & bien la moitié de l'Abaye. Que dis-tu, dist raimondin ce ne peut estre, & ne le pourrois croire: Mon Seigneur dist le messager, il est ainsi, si ne me croyez faites moy mettre & tenir en prison, & si trouuez qu'il ne soit ainsi faites moy mourir de telle mort qu'il vous plaira. Adonc Raymondin se leua de table & vint à la tour & demanda son cheual, & on luy amena, & puis monta dessus & se partit sans attendre personne, & cheuaucha vers Maillieres tant que le Cheual le peut porter. Adonc ses gens monterent à cheual qui mieux peut pour aller apres luy. Et tât cheuaucha raimondin qu'il vint dedans l'Abaye. Et adonc il vit la grande douleur & le meschef que geoffroy auoit fait: dont il print tel dueil en son cœur qu'à peu qu'il ne enrageoit Ha dist-il, Geoffroy tu auois le plus beau commencement de haute proesse & de cheualerie pour venir au degré de haute honneur, que fils de prince qui fut viuant, & orés t'es du tout desmis par ta cruauté. Par la foy que ie dois à Dieu ie croy que ce ne soit que fantosme de ceste femme, ie croy qu'elle n'a point porté chose qui vienne à perfection: car elle n'a porté enfans qui n'ait apporté quelque estrange tache sur terre ne voy-ie pas L'horrible qui n'a point encores sept ans lequel à occis deux de mes escuiers & auant qu'il eut trois ans auoit fait mourir deux de ses nourrices par force de mordre les mamelles & n'audit onc veu leur mere le famedy que quand mon frere le comte de Forests m'apporta de mauuaises nouvelles que la vis en forme de serpent du nombris en bas, & lçay que c'est aucun esprit ou fantosme qui m'a ainsi abusé car la premiere fois que ie la trouuay elle me sceut bien dire mon aduenture.

*Comme Raymondin s'en vint & se coucha en son liect & la douleur
reulse lamentation qu'il fist.*

Tant cheuacha Raymondin qu'il arriua à mermende & la descendit: puis il monta en vne chambre: & se mist sur vn liect. Si commença à ce demener & faire lamentation tellement qu'il n'y a si dur cœur qui n'en eut pitié. Adonc les barons furent dolens de ce qu'il ne luy peurent r'apaiser sa douleur. Si eurent conseil qu'ils le manderoyent à Melusine, qui pour lors estoit à Niort, & faisoit faire deux maistresses Tours, qui sont belles à voir. Adonc prindrent vn messager, & luy manderent tout ce fait: Lors tât de mal firent, car il les mirent tous deux en griefs tourmens & grandé misere. Or cōmence leur dure & amere departie: qui dura à raymondin tout son viuant, & à Melusine durera sa penitence iusques à la fin du monde, Or le messager alla tant qu'il vint a niort, & salua la dame: puis luy bailla les lettres que les barons luy enuoierent. Lors elle rompit la cire, & leut la lettre, & quand elle apperceut le meschef elle fut bien dolente, & plus du courroux de raimondin que d'autre chose: car elle vit bien le meschef que geoffroy auoit fait, & ne pouuoit estre autrement pour le presenr. Adonc elle fit venir tout son arroy & manda grand foison de dames du pays pour luy tenir compagnie, & se partit de nyort, & vint à Lusignen ou elle demoura trois iours faisant malle chere, & tousiours alloit par leans visitans tous les lieux haut & bas en soupirant, & iettant aucunes-fois de si grands plains que merueilles. Et dit l'histoire qu'elle sçauoit bien la douleur qui luy estoit prochaine, & quand est de moy ie le croy bien, mais ses gens ne pensoient a cela: mais que c'estoit pour la deplaisance qu'elle auoit de ce que Geoffroy auoit bruslé son frere & les moynes, & aussi pour le courroux qu'elle sçauoit que raymondin auoit prins. Ainsi fut Melusine à Lusignen par deux iours, & au tiers iour se partit & vint à mermende bien accompagnée de dames & damoiselles courmei'ay dict cy deuant. Et lors les Barons du pays qui estoient assemblez pour reconforter raymondin, qu'ils aymoient de bon cœur, luy vindrent à l'encontre & la receurent honorablement, & luy comterent qu'ils ne luy pouuoient faire laisser sa douleur. Or vous suffise, dist elle, car il sera tantost reconforté si Dieu plaist.

Comme Melusine repaisoit son Seigneur.

Lors melusine bien accompagnée de dames & damoiselles & des barons du pays, entra en la chambre ou raymondin estoit, & ceste chambre regardoit sur les vergers qui bien estoient delectables: & auoit le regard aux champs par deuers Lusignen & quand elle vit raymondin elle le salua doucement: mais il fut si dolent, & mary d'ire qu'il ne luy respondit mot. Adonc elle print le parler, & luy dist monseigneur c'est grand folie a vous qu'on tient le plus sage prince qui soit viuant de vous demener de chose qui autrement ne peust estre & qu'on ne peut amender ny remedier: vous arguez contre la volonté de Dieu qui tout a fait & deffera toutes-fois qu'il luy plaira. Et sçachez qu'il n'est si grand pecheur que Dieu ne soit plus piteux & plus pardonnable, mais que le pecheur se repente.

parfaitement & qu'il luy crie mercy de bon cœur. Si Geoffroy vostre fils à fait c'est outrage par son merueilleux courage, sçachez que c'est pour le peché des moynes qui estoient de mauuaise & defordonnée vie : & a voulu nostre seigneur auoir la punition & combien que ceste chose soit incogneuë a humaine creature , car les iugemens de Dieu sont trop merueilleux & si secrets qu'il n'est cœur d'homme qui les peust comprendre en son entendement: Et d'autre part nous auons assez dequoy, Dieu mercy, pour refaire l'Abahie aussi bonne & meilleure qu'elle ne fust onc, & la renter plus richement pour mettre plus de moynes que iamais: & Geoffroy, si Dieu plaist s'amera enuers Dieu & le monde: parquoy ie vous prie que vueillez laisser ce dueil.

Quand Raymondin entendit melusine il sceut bien qu'elle disoit vray: mais il fust si outré d'ire que raison de nature s'en estoit allé de luy. Adonc d'vne tres-cruelle voix il dist.

Comme Melusine cheut pasmée à terre pour le reproche que Raymondin luy fist.

MA tres-fauce Serpente ne toy ne ton fruit ne sera que fantosme, ne ia hoit que tu ayes porté ne viendra a bon chef en la fin. Comment aurons leur vie ceux qui sont ars en griefue misere ne ton fils qui estoit rendu au Crucifix, il n'estoit sailly de bon fruit que Froimond, qui est destruit par art demoniacle: car tous ceux qui sont forcenez de yre sont es cō mandemens des princes d'Enfer: Et pourtant fist Geoffroy l'horrible & hideux forfait, comme d'ardre son frere & les moynes qui n'auoient mort defferuie. Quand melusine ouyst ceste parolle elle eust telle douleur au cœur, qu'elle cheut pasmée a terre, & fut demy heure que elle ne rendit aspiration ne aleine. Adonc Raymondin fut plus courroucé que deuant. Car il estoit refroidy de son yre, & commença à faire plus grand dueil, & à peu qu'il ne se occioit: & se repentit des parolles qu'il auoit dites, mais c'estoit pour neant, car se fut trop tard. Lors les barons & dames du pays furent fort dolens, & dresserent la dame à son seans & luy arrouferent le visage d'eau froide, & tant firent qu'elle reuint a elle. Et quand elle peut parler elle regarda Raymondin, & luy dist.

Comme Melusine se reuint & parla à Raymondin.

MA Raymondin la iournée que ie te vis premierement fut pour moy douloureuse à la malle heure ie vis oncques ton gent corps, ne ta façon: ne ta belle figure: mal i'ay conuoitè ta beauté quand tu m'as si faullement trahie combien que tu t'es parituré enuers moy quand tu prins peine de me voir : mais pour ce que tu ne l'auois descouuert à personne ie te l'auois pardonné en cœur, & ne t'en eusse point fait mention: & Dieu te l'eust pardonné car tu eusses fait la penitence en ce monde. Las mon amy or sont nos amours tournées en douleur, haine & dureré, nos soulas & ioyes en larmes & pleurs, nostre bon heur en infortunée penitence. Las mon amy si tu n'eusse faucé ton serment iettois iettée & expulsée de peine & de tourment, & eusse eü tous mes sacremens, & vescu tout le cours de nature comme femme naturelle, & fusse morte naturellement & mon corps eust esté enseuely en l'Eglise nostre Dame à Lusignen, & eusse fait mon anniuersaire bien deuotement. Or suis

ie par ton meffai&t r'abbatuë en la penitence obscure ou i'auois long temps esté par mon aduerture, & ainſi me le faudra porter & ſouffrir iuſques au iour du iugement & par ta fauceté: ie prie à Dieu qu'il le te vueille pardonner puis commença à mener telle douleur qu'il eſt impoſſible de le dire. Et quand Raymondin la vis ainſi, il eut tant de douleur qu'il ne voyoit ne entendoit, & ne ſcauoit qu'elle contenance faire. Et diſt la vray cronicque que nul homme ne ſouffrit oncques tel dueil ſans paſſer les articles de la mort: mais quand il fut vn peu reuenu en ſa memoire, & vit meluſine deuant luy il s'agenouilla & ioignit les mains, en diſant. Ma chere dame m'amy, mon bien, mon eſperance, mon honneur, ie vous ſupplie en l'honneur de la ſouffrance de noſtre Seigneur: & en l'honneur du pardon quë le fils de Dieu fiſt à Marie magdaleine, que vo⁹ me vueillez pardonner, & que demeurez avec moy. Mon cher amy, diſt meluſine, qui regarda que les larmes luy cheoient des yeux à ſi grande abondance que ſa poi&trine en eſtoit arrouſée. Le meffai&t vous vueille Dieu pardonner, qui eſt vray pardonneur & la fontaine de pitié & miſericorde, quand à moy ie le vous pardonne de bon cœur mais quand eſt de ma demurance c'eſt tout neant.

Comme Raymondin & Meluſine cheurent tous deux paſmez.

Raymondin à ce mot ſe leua, & l'embraſſa entre ſes bras, & s'entrebaiſerent & eurent tous deux ſi grãd douleur qu'ils cheurent tous paſmez en la chambre. Qui lors eut veu dames & damoiſelles, cheualiers & Eſcuers plorer & mener grand douleur en diſant en commun. Fauce fortune comme es tu ſi fauce & peruerſe que tu t'es entremiſe de ces deux loyaux amans puis s'eſcrierent tous à vne voix. Nous perdrons auourd'huy la plus belle dame qui onc gouerna terre, la plus ſage, humble, charitable, & priuée de ſes gens qui iamais fut ſur la terre. Si commencerent à plorer & mener ſi grand douleur qu'il s'entr'oublièrent les deux amans qui giſoient par terre. Adonc meluſine reuint à elle, & ouyt ſi grand douleur que ſes gens menoient pour ſa departie: ſi vint à Raymondin, qui encores giſoit paſmé par terre & ſe leua en ſon ſeant, & luy diſt en la preſence de tous ſes gens.

Comme Meluſine fiſt ſon teſtament.

My ie ne puis plus demourer avec vo⁹, car il ne plaïſt pas à dieu, pour le meffai&t que auez fai&ts: & pource ie vous veux dire deuant vos gens ce que vo⁹ orrez. Or ſçachez Raymondin que apres vous iamais homme ne tiendra le pays en ſi bonne paix que vous le tenez & auront vos heritiers qui ſeront apres vous mout d'affaire, ſçachez que aucuns decheront par leur folie de leur honneur & de leur heritage: mais quand eſt à vous ne vous doutez, car ie vous ay derez tant que vous ſerez viuant en ce monde, en toutes vos neceſſitez & affaire, & ne chafſez point Geoffroy d'avec vous, qui eſt voſtre: car il fera fort vaillãt & puiſſant homme: & d'autre part nous auons encores deux autres beaux enfans dont laiſné à nom raymonnet, & n'a pas encores trois ans: & Thierry ſon frere n'a pas deux ans: fai&tes les bien doucement nourrir, & auſſi ie m'en prendray encores garde. Combien que ie ne vueil pas que vous ayez eſperance nulle quand d'icy ſeray departie, qui fera de brieſ que vous

me voyez iamais en forme de femme, & aussi ie vueil que vostre fils Thierry soit Seigneur de partenay, & vernon, & de toutes les appartenances de la terre iusques a la Rochelle, nostre petit Raymonnet sera comte du pays de Forests, & en laissez conuenir a geoffroy: car il en ordonnera bien. Apres toutes choses dictes elle appella Raymondin a part, & les plus nobles du pays & leur dit. Beaux seigneurs gardez que si cher comme vous aymez vostre honneur & vostre bien que quand ie seray departie d'icy que faciez tant que Horrible nostre fils, lequel a trois yeux, dont il en a vn au fronce: comment qu'il soit qu'on le face mourir prestement, car ie vous dis que si vous ne le faictes mourir en quelque maniere que ce soit, il fera tant de deceptions & maux par tous les pays ou il demoura, que ce ne sera pas si grand dommage de sa mort & destruction que de la perte & dommage qu'on pourroit auoir par luy: car il destruiroit tout ce que l'ay edifié: ne iamais gueres ne faudroit au pays de Poitou, & Guyenne. Et regardiez a le faire ainsi ou vous ne fistes oncques si grand folie. ma douce amour, dit raymondin il n'y aura point de faute mais pour Dieu & pitié ne me vueillez tant des-honneur: mais demeurez avec moy ou iamais ie n'aurez ioye au cœur & elle luy dit mon doux amy si c'estoit chose que ie puisse faire ie le ferois volontiers: mais il ne peut estre & scachez que ie sens au cœur plus de douleur de nostre departie cent mille fois que vous ne faictes: car maintenant il faut qu'il soit, puis qu'il plaist a celuy qui peut tout faire & desfaire. Lors elle l'accolla & baïsa doucement en disant. A Dieu mon amy mon bien mon cœur & ma ioye encōres tant que tu viuras auray ie recreation en toy: mais aussi auray ie pitié de toy: car tu ne me verras iamais en forme de femme. Et adōc faillit sur vne fenestre qui auoit le regard dessus les champs & deuers les iardins au costé de deuers lufignea aussi legerement comme si elle eust vollé.

Comme Melusine s'en volla en forme de serpent par la Fenestre.

Melusine estant sur la fenestre elle print congé de tous en plorant, & soy recommandāt a tous les nobles barons dames & damoiselles qui furent la present puis dist a raymondin. mon doux & loyal amy voyez icy deux anneaux dont les pierres ont vne mesme vertu & scachez que tant que vous les aurez, ou l'vn d'eux, ne vous ne vos hoirs, s'ils les ont apres vous ne ferez desconfits en place, ne aussi en bataille s'ils ont bonne cause ne ia vous ne ceux qui les aurōt ne pourons mourir par armes quelconques: & adonc les luy tendit & il les print, & apres commença la Dame a faire piteux regrets & griefs soupirs en regardant piteusement raymondin, & tous ceux qui la estoient en ploroient de la grand pitié qu'ils en auoient. Et encōres en souspirans melusine commença a regarder le lieu en disant. Ha douce contrée l'ay eu en toy tant de soulas & de recreatiō, & y estoit en ce siecle du tout en tout ma bien heurété, si Dieu n'eust consenty que l'eusse esté si faucement trahie. Helas ie soulois estre noble dame clame, & souloit on faire & accomplir tout ce que ie demandois: or ne seray ie pas seruiue des chābrieres: mais seray en peine, & tourment iusques au iour du iugement, & tous ceux qui me hantōient auoient grand ioye quand ils me voyoient: mais dorefnauant ils se desuoyeront de moy & auront padur & grād hieud de me voir, & les ioyes que l'en soulois auoir me seront plaints, & tribulatiōs, & griefues penitences: & lors dit a haute voix. A Dieu tous & toutes, & vous prie humblemēt qu'il



qu'il vous plaife prier noltre Seiz
gneur deuotement qu'il fuy plaife
allegger ma penitence: mais toutes
fois ie vueil bié que vous fcachiez
qui ie fuis, & qui fut mon pere, af-
fin que ne reprochez a mes enfás
qu'ils foient fils de mauuaife fem-
me, né de Serpente, ne de Faée,
car ie fuis fille du Roy Elinas d'Al-
banie & de la Royne preffine fa-
ême, & fommes trois fœurs qui
auons esté predeftinée: mout du-
ement d'efre en griefues peni-
tences, & de ce ne vous puis ie à
prefent plus rien dire: puis dift à
raymondin. A dieu mon amy n'ou-
bliez à faire de vofre fils horrible
ce que ie vous ay dit: mais penfez
de vos enfans raymónet & thier-
ry. Adonc fit vn grief foupir puis
elle baiffa à la fenefre, & faillit in-
continent en l'air. Lors fe mua en
forme de ferpent mout grande
grosse, & longue de quinze pieds.
Et fcachez que en la pierre de la
fenefre par ou elle passa, demou-

ra & eft encorés à prent emprainéte la forme du pied d'elle. Adonc grand douleur
menoié la baronnie & damoiffelle, & fpeciallement ceux qui l'auoié feruie & fur
tous autres raymondin faifoit dueil mout merueilleux. Si fe mirent és feneftres pour
regarder quel chemin elle tiendroie, & la dame ainfi tranfmuee cōme eft dift, fit trois
tours enuiron la fortereffe, & à chacune fois qu'elle passa pardeuant la fenefre elle
ietta vn cry fi merueilleux que chacun en ploroit de pitié, & apperceuoit on bien que
elle fe departoit bien enuis du lieu, & que c'estoie par contraincte. Adonc elle print fō
chemin vers Lufignea volant par l'air, non pas fi haut qu'on ne la vift bié, & on l'oyoit
aller de plus d'vne lieuë: car elle alloit menant telle douleur, & faifant fi grand effroy
qu'il sembloit que la foudre & tempefte d'eust choir par tout & en estoient les gens
tout esbahis: & tant alla que elle fut à Lufignea & l'environna par trois fois: & crioit
piteufement & l'amentoit d'vne voix feraine, dont ceux de la fortereffe furent esmer-
ueillez, & ne fcauoient que penfer, car ils virent la figure d'vne Serpente, & oyrent la
voix d'vne dame faillir d'elle. Et quand elle l'eut enuironnée trois fois elle vint fondre
fi horriblement sur la tour poterne, en menant telle tempefte qu'il sembla à ceux de
leans que la fortereffe d'eust choir en abiffine, & auffi que toutes les pierres du som-
mage se remuaiffent l'vne contre l'autre, & la perdirent en peu d'heure & ne fceurent
onc qu'elle deuint: mais incontinent vindrent gens que raymondin enuoioit pour fca-

voir nouvelles d'elles: lesquels fut dit cōme elle s'estoit venuë rendre leans, & la pœur qu'elle leur auoit faicte: Et ceux retournerent deuers raymondin, & luy comterent le faict. Lors il commença à entrer en sa douleur. Et quand la nouvelle fut sceuë par le pays, le pauvre peuple mena grand douleur, & la regrettoient piteusement, car elle leur auoit faict mout de biens. Et commença on par toutes les Abbayes & Eglises qu'elle auoit faict fonder à dire pseaumes & vigilles, & faire anniuersaire pour elles. Et Raymondin fist faire mout de biens & de prieres. Apres toutes ces choses les barons du pays dirent a raymondin, Monseigneur il faut que nous facions de vostre fils Horrible ce qu'elle nous a commandé, & raymondin leur dict faictes-le. Lors le prindrēt horrible par belles parolles, & le menerent en vne basse caue: car s'il s'en fut donné garde de ce qu'on luy vouloit faire ils ne l'eussent eu sans peine. Adonc l'enfermerent en fumée de foing mouillé: & quand il fut mort il fut mis en vne bierre, & porté à Poitiers en l'Abaye du montier neuf, ou il fut en sepulture comme il appartient.

Comme Melusine venoit les soirs visiter ses deux enfans.

ET apres Raymondin se partit de la, & vint à Lusigné & y mena ses enfans raymonnet & thierry, & dist que iamais n'entreroit en la place ou il auoit perdu sa femme. Et melusine venoit tous les iours visiter ses enfans les tenoir au feu & les nourrissoit le mieux qu'elle pouuoit, & la voioient bien les nourris: mais il ne l'osoient declarer: & plus croissoient les deux enfans en vne semaine que les autres ne faisoient en vn mois dont les gens s'en donnoient grand merueilles: mais quand Raimondin sceut par les nourris que Melusine venoit visiter ses deux enfans, sa douleur luy allegea pour l'esperance qu'il auoit de la reuoir, mais pour neant le pensoit, car iamais plus ne la vit en forme de femme, combien que plusieurs l'ayent veuë en forme fœminine. Et encores que raimondin eust esperance de la reuoir, si auoit telle douleur au cœur que nul ne le scauroit dire, & oncques puis on ne le vit mener ioye, & auoit fort en haine Geoffroy à la grand dent & s'il l'eust tenu en son yre, il l'eust faict destruire. Et icy se taist à parler de luy, & parle de la contriotion de raymondin comme il fut desplaisant pour la faute: parquoy il print le voyage de Rome.

Comme Raymondin vint deuers le Pape de Rome, & se confessa à luy deuotement.

Ant cheuacha raymondin avec sa mesnie qu'il vint es mons de Mont louet & les passa, & cheuacha tant par la Lombardie qu'il arriua vn soir à Rome, auprès de Noiron. & le lendemain vint à S. Pierre, & quand il fut la, il trouua le Pape Benoist, qui lors regnoit, & se tira deuers luy, & luy fist la reuerence telle comme il appartenoit à tel personnage: & le Pape aussi a luy quād il sceut qu'il estoit, & raymondin se confessa le mieux qu'il peut. Et quād est de ce qu'il s'estoit pariuré vers sa femme, comme dessus a esté déclaré. Le Pape luy enchargea sa penitence telle qu'il peut, & disna ce iour avec le Pape & se tint avec luy tout le iour mout honorablement: & le lendemain au matin alla visiter les saints lieux parmy la Cité de Rome, qu'il fut huiet iours auant qu'il eust acheué: car il auoit affaire. Et quand il eut tout

faiçt son affaire, il print congé du Pape, en disant Pere saint ie ne puis bonnemét imaginer ne consideré en mon entendement que iamais ie doie auoit ioye pour vsfer le reste de ma vie, & si ay esperance de m'aller rendre Hermite en quelque Hermitage. Quand le Pape vit la volonté de raimondin il luy demanda. Ou auez vous intention d'aller? Pere saint, dist raimondin, i'ay ouy dire autres-fois qu'il y a vne belle & deuote place a Montferrant au pays d'Arragon. Et quand il ouyt dire ces parolles a raimondin, il luy dit. mon beau fils ainsi le diçt on. Alors raymondin luy dit. Pere saint, i'ay grand deuotiõ de me retirer en ce lieu & me rendray hermite & la prieray Dieu qu'il luy plaise faire aucun allegement a ma femme. Or beau fils dit le Pape, avec le saint Esprit puissiez vous aller, & tout ce que ferez en bonne volonté ie le vous charge en lieu de penitence. Adonc raymondin s'enclina, & luy baisa les pieds: & le Pape luy donna la benedictiõ, puis raymondin s'en partit & vint a son logis, & fit incontinent trousser ses sommiers & tout son arroy. Et quand est de ses gens ie ne vous en vueil faire mention n'y aussi de son chemin mais il cheuaucha tant qu'il vint a Tholose, & donna congé a tous ses gens excepté vn chapelain & vn clerc: & les paya de leurs Salaires, & escriuit plusieurs lettre & les scella & les enuoya a Geoffroy & aux Barons du pays, faisant mention que Geoffroy print les hommages, & aussi qu'il le receurent a Seigneur. Adonc se partirent de luy fort dolens: car il ne leur diçt onc quel chemin il feroit: mais il s'en alla bien garny de finance, & tant chemina qu'il vint a Narbonne, & la se reposa vn peu.

Comme Raymondin au retour de Rome se vendit Hermite.



Quand raimondin fut venu a Narbonne il fit faire pour luy plusieurs robes d'hermites fort simples, & aussi pour son Chapelain & son clerc, telles qu'il leur failloit, puis apres se departit d'illec, & s'en vint au destroit de l'estanc de Salces, & passa par dessus le Chasteau, & vint à Parpignen, & y fust ce iour, & le lendemain se partit, & passa L'eueloz & le pertuis, & vint a disner a Funieres, & au giste a Guomie & tant fit qu'il vint a barcelonne & se mit en vne bonne hostellerie, ou il demoura trois iours, & aduisa la ville qui sembloit la plus belle: puis se partit au quatriesme iour & vint a môt-ferrant, & visita l'eglise & le lieu qui luy sembloit bien deuot, & illec ouyt le seruice mais encores auoit il vestu de ses robbes de ce siecle. Et adonc ceux qui furent cõmis a loger les pelerins, luy demanderent s'il luy plaisoit demourer ce iour, & il leur respondit que ouy. Lors les cheuaux furent logez: & luy bailla on vne belle chãbre pour luy & pour ses gens. Et ce pendant raimondin alla visirer les hermitages, mais il ne fut que iusques au cinquiesme: car le lieu estoit si tres haut qu'il ne peut bonnement faire le voyage, & trouua qu'au tiers lieu n'auoit point d'hermite: car il ny auoit gueres qu'il estoit trespasé. Or estoit la coustume que si dedãs vn terme qui estoit ordõné n'e venoit vn autre qui vouist estre en ce lieu, il cõuenoit que le pl⁹ prochain d'ebas vint demourer au lieu, & celuy de dessous en celuy d'au pres & ainsi demouroit le lieu vuide de celuy qui estoit pl⁹ pres de la terre tãt qu'il venoit aucune bõne persõne, meüë en deuotiõ qui se mettoit en ce lieu. Et estoit la cause de ceste permutatiõ telle que le premier tire amont les viures pour eux sept, & en prend refectiõ la iournée & celuy qui est le pl⁹ proche dessus luy, tire amõt en pareille maniere, tant enquist raimõdin de leur estat

& de leur vie que la deuotion luy vint plus que deuant de soy rendre hermite en ce lieu. Lors il print congé de l'hermite & vint en bas, & demanda le Prieur de l'Abaye, & on luy dist qu'il estoit au village de deffous, qui est à luy, & l'appelle on Culbâston. Si leur pria raymondin qu'ils le fissent mener ou le prieur estoit, & ils luy dirent qu'ils le feroient volontiers, ce fait il laissa ses gens, & s'en partit avec vn des valets de leans. & deualerent la montagne par les eschelles: & tant firent qu'ils vindrent au prieur ou ils trouuerent le prieur qui fist bonne chere à raimondin, raimōdin luy dit toute sa deuotion, & cōme le lieu luy plaisoit. Adonc le prieur, qui l'aperceut estre homme de bonne par, & luy sembloit estre homme d'estat & belle contenance, luy accorda, dōt raimondin fut bien ioyeux, & en loua mout nostre seigneur, & demoura toute la nuit iusques au lendemain avec le prieur, & au matin monterent les eschelles & puis vindrent à l'Abaye, & fut vestu en habit d'Hermitte, & laissa du tout son vestement du siecle: & sçachez qu'il vint garny de cinq ou six paires d'habits d'hermite & chanta on le seruice present raimondin, lequel offrit a son entrée de mout riches ioyaux & pierres precieuses & le seruice fait s'en allerent disné, & fit raimondin porter a les freres hermites de sa pitance, & leur fist signifier sa venue dont ils commencerent tous a louer Dieu qu'il le vueille maintenir en bonne deuotion. Et ainsi demoura raimondin en l'abaye. Et le lendemain la messe ouye fut conuoyé iusques au pied de la salle qui ioint aux chambres de leans. Adonc print raimondin congé & monta a la chapelle, & alloit son chapelain tous les iours chanter la messe au matin, & le cleric luy aydoit a dire ses heures, & comença raymondin mout sainte vie.

L'histoire dit que depuis se trouuerēt les huit freres ensemble, a Monferrat, & tindrent entr'eux grand feste. Et firent tant que raimondin leur pere vint au bas de l'hermitage, & fut mout ioyeux de voir tous ses enfans. Et apres ce Raymondin remonta en son Hermitage. Et les freres donnerent a leur departement de mout riches dons à l'Eglise, puis prindrent congé l'vn de l'autre, & s'en allerent chacun en leur contrées les vns par mer, & les autres par terre.

*Comme Geoffroy & Thierry visiterent leurs pere tant qu'il vesquit par
chacun an iusques à la mort.*



Geoffroy & Thierry visiterent leur pere Raimondin tant qu'il vesquit vne fois par chacun an, & estoit assez pres du terme qu'ils deuoient partir deuant trois iours ensuiuans il aduint vne aduenture, dont les freres furent esbahis & dolens: car la Serpente se monstra sur les murs, ainsi que tous la peurent bien veoir a plein: & alloit autour de la forteresse, par trois fois, en signe qu'elle print douloureusement congé dudit lieu, & se mist sur la tour Pontume, & la faisoit si grieus plaints & grands sospirs qu'il sembloit proprement a ceux qui la estoient que ce fust la voix d'une dame se qui estoit ce comme dit l'histoire. Adonc Geoffroy & Thierry en eurent grand pitié car ils scauoient bien que c'estoit leur mere. Et pource commencerent a plorer tendrement. Et quand elle les aperceut plorer elle s'enclina & ietta vn cry si horrible qu'il sembla a ceux qui l'ouyrent, que la tour d'eust fondre. Apres les freres se partirent pour aller a Montferras: & tant firent qu'il arriuerēt au lieu, & trouuerent leur pere trespassé, dont ils menerent grand dueil.

De l'obsequie de raymondin, & du grand dueil que Geoffroy & plusieurs autres firent.



Lelendemain vint le roy d'Arragon, la royne, & les Barons & prelatz du pays, & y auoit grand nombre de Dames Damoiselles, & des bourgeois & bourgeois de bonnes villes, & y estoient Geoffroy & Thierry mout richement habillez eux & leur gens. Adonc vindrent deuers le Roy d'Arragon, & vers les princes & Prelatz: & auoiet avec eux le prier pour leus faire congnoistre les seigneurs par nom & surnom. Et seachez que geoffroy & Thierry firent la reuerence au roy & a la royne, & aux autres Barons, & les remercierent de l'honneur qu'ils leur faisoient. Adonc entrerent au Monstier, & firent commencer le seruice & fut l'offrande fort riche, & furent les cheuaux offerts mout honorablemēt, & comme on doit faire pour vn tel prince. Et apres le seruice

fut enseuely le corps, & fut bien seellé la sepulture par dessus, qui fut noblement ouurée selon l'usage du temps. Si fut le disner fort grand, & le Roy & la Royne d'Arragō regarderent volontiers Bernardin leur neueu de Geoffroy & de Thierry, & mout leur pleut: car il seruoit les seigneurs si gratieusement que merueilles, & tant que apres graces la Royne pria au roy qu'il demandast à Geoffroy à qui c'est enfant estoit. Ya uois dist le Roy, à mon propos de le demander, car bien me plaist: & tant vaut mieux puis qu'il vous plaist. Lors il appella Geoffroy, & luy demanda de quel lignage estoit c'est enfant, que estoit si bien en doctriné. Il est fils de Ode comte de la marche, dist Geoffroy, qui est nostre frere Geoffroy: dist le roy, il est failly de noble extraction, & aussi il le monstre bien. Sçachez que l'enfant me plaist, aussi fait à la royne, & s'il vous plaisoit de le nous laisser nous en ferions tant pour l'amour de vous que nous scauriez bon gré au temps aduenir. Sire dist Geoffroy le pere en a encores deux, & deux filles, & puis qu'il vous plaist de la bonne heure fust il n'ay il nous plaist bien. Lors le Roy le remercia, & aussi fist la royne. Et depuis c'est enfant espousa la fille du seigneur de Capieres en Arragon, qui plus n'auoit d'heritier, & en son yffus les hoirs de Capieres qui viuent. Adonc le roy & la royne prindrent congé, & aussi firent les autres barons, des deux freres lesquels les conuoierent mout honorablement: & puis fea retournerēt à l'Eglise & mirent leur neueu en beau point, & luy baillerent beaucoup de finance pour soustenir son estat, & luy baillerent vn sage Escuyer pour le gouverner, & l'enuoyerent au Roy bien accompagné. Et le Roy & la royne le receurent ioyusement & l'aimerent mout. Apres ce les deux freres prindrent congé du Prier, & firent de grand biens à l'Eglise, & voulurent emmener le chappellain & le clerc de leur Pere:

mais ils ne voulurent oncques partir: & la se rendit Hermite au lieu de son maistre, & le cler demoura seruiteur comme il estoit auparauant, & puis apres s'en partirēt geoffroy & thierry son frere avec leurs gens & emporterēt le corps de leur pere. Et en toutes les villes ou ils gisoient faisoient tout autour du corps grand luminaire, & faisoient dire des messes & prier Dieu par les religieux pour leur pere & les cōuait le dit prieur de monferrāt iusques a la Cité de Parpignen, & puis print congé & s'en retourna en son Abbaye, & les deux frere & leur cōpagnie errerent rāt qu'ils vindrent a Lusignen. Lors furent mandez les Comtes de Forests de la marche, qui estoient leurs freres, & firent l'obsequie de leur pere a nostre dame de Lusignen. A celuy obsequie furent les Barons du pays, & illec fut le corps enseuely a grand noblesse & solemnité & fut fait vn grand dîner & fut adonc geoffroy retenu pour estre Seigneur de Lusignen, & cōterent a Odon leur frere comme le Roy & la royne d'Arragon, auoient voulu auoir Bernardin son fils & il respondit que Dieu ait part car ie les tiens bien employé. Lors prindrent congé les freres & les barons de Geoffroy, & retournerent chacun en leur pays.

Comme quand Lusignen change de Seigneur la Serpente Melusine s'apparist trois iours deuant.

Ceste noble Forteresse de Lusignen en Poitou depuis le temps est tant allée demain en autre qu'elle est venue entre les mains a conqueste de l'espée de haut noble & puissant Prince, Iean fils du Roy de France Duc de Berry & d'Auergne: & comte de Poitou, & Estampes, & de Boulongne, mon trescher Seigneur & redouté lequel ma commandé a faire ce present traité selon les plus vrayes croniques que i'aye leues, tant de luy comme des autres. Et ce que i'ay eu grand desir de faire son plaisir ma fait entreprendre de faire ce petit traité, & mettre en prose, lequel i'ay fait au mieux que i'ay peu faire au vray, si requiers a mon createur qu'il luy plaise que mon tres-redouté seigneur la vueille prendre en gré, & aussi sa noble sœur ma tres-redoutée dame, fille du Roy de France duchesse de bar, & au noble marquis de Lorraine cousin germain de monseigneur, qui luy a fait requerir qu'elle luy vueille escrire & luy vueille renuoyer ceste Histoire. Et aussi ie prie qu'elle puisse plaire a tous ceux qui la liront ou orront lire. Et quand est de moy ie croy ceste Histoire estre veritable. Et di& on que depuis que la forteresse de Lusignen ne demoura trente ans accomplis en mains d'homme qui ne soit extrait de ladicte lignée de par pere ou par mere, & est vray toutesfois comme vous ay dict cy dessus, quand ladicte Forteresse doit changer de maistre ou seigneur ladicte Serpente se appert trois fois par trois iours deuant.

Qvand a moy, i'ay ouy dire a mon redouté Seigneur, que du temps que Seruelle la tenoit pour les Anglois & que le siege estoit de par mondict Seigneur: que Seruelle dit que peu de temps auant que la forteresse fut renduë que iceluy Seruelle gisoit en son li&t au chasteau de Lusignen, & avec luy vne femme née de Sancerre, nommée Alexandre, qu'il tenoit en concubinage, il vit lors apparoir de son li&t vne Serpente merueilleuse grande & grosse: & auoit la queuë longue de sept a huit pieds, & estoit aornée de couleur d'azur d'argent, & ne sçeut oncques par ou elle entra car a celle heure les huis estoient fermez & auoit en la chambre grand feu qui ardoit clair, & ceste Serpente alloit & venoit debatan sa queuë sur le li&t sans leur mal faire, & Ser-

uelle dist a monseigneur qu'il n'auoit iamais, ne eut oncques puis si grand paour, & luy dist qu'il se dressa en son seant en son liect, & print l'espée qui estoit avec luy. Comment Seruelle vous qui auez esté en tant de places, auez vous pœur de ceste Serpente c'est la Dame de ceste forteresse, & qui la fit edifier, sçachez qu'elle ne vous fera iamal elle vous vient demonstret comme il vous faut deffaire de ceste place: & dist Seruelle que Alexandre ne eut oncques pœur, mais il dist bien qu'il ne fut onc affeuré & long temps apres elle se mua en guise de femme, & sembloit estre vestuë de gros bureau, & ceinte deffous les mammelles, & estoit affublée d'un couurechef a la guise du vieil temps. Et puis il dist qu'elle s'en alla seoir sur le banc aupres du feu: l'une heure auoit le visage deuers le liect, & le dos au feu, si qu'il pouuoit bien tout à plein voir la face: & bien sembloit qu'elle eust esté belle femme, & autre heure elle tenoit le visage deuers le feu, & gueres de temps ne se tenoit en vn mouuement, & dist Seruelle qu'elle demeura iniques a vne heure pres du iour. Adonc se transfigura en guise de Serpent comme deuant, & s'en alla debatant sa queuë autour du liect & sur les pieds sans nul mal faire, & puis se partit si soudainement qu'il ne vit point son departement, ne sceut onc par ou elle estoit allée. Et cecy ay ie ouy dire a monseigneur, que Seruelle luy dist & iura sur le serment que preud'homme peut faire, & iurer qu'apres qu'il l'eut veüe ladicte forteresse fut bien brieua mondect. Seigneur a qui Dieu en donne ioye & à ses hoirs.

OR est vray qu'il y a vn lieu à Lusignen aupres le puy, auquel lieu au temps on nourrissoit des poulailles qu'elle se monstroit plusieurs fois a vn homme qui est encore en vie qui demeure en la forteresse, & l'appelloit on godard, & ne lui fait point de mal, & la retraict il sur son Dieu & sur son ame qu'il est verité, Item Iuon de Galles iura par sa foy à Monseigneur, qu'il l'auoit veüe deux fois sur les murs de Lusignen, trois iours auant que la forteresse fut rendue, & plusieurs autres l'ont veüe, dont qui en voudroit deuiser la chose seroit trop longue, & encores plus auant. Il y a vn cheualier Poiteuin nommé messire Perceual de Coulogne, qui fut Chambellan du Roy de chypre: qui a dict & iuré plusieurs fois à monseigneur, que luy étant en chypre avec le roy, la Serpente s'estoit apparue à celuy Roy, ainsi que ledict Roy luy auoit dict en ceste maniere parlant a luy: Perceual ie me doute trop. Pourquoi monseigneur, dist le cheualier. Pour ce dit le Roy, que i'ay veu la serpente de Lusignen: qui c'est apparue à moy si me doute qu'il ne m'en vienne aucune perte dedans brief temps, ou a Perrin mon fils, car ainsi appert elle quand aucun des hoirs de Lusignen doit mourir, & iura Perceual que dans trois iours ladicte aduenture que chacun sçait aduint.

SI ont les princes & plusieurs esté examinez: & ay sçeu ce que les vrayes Croniques & les liures & histoires en racôtant. Et si i'ay adioustée ou dict chose en ceste histoire qui sèble a aucuns incroyable, si le me vueille pardonner. Selô ce que ie puis sçtir de aucuns auteurs, tant de grammairie cômme autre philosophe, ie repute ceste Histoire & chronique estre vraye, & les choses Faées. Et qui dist le contraire ie dis que les secrets iugemens & pugnitions de Dieu sont inuisibles & impassible à congnoistre à entendement humain, car il est trop grossier pour congnoistre l'equirice spirituelle, ne aussi les yeux naturels ne peuuent voir les choses spirituelle en comprédré que c'est & la puissance de nostre Seigneur peut adiouter ce qu'il luy plaist, comme on racôpte en

plusieurs histoires de plusieurs Faées auoir esté mariés , & auoir eu plusieurs enfans, comme ce peut faire ne peut sçauoir humaine creature: car tels points & plusieurs autre à Dieu retenus en ses secrets: & en môstre l'exemple és lieux & personne ou il luy plaist, & plus sera la personne grosse & plus enuis le croira, & plus sera delié d'engin & science naturelle plus tost aura affection que ce soit choses secretes de Dieu ne peut aucun homme bonnement sçauoir.

Combië que saint Paul dit es epistres aux Romains, que toutes choses sont sceuës par humaines creature, voire sans les secretes choses que Dieu à referuez à sa cognoissance sans autre, & la nature aux humains est à entendre à plusieurs hommes vngans qui sont par vniuerselles contrées, par ceux sont sceuës toutes choses par leur declaration de tres-parfaicte cognoissance, non pas par vn tant seulement: mais par plusieurs & ainsi est de nostre histoire: car elle est moult forte à croire, & en plusieurs lieux sceus, non pas par vn seul de ceux qu'on desire, dont ainsi que vne personne qui auoit ou ne voudroit croire maintes choses qui sont cent lieues ou moins, pres de luy, & luy seroit tres- estrange. & dira qu'il ne se pourroit faire, celuy destournera ce qu'il n'aura veu és lieux & diuerses contrées pays & nations & lira les anciens liures, & les entendra & cognoistre le vif & vray des choses séblans incroyables. Or de ce ne vous vueil plus parler ne faire mention, ie vous supplie humblement à tous si i'ay dict chose en ceste histoire qui vous soit ennuyeuse ou desplaisant que vous le me vueillez pardonner & tenir pour excusé: car si on fait le mieux qu'on peut & scait, on le doit prendre en gré car en aucuns cas bonne volonté doit estre reputée pour le fait. Et icy se taist Jean d'Arras de l'histoire de Lusignan. Et Dieu vueille donner aux trespassez la gloire & aux viuans force & victoire qu'il la puissent bien maintenir.

Cy finist l'Hystoire de Melusine nouvellement Imprimée à Troyes,
chez **NICOLAS OVDOT**, demeurant en la
rue nostre Dame au Chappon d'Or
Couronné. 1610.







